



14.8.295





COLLECTION

UNIVERSELLE

DES

MÉMOIRES PARTICULIERS

RELATIFS

A L'HISTOIRE DE FRANCE.



TOME IX.

A LONDRES;

Et se trouve à PARIS,

Rue d'ANJOU-DAUPHINE, N°. 6.

1785.

MEMOIRES

COLLECTION
UNIVERSELLE

DES

MÉMOIRES PARTICULIERS,

RELATIFS

A L'HISTOIRE DE FRANCE.

TOME IX.

CONTENANT *les Mémoires* D'OLIVIER
DE LA MARCHE.

XV^e. SIÈCLE.

IL paroît régulièrement chaque mois un Volume de cette Collection. Les Editeurs ont pris les précautions nécessaires pour qu'il en ait paru 12 volumes à la fin de l'année 1785.

Le prix de la Souscription pour 12 Volumes, à Paris, est de 48 l. ou de 24 l. pour la demi-année. Les Souscripteurs de Province payeront de plus 7 l. 4 s., à cause des frais de poste.

C'est au Directeur de la Collection des Mémoires, &c. qu'il faut s'adresser, *rue d'Anjou-Dauphine* N°. 6, à Paris. Il faut avoir soin d'affranchir le port de l'argent & des lettres.

N O T I C E

DES ÉDITEURS,

SUR LA PERSONNE

ET LES MÉMOIRES

DE JACQUES DUCLERCQ.

LES Mémoires de Jacques du Clercq , que nous publions aujourd'hui , n'avoient jamais été imprimés. Le manuscrit en est déposé à la Bibliothèque de l'Abbaye de Saint-Waast d'Arras, sous la cote G.

Jacques du Clercq nous apprend qu'il naquit en 1424 , & qu'il fut *licentié ès droits* , *conseiller de Philippe-le-Bon* , *Duc de Bourgogne* , en la *Chastellenie de Douay* , *Lille & Orchies*. Il paroît qu'il fixa sa résidence à Arras. En 1446 , il épousa la fille de Balduin de la Lacherie , Gentilhomme qui demouroit à Lille. On lit dans le cinquième Livre de ses mémoires , que son père , nommé comme lui Jacques du Clercq , s'étoit marié à une Demoiselle le Camelin , de Compiègne. Ses ancêtres toujours attachés aux Comtes de Flandres , les avoient constamment servis , soit dans leurs conseils , soit dans leurs armées.

Tome IX.

a

Suivant quelques Ecrivains (a) l'Auteur des Mémoires eut un frère qui fut Abbé de Saint-Vaast , & qui se distingua par la sagesse de son administration. Cependant il ne parle point de ce frère dans son ouvrage. Il n'en fait même aucune mention dans le tableau généalogique de sa famille qu'il y a inséré.

Les Mémoires de du Clercq parcourent un espace d'environ dix-neuf années : ils commencent en 1448 , & finissent en 1467. On voit dans la Préface que l'Auteur avoit conçu le projet de les étendre bien au-delà de cette date ; sans doute que les maladies , ou la mort , l'empêchèrent de l'exécuter. Le manuscrit , tel qu'il est sorti de ses mains , n'avoit point encore été tiré de son premier (b) dépôt ; & l'on a droit de s'en étonner , quand on réfléchit que beaucoup d'autres ouvrages du même genre , qui lui sont inférieurs à plus d'un titre , ont été réimprimés plusieurs fois. Le mérite de celui-ci consiste dans la simplicité de la narration , dans un ton

(a) Lisez . . . *Bibliotheca Belgica Valeri Andrea* , page 406.

(b) Le manuscrit même n'est connu que par l'indication très-superficielle qu'on en trouve dans la Bibliothèque Historique de la France , tome 2 , p. 195 , n°. 17297 , & par l'extrait d'un seul de ses chapitres , inséré parmi les preuves de l'édition de Comines , par Lenglet.

de bonne-foi , un certain air de franchise qui captive nécessairement la confiance du lecteur :

Je me suis enquis (dit naïvement du Clercq dans sa préface) au mieulx que j'ai sceu & pu ; & je certifie à tous que ne l'ay fait ny pour or, ny pour argent, ny pour salaire, ny pour compte à Prince qui soit, ny homme, ny femme qui vescu. Ne voulant ainsy favoriser, ny blasmer nul à mon pouvoir, fors seulement déclarer les choses advenues ; je prie tout Prince, Chevaliers & Seigneurs, si j'ay en ce mis chose qui desplaïse, que sur moy ne le veuillent imputer à mal ; car ne l'ay fait à nulle intencion de nuyre, ou vitupérer personne par hayne : aussi s'il y a quelque chose qui plaïse, qu'il ne m'en soit point sceu de gré ; car ne l'ay fait pour l'amour d'aucun, ny pour en amender.

Les diverses comparaisons que nous avons faites des récits de du Clercq, avec ceux des Historiens de son tems les plus accrédités, déposent en faveur de sa véracité. L'accord qui règne entr'eux sur les mêmes faits qu'ils racontent, est une épreuve de son exactitude, lorsqu'il est question d'anecdotes intéressantes négligées par ses contemporains, & scrupuleusement recueillies par lui seul. Ce sont ces détails particuliers sur-tout que nous avons cru devoir conserver ; car nous ne dissimule-

rons point que nous avons retranché de ces Mémoires tout ce qui ne seroit qu'une répétition de ce que l'on a déjà lu dans ceux de Richemont & d'Olivier de la Marche, ou de ce qu'on lira dans Comines & dans la savante Préface de Lenglet.

Nous convenons encore, que nous avons été tentés plus d'une fois de refondre entièrement le stile de du Clercq, souvent incorrect, diffus & plein d'expressions populaires. Mais ce que le lecteur y auroit gagné, ne s'acquiert jamais qu'aux dépens d'un bien réel. L'Historien qu'on veut faire connoître n'a plus sa physionomie; il a perdu son caractère d'originalité. Cette réflexion a d'autant plus aisément retenu notre plume, que nous atteignons l'époque heureuse où la plupart des Auteurs, qui paroîtront désormais dans cette Collection, doivent plaire autant par les agrémens d'une diction naïve, que par la clarté avec laquelle leurs Mémoires sont rédigés.

A ces Mémoires de du Clercq, nous avons joint deux pièces qui méritent l'attention du lecteur. La première (a) est une lettre de la Pucelle d'Orléans, qui n'a jamais été imprimée, & qui peint le caractère fier & singulier de cette

(a) Voyez à la suite de ces Mémoires, l'Observation, N°. 1.

filie célèbre. Cette lettre est accompagnée de remarques & d'observations judicieuses. Elles font l'ouvrage d'un Savant, membre de deux Académies, aussi recommandable par sa modestie que par la sagesse de son esprit, par la profondeur de son érudition, que par l'application qu'il en fait à éclaircir les points les plus importans de notre Histoire.

La seconde pièce est relative à Jacques Cœur (a). On y relève des erreurs accréditées par le témoignage de plusieurs Ecrivains, qui dans leurs recherches, se sont écartés des bonnes sources. Vient ensuite l'extrait d'un ouvrage attribué au même Jacques Cœur. C'est un état des Finances du Royaume, sous Charles VII, accompagné du tableau de la recette & des dépenses de ce Monarque. Ce morceau, presque ignoré, nous a paru digne d'être tiré de l'oubli.

Avant de terminer cette Notice, qu'il nous soit permis de témoigner notre reconnoissance à MM. les Religieux de l'Abbaye de Saint-Vaast, qui ont bien voulu nous ouvrir leurs Archives. Nous remercions aussi les hommes éclairés qui, par amour pour les lettres, nous ont facilité les moyens d'étendre nos recherches, & de donner un nouveau prix à cette Collection.

(a) Voyez l'Observation N°. 15.

Fin de la Notice.

MEMOIRES

M É M O I R E S

D' O L I V I E R

D E L A M A R C H E.

C H A P I T R E X X I X.

Cy commence (a) l'ordonnance du banquet que fit en la ville de Lille tres-haut & tres-puissant Prince Philippe, par la grace de Dieu, Duc de Bourgogne, de Brabant, &c. l'an mil quatre cens cinquante-trois le dix-septiesme de Fevrier.

P O U R Ç E que grandes & honorables œuvres desirant loingtaine renommée, & perpetuelle memoire, & mesmement quand lesdites œuvres sont faictes en bonne intention, je me suis entremis de mettre par escript, & enregistrer par ordre, au plus près de la verité, & selon mon petit sentement, une feste faicte à Lille le dix-septiesme jour de Fevrier l'an mille quatre cens cinquante trois, par tres-excellent, tres-haut, & tres-puyssant Prince, Monsieur le Duc de Bourgogne, de Brabant, &c. Et commença icelle feste par une jouste cedit jour; laquelle joust

(a) Ce sommaire est tel en l'Exemplaire.

avoit esté criée à un tres-beau banquet que Monsieur de Cleves donna en ladicte ville, environ dix-huict jours paravant : auquel fut mondit Seigneur, ensemble la Seigneurie, Dames & Damoiselles de sa maison, & fut le cry tel, que le Chevalier au Cigne, serviteur aux Dames, faisoit sçavoir à tous Princes, Chevaliers & nobles hommes, que le jour que mondit Seigneur feroit son banquet (lesquels banquets se faisoient l'un après l'autre) l'on le trouveroit en ladicte ville, armé de harnois de joust, en selle de guerre, pour jouter à la toile, de lances de mesure, & de courtois roquets, à l'encontre de tous ceux qui venir y voudroyent : & celuy qui pour ce jour feroit le mieux, au jugement des Seigneurs & des Dames, sans ce qu'il s'en exceptast en rien, gagneroit un riche Cigne d'or, enchainé d'une chaine d'or, & au bout de celle chaine un riche rubis, que les Dames presenteroyent à celuy qui l'auroit desservy. Tel fut le cry, par l'ordonnance & aveu de Monsieur Adolf de Cleves, lequel estoit celuy pour qui la criée se faisoit : & à ce que je vey, la criée & joust se faisoit au propos d'un entremets, qui contenoit à cedit banquet la pluspart de la longueur de la principale table. Ce

fut une nef à voile levé, moult bien faicte, en laquelle avoit un Chevalier tout droit armé, qui le corps avoit vestu d'une cote d'armes, des plaines armes de Cleves. Et devant avoit un Cigne d'argent, portant en son col un colier d'or, auquel tenoit une longue chaine d'or, dont ledit Cigne faisoit maniere de tirer la nef : & au bout de la-dicte nef seoit un chastel moult bien faict, & richement, au pied duquel flotoit un faucun en une grosse riviere : & me fut dict que ce signifioit & monstroït, comme jadis miraculeusement un Cigne amena dedans une nef, par la riviere du Rin, un Chevalier au chasteau de Cleves, lequel fut moult vertueux & vaillant, & l'espousa la Princesse du Pays, qui pour lors estoit vefve, & en eut lignée : dont lesdits Ducs de Cleves, jusques à ce jour sont issus, & pource il me semble que la maniere de la criée ensuyvoit l'effect de l'entremets. En celle nuit fut présenté le chapelet à Monsieur le Comte d'Estampes, lequel fit son banquet environ dix jours après. Ce banquet fut moult plantureux & riche, & garny de plusieurs entremets nouveaux : dont je me passe pour abreger, & pour venir à mon intention.

En ceste feste fut le chapelet (1) pré-

senté à Monsieur le Duc, en telle façon, que quand les entremets furent levez, d'une chambre saillirent grande foison de torches : puis vint l'Officier d'armes, serviteur de mondit Seigneur d'Estampes, nommé Dourdan, vestu de sa cotte d'armes : & après vindrent deux Chevaliers, Chambellans de mondit Seigneur d'Estampes (c'est à sçavoir Monsieur de Miraumont, & Monsieur de Dreul) vestus de longues robes de velours, fourrées de martres, & n'avoient rien sur leur chef : & portoyent chascun d'une main un gentil chapelet de fleurs : & après eux venoit une tres-belle Dame, jeune, de l'age de douze ans, vestue d'une robe de soye violette, richement brodée & estoiffée d'or : & luy partoyent unes manches, outre la robe, d'une moult delie soye, escrites de lettres gregeoises, & estoit son chef paré de ses cheveux, beaux & blonds, & par dessus une tocque, affulée d'un volet moult enrichy de pierrerie, & estoit montée sur une haquenée, houssee de soye bleue, & l'amenoyent trois hommes à pied, vestus de manteaux de soye vermeille, portans chaperons à cornette de soye verde, & aloyent ces trois, chantans une chanson faicte à propos, & en telle ordonnance passerent par devant

les tables, & vindrent jusques devant le lieu où estoit assis mon tres-redouté Seigneur, Monsieur le Duc, & quand l'Officier d'armes & les deux Chevaliers luy eurent fait la reverence, ledit Officier dist ce qui luy estoit enchargé, en ceste maniere :

Tres-excellent haut Prince, & redouté,
A vous venons en toute reverence.
Pour charge avons, que vous soit présenté
Ce chapelet, lequel est apporté
Par la Dame que voyez en presence.
Le Comte d'Estampes en son absence
La vous transmet en ce lieu, & envoie;
Et la nomme-t-on la Princesse de joye.

Quand l'Officier d'armes eut ce dist, les deux Chevaliers vindrent à la Dame, & luy baillerent le chapelet en ses mains, & lors les autres trois qui l'amenoyent, la descendirent de sa haquenée. Si tost qu'elle fut descendue, les deux Chevaliers l'adextrerent, & adonc elle fit la reverence à mondit Seigneur, & par uns petis degrez faicts à ceste cause, elle monta sur la table, & s'agenouilla une fois sur le bord de ladicte table, & puis se mit à genoux devant mondit Seigneur, & là demoura jusques elle eust baisé ledit chapelet, & mis sur le chef de mondit Sei-

gneur : qui à son relever la baïsa , & s'en retourna ladiſte Dame , ſon empriſe achevée. Ainſi fut preſenté le chapelet à mondit Seigneur le Duc. Parquoy il determina le jour de ſon banquet , & fit moult grans preparatoires. Au jour de ce banquet doncques , Monsieur Adolf (qui s'eſtoit faiſt crier le Chevalier au Cigne) vint après diſner , de tres-bonne heure ſur les rangs , & fut accompagné du lieu où il s'eſtoit armé , par mondit Seigneur le Duc , par Monsieur de Charolois , par Monsieur le Baſtard de Bourgogne , veſtus tous trois de robes de velours ſur velours noir , & avoyent chacun un colier d'or , moult enrichis de pierreries , comme diamans , balais , & perles : & portoit mondit Seigneur une cornette à ſon chaperon , ſi riche de pierrerie , que je ne ſçay autrement extimer , fors habillement de Prince puiſſant.

Monsieur Adolf , accompagné (comme dit eſt) de mondit Seigneur , de Monsieur de Charolois , & de Monsieur le Baſtard , & en outre de Monsieur d'Eſtampes , partit de ſon hoſtel à grand compagnie de gens , veſtus de ſes robes , & aloyent devant : & après eux alloyent tabourins , & après alloit un pourſuyvant d'armes , veſtu d'une cotte

d'armes pleine de Cignes : & après alloit un grand Cigne, merueilleusement & subtilement fait, ayant une couronne d'or au col, à quoy pendoit un escu de plaines armes de Cleves, & à celle couronne une chaine d'or, & qui d'un bout tenoit à la tresse de l'escu du Chevalier, & estoit ce Cigne adextré de deux Sagittaires moult bien faits, qui tenoyent arcs & flesches en leurs mains, & faisoient semblant de tirer à l'encontre de ceux qui vouloyent approcher le Cigne. Ledit Chevalier tenant à la chaine d'or, suivoit le Cigne armé tres-richement de toutes armes, & estoit son cheval couvert de drap de damas blanc, & bordé de franges d'or, & son escu de mesme, & à dextre, & à fenestre, & derriere, avoit trois jeunes enfans pages, habillez de blanc, en maniere (a) d'Angels, montez sur beaux coursiers, enharnachez de drap blanc, bien decoupé, & après venoit un Palefrenier, vestu de blanc sur un petit cheval, qui menoit en main un destrier couvert de drap blanc, brodé de grandes lettres d'or, & frangé d'or, à la devise dudit Chevalier, & après venoit Monsieur de Cleves, frere dudit Chevalier,

(a) Autres plus anciens en usent aussi pour Angès.

& Monsieur Iean de Coimbres, (a) fils du Roy Iehan de Portugal, avec grand nombre de Chevaliers & nobles hommes, tous vêtus de blanc, à la pareure du Chevalier, & portoyent les lances en belle ordonnance.

En tel estat & compagnie fut mené ledit Chevalier devant les Dames : & fut présenté par Toison d'or, Roy-d'armes, à tres-excellente, tres-haute, & tres-puissante Princeſſe Madame la Duchefſe de Bourgogne, & aux autres Princeſſes, Dames & Damoiſelles : & puis il fut amené és lices, & lors le cigne qu'il avoit amené avec les Sagittaires, fut mis ſur un hourd qui leur eſtoit préparé. Gerard de Roſſillon fut le premier qui ſe preſenta à l'encontre du Chevalier, auquel le Chevalier donna un ſi grand coup de la premiere courſe, qu'il luy perça & fendit ſon eſcu tout outre, dont ledit Gerard eut grand deſtourbier. Après vint Meſſire Iehan de Monfort, moult gentement houſſé de foye & de brodure. Aſſez toſt après vint Monsieur le Comte de Saint Pol, houſſé de drap d'or, dont la moitié eſtoit gris, & l'autre cramoify. Après vint Monsieur de Fiennes, couvert de velours noir à larmes

(a) C'eſt à ſçavoir en ſecond degré, & l'a nommé Jaques au Chapitre 20 precedent.

noires, monstrees d'un peu de blanc. Tantost après, Monsieur de Charolois, & Monsieur le Bastard (qui s'en allerent armer, quand ils eurent convoyé mondit Seigneur Adolf) vindrent sur les rangs houffez de velours violet, bordé de franges d'or & de foye, & leurs escus de mesmes, estans chargées lesdictes houffes de campanes d'argent, & estoient bien accompagnez de grands Seigneurs, & entre autres, Monsieur d'Estampes servoit de lance, Monsieur de Charolois.

Les dessus nommez jousterent, & plusieurs autres Chevaliers bien en point : comme Monsieur de Gruthuse, couvert de velours cramoisy, Monsieur de Mourcourt de velours cramoisy, fourré de martres, Messire Chrestien de Digoine, enharnaché de drap, chargé de campanes dorées, Messire Evrard de Digoine, couvert d'orfayerie, Messire Jehan de Chistelle, couvert de menu vair, Messire Philippe de Lalain, couvert de velours noir à larmes d'or, avecques plusieurs autres jousteurs tres-bien en point, mais de leurs coups ne sçay-je point l'extime. Toutesfois je sçay de vray, que le Chevalier au Cigne, & Louis du Chevalaut s'entrerencontrerent si durement, que tous deux s'en-

treporterent par terre, les chevaux sur leurs corps tel atournez, qu'il fut force à l'un & à l'autre d'abandonner la jousté pour ce jour : du demourant je me tay. Chacun fit son mieux de la jousté, qui faillit par trait de temps : & quand elle fut faillie, chacun se retrayt. Puis à heure convenable se trouverent en une sale, en laquelle mondit Seigneur avoit faict preparer un tres-riche banquet : & là vint mondit Seigneur, accompagné de Princes & Chevaliers, Dames & Damoiselles, & trouvant ledit banquet à servir, ils se prirent à regarder les entremets, qui edifiez y estoient. La sale où se faisoit ce banquet estoit grande & bien tendue d'une tapisserie, en quoy estoit faicte la vie d'Hercule. Pour entrer en ceste dicte, sale il y avoit cinq portes, gardées d'archers, veltus de robes de drap gris & noir, & dedans la sale avoit plusieurs Chevaliers & Escuyers, conduisant ledit banquet, desquels les Chevaliers estoient veltus de drap de damas, & les Escuyers de satin desdictes couleurs de noir & gris.

« Dans une salle immense pour son étendue, étoient dressées trois tables, que l'on pourroit plutôt appeller trois grands théâtres, vu la quantité de machines que contenoit chacune.

Sur celle du Duc , qui étoit en équerre , il y avoit quatre décorations.

1°. Un Eglise avec sa cloche, son orgue, & quatre chantres pour chanter & pour toucher cet instrument , quand leur rôle l'exigeroit.

2°. Une statuë d'enfant nu, posé sur une roche , & qui , *de sa broquette, pissait eau rose.*

3°. Une carraque , plus grande même que celles qui naviguoient en mer. On y voyoit des matelots aller & venir , porter des marchandises , grimper aux cordages , monter à la hune , & en un mot faire les manœuvres , comme s'ils eussent été en mer réellement.

4°. Une fontaine qui couloit dans une prairie, la prairie étoit garnie d'arbrisseaux & de fleurs. Des roches , semées de saphirs & d'autres pierres précieuses , lui servoient d'enceinte ; & , dans son centre, on voyoit de bout un Saint-André, de la croix du quel jaillissoit un jet d'eau.

Sur la seconde table , on comptoit neuf décorations.

1°. Une sorte de pâté , dans lequel étoient renfermés vingt-huit Musiciens , hommes ou enfans , destinés à jouer pendant certains

momens d'intervalles , & dont chacun avoit un instrument différent.

2°. Le Château de Lusignan avec ses fossés & plusieurs tours ; des deux plus petites, il découloit de l'orangeade dans les fossés. Sur la plus haute on voyoit Mélusine déguisée en serpent.

3°. Un moulin placé sur un tertre. Au haut d'une des ailes , étoit attachée une pie , elle servoit de but à des gens de tous les états, lesquels s'amusoient à tirer de l'arbalète.

4°. Un vignoble au milieu duquel étoient deux tonneaux qui représentoient le bien & le mal. L'un contenoit une liqueur douce ; l'autre, une liqueur amère , un homme richement habillé , & assis à califourchon sur l'un des tonneaux, tenoit en main un billet par lequel il offroit le choix de ses liqueurs à quiconque vouloit y goûter.

5°. Un désert où étoit représenté un tigre combattant contre un serpent.

6°. Un Sauvage, monté sur un chameau, & sur le point de faire un grand voyage.

7°. Un homme qui, avec une perche , battoit un buisson où s'étoient réfugiés beaucoup de petits oiseaux. Près delà , dans un verger clos d'une treille de roses, étoit

assis un Chevalier avec sa maîtresse , ils attrapotent les oiseaux que chassoit l'autre , & les mangeoient ; sorte d'allégorie satirique , assés ingénieuse , & qui probablement a donné lieu à l'expression proverbiale , *bâttre les buissons pour un autre*.

8°. Des montagnes & des roches chargées de glaçons pendans. On y voyoit un fou monté sur un ours.

9°. Un lac environné de plusieurs villes & châteaux , & sur lequel voguoit à pleines voiles un navire.

La troisième table , plus petite que les deux autres , n'avoit que trois décorations : un marchand mercier qui passoit par un village avec sa balle sur le dos ; une forêt des Indes , remplie de différens animaux automates qui marchotent ; enfin un lion attaché a un arbre , & près duquel un homme frappoit un chien.

A droite & à gauche du buffet , qui étoit garni de vases de cristal , de coupes ornées d'or & de pierreries , & d'une quantité immense de vaisselle d'or & d'argent , il y avoit deux colonnes. L'une portoit une statue de femme nue , dont , pendant tout le souper , la mamelle droite fit couler de l'hippocras , & qui , *pour cacher ce qu'il appartenoit* ,

s'enveloppoit d'une serviette chargée de lettres grecques écrites en violet. A l'autre colonne étoit attaché, par une chaîne de fer, un lion vivant, il sembloit garder la femme nue ; ce qu'annonçoit une inscription, en lettres d'or, sur une targe, *ne touchez à Madame.*

Il est probable que par cette femme nue, & ces lettres grecques, on avoit voulu représenter Constantinople dépouillée par le lion qui défendoit d'y toucher, le Duc de Bourgogne ; & par l'homme qui battoit le chien devant le lion, Sultan Mahomet.

Outre la multitude de machines que je viens d'indiquer, la salle contenoit encore cinq échaffauds pour les spectateurs qui n'étoient pas du souper, & surtout pour la foule d'étrangers qu'avoit attirés à Lille le bruit de cette fête.

Le Duc étant arrivé avec sa Cour, il se promena d'abord pendant quelque tems dans la salle, pour examiner les différentes décorations, après quoi il se mit à table, & les maîtres d'hôtel servirent.

Chacun des services étoit composé de quarante quatre plats ; & chacun par des machines, descendit du plafond sur des chariots peints en or & en azur, à la devise du Duc.

Dès qu'il fut assis avec les convives, la cloche de l'Eglise sonna, aussitôt trois petits enfans de chœur, sortant du pâté, commencerent, *en guise de bénédicité, une très douce chanson* ; & un berger joua de la mufette. L'instant d'après parut un cheval, escorté par quinze ou seize Chevaliers à la livrée du Duc : il marchoit à reculons, & portoit deux trompettes masqués, lesquels étoient assis à crû & dos à dos. Il fit ainsi avec les Chevaliers, le tour de la salle, toujours à reculons ; & , pendant ce tems, les deux trompettes jouèrent des fanfares.

Eux sortis, l'orgue de l'Eglise se fit entendre ; & l'un des Musiciens du paté donna du cor allemand. Alors entra une grande machine automate qui représentoit un sanglier énorme, le sanglier portoit une sorte de monstre, moitié homme, moitié griffon ; & le monstre portoit lui même un homme sur ses épaules. Il ne fut pas plutôt sorti que les chantres de l'Eglise chantèrent un air, & que trois musiciens du paté exécutèrent un trio ; l'un jouant de la douçaine, le second du luth, le troisième d'un autre instrument.

Tels étoient les différens jeux dont fut composé le premier *entremets*. Tous, à la musique près, n'étoient que des farces étran-

gères à la fête ; & il en fut ainsi du second : mais ils préparoient au dernier dans lequel le sujet de cette fête devoit être expliqué pathétiquement.

Quant au second, ce fut une pantomime dramatique, en trois actes, représentant la conquête de la toison d'or par Jason ; sorte d'histoire qui rappelloit aux spectateurs l'ordre de cette toison qu'avoit institué le Duc, vingt-trois ans auparavant.

Pour ce spectacle, on avoit élevé à l'un des bouts de la salle un théâtre particulier, qu'un grand rideau de soye verte déroboit aux yeux des spectateurs. Tout à coup on entendit, derrière le rideau, une symphonie de clairons ; il s'ouvrit ; & l'on vit le Jason attaquer & soumettre au joug deux taureaux vomissans des flammes, auxquels étoit confiée la garde du jardin des Hespérides. Ensuite le Heros combattoit un Dragon, monstrueux, lui coupoit la tête, & lui arrachoit les dents. Enfin il labouroit un champ, avec les bœufs qu'il avoit domptés ; il y semoit les dents du dragon ; & aussitôt naissoit du sein de la terre, une armée de Soldats qui se battoient avec acharnement, & s'égorgeoient tous.

Les trois actes de cette sorte d'opéra ne se succédèrent pas immédiatement les uns
aux

aux autres. Ils furent remplis par quelques intermèdes, dans le gout de ceux du premier *entremets*. Ce fut un jeune homme qui arriva sur un grand cerf blanc aux cornes dorées, & qui chanta un duo avec son cerf; un dragon de feu qui traversa la salle en volant; enfin une chasse au vol, dans laquelle on vit deux faucons abattre un héron, qu'on présenta ensuite au Duc. Ces intermèdes furent accompagnés, soit par un morceau d'orgue, soit par une chanson des chantres de l'Eglise, soit par quelque morceau de musique, des gens du pâté; musique qui, à chaque fois, fut exécutée sur un instrument nouveau.

Au reste tous ces petits spectacles successifs n'étoient, comme je l'ai dit, qu'un amusement préliminaire; ou, pour me servir de l'expression des deux auteurs que j'extraits, ce n'étoit qu'un *passé-tems mondain*, donné aux spectateurs pour les amuser, en attendant la grande scène, la scène qui alloit expliquer le sujet de la fête, & qui étoit le véritable *entremets*. Elle s'ouvrit par un géant, coëffé d'un turban à la morefque, & vêtu d'une longue robe de soye verte rayée. Il tenoit dans la main gauche une guisarme, selon l'ancienne mode; & de la

droite conduisoit un éléphant. L'animal portoit sur le dos une tour, dans laquelle étoit une femme qui représentoit l'Eglise. Elle avoit sur la tête un voile blanc, à la maniere des Religieuses; sa robe étoit de satin blanc; mais son manteau étoit noir, afin de marquer sa douleur.

Quand elle fut arrivée devant le Duc, elle chanta un triolet pour faire arrêter le géant, & commença une longue complainte en vers, où, après avoir exposé les maux que lui caufoient les infidèles, elle implora le secours du Duc & des Chevaliers de la toison qui se trouvoient là. Alors entrèrent différens Officiers, & le Roi d'armes de l'ordre, suivis de deux Chevaliers du même ordre, qui donnoient la main à deux Demoiselles, dont l'une étoit la fille naturelle du Duc.

Le Roi d'Armes portoit un faisan vivant, orné d'un collier d'or avec pierreries. Il s'approcha du Duc; & après une profonde révérence lui dit que la coutume des grands festins, étant d'offrir aux Princes & aux gentilshommes, un paon ou quelque oiseau noble, pour faire un vœu, il venoit avec ses deux Dames, présenter à sa valeur, un faisan. Le Duc pour répondre à cette proposition,

donna un billet écrit de sa main, qu'il avoit préparé d'avance, & qu'il fit lire tout haut. Il y vouoit à *Dieu premierement, puis à la très-glorieuse Vierge sa mere, ensuite aux Dames, & au faisan*, que si le Roi de France son Seigneur, ou quelques autres Princes chrétiens vouloient se croiser contre le Turc, il les suivroit, ou les accompagneroit; & qu'il combattroit même contre le Sultan, corps à corps, si celui-ci vouloit y consentir.

La Dame Sainte-Eglise l'ayant remercié, elle fit le tour de la salle avec son éléphant; & pendant ce tems, presque tout ce qu'il y avoit là de Princes & de grands Seigneurs, voua, sur l'oïseau, des prouesses extravagantes: tel, de ne point boire de vin; tel autre, de ne point s'asseoir à table, ou de ne point se coucher un jour de la semaine, jusqu'à ce qu'il eut rencontré l'armée des infidèles; celui-ci, de l'attaquer le premier; celui-là de renverser la bannière du Sultan; un autre de ne point revenir en Europe, sans ramener un Turc prisonnier. Enfin ce qui nous donnera une idée de la dévotion de ces croisés nouveaux, il y en eut un qui voua que si jusqu'au moment du départ il ne pouvoit obtenir les faveurs de sa dame, il

épouserait la première Demoiselle qu'il trouveroit, ayant vingt-mille écus.

Quant les vœux furent faits , une troupe de musiciens entra à la lueur d'une grande quantité de torches. Douze Dames les suivoient , accompagnées chacune d'un cavalier, & chacune représentant une vertu , elles commencerent une danse , & c'est ainsi que se termina la fête ».

C H A P I T R E X X X .

Ensuyvent une partie des vœux, que firent après le tres-noble, & tres-redouté Prince Philippe par la grace de Dieu Duc de Bourgogne, de Brabant, &c. plusieurs autres grands Seigneurs, Chevaliers, Gentils-hommes, l'an mille quatre cens cinquante-trois.

LE premier qui après Philippe surnommé le Bon , Duc de Bourgogne, fit son Vœu , fut le Duc de Cleves neveu du Duc : puis le Comte de Saint Paul, qui en fit autant : & ensuite le Seigneur de Pons, lequel promit de ne coucher jamais dans le lit les Samedys, jusques à ce qu'il eust fait & accompli son Vœu : le Comte de Charolois fils du Duc : le Comte d'Estampes ne-

veu du Duc : Adolf de Cleves aussi son neveu : Iean de Coïmbres : le Seigneur de Fiennes frere du Comte de Saint Paul : Antoine Bastard de Bourgongne : le Comte de Heurnes (ou pluſtot de Hornes) qui dit tenir ſa Comté de trois Seigneurs , à ſçavoir , de l'Empereur , & des Seigneurs de Gueldres & de Liege, le Vœu duquel Comte eſt traduit de l'Alemand en François : le Comte de Boucamp : Huë de Lannoy : Antoine Seigneur de Crouy , Comte de Portian , premier Chambellan du Duc de Bourgongne , Chevalier de l'Ordre de la Toiſon d'Or : Aloſt de la Marche : Pierre de Boiffremont Sieur de Charny , de Molinet & de Montfort , Chevaliers de l'Ordre de la Toiſon d'Or : Iean de Crouy S^r de Chimay , grand Bailly de Haynaut , Chevalier de la Toiſon d'or , frere d'Antoine de Crouy : M. de Crequy Chevalier de l'Ordre de la Toiſon d'or : Simon de Lalain Seigneur de Montigny , Chevalier de l'Ordre de la Toiſon d'or : Iean de Luxembourg Bastard de Saint-Paul , Seigneur de Halbourding , Chevalier de l'Ordre de la Toiſon d'or (lequel en autres choſes promet , de ne ſe deſiſter de ſon entrepriſe , juſqu'à ce qu'il aye en ſa poſſeſſion le Turc , mort ou viſ ,) Iean S^r d'Auxi Conſeiller &

Chambellan du Duc de Bourgogne, & premier Chambellan du Comte de Charolois, Chevalier de l'Ordre de la Toison d'Or : le Seigneur de Lannoy Conseiller & Chambellan du Duc de Bourgogne, Chastelain de Thomichon, & de par luy son Lieutenant en ses pays de Hollande, Zelande, & Frise, Chevalier de la Toison d'Or (qui fait son Vœu sous le bon plaisir du Roy & du Duc :) Nicolas Rolin Chevalier Seigneur d'Authune, Chancelier du Duc de Bourgogne (lequel à cause de son grand aage, promet & vouë, d'envoyer en sa place, en ce voyage d'outremer, un de ses enfans, accompagné de vingt-quatre Gentils - hommes, armez & montez comme il faut, & entretenus à ses despens tant & si longuement que le Duc y sera) le Seigneur de Ligne : le Seigneur de Lalain, & Messire Sans (a) de Lalain freres, faisans leurs Vœux ensemblement : Charles de Chaa-lon neveu du Prince d'Orenge : Charles de Rochefort (qui nomme son maistre le Comte d'Estampes) : Iean de Ghines (b) Seigneur de Bergues sur Lezon, premier Chambellan du Duc de Cleves (la signature de celuy-là est du dix-huictiesme Fevrier) : Philippe de Hornes Seigneur de Bauffegines, de Hon-

(a) Ou Sanche.

(b) Ou Guines.

descote, de Heze, & Vicomte de Berges (a) :
 Louys de la Viefville (b) Seigneur de Sains,
 Capitaine de Gravanches & de Bourbourg :
 Iean Seigneur de Commines : Antoine Sei-
 gneur de Crevecœur : Iean du Bois Seigneur
 de Hennequin, (lequel vouë, depuis le
 jour de son despart, de ne manger, chaque
 Vendredy, chose aucune qui ait reçu mort,
 jusques à ce qu'il se soit trouvé combattant
 main à main contre les ennemis de la sainte
 Foy; & promet au peril de sa vie, d'aborder
 la Banniere du grand Turc en un combat,
 s'il la peut aucunement resconnoistre, afin de
 la renverser) : Pierre Seigneur de Bouffu (c),
 & Messire Philippe de Lalain voüans ensen-
 semblement : Thiebaut (d) de Rougemont : Iosse
 de Haleuvin Seigneur de Preuves : & Messire
 Gaules du Fossé (qui voüent ensemblement
 en la ville de l'Isle, dans la Cour & Salle du
 Duc, auprès de l'Eglise de S. Pierre) : Louys de
 la Gruthuse : Philippes Pot (qui voüa de ne
 mettre, depuis le premier jour qu'il seroit
 party, aucune armure en son bras droit, &
 de ne s'asseoir à table les Mardys jusqu'à ce
 ce qu'il se fut trouvé en quelque défaite des
 Turcs; au dessous duquel Vœu, donné par

(a) Ou Bergues. (b) Ou Viefville.

(c) Ou Bosfu. (d) Ou Thibaud.

escrit, le Duc commanda au Roy d'Armes de la Toison d'Or d'escire, que ce n'estoit point son plaisir, que ce Chevalier vint en sa compagnie au saint voyage, le bras defarmé, mais au contraire, bien & suffisamment armé) ; Claude de Thoulonion Seigneur de la Barre : Antoine de Rochefort (son Vœu en datte du dix-huictiesme de Fevrier) : Antoine Rolin Seigneur de (a) Meries (lequel promet de servir à ce voyage, si son pere luy veut permettre, & fournir dequoy pour les fraiz.) : Hugué (b) de Longueval Seigneur de Vaux (lequel promet, que depuis le jour qu'il sera party pour aller audit voyage, il ne boira point de vin, jusqu'à ce qu'il aye tiré du sang d'un Infidele ; & adjouste encore, qu'il ne reviendra point de ce voyage, jusqu'à ce qu'il y aye été deux ans entiers, quoy que la compagnie avec laquelle il seroit venu s'en retournaist ; si ce n'estoit, qu'avant ces deux ans expirez, la ville de Constantinople fut reprise & reconquise par les Chrestiens :) Robert Seigneur de Miramont : Antoine de Ray (c) Seigneur de Feneu (lequel promet que du jour qu'il seroit party, il ne se mettroit à table les Sa-

(a) Ou d'Aimeries, ou d'Emerie. (b) Ou Hugues,

(c) Ou Rœux.

medys & ne mangeroit que pain & eauë, en l'honneur de la Vierge Marie, jusqu'à ce qu'il eust veu les Infideles en bataille) : Guillaume de Vandres Seigneur de Corleron (lequel voïa de ne se departir de ce voyage jusqu'à ce qu'il eust présenté au Duc un Infidele pris prisonnier) : Monseigneur de Contay, Maistre-d'Hostel de la Duchesse de Bourgogne ; Messire Geoffroy de Thoisy Seigneur de Mimeure : Messire Iean de Rosimbos Seigneur de Fourinelles, Chambellan du Comte de Charolois (lequel promet de ne retourner au pays où il est né, jusqu'à ce qu'il se soit trouvé en quelque bataille contre les ennemis de la Foy, & sur terre & sur mer) : Messire Baudin Domgins Gouverneur de Lisle, & Seigneur d'Estrées : Messire Iean de Beauvoir : Messire Iean de Hingettes Seigneur de Fretin : Messire Alard de Rabodines (a) (la signature de sa cedula est du vingtiesme Fevrier 1453) : Simon Seigneur du Chasteler, Conseiller & Maistre-d'Hostel du Duc de Bourgogne : Messire Guy (b) de Brimeu Seigneur de Hombercourt : Messire Iacques de Dringhain (sa datte est du vingt-deuxiesme Fevrier mil quatre cent cinquante-trois) ; Messire Chres-

(a) Ou Rabodegnes.

(b) Ou Guyot.

tien de Digonnes Seigneur de Tranges (a) : & Messire Erard de Digonnes, Seigneur de Saint-Souïay, freres, voüans ensemble (lesquels promettent, s'il advient de se trouver en bataille contre les Infidelles, de faire tout leur possible pour renverser & mettre à bas la premiere enseigne qui apparoiſtra des ennemis; & outre plus, Chrestien de Digonnes vouë, que s'il retourne de ce voyage en fanté, il repassera par trois Royaumes chrestiens, dedans lesquels il signifiera entreprise, pour faire armes à pied & à cheval) : Messire Claude de Rochebaron, Seigneur de Sanures : Louys de Contay, Seigneur de Mourcourt : Messire Antoine Bastard de Brabant, & Messire Federic (b) de Vuitem (qui voüent ensemble,) & Messire Philippes Bastard de Brabant, frere dudit Antoine, de mesme que les autres deux : (ils promettent estans arrivez en Turquie, de prier qu'on leur donne congé d'estre les avant-coureurs, & qu'en ce cas ils porteront l'enseigne de Nostre-Dame en baneroles (c), sur leurs salades, ou sur les habillemens de teste qu'ils auront), Messire Iosse de Coennighe: Mes-

(a) Ou Thienges.

(b) Ou Frederic.

(c) Ou bannieres.

fire Iean du Chasteler (a) : Messire Pierre Wast de Saybedra, (lequel promet, s'il arrive bataille, d'aborder la banniere ou signe du grand Turc, en telle maniere qu'il l'abaissera & y lairra des enseignes de son exploit;) Messire Philippes de la Vieffville, Seigneur de Mammez, (lequel promet, après cette guerre achevée, de faire le voyage de Ierusalem), Iacques de Harchies, (lequel vouë d'assaillir les ennemis tout des premiers), Pierre de Miraumont, Seigneur de la Bouteillerie : Iean Bastard de Renty, Seigneur de Clary (b), Conseiller, Chambellan & Maistre-d'hostel du Duc de Bourgongne (la datte est du vingt-huictiesme Fevrier mil quatre cent cinquante-trois) : Messire Leon de l'Hoiïardie (c) : Messire Louys Morel : Philippe de Noyelle, Chastelain de Langle (il vouë d'aborder & combattre le Turc, ou quelque autre Prince infidelle, le jour de la bataille) : Guillaume de Cicon, premier Escuyer d'escuyerie du Comte de Charolois : Antoine de Lournay, Escuyer traïchant du Duc de Bourgongne, (lequel vouë, s'il reconnoist en un combat un Roy infidelle, de luy donner un coup d'espée sur la

(a) Ou Chastelier.

(b) Ou Clery. (c) Ou l'Hoiïarderie.

couronne qu'il porteroit sur la teste,) Emaré Bouton, Escuyer, Essanson (a) du Duc de Bourgongne (lequel promet, à la premiere bataille qui se donnera contre les Infidelles, d'estre avec la premiere enseigne de sa nation,) Iean Boudault, Iacques de Villers, Escuyer, Seigneur dudit lieu, Eschançon du Duc de Bourgongne, Guiot d'Uzi, aussi Eschançon dudit Duc, Iacques de Montmartin, Pannetier, & Guillaume de Saux, Eschançon d'iceluy Duc, & Pierre de Haggambac, Chambellan du Duc de Cleves (qui voüerent ensemble & promirent, que du jour de leur depart, ils ne seroient les Lundys de tout le jour à table un an durant; & qu'ils feroient armes à pied & à cheval contre trois des gens du Turc :) Herne (a) de Meriadet, Escuyer d'escuyerie du Duc de Bourgongne, Iean de Chassa, autrement Benetou, Escuyer tranchant du Duc de Bourgongne, (lequel voüe, entre autres choses, que jamais la teste de son cheval ne retournera, qu'il n'aye veu la banniere ou enseigne du Turc abbatuë ou gagnée,) Louys du Chevalart, Eschançon du Duc de Bourgongne, (qui promet, que dés-lors que le Duc approchera à quatre journées près des

(a) Ou Eschançon.

(b) Ou Heruë.

frontieres des ennemis de la Foy, il ne portera chapeau ny chaperon sur son chef, jusqu'à ce qu'il ait trouvé un des Infidelles, pour le combatre à pied, ou à outrance, ayans le bras droit nud, excepté le gantelet :) Iean de Saily, Escuyer tranchant de Mademoiselle d'Estampes, (il promet que quand il sera arrivé à la fin du voyage, il combatra un Infidelle corps à corps, ou bien qu'il fera la conquête d'un d'iceux, pour en pouvoir faire à sa volonté, ou qu'il demeureroit deux ans en la plus prochaine frontiere de leur pays :) Gerard de Roussillon, Escuyer Pannetier de Monseigneur de Charolois, Englebert (a) d'Orlay, Eschançon du Duc de Bourgongne; (promet de ne tenir son bras droit armé durant ce voyage, jusqu'à ce qu'il aye combatu un Sarasin corps contre corps,) Estienne de Falentin, Escuyer tranchant dudit Duc; (il vouë de se trouver avec la premiere enseigne de sa nation, qui ira fondre sur les Turcs,) Roland de Disquemüë; Roberd Bastard de Saveuses, Escuyer trenchant d'iceluy Duc; (il offre de combatre à outrance un Turc, à pied ou à cheval, tant que l'un ou l'autre soit vaincu,) Iean de Marfilles, Escuyer Pannetier du mes-

(a) Ou Engilbert.

me Duc; (il promet d'aller à ce voyage, à moins qu'il soit malade à l'extrémité, & de n'abandonner son Seigneur jusques à la mort, pour quelque nécessité, fortune, ou adversité qui luy advienne) : Garin de Brimeu, Pannetier du Duc, & Maître Veneur de son hostel; (il promet, qu'au cas qu'il ne puisse aller au voyage, il enverra homme de bien à ses despens, payé pour un an) : Guillaume de Montigny, Escuyer tranchant du Comte d'Estampes; (il vouë, que dès l'heure qu'on partira pour ce voyage, il ne cessera de porter jour & nuit une piece de harnois (a), jusqu'à ce qu'il aye eu affaire avec quelqu'un des ennemis; & qu'en signe de penitence, il ne boira jamais de vin le Samedi, ny ne couchera dans un lit, ny s'asseoira à table lesdits jours de Samedi, ains qu'il jeusnera en ces jours-là, & portera l'estamine, ou vestira la haire, & cela depuis le depart, jusqu'à ce qu'il ait accompli le vœu (b) desusdit) : Philippes de Secounes-Honnes, Eschançon du Duc de Bourgongne; (il promet, qu'estant arrivé à quatre journées près des Sarrafins, il ne mangera point de chair les Dimanches, jusqu'à ce qu'il ayt combatu

(a) C'est à dire, de armure.

(b) Différentes conditions de tous ces vœux.

contre un Sarrafin, & qu'il l'ayt défait) : Iean Grigaut, Escuyer Pannetier du fufdit Duc : (vouë que dès le jour qu'il partira pour aller audit voyage, il ne boira point de vin les Samedys tout le jour, un an durant, jufqu'à ce qu'il aye abbatu un des Infidelles les pieds contremont) : Martin Frufe (promet de ne retourner jamais de ce voyage, tant qu'il trouvera dequoy s'occuper pour servir contre les Infidelles) : Ieannet de Breniettes (a), Escuyer tranchant du Baf-tard de Bourgongne (vouë, entre autres chose, que s'il ne jöiyt point de fa Dame entre-cy & le voyage ; que la premiere Dame ou Damoifelle qui aura vingt mille efcus, il la prendra en (b) mariage, fi elle veut) : Guillaume de Cathandre, Escuyer Eschançon du Duc de Bourgongne ; (il offre de s'employer avec les premiers fur mer) : Olivier de la Marche, Officier du Comte de Charolois : (vouë de ne revenir de ce voyage jufques à ce qu'il fe foit trouvé en lieu, où par honneur il puiſſe veſtir fa cotte d'armes, s'il luy plaift, à l'encontre des Infidelles, & ce en fi honorable rencontre, qu'il y

(a) Ou Rebreniettes.

(b) Ce vœu paroît avoir bien peu de rapport avec le fujet de toute cete ceremonie.

en ait cinq cent hommes du moins de défaits.

CHAPITRE XXXI.

Du mariage de l'aîné fils de Crouy à une fille du Comte de Saint Pol: du voyage du bon Duc Philippe en Alemaigne: & du mariage du Comte de Charolois, avec Madame Isabelle de Bourbon.

EN ce mesme temps le Seigneur de Crouy, estant à Luxembourg, fit espouser Iehan de Crouy son fils aîné, à la fille du Comte de Saint Pol, laquelle fille fust baillée és mains du Seigneur de Crouy, pource qu'elle estoit jeune & enfant: & fut traité iceluy mariage entre le Comte de Saint Pol, pere de la fille, & le Seigneur de Crouy, pere du fils. Mais pour aucun mal content, ou autres causes, ledit Comte de Saint Pol ne vouloit point que le mariage se parachevast: & toutesfois il n'avoit sa fille en ses mains: mais l'avoit le Seigneur de Crouy, comme dict est. Parquoy il fit consommer le mariage, & envoya prier le Comte & ses amis, notablement: mais le Comte n'y voulut point aller, ne les amis, dont grande haine se conceut entre les parties: & toutesfois fut & demoura fait

faist ledit mariage : & soubtiva chacun de troubler son compaignon , & de l'effect , & de ce |qui en advint je deviseray cy après. En ce temps du banquet du Duc , se trouva à Lille le Comte de Saint Pol , comme l'on peut voir cy dessus , & ne se contenta point le Duc du vœu (a) qu'il avoit faist en sa presence : pource qu'il ne se monstroït point fuget, tel qu'il estoit.

Or fit le Comte une grande feste à Cambray, où il y eût tournois & joustes, & grans

(a) Il n'y a aulcunement parlé de ce vœu auparavant à ceste cause , mais j'ai atteint un Livre , auquel estoient redigez par escript tous les vœus devant recitez , desquels vœus ne feray icy aucun recit , sauf que seulement du vœu du Comte de Saint Paul , servant à esclairsir la matiere icy subiecte ; & parle ledict vœu en telle sorte : « Je vouë aux Dames & au Faïtant , que » avant qu'il soit six sepmaines , je porteray une en- » prise en intention de faire armes à pied & à cheval , » laquelle je porteray par jour , & la pluspart du temps ; » & ne le lairray pour chose qu'il m'advienne, si le Roy » ne le me commande , ou si armée se face aller sur les » infideles par le Roy en sa personne , par son com- » mandement , ou autrement si c'est le bon plaisir du » Roy , j'iray en ladicte armée de tres-bon cœur pour » faire service à la Chrestienté ; & mettray paine , au » plaisir de Dieu , d'estre des premiers qui assembleront » avec lesdicts infideles ».

entremets : mais pour la cause fufdide, ne vouloit fouffrir le Duc, que nul de fon hostel y allaft : & commencereut telles chofes à mettre le (2) Comte en defidance & foupçon, parquoy il s'elonna de la maifon de Bourgongne : & fe tenoit avecques le Roy de France. En ce temps le Comte avoit befongné avecques le Duc Charles de Bourbon, pour avoir Yfabel de Bourbon fa fille, en aliance de mariage pour Iehan de Luxembourg, aîné fils du Comte : mais la Damoifelle avoit eûte nourrie avec la Duchefle de Bourgongne, & estoit en la maifon du Duc, qui estoit fon oncle, parquoy le Comte ne parvint point a fon emprise : & advint qu'en difsimulant ledit mariage, le bon Duc qui avoit empris d'aller à (a) Riffebourg, & ne fçavoit s'il passeroit outre ou s'il auroit autre deftourbier, fut confeillé qu'avant fon partement il mariaft fon fils : & voyant les mœurs, vertus, & conditions de fa niece, Yfabel de Bourbon, deffufdide, il prit en fon opinion de la donner à femme à fon fils, & envoya querre le Comte à toute diligence, qui desja avoit pris congé de luy, pour aller en Holande çs affaires

(a) Ou bien Rinsbourg, qui est Ratisbonne, comme l'avons monftré ailleurs.

du Duc son pere : lequel revint hastivement pour obeir.

Et à la verité la Duchesse ne conseilla point le mariage, pource qu'elle queroit & entendoit de marier son fils en Angleterre, à la fille aînée du Duc d'York (qui depuis fut Duchesse d'Exestre) pource qu'elle le vouloit alier en Angleterre, où elle avoit le cœur par nature : car elle fust fille d'une fille de Lancastre, mariée au Roy de Portugal son pere : & toutesfois fut le Duc obey de la mere, & du fils : combien qu'à ceste cause furent aucuns differens en ceste matiere. Moults prisoit & louoit la mere les vertus & conditions de la noble Damoiselle. Si furent fiancez secretement : pource que le Duc n'avoit le consentement, ne le sceu du Duc de Bourbon, pere d'elle, ne de la Duchesse, sœur germaine du Duc : & tendoit le Duc d'avoir la Seigneurie de Chasteau-Chinnon, pour joindre à Bourgongne. Si fut envoyé Jehan Boudaut, Escuyer dessus nommé, pour conduire ceste matiere : & s'en retourna le Comte en son voyage de Holande.

Le bon Duc, (qui tout ardoit de faire son voyage; & d'executer ce qu'il avoit promis) fit diligenter son partement : & se partit à moins de cent chevaux, de la ville de

Lille , le quinzième jour de Mars iceluy an cinquante trois : & se fit guider à Chastel en Porcien, dont le Seigneur de Crouy estoit Comte & Seigneur : & sied assez près de Bar-sur-Aube , entrée du pays de Bourgogne ; où il fust noblement receu : & ainsi se mit le Duc en son voyage d'Alemaigne , & laissa son fils Gouverneur de tous ses pays en son absence. Il laissa ses pays en paix & union , en richesses , en justice , & en toutes les bonnes prosperitez , que Prince peut laisser pays. Il laissa son fils pourveu de conseil comme du Chancelier Raolin , du Seigneur de Crouy , du Seigneur de Goux , & d'autres grans personnages : & certes ses pays demourerent en telle prosperité , que l'on pourroit dire d'eux , ce que dict le Poete , quand il dict que les siecles esloyent dorez : & en ce gouvernement se gouverna le Comte Charles si bien , & si vertueusement , que nulle chose n'empira en sa main : & quand le bon pere revint de son voyage , il trouva ses pays entiers comme devant. En ce temps plusieurs nobles hommes & femmes , de l'hostel du Duc , se rendirent en l'observance : & nommement Anthoine de Saint Simon , Anthoine de Saily , Jehannin d'Or ; & plusieurs autres , qui menerent moult belle ,

& sainte vie, & ainsi s'en alla le Duc en Alemaigne, & son fils demoura Gouverneur pour luy : & nous tairons un peu a parler du noble Comte, & parlerons du pere, & comment il exploita en Alemaigne.

Quand l'Empereur Frederic (a) d'Austrice sceut la venuë du Duc Philippe de Bourgogne en Alemaigne, luy cräintif de sa personne, & voyant que tous les Princes d'Alemaigne faisoient grand honneur audit Duc, & le festoyoient honnorablement, se retira es dernieres parties de son Empire : & manda au Duc qu'il n'allast plus avant pour celle fois, & qu'il envoyeroit devers luy, pour eux entendre l'un l'autre. Ce qu'il fit, & y envoya son Chancelier (qui fut depuis Pape Pie) mais ils ne se peurent accorder : & demoura la chose en rouverte : & durant ce temps le Duc Philippe prit une grande maladie, & fut longuement malade en une ville d'Allemaigne : toutesfois par la grace de Dieu il en eschappa : & sans faute, les Princes d'Alemaigne le festoyerent grandement (comme ceux de Baviere, à qui il estoit parent) & autres nobles Princes, qui moult honnorablement le receurent & festoyerent : & le bon Duc, voyant & con-

(a) Icy se peult commencer l'an 1454.

gnoissant qu'il n'auroit autre responce de l'Empereur, se delibera de s'en retourner en ses pays. Ce qu'il fit ; & fut grandement festoyé en l'hostel du Prince d'Orange : & en ce temps le Seigneur d'Antre maria son fils à la fille de Neuf - Chastel : & de ceste aliance de Vergy, & de Neuf-Chastel, fut faite grande extime en Bourgoigne, pource que ce sont deux grandes maisons.

Le Seigneur d'Antre fit diligence d'arrester le Duc son Seigneur à icelles nopces : lesquelles furent moult plantureusement servies de vins & de viandes, & y furent toutes les Dames'du pays : & devez entendre que le Seigneur d'Antre fut le plus large, & abandonné de ses biens, qu'homme de son temps, & ne plaindoit nulle despence. Les nopces durerent quatre jours, & y estoit tout homme defroyé, & mesmes par les villages au fraiz, & à la despence dudit Seigneur d'Antre : & à la verité, iceluy Seigneur d'Antre fut un des larges despensiers, & des liberaux hommes, qui fut de son temps. La feste achevée, le bon Duc (qui avoit le cœur & la volonté que le mariage se fit de son fils, & de sa niece) depescha Messire Philippe Pot, un sien Chevalier privé : & par lettres, & par commandement de bouche, manda à son

filz, qu'il espoufist fa dicte niepce, & qu'il trouvaft le mariage confommé à son retour. Ce qui fut faict & accompli selon le defir du pere : & à la verité, ladicte Dame estoit toute vertueuse, & digne de ce grand bien avoir (a). Les noces furent à Lille, & y eust riches joustes, car Monsieur de Raveftain, & Monsieur le Bastard firent la feste grande & plantureuse : & ainfi fut Madame Yfabel de Bourbon, Comteffe de Charolois : & fut ledit mariage en l'an mille, quatre cens, cinquante quatre.

C H A P I T R E X X X I I .

D'un combat à oultrance, faict entre deux Bourgeois de Valenciennes, en la presence du Duc Philippe de Bourgogne, Comte de Hainaut.

EN continuant ma matiere, le bon Duc se (b) partit de ses pays de Bourgogne, & vint tout droict à Valenciennes: auquel lieu il

(a) Ce mariage du Comte Charles de Charolois à Madame Yfabeau de Bourbon fa cousine, fut en l'an 1454, le penultiesme jour d'Octobre, selon Monstrelet & Meyer.

(b) Cecy se peult encore rapporter à la fin de l'an 1454, ou au commencement de l'an 1455.

trouva la bataille preste entre deux hommes pour franchise de ville : & devez sçavoir que la ville de Valenciennes est fondée sur privileges , donnez par les Empereurs, & les Comtes de Hainaut : & entre autres , ils ont un privilege , que quand un homme a occis un autre de beau faict (c'est a dire en son corps deffendant) il peut venir demander la franchise de Valenciennes , & qu'il veut maintenir , à l'escu , & au batton , qu'il a faict le faict de beau faict , & sur ce luy est accordée la franchise , & ne luy peult nul rien demander pour ceste querelle , sinon qu'on le prenne & maintienne à l'escu , & au batton (comme dict est) & devant la loy de la ville.

Or pource que telles choses n'adviennent pas souvent , le bon Duc s'arresta à Valenciennes , pour veoir celle bataille , & fut vray qu'un nommé Mahuot , avoit tué un parent de Iacotin Plouvier , & a ceste cause ledit Iacotin poursuyvit ledit Mahuot devant la Loy de Valenciennes , & disoit qu'il avoit meurdry son parent par aguet , non pas de beau faict , & que ce luy vouloit ledit Iacotin prouver , & monstrier à l'escu & au batton , selon la franchise de la ville : & de ce fut grand procès tenu devant la Loy , & fin

decompte , fut jugé & dict , que le gage de bataille y estoit manifeste , & furent pris tous deux par la justice , & mis chacun en prison fermée a part ; & attendirent si longuement , que le Duc revint des Alemaignes : & se trouverent le pere & le fils à Valenciennes , pour veoir l'exécution des deux champions , combien que le Duc n'estoit point Juge en ceste partie , mais l'estoyent & sont ceux de la ville : & à verité , ils tindrent moult belle ceremonie à la bataille des dessusdicts , & combien que j'aye parlé de ceste matiere au volume que j'ay fait du gage de bataille , toutesfois ne me puis-je tenir , ne passer , que je ne die aucune chose de ce que je vey en ceste bataille.

Les principaux assistans furent le Prevost du Comte , & le Prevost de ville : & fut pour ce jour Prevost du Comte , Messire Gilles de Harchies , Seigneur de Beilligniers , & Prevost de la ville , un notable Bourgeois , nommé Merciot du Gardin , & tenoient ces deux la gravité & ceremonie du champ : & de l'ordre de la ville deux Gentils-hommes avoyent le regard aux portes. Le peuple estoit grand sur le marché , & estoit conduit par un nommé Nicolas du Gardin , qui se

tenoit en une (a) garne à l'hostel de la ville, a tout un grand batton ; & s'il voyoit que le peuple se derivast, ou muast en rié, il feroit de son batton, & crioit : *Guare le Ban* : & sur ce mot chacun se tenoit quoy, & doutoit la punition de justice, & à la verité tout le peuple & ceux de la ville estoient pour Mahuot en courage, pource qu'il combattoit pour la querelle de la ville. Or avons devisé de l'ordre de ladicte ville, & faut escrire du faict de la lice, & du champ clos, & comme les champions se maintindrent en ceste bataille.

Ce champ clos estoit rond, & n'y avoit qu'une entrée, & tantost ceux de la ville firent apporter deux chaizes, couvertes de noir, mises & apposées à l'opposite l'une de l'autre, & tantost après entra Mahuot en ladicte lice, & s'alla seoir en sa (b) chaize, & n'arresta gueres que Iacotin Plouvier vint de l'autre part, qui semblablement s'asseit en la chaize pour luy preparée. Les champions esloyent semblables d'habillemens. Ils avoyent les testes rases, les pieds nus,

(a) C'est la premiere fois que j'aye veu ce mot, & confesse ne sçavoir promptement que c'est.

(b) Je doute qu'il ne faille *chaire*.

& les ongles coupez, des mains & des pieds: & au regard du corps, des jambes, & des bras, ils estoient vestus de cuir bouilli, cousu estroittement sur leurs personnes, & avoient chacun une bannerole de sa devotion en sa main: & tantost entrerent ceux de la Loy, commis à ce, qui portoyent un grand Messel, & firent le serment l'un contre l'autre: c'est à sçavoir, que Mahuot jura qu'il avoit tué son homme de beau faict, & Iacotin Plouvier jura le contraire, & tantost leur furent apportez à chacun un escu, peint de vermeil, a une croix de Saint-George, & leur furent baillez les escus la pointe dessus, & me fut dict, que quand le plus noble homme du monde combatroit à Valenciennes, il n'auroit autre avantage, sinon que la pointe de son escu seroit en bas, & pourroit porter son escu, comme un noble homme le doit porter.

Item leur furent baillez deux bastons de mesplier, d'un poix & d'une grandeur, & puis furent les chaizes ostées, & mises hors de la lice, & s'en retournerent ceux de la Loy, & laisserent les Champions l'un devant l'autre, & le Prevost de la ville rua le gand, qui avoit esté jecté pour faire ladicte bataille, & cria: *Chascun face son debvoir!* Et pres-

tement se leverent les champions, & coururent sus l'un à l'autre moult vigoureusement : & devez entendre que les champions demanderent à ceux de la Loy trois choses, a sçavoir sucre, cendres, & joincture ; & premierement leur furent apportez deux bacsins plains de graisse, dont les habillemens, que chascun d'eux avoit vestus, furent oingts & engraissez, afin que l'un deux ne peut prendre prise sur l'autre. Secondement leur furent apportez deux bacsins de cendres, pour oster la graisse de leurs mains, afin qu'ils peussent mieux tenir leurs escus & leurs bastons. Et tiercement, fut mise en la bouche de chascun d'eux, une portion de sucre autant à l'un comme à l'autre, pour recouvrer salive & haleine, & de chacun des trois leur fut faict essay devant eux, comme devant deux Princes.

Or combien que ledit Mahuot ne fut si grand ne si puissant que sa partie, toutesfois vigoureusement il puisa du sablon, & le jecta aux yeux & au visage de Iacotin Plouvier, & de ce coup luy donna de son batton sur le front, dont il luy fit playe & sang. Mais ledit Iacotin (qui estoit homme fort & puissant) poursuyvit tellement & si aigrement sa bataille, que ledit Mahuot fut abatu

a bouchon , & Iacotin Plouvier luy faillit dessus , & fut la bataille à ce menée , que ledit Iacotin creva les deux yeux à son adversaire , & puis luy donna un grand coup de son batton , dont il l'assomma , & le mit hors de la lice , & en ce faisant mourut ledit Mahuot , & fut condamné à estre mené au gibet , & pendu : & (3) ainsi finit la bataille entre Iacotin Plouvier & Mahuot. Assez tost après , se firent unes autres armes à Valenciennes , de deux nobles hommes : dont l'un fut Chevalier , (a) & l'autre fut un Escuyer de l'hôtel de Monsieur le Bastard , & se nommoit Iehan de (b) Rebremettes Seigneur de Thibaville. Ces deux pour aucun esrif , comparurent a jour ordonné , au lieu de Valenciennes , armés comme il appartenoit , pour combattre à pied , & devoient iceux jetter un ject de lance , & puis combattre de haches ; jusques à vingt cinq coups. Les deux Nobles hommes comparurent , parez de leurs cottes d'armes , & se combattirent chevaleurement , sans faire grande foule l'un sur l'autre , & ainsi se partirent icelles armes : & disoit-on que Dieu avoit envoyé

(a) Il y avoit ainsi , & se nommoit Messire , avec du blanc qui attendoit le nom.

(b) Ou plustost de Rebreviettes.

ces deux nobles hommes, pour faire l'honneur à Valenciennes, & tenoit-on la bataille faicte entre Iacotin Plouvier, & Mahuot, plus à honte qu'honneur, à cause du meurdre perpetré en la presence du Prince.

CH A P I T R E X X X I I I .

De quelques particularitez en la maison de Bourgongne : de la retraite du Dauphin Louis, vers le bon Duc Philippe : & du couroux d'iceluy Duc, contre le Comte de Charolois son fils.

LE Duc s'en retourna à Lille, où il fit de grandes cheres & de grans fesciemens, & puis se tira en Holande, où le faict de la Toison estoit préparé, & en ce temps devint grosse Madame de Charolois, dont le pays fut moult rejouy : & (a) en ce mesme temps Monsieur David Bastard de Bourgongne, fut eleu Evesque d'Utrecht, & ne furent pas ceux de (b) Devantel obeyssans audit Evesque, mais salut faire une armée, en laquelle le Duc Philippe en personne, & tous les grans de ses pays allerent en armes, comme il appartenoit, &

(a) L'an 1455.

(b) Mais plustost Deventer, qui est une puissante ville située sus la riviere d'Isel.

leur fit-on forte guerre par eauë & par terre, car ledit Devantel est fortifié d'une grosse riviere, & estoit le siege des Bourgongnons deçà la riviere, & à passer celle riviere eut plusieurs vaillances faictes, & plusieurs apertives d'armes, dont je me tay pour abreger. En ce temps vint devers le Roy Charles, l'Ambassade du Roy Lancelot de Hongrie, pour avoir Madame Magdelaine de France en mariage pour ledit Roy Lancelot : & fut la plus belle & la plus grosse ambassade qui oncques vint en France, car ils portoyent le billon d'or, & par privilege du Roy de France, ils forgeoyent florins d'or, parmy les villages où ils se trouvoient : & de trente six articles, dont ils avoyent à faire au Roy Charles, jamais ne voulurent parler du second, que le premier article ne fust vuidé, fut par refus ou par accord, & ainsi de tous les autres points : & sans faute le mariage eust esté faict, si ne fust la mort dudit Lancelot, qui mourut durant le parlement.

Durant iceluy (a) siege de Devantel, nouvelles vindrent au Duc que Monsieur Louis de France, Dauphin de Viennois, venoit de par deçà, & prenoit son chemin contre Bruxelles, & à ceste cause furent moyens

(a) Qui fut en l'an 1456.

trouvez de surseance de guerre entre le Duc Philippe & ceux de Devantel, & prit le Duc son chemin, pour venir au devant de mondit Seigneur le Dauphin, & envoya au-devant de luy jusques à Louvain, le Comte d'Estampes, & autres grans personages, pour le bien veigner, & depuis y vint Monsieur le Comte de Charolois, & aussi y envoya Madame Ysabeau de Portugal, Madame de Charolois, & Madame de Ravastain, pour recevoir mondit Seigneur le Dauphin : & mondit Seigneur le Dauphin se tira à Bruxelles, & fut logé au logis du Duc, & ne demoura gueres après que le Duc vint, & tandis qu'il parloit à Madame sa femme, Monsieur le Dauphin descendit les degrez, dont Monsieur le Duc fut moult deplaisant, & là s'embrasserent, & fit le Duc moult grand honneur & reverence à mondit Seigneur le Dauphin, & faire le devoit, car c'estoit l'heritier de France.

Ainsi s'entrerentrenerent Monsieur le Dauphin & Monsieur de Bourgongne, & eurent plusieurs parolles ensemble secretes, & qui ne sont pas venues à ma cognoissance, & firent grandes cheres ensemble, & y eust grandes joustes & grans festoyemens, & fut sa venue pardeçà, en l'an mil quatre cens cinquante

cinquante six. En ce mesme temps Madame de Ravastain accoucha d'une fille, laquelle Monsieur le Dauphin tint sur les fons; & assez tost après Madame de Charolois (a) accoucha d'une fille (qui fut Madame Marie, mere de Monsieur l'Archiduc, qui est à present) & estoit Monsieur le Dauphin allé chasser à Genespe, mais Monsieur de Charolois fort accompagné, l'alla prier & requerir d'estre son compere, & de tenir l'enfant. Ce qu'il accorda benignement, & retourna à Bruxelles, & furent les choses préparées pour le baptisment de Madamoiselle de Bourgongne, car en ce temps on ne la disoit point Madame, pource que Monsieur n'estoit pas fils de Roy. Ainsi se fit ce baptisment moult solemnel, de Prelats, de noblesse & de luminaire, & du surplus je me passe pour abreger.

Le Roy Charles de France (4), voyant que son fils ne venoit point à son obeysfance, se mescontenta, & mesmement du Duc de Bourgongne, & disoit qu'il le tenoit en ceste obstination, mais il fut trouvé autrement, car mondit Seigneur le Dauphin declaira plainement, que s'il n'estoit soutenu en ceste maison, il avoit son apointe-

(a) Ce fut le 13 de Febvrier 1456.

ment en Angleterre, ennemis du Royaume de France, & que là il seroit soustenu & bien venu, & pour l'entretienement de mondit Seigneur le Dauphin, Monsieur de Bourgogne luy bailla trente-six mille francs de pension ordinaire, pourveu qu'il espousast Madame Charlotte de Savoye, laquelle il avoit pieça fiancée. Ce qui fut fait, & vint pardeçà, & leur fut baillé le chasteau & la ville de Genespe, pour tenir leur estat, & demoura pardeçà mondit Seigneur le Dauphin bien cinq ans, pendant lequel temps, il eust de beaux enfans, & (a) mesmement Monsieur Ioachin, qui fut l'aîné, & fut baptisé audit Genespe, où le Duc, la Duchesse, & son fils furent au baptisme : & furent le Duc Philippe, & le Seigneur de Crouy comperes, & Madame de Charolois commere, & certes Monsieur le Duc Philippe fut si joyeux de la nativité de ce noble enfant, qu'il donna mille lions d'or à Ioffelin du Bois, quand il apporta les nouvelles de celle nativité, & fut nommé Monsieur Ioachin, mais il ne vescu gueres, ainsi qu'il pleust à nostre Seigneur.

Depuis fut née audit Genespe, Madame de Bourbon d'à présent, & autres nobles

(a) Ce Ioachin fut né Geneppe le 26 de Juing, 1459.

enfans, & rejouyt moult le pays, & au partir de ce premier baptesme, Monseigneur de Charolois, Madame, & son mesnage s'en retournerent au Quesnoy (qui estoit lors le lieu de leur demeure) & le bon Duc Philippe s'en retourna en ses affaires, & se passoit le temps en Ambassades, pour obvier à la guerre d'une part & d'autre : & tellement fut pratiqué, que nulle guerre ne se meust, & à la verité le Duc se mettoit en grand devoir devers le Roy Charles, pour obvier à ces inconveniens, & Monsieur le Dauphin de sa part se conduisoit sagement, & par conseil dudit Duc Philippe, & les principaux du Conseil dudit Dauphin furent le Seigneur de Montauban & le Bastard d'Armignac, avecques le Seigneur de Craon : & avoit mondit Seigneur le Dauphin de moult notables jeunes gens, comme le Seigneur de Cressol, le Seigneur de Villiers, de l'Estanc, Monsieur de Dau, Monsieur de la Barde, Gaston du Lyon, & moult d'autres nobles gens, & gens eleus, car il fut Prince, & ayma chiens & oyseaux : & mesmes où il sçavoit nobles hommes de renommée, il les achetoit à poix d'or, & avoit tres-bonne condition. Mais il fut homme soupçonneux, & legerement attrayoit gens, & legerement il

les reboutoit de son service, mais il estoit large & abandonné, & entretenoit par sa largesse, ceux de ces serviteurs dont il se vouloit servir, & aux autres donnoit congé legerement, & leur donnoit le bond, à la guise de France.

En ce temps & en celle saison se meust une soupçon & une diffidence entre le Comte de Charolois & les Seigneurs de Crouy, ses parens & aliez, & disoit-on que ceste soupçon mouvoit à cause des meubles de Madame de Bethune, tante de Madame de Crouy, du costé de Lorraine & de Baudremont, pource que ledict Seigneur de Crouy avoit pris & mis en ses mains grande portion des meubles de madicte Dame de Bethune, & le Comte Charles disoit, que son pere luy avoit donné la succession de madicte Dame de Bethune en heritages & en meubles, & fut le premier point de la haine & de la soupçon dudit Comte de Charolois. D'autre part le Seigneur de Crouy & les siens, faisoient plus grande adresse à Monsieur le Dauphin, qu'il ne sembloit bon audict Comte pour son profit : & avoit abandonné le fait du Comte, pour celuy de Monsieur le Dauphin. A quoy mondict Seigneur de Charolois voyoit grand dommage pour luy & pour la maison de

Bourgongne, & avoit grande aliance le Seigneur de Crouy, car il avoit faict venir & arrester pardeçà le Mareschal de Bourgongne, homme actif, vindicatif, & prest pour foy venger : & hayoit le Chancelier de Bourgongne Raolin, à l'occasion de la mort du Seigneur de Pesmes, que ledict Chancelier avoit faict mourir par justice : & ainsi ceux de Crouy & leur maison faisoient leur faict à part, portez & aimez du Duc merveilleusement, & d'autre part le Chancelier Roalin, se fit serviteur du Comte de Charolois : & ainsi entra la maison de Bourgongne en bande & en partialité, les uns portez du pere, & les autres portez du fils, dont grand dommage vint à ceste maison.

Or, de nouvel estoit faict l'estat du Comte de Charolois, auquel je fus mis & couché premier panetier du Comte : & un moult honnestes Escuyer, nommé Philippe de Sasa, fut mon compaignon en iceluy estat, par demy an, selon & par la maniere que sont comptez la pluspart des nobles hommes par les escroes, & selon la coustume de la maison de Bourgongne. Avint que faisant iceluy estat, furent mis Chambellans Messire Philippe de Crouy, fils de Messire Iehan de Crouy, & aussi Messire Antoine Raolin, Seigneur d'E-

meries, qui avoit espousé la sœur de Madame d'Estampes. En ce temps allerent dehors, & à leurs affaires, le Seigneur d'Aussy, premier Chambellan du Comte, & le Seigneur de Formelles, second Chambellan : & demouroit la place de tiers Chambellan, & du plat : & vouloit le Duc que ledit Philippe de Crouy tint la place de tiers Chambellan, & le Comte de Charolois y vouloit avoir le Seigneur d'Emeries : & ainsi furent en question, le pere pour l'un, & le fils pour l'autre : & le Duc voyant qu'il n'estoit point obey de son fils, & qu'il vouloit tenir son opinion contre luy, par un jour de (a) S. George au matin, ledit Duc manda à son fils qu'il luy apportast lesdictes ordonnances en son oratoire. Ce qu'il fit, & le pere (qui moult estoit de grand cœur) prit les ordonnances, en la presence de la mere & du fils, & les jetta dedans le feu, & dict à son fils : *Or allez querre vos ordonnances, car il vous en faut de nouvelles.*

Et là moult furieusement fit partir son fils hors de l'oratoire, & la Duchesse se monstra mere, & suyvoit son fils : & ainsi commença le debat entre le pere & le fils, & la maison entra en partialité, dont moult de maux

(a) Cecy avint le 17 Fevrier 1456.

advindrent : & advint que le Duc abandonna sa maison , & s'en alla seul parmy les champs , comme un homme troublé outre la raison : & devez croire que Monsieur le Dauphin fut moult esbahy & espouvanté de ceste aventure , & queroit par toutes voyes , d'amender ce meschef , & luy sembloit bien qu'il seroit dict en France & ailleurs , que sa personne portoit toute malaventure , & qu'il ne viendroit en lieu , ou debat & question ne se meut par malheur. Grandes diligences furent faictes pour trouver le Duc , & fut sceu qu'il estoit arrivé en la forest , au feu d'un charbonnier , & de là se fit emmener au lieu de (a) Sevensbergue , où il trouva un sien veneur qui le logea & le trata de ses biens selon sa possibilité , & ainsi demeura ce grand Duc celle nuit en la compagnie d'iceluy veneur , & en sa povre maison , & devez croire que ses povres serviteurs furent celle nuit en grand souci & melancolie , pour leur maistre qui s'en estoit allé , & esgarré d'eux si estrangement. Mais nous reviendrons à parler comment se conduisit le fils. Soy voyant en la male grace de son pere , il s'en alla à Termonde , luy & son estat , escoutant

(a) Sevensberghe est une villette de Brabant du costé de Brada , vers la mer.

& attendant nouvelles de son pere, & le lendemain furent avertis Monsieur le Dauphin, & les gens du Duc, qu'il estoit à Se-
verbergue arresté comme dict est, & tantost vindrent devers luy ses principaux serviteurs. Les uns le tensoient, les autres le rejouyssoient, & faisoit chacun le mieux qu'il pouvoit, & entre autres choses, se plaindoit le Duc de sa femme la Duchesse, qui l'avoit abandonné pour suyvir son fils, & je fus present où le Mareschal dict à madicte Dame le regret que mondit Seigneur le Duc avoit en ceste partie. A quoy elle respondit qu'elle congnoissoit mondit sieur son mary pour un à redouter Chevalier, & en ceste fureur douta qu'il ne courut sus à son fils, parquoy elle le mit hors de l'oratoire, & s'en alla après : priant à mondit Seigneur qu'il luy voulust pardonner, & qu'elle estoit une estrangere pardeçà, & n'avoit point de soustenue que de sondit fils.

Ainsi se faisoient allées & venues, & fut ordonné, que de par Monsieur le Dauphin, Monsieur de Ravestain, & le Roy-d'armes de la Toison d'or iroyent à Terremonde, pour entendre la vouldonté du Comte de Charolois, & de ses pratiques, dont je sçavoys à parler, car je fus par plusieurs fois en-

voyé à Bruxelles de par mondit Seigneur de Charolois, pour avoir l'avis du Chancelier Raolin, comment il se devoit conduire en ce present affaire. Les dessusdicts, Monsieur de Ravastain & Toison d'or, demanderent à mondit Seigneur de Charolois, s'il vouloit demourer en ceste obstination envers son pere : mais ledit Comte leur respondit, qu'il ne vouloit point demeurer obstiné, mais tout humblement, & tout obeyssant au Duc son pere, comme c'estoit raison : & sur ce point y eut allées & venues, car le Duc fut content de se contenter de son fils : pourveu qu'il envoyeroit deux hommes hors de son hostel, ayant le Duc imagination, que ceux estoient cause de tenir en fiereté le fils contre le pere. L'un des deux fut Guillaume Biche, & l'autre fut Guillot Dufie. Iceluy Guillaume Biche se tira à Soissons & à Paris, & Guillot Dufie se tira en sa maison en Bourgongne, & à ces deux fit le Comte de grands biens en leur exil, & mesmes le Roy de France retint de son hostel ledit Guiot Dufie, & à la verité, ledit Guiot estoit pour lors un des gentils Escuyers de la maison, & ainsi fut le Duc obey : & Guillaume Biche (qui estoit un homme sage & subtil) s'accointa de ceux de Paris, tellement qu'il sçavoit les secrets

des confaux tenus par les gens du Roy de France : & moy-mesme fus par plusieurs fois envoyé devers luy, pour advertir Monsieur le Duc & Monsieur le Dauphin, de choses qui grandement leur touchoient (a) & par telles manieres se commença à bander le Royaume de France, les uns pour le Roy Charles le pere, & les autres pour Monsieur le Dauphin le fils, & se concluoit en France, bien peu de matieres de grand effect, dont Monsieur le Dauphin ne fut averti. Ainsi se dissimuloit le temps, par ambassades & par grans personnages, envoyez de par le Duc devers le Roy de France, qui moult proufiterent que la guerre ne commença point pour ceste matiere, mais demoura chascun en son entier : & au regard du Comte de Charolois, il retourna à Bruxelles, où il trouva le Duc son pere : & par le moyen de Monsieur le Dauphin furent ces choses apaisées, & aussi moyennant les choses dessusdictes.

(a) Il passe sous ceste narration les années 1457, 1458, 1459 & 1460, sans en faire autre discours.

CHAPITRE XXXIV.

D'une maladie du bon Duc Philippe : de la mort du Roy Charles septiesme : & du couronnement du Roy Louis onziesme, son fils.

LE Duc Philippe eut en ce temps une maladie : & par conseil de ses Medecins se fit raire la teste & oster ses cheveux : & pour n'estre seul rais, & denué de ses cheveux, il fit un edict, que tous les nobles hommes se feroient raire leurs testes comme luy, & se trouverent plus de cinq cens nobles hommes, qui pour l'amour du Duc se firent raire comme luy, & aussi fut ordonné Messire Pierre Vacquembac & autres, qui prestement qu'ils veoient un Noble homme, luy ossoient ses cheveux (5) : & vint ceste chose mal à point, pour la pareure de la maison de Bourgogne, car en ce temps vindrent nouvelles à Monsieur le Dauphin, que le Roy Charles son pere, estoit malade à Meun-sur-Yeuré, & ne demoura gueres de temps apres, que les nouvelles vindrent qu'il estoit mort. Ce qui fut vray, & mourut (6) audit Chastel de Meun-sur-Yeuré, le jour de la Magdalaine, mil quatre cens soixante & un. Ces nouvelles de la mort du Roy Charles furent

toſt publiées, car Monſieur le Dauphin (que je nommeray Roy d'ores-en-avant) fit ces choſes haſtivement ſçavoir à Monſieur le Duc Philippe , & à Monſieur de Charolois : & devez ſçavoir que grandes preparations ſe firent de pompes , & autrement pour mener le Roy à ſon Sacre , où le bon Duc le voulut bien accompagner, pource qu'il l'avoit nourri cinq ans en ſa maiſon , & à ſes deſpens : & luy vouloit bien monſtrer qu'il ne le vouloit pas abandonner à ſon beſoing , car à la vérité , la faveur du Duc de Bourgongne fit maint courage bon en France, & dont les affaires du Roy Louis ne valoyent pas pis.

¶ Or revenons à la maniere que tint mondit Seigneur le Dauphin. Quand il ſe trouva Roy, il eſtoit à Genespe (un petit Chateau, & un petit bourg, qui eſtoit à Monſieur de Bourgongne , comme Duc de Brabant) & de là ſe tira à (a) Mabeuſe, & quit tousjours les plus petites villes du pays du Duc de Bourgongne : & luy croiſſoyent gens de tous coſtez , grans Seigneurs , gens d'armes & autres, & le Duc de Bourgongne le ſuyvoit, quelque part qu'il vouliſt aller. Le Comte

(a) Mabeuſe eſt une villette ſituée ſur la rivière de Cambre en Haynaut.

de Charolois par le moyen d'aucuns ses serviteurs (& disoit on que c'estoit Guillaume Biche) s'entendit fort avecques le nouveau Roy de France , & tellement , que depuis son Sacre , il le mena à Tours , où il le fessoya grandement , & luy donna trente six mille francs de pension : mais il ne l'entretint gueres en celle pension , dont le debat & la noise commença entre eux , comme vous orrez cy après.

Ainsi fut conduit & mené le nouveau Roy Louis de France à Reims , où il fut sacré moult honnorablement , & solennellement : & de la vint à Paris , où il prit sa couronne , au plus grand triumphe , que fit oncques Roy de France couronné , car le Duc de Bourgogne avoit amené , pour accompagner le Roy une Noblesse , si bien accoustree de pompes & d'habillemens , que c'estoit belle chose à les veoir : & estoit le Duc de Bourgogne richement paré d'or , & de pierreries , & son fils le Comte de Charolois semblablement : & si je me vouloye arrester a escrire les pompes & les pareures qui furent faictes cedit jour , je pourroye estre prolix en mon escriture , & ennuiex aux lisans , & pource m'en passeray pour abreger. Pendant le temps que le Roy se tenoit à Paris,

le Seigneur du Lau estoit le mignon du Roy, & s'habilloit pareil de luy: & se faisoient parmy Paris, grandes guorres, & grans festoyemens: & le Duc de Bourgongne estoit logé en sa maison d'Artois, auquel lieu il fit par plusieurs fois, & comme tous les jours, grande assemblée de Dames, de Damoiselles, & aussi des plus notables Bourgeoises de la ville, & leur donnoit grans soupers, & grans banquets, & chacun jour estoit la salle parée de grans buffets de (7) nouvelle vaisselle, aucunesfois dorée, & aucunes fois blanche: & se firent joustes moult riches & moult pompeuses, où jousta le Comte de Charolois, qui vint sur les rangs moult pompeusement, a campanes d'or & de soye: & s'armerent le Comte & ses gens à l'hostel de Messire Jehan d'Estouteville, lors Prevost de Paris, & tenoyent les gens du Comte de Charolois, & leurs pompes, toute celle belle rue de Tournelles, qu'il faisoit moult beau veoir.

Moult de nobles Seigneurs de France jousterent bien en point: mais quand vint a deviser du prix, il fut trouvé, que Frederick de Wiltem, avec son escu, & son cheval couvert de la peau d'un Daim, avoit le mieux rompu, & gagné le prix. Iceluy Frederick

de Wiltem estoit lors un jeune Escuyer suget de Monsieur de Bourgongne , & des pays d'outre Meuse : & pourtant , si son cheval n'estoit couvert si richement comme les autres , si ne luy veux-je point desrober son bien-faict. Ainsi se passa celle jousté , & assez tost après , le Comte de Charolois fit un tournoy en la salle de Bourbon , qui fut moult bien combatu , & y fut Monsieur Philippe de Savoye , qui s'aquita tres-bien pour sa premiere fois. Le Roy & la Seigneurie demurerent à Paris aucun temps , & se partit le Roy , & le convoya Monsieur de Bourgongne , & tous les Princes de France. Le Roy prit le chemin de Touraine , & Monsieur de Bourgongne s'en retourna en ses pays , en apparence de toute bonne paix. Le Comte de Charolois prit le chemin de Bourgongne , & de là passa la riviere de Loire , & alla à Tours , devers le Roy de France ; qui le receut , & traitta honnorablement pour celle fois , & devoit le Duc François de Bretagne venir devers le Roy de France : mais le Roy ne voulut jamais souffrir que le Duc de Bretagne , & le Comte de Charolois se trouvassent ensemble : & pource depecha-il le Comte de Charolois , avant la venuë du Duc de Bretagne , & il s'en alla devers

son pere au pays de Flandres , & le Duc de Bretagne besongna avecques le Roy de France , ce qu'il y avoit à faire.

C H A P I T R E X X X V .

Comment le Roy Louys fit plusieurs machinations contre le Comte de Charolois , & comment ledit Comte , estant ligué avec plusieurs grans Seigneurs de France , fit la guerre au Roy qu'on appella le Bien publicq.

COMME j'ay dict dessus , (a) le Roy de France donna à Monsieur de Charolois , trente six mille francs de pension : & par aucun temps fut le Comte bien payé de sa pension : mais le Roy qui fut moult subtil en ses affaires , tint une maniere , que quand il se vouloit servir du Comte , il le traittoit bien , & tenoit mines contraires à ceux de Crouy : & quand il se vouloit servir d'iceux de Crouy , il traittoit mal le Comte de Charolois , & ainsi advint , que le Roy rompit la pension de Monsieur de Charolois , & rappella ceux de Crouy , dont il se vouloit servir & aider à ceste fois , & tant convindrent ensemble , que le

(a) Sous cest article se passe le temps , jusques à l'an 1463.

Roy conclut de racheter la riviere de Somme, & pour la vie du Duc durant, le Roy avoit promis de ne la point racheter. Si montoit ledit rachapt a quatre cens mille escus : & contendoit le Roy qu'iceux quatre cens mille escus viendroient en la main du Comte : mais quand le Roy de France veit son plus beau, il ne tint rien au Comte de ce qu'il luy avoit dict, mais en fit son profit : & furent deux choses qui moult depleurent au Comte, l'une, que le Roy luy avoit oïlé sa pension, & l'autre, qu'il avoit (a) racheté les terres engagées de la riviere de Somme, pour quatre cens mille escus, qui furent mis és mains de Iacob de Bresilles, lors Garde des joyaux de mondit Seigneur le Duc.

Le Roy de France (qui alors se tenoit à Abbeville) visitoit souvent le Duc de Bourgogne (qui se tenoit à Hedin) & entre autres parolles, luy offrit le Roy de France que s'il vouloit, il luy feroit venir le Comte de Cnarolois son fils à la raison, & le mettroit totalement en son obeyffance; mais le Duc de Bourgogne (qui tousjours fut sage, prudent, & courageux) respondit au Roy,

(a) Ce rachapt avint en l'an 1463.

qu'il le laissast convenir de son fils , & qu'il en feroit bien , & sembla au Duc , que le Roy disoit ces parolles , pour mettre sa maison & ses pays à plus grand brouillis , qu'ilz n'esloyent , & ne le prit pas bien en gré. (a) En ce temps un Bastard de Rubempré aborda en Zeelande , à tout un leger bateau d'avantage. Ledit Bastard estoit homme de fait , courageux & entreprenant , & fut tantost soupçonné contre luy , qu'il ne venoit pas pour bien faire , car le Comte de Charolois (qui estoit jeune) se tenoit lors en Holande , & s'alloit jouer à son privé de lieu en autre : parquoy les sages , qui estoient autour de luy , ne s'asseurerent point dudit Bastard , mais fut envoyé gens pour le prendre. Ce qui fut fait , & fut mis ledit Bastard en prison fermée , & m'envoya ledit Comte de Charolois à Hedin devers le Duc son pere , pour l'avertir d'icelle prise , (b) & des causes pourquoy : & le bon Duc ouyt ce que je luy voulu dire humainement , & comme sage Prince : & à la verité , il se soupçonnoit de lors des soubtivitez du Roy de France.

(a) Ce fut en l'an 1464.

(b) Meyer decouvre ceste trahison plus au large.

Assez tost après se partit le Duc de Hedin , & s'en revint en son pays, dont le Roy de France ne fut pas content (a) mais depescha une grosse Ambassade, dont fut le chef le Comte d'Eu : & vindrent trouver le Duc de Bourgogne en la ville de Lille , & firent grandes propositions contre luy , & vouloit le Roy de France que je fus mis en sa main , pour estre puny à son desir , de ce qu'il me mettoit sus , que j'avoie esté cause de la prise du Bastard de Rubempré , & aussi que le Duc de Bourgogne s'estoit parti de Hedin , sans dire adieu au Roy de France : mais le bon Duc (qui fut amesuré en tous ses faicts) leur respondit , que j'estoye son sujet & son serviteur , & que si le Roy ou autre , me vouloit rien demander , il en seroit la raison. Toutesfois ces choses se pacifierent : & pour guerdon de toute la grande despense qu'avoit faict le Roy de France , luy estant Dauphin , à la maison de Bourgogne , il luy donna , transporta & quitta vingt mille escus , que le Roy Charles son pere avoit payez , pour avoir le droit de la Duché de Luxembourg , & pour icelle somme demoura la Duché de

(a) Sur ceste ambassade , Philippe de Commines commence ses Memoires , & estait ledit Commines en ce temps encores sujet à la maison de Bourgogne.

Luxembourg en heritage paisible , au Duc de Bourgogne pour luy , ses hoirs , & posteritez quelconques. Le bon Duc en ce temps là estoit fort caducque , & envieilli de sa personne , à cause d'une grande maladie qu'il avoit eüe , & qui moult l'empira : mais toutesfois il estoit Princee de si grand cœur , qu'il supportoit son mal , & ainsi le porta longuement.

En ce temps les Comtes de Charolois & de Saint Pol , se commencerent à entendre ensemble , pour la grande haine qu'ils avoyent à ceux de Crouy , & croy que les mauvais rapports en estoient bien cause , & visita le Comte de Saint Pol mondit Seigneur de Charolois au Quesnoy , & ailleurs , où ils conclurent partie de leur intention. En ce temps Monsieur Charles de France , frere du Roy Louis , en esperance d'avoir partage au Royaume de France , par la main , & en la conduite d'un noble Capitaine , nommé Oudet de Rie , se partit soudainement de Tours sur un bon cheval , & en peu de temps se trouverent en Bretagne , où le Duc François receut la compagnie en grand joye , & prestement le fit sçavoir au Comte de Charolois , son frere-d'armes , & par le moyen du Comte de Saint Pol , commence-

rent à faire (a) aliances de tous costez, contre le Roy de France : & de celle aliance estoit Monsieur de Bourbon, le Duc (b) Louis : & sur luy commença la guerre contre le Roy de France. Si fut une journée tenue à Nostre Dame de Paris, où furent les scelez envoyez de tous les Seigneurs, qui vouloyent faire aliance avec mondit Seigneur, le frere du Roy, & portoyent iceux qui avoyent les scelez, secretement chascun une aiguillette de soye à sa ceinture, à quoy ils congnoissoient les uns les autres : & ainsi fut faite ceste aliance, & dont le Roy ne peut onques rien sçavoir. Toutesfois il y avoit plus de cinq cens, que Princes, que Chevaliers, que Dames, & Damoiselles, & Escuyers, qui estoient tous acertenez de ceste aliance, & se faisoit ceste emprise sous ombre du bien publicq, & disoit-on, que le Roy gouvernoit mal le Royaume, & qu'il estoit besoing de le reformer.

En ce temps se mirent sus en armes de tous costez iceux aliez, & autres du Royau-

(a) Ces communications entre les Princes se firent ainsi sous la fin de l'an 1464.

(b) Mais bien Jehan, selon autres, qui estoit l'aîné des fils de Bourbon, & fut Louis son frere Evêque de Liege, & Prevost de Saint Donas à Bruges.

me de France, & cuidoit le Roy que ce fut pour venir à son ayde, mais il trouua bien le contraire. Et au regard du Comte de Charolois, il avertit le Duc son pere, de l'aliance qu'il avoit faicte avec Monsieur de Berry, frere du Roy, où estoient compris les Ducs de Bretagne, de Bourbon, & d'Alençon, ensemble le Comte du Maine, le Comte d'Armignac, le Comte du Dunois, & moult d'autres grans personages: & en ce temps se conduisoit mondit Seigneur de Berry, par le conseil du Duc de Bretagne, & par le Comte du Dunois, & requirent leurs aliez de toutes pars; & quand le bon Duc entendit que son fils estoit alié avecques tant de gens de bien, il fut content qu'il s'aqu Coast, & qu'il tint promesse aux autres Princes, & qu'il fist son armée en ses pays, telle qu'il la pourroit avoir. Ce qu'il fit, & assembla grans gens d'armes & grande compaignie: & se tira aux champs, au jour qui estoit ordonné, & avoit une moult belle & puissante compaignie, où estoient le Seigneur de Ravastain, le Comte de Saint Pol, le Bastard de Bourgogne, & plusieurs autres Seigneurs, & fut pour celle armée par le commandement du Duc, le Seigneur de Haubourdin Lieutenant general du Comte

de Charolois : & ainsi se tira celle armée aux champs , où il y avoit plus de dix mille chevaux , sans les sommiers & l'artillerie , qui estoit une grosse bande.

D'autre part le Duc de Berry , & le Duc de Bretagne se tirèrent aux champs , en intention d'eux joindre ensemble avecques le Comte , au lieu de Saint Denis , à un jour qui fut limité. Mais le Roy de France accompagné de dix neuf cens lances des ordonnances , prit conseil qu'il estoit de faire , & sur laquelle des deux bandes il couroit fus , ou sur les Bretons , ou sur les Bourgongnons , mais ils dirent tous , qu'il vailloit mieux sur les Bourgongnons , pource que l'ancienne haine d'entre les François & les Bourgongnons , estoit plus grande , que contre les Bretons , & esperoit le Roy qu'il auroit meilleur avantage & aventure. Les Bourgongnons marcherent jusques à Montlehery , & le Roy de France marcha au devant d'eux , à grosse & fiere compaignie de François. Le Comte de Charolois mit ses batailles en ordre : & là furent faicts Chevaliers d'une part & d'autre , & en puis parler , car je fus ce jour Chevalier : le Seigneur de Cleci , Jehan de Montfort , Hemet Bouton , & pour nostre Chef le Seigneur de Chasteau-

Guyen, fils du Prince d'Orange, & de la sœur du Comte d'Armignac, & plusieurs autres, fusmes Chevaliers à ce premier rencontre.

Le Roy de France ordonna ses batailles outre un fossé, & fit partir environ trois cens Hommes-d'armes, la lance sur la cuyssé, sans varlet ou mechine, qui vindrent donner du costé du Comte de Charolois; mais les Archers de Monsieur le Bastard donnerent de leurs flesches par le ventre d'iceux chevaux, tellement qu'ils les firent ressortir, & tourner le dos: le Comte de Charolois donna dedans, & porta moult grand dommage aux François, & fit un tour autour du Chasteau, & puis il s'en revint joindre avecques ses gens: & advint que le Comte fut rencontré d'aucuns François, & fort oocupé de sa personne, jusques à luy dire qu'il se rendit; mais courageusement soustint l'assaut de ses ennemis, & advint que le fils de son Medecin, (8) nommé Robert Coterai, monté sur un cheval, voyant son maistre en ce danger, se vint fourer au milieu de ce debat, l'espée au poing, dont le François, qui tenoit le Comte moult de pres, s'esslongna de ceste place, & fut le Comte guaranty pour celle fois, & prestement le Comte fit Chevalier

Messire Robert (a) Coterau, & le pourveut de l'office d'estre Lieutenant des siefs en Brabant, qui est un bel estat, & profitable. Ainsi advint de celle journée, & donnerent les François sur le quartier, à la main fenestre, dont plusieurs porterent le faiz à grande peine, & mesmement s'ensuyrent aucuns des Capitaines Bourgongnions, dont la compagnie du Comte fut fort amoindrie, & en demandoit-on au Seigneur d'Emeries, au Seigneur d'Incy, & à plusieurs autres, & à la verité dire, je ne les sçauroye comment excuser, car ilz furent pris au pont Sainte Maixance, & parut bien qu'ilz estoient pris sans tenir ordre, & comme gens fugitifs de la bataille.

Quant au Comte de Charolois, combien qu'il fut blessé en la fenestre partie de son col, & de pointe d'espée, toutesfois il rallia ses gens, & se mit en bataille devant ses ennemis, & dura longuement qu'ilz estoient les uns devant les autres, sans guerres excuter du mestier de la guerre, tellement que la nuit approcha, & se retira chacun pour celle nuit: & pource que les François firent

(a) La maison des Coutereaux est encores en vigueur de Noblesse en Flandres & Brabant; mesmement à Termonde, jusques aujourd'huy.

grans feux & en plusieurs lieux parmy le village de Montlehery, chacun de nostre parti cuidoit que le Roy de France se fut arresté audict village, pour le lendemain venir combattre les Bourgongnons : mais non fit, ains toute la nuit chevaucha, & s'en alla à Corbeil, combien que le chastel de Montlehery tint pour luy, & le Comte de Charolois (ainsi blessé qu'il estoit) se retira à une grosse haye, sur le champ de la bataille, où il demoura pour la nuit : & fusmes ordonnez cinquante hommes d'armes, qui veillâmes celle nuit à cheval, pour soutenir les premiers, & sur le point du jour, fusmes envoyez avecques le Seigneur de Morneil, lors maistre de l'artillerie, pour gagner & recouvrer certaines pieces d'artillerie au pied du chastel de Montlehery. Ce qui fut fait, & à celle heure vint un cordelier du village, qui nous dist, comme le Roy François s'estoit en allé à Corbeil, & que toutes manieres de Gensd'armes François avoyent abandonné Montlehery, exceptez ceux qui tenoyent le chastel, & pour plus grande secreté, furent gens envoyez pour visiter le lieu, & fut trouvé que nuls François n'estoyent demourez audict village de Montlehery, n'à l'environ, & fut la fuite des François lon-

gue, car le Comte du Maine fut ce jour au giste à Chasteleraux, & autres s'en alèrent d'une tire à Partenay & à Lusignan, & firent grande diligence pour eux sauver.

En celle nuit le Seigneur de Condé fut tellement espouventé, qu'il abandonna le Comte de Charolois, & s'enfuit jusques en Bourgogne, & le Comte de Charolois, cuidant que ses ennemis le deussent le lendemain combattre & assaillir, tint un conseil au long de ladicte haye, sur une piece de bois abattue, & là se trouverent les grans, les sages, & les plus gens de bien de son armée. Et devez sçavoir que les aucuns du conseil doutoyent la journée du lendemain, & mettoient avant que bon seroit de tirer en Bourgogne toute la nuit, & que là se pourroit recouvrer Gensd'armes & bonnes places, pour sauver & garentir ledit Comte de ce danger. Mais quand vint à l'opinion du Seigneur de Contay, premier Maistre d'hôtel du Comte, il dict que Dieu n'avoit pas sauvé le Comte de ce danger, s'il ne le vouloit mettre outre; & qu'il demeureroit d'opinion que le Comte attendit la fortune, & gardast le champ, & Montlehery, à l'encontre de ceux qui luy voudroyent calenger; & sur ceste opinion le jour commença à poin-

dre, & demoura la conclusion, que l'on attendroit la fortune.

Or est temps que je devise de Monsieur de Berry, & du Duc de Bretagne, qui s'estoyent retirez, eux & leur armée, à Chasteaudun. Ils eurent pour les premieres nouvelles, que le Comte de Charolois estoit desconfit, & que le Roy de France avoit gaigné la bataille : mais tantost après leur vindrent nouvelles, que le Comte de Charolois avoit gaigné la bataille, & tenoit le champ ; & que le Roy de France s'estoit retiré à Corbeil. Si conclurent les Bretons de se venir joindre avec mondit Seigneur de Charolois ; & mondit Seigneur de Charolois garda ce jour le champ de bataille (que l'on nommoit anciennement le champ de Plours) & le lendemain se logea à Montlehery, où nous avions esté envoyez Jaques de Montmartin & moy, pour faire les logis : & là trouvâmes sur de la paille le corps mort du Seneschal de la Varenne (qui fut grand dommage) & plusieurs autres nobles & bons personnages François, les uns morts, les autres blesez, & les autres prisonniers en diverses mains : & ainsi pour ce jour second, se logea le Comte à Montlehery, & le fit pour mediciner les navrez, dont il avoit

grand nombre. Si moururent à cette bataille du costé du Comte Charles, Messire Philippe de Lalain, le Seigneur de Hâmes, Jehan de Purlan, Jaques du Chastelet, & plusieurs autres gens de bien : & le lendemain du logis de Montlehery, le Comte fit marcher à Chartres (où il n'y a qu'une petite lieuë) & ce en intention de rencontrer le Duc de Berry, le Duc de Bretagne, & leur armée, qui estoit tres-belle & puissante, & pleine de Noblesse. Or ay-je devisé de la bataille de Montlehery (qui fut le seiziesme jour de Juillet l'an 1465) & comment elle fut conduite d'une part & d'autre : & ne desplaïse à Messieurs les Historiographes François, qui ont mis la bataille gagnée pour le Roy de France, car il n'est pas ainsi, mais garda le champ, comme sa victoire, le Comte de Charolois par trois jours, sans eslongner en tout, plus d'une lieuë, & pour les causes que j'ay dictes cy-dessus.

Quant au Roy de France (qui s'estoit retiré à Corbeil, pour sa plus grande seureté, & aussi pour estre seur de sa cité) il se tira à Paris, & fit bonne chere à chascun, aussi bien à ceux qui s'en estoient fuis, comme aux autres, car il avoit à celle heure faute de

gens & d'amis, & ainsi se passa ceste bataille. Si reviendrons à parler en celuy temps des Bourgongnons, que menoit & conduisoit le Marechal de Bourgongne, Messire Thibaut de Neuf-Chastel, Seigneur de Blancmont. Il avoit avecques luy les deux freres de Toulangeon, Messire Claude & M^{re} Trissan, lesquels estoient bien accompagnez. Aussi avoit-il le Seigneur d'Espiry, le Seigneur de Ru, le Seigneur de Soye, & les enfans de Vaudrey, que conduisoit Philippe de Vaudrey, Gruyer de Bourgongne. Il avoit Guiot Dufie, & plusieurs autres bons personnages; & d'autre part se joindit avecques eux le Duc Iehan de Calabre, un moult noble Prince: & certes quand les Bourgongnons & les Lorrains furent assemblez ensemble, c'estoit une moult belle armée, & puyssante d'hommes d'armes: & au milieu de la Beaulse, leur vindrent nouvelles que le Roy de France avoit gagné celle bataille de Montlehery, & que le Comte de Charolois estoit mort ou pris, dont de plain faut la compagnie fut moult effrayée; mais ce noble Prince Monsieur de Calabre, reconfortoit toute la compagnie, & disoit qu'il ne croyoit point que celle noblesse & puissance, fut desconfite pour un jour, & pria qu'on eust patience d'ouir les secondes

nouvelles, & que les premieres nouvelles de la guerre ne sont jamais seures ne vrayes : & que quand il seroit vray de la desconfiture (que Dieu ne voulsist) il s'offrit en sa personne de demourer avecques les Bourgonngons : & conseilloit d'eux tirer devers le bon Duc Philippe, pour prendre vengeance de ce grand meschef, à luy advenu, & se monstroït le Duc de Calabre vray & loyal Prince en ceste partie, & combien qu'il y eust des picques & des partialitez, entre luy & le Mareschal de Bourgongne, toutesfois il mit tout arriere dos, & besongnoit de conseil & d'aide avec ledit Mareschal familièrement, & le Mareschal avecques luy, & en devisant de ces matieres, & regardant qu'il estoit de faire, il vint un certain Messager, qui luy certifia sur sa vie, que le Comte de Charolois avoit obtenu la journée, & gagné la bataille.

Si fut ce grand deuil mis en toute joye, & marcherent pour venir devers le Comte & estoient tous en esquadres, qui estoit moult belle chose à veoir. Quand les Ducs de Berry, & de Bretagne sceurent la venue des Bourgonngons, & mesmes du Duc Iehan de Calabre leur cousin, ils partirent de Moret en Gastinois pour aller au devant : & d'autre

part se partit le Comte de Charolois, & se joindit avecques Monseigneur de Berry, pour aller au devant du Duc Iehan de Calabre, & pouvez croire qu'ils se firent grand honneur grande feste à l'assembler : & pendant ce temps le Comte de Charolois fit tendre ses tentes & ses pavillons, sur la riviere de Seine. La tindrent les Seigneurs un conseil, comment ils soustiendroyent la bataille, si les Seigneurs de France revenoyent encores une fois, mais Monsieur de Bueil (qui moult sçavoit de la guerre) affermoit tousjours qu'ils ne reviendroyent plus à la bataille, & que le Roy de France en avoit assez pour ceste fois, & fut pris conclusion de tirer à Saint Mathurin de Larchamp, & que là se prendroyent conclusions de ce qu'il seroit de faire, & fut celle grosse armée separée pour celle fois.

Le Duc de Calabre, & le Comte de Charolois, & le Comte de Saint Pol, demourerent à Saint Mathurin. Les Ducs de Berry, & de Bretagne, & grande partie de la Seigneurie, se logerent à Nemours, & le Seigneur de Haubourdin se logea en une ville, qu'il avoit gagnée, avecques grande partie des Seigneurs, & de l'armée : & en ce temps fut tenu un conseil à Saint Mathurin (où estoit

estoit Tanneguy du Chastel, grand Escuyer de France) & vouloyent les aucuns que celle noble armée se tirast sur les marches de Bourgogne, pour eux fortifier de gens & de vivres; mais le Comte de Charolois (à qui estoit cette premiere victoire) tenoit la main qu'on retournast devant Paris, & que l'on fit bonne & forte guerre au Roy de France, & fus envoyé avec six Archers, toute la nuit, devers mondit Seigneur de Haubourdin, pour l'advertir de la vouldté du Comte, & qu'il tint la main à Monsieur de Dunois, & aux autres Seigneurs, d'ainfi le faire: & fit celle nuit le Seigneur de Haubourdin si bonne diligence, qu'il gagna les Seigneurs qui estoient en icelle ville, & le lendemain au plus matin, se tirerent à Nemours, & fut la chose conclüe, que l'on tireroit devant Paris, à l'appetit du Comte de Charolois. Et ne demoura gueres que toute l'armée tira devant Paris, & se logerent Monsieur de Berry, & le Duc de Bretagne au Chateau de Beauté, & là environ: & le Duc de Calabre & le Comte de Charolois se logerent à Conflans, au Pont de Charenton, & à l'entour: & tous les jours se faisoient des grandes escarmouches devant Paris, du costé de la porte S. Anthoine.

Le Roy de France avoit assemblé à Paris grosse armée, & grans Gens-d'armes & les estoit allé querir jusques en Normandie : & par une noire nuit envoya les frans Archers Normans , faire un tranchis sur la riviere , & estoit iceluy tranchis garny d'artillerie , tellement qu'il batoit du long de la riviere , & du travers, & se pouvoit-on tenir à grand peine à Conflans : le Duc de Calabre & le Comte de Charolois visiterent en leurs personnes ledit tranchis : & prestement firent apporter grandes cuves à vendanger (car legerement pouvoit - on recouvrer desdites cuves , pource que grans vignobles sont en ce quartier) & de ce firent gros boulevarts , garnis de bonne artillerie : & tellement batoyent du travers de la riviere , que les Normans , qui esloyent en tranchis , n'osoient lever la teste : & firent iceux Princes faire un pont sur la riviere , par lequel les Bourgonnons passoient , & tous les jours y avoit grande escarmouche delà l'eaue , & quand les François se venoyent monstrier , le Duc de Calabre avoit une petite compagnie de Suisses qui prestement passoient l'eaue , & ne doutoient point les gens de cheval , car ils estoient communement trois Suisses ensemble , un picquenaire , un coulevrenier , & un arba-

lestier., & estoient si duids de ce mestier, qu'ils secouroient l'un l'autre au besoing : & se bouta avecques eux un Archer du corps du Comte de Charolois, nommé Savarot, qui se monstra moult bien avec lesdits Suiffes.

Ainsi se continuoit la guerre du costé de Conflans : & quasi tous les jours se tenoit conseil à Beauté devant Monsieur de Berry, & les autres Princes : & tous les jours y alloient le Duc de Calabre, & le Comte de Charolois armez, & d'espée ceinte, & sembloient bien deux Princes, & deux Capitaines qui desiroient plus de debat que la paix : & tousjours estoient ces deux Princes d'opinion de mener la guerre outre, pource qu'ils trouvoient le Roy de France variable en ses promesses. A ce conseil venoyent les deputez de Paris, & nommément l'Evesque de Paris, un moult notable clerc, frere de maistre Alain Chartier, mais à nulle fois ne se peut trouver nulle bonne conclusion. D'autre part le Roy de France (qui moult estoit subtil en ses affaires) mit sus de son costé un Parlement, qui se tenoit en la Grange aux merciers, assise assez près de Conflans, & duquel Parlement estoit Chef Monsieur Char-

les (a) Duc d'Anjou : & Monsieur de Berry ; & les Princes y envoyèrent leurs deputez , & tendoit iceluy Parlement à fin , de trouver un expedient sur la reformation du Royaume , & sur le bien public , dont les Princes faisoient plainte.

En ce temps mourut Madame Ysabel de Bourbon , Comtesse de Charolois , & mourut à Anvers , & fut enterrée en l'Abbaye de Saint Michel , où elle gist moult notablement ensepulturée , & fut le vingt-sixiesme de Septembre , l'an mille quatre cens soixante-cinq. En ce temps furent prises plusieurs trefves d'une part & d'autres : & durant lesdictes trefves , nous allions à Paris faire grand chere pour nostre argent , où nous eslions les tres-biens venus : & qui me demanderoit comment se trouvoient les vivres pour si grande & si puissante armée , qu'il y avoit à Paris & dehors , tant de gens d'armes , comme de chevaux , je respons certes , que la cité de Paris estoit lors fort pleine de blez & de vins , & fit grandement son profit de

(a) Selon tous autres , il n'y avoit pour lors autre Duc d'Anjou , que le Roy René de Sicile , & faut qu'il entende icy de ce Comte du Maine , duquel il a ja parlé , ayant nom Charles d'Anjou.

l'armée. D'autre part, le Comte de Rouffy, fils du Comte de Saint Pol, avoit trouvé maniere de soy bouër & tenir main forte, dedans la ville de Laigni-sur-Marne, dont moult de biens, & de pourveances vindrent aux Princes & à l'armée, qui estoit hors de Paris. En ce temps fut le Comte Louis de Saint Pol fait Connestable de France par le Roy, & depuis changerent les entendemens & bonnes amitez, qui estoient entre le Comte de Charolois, & ledit Connestable : pource que de là en avant ledit Connestable se declaira François, & abandonna la hantise dudit Comte, & fus audit temps envoyé, par le faufconduit du Roy de France, devers le Duc de Bourgogne, pour pratiquer cent mille escus, que le fils demandoit au pere, pour payer ses Gens d'armes.

Or ne faut pas oublier, que quand les Liegeois, anciens ennemis de la maison de Bourgogne, veirent que le Duc Philippe estoit denué de ses Gens d'armes, & leur sembla que plus à leur avantage ne pouvoient prendre le noble Prince, ils commencerent la guerre de feu & de sang, mais le bon Duc (qui jamais ne s'effraya de chose qui luy advint) manda le Seigneur de Gasbecque, Messire Philippe de Hornes, le Se-

neschal de Hainault, Messire Anthoine, Bastard de Brabant, & le fils du Seigneur d'Arcy : & de ces quatre fit Capitaines, & leur bailla gens d'armes pour les accompagner, & les envoya au-devant desdits Liegeois, qui desja estoient approchez de Montenacq ; mais lesdits Gens-d'armes, sous la conduite dudit Messire Philippe de Hornes, Seigneur de Gasbecque, leur coururent sus moult asprement (car il estoit un tres-vaillant Chevalier & asseuré) & desconfirent lesdits Liegeois, & en firent grand meurdre, & fut nommée icelle journée la rencontre de Montenacq : & ainsi la puissance du bon Duc Philippe soustint la guerre, & en France & en Liege, & en vint à son dessus & à son honneur par l'exécution de son fils.

En ce temps pource que Madame de Charolois estoit trespassee, entremetteurs se mirent sus, pour faire le mariage de Monsieur de Charolois, & de Madame (a) Jehanne de France, fille du Roy (qui de present est Duchesse de Bourbon) & en espoir de faire celle alliance, le Comte de Charolois, se fiant au Roy de France, passa l'eauë, & alla souper à la bastille Saint Anthoine avecques le Roy, où ils parlerent de plu-

(a) Mais Anne, selon tous Annal. & Cronie. Franç.

seurs choses, & une autrefois le Roy de France, luy sixiesme de chevaux, vint au milieu de toutes les gens d'armes du Comte, & sembloit d'eux toute privauté & bienvueillance, & en ce temps nous amenasmes du tresor du Duc, trois sommiers chargez d'or, où il pouvoit avoir quatre cens quatre vingts mille escus, & le lendemain furent reveuës criées, & tous gens d'armes sur les champs, pour recevoir argent, & là fut ce que le Roy de France vint à six chevaux, visiter l'armée, & le Comte de Charolois se partit de Conflans sur un petit cheval, à tout son grand manteau de dueil, qu'il avoit fait pour la mort de sa femme : & sous les enseignes, & entre les batailles, se conjoignirent, & s'embrasserent le Roy, & le Comte moult amoureusement, comme il sembloit. Le Roy s'en retourna à Paris, & le Comte veit ses reveuës, & le lendemain furent payées toutes manieres de gens d'armes.

Grans parlemens furent tenus entre le Comte & le Roy, touchant iceluy mariage, & offroit le Roy de donner en mariage à sa fille, les Comtez de Brie & de Champagne, & pour ceste matiere fut envoyé Maistre Ichon Carondelet (qui depuis a esté Chan-

celier de Bourgogne) avec charge d'aller à Paris, & de visiter les tiltres, pour sçavoir si un Roy de France pouvoit donner en mariage à sa fille, lesdites Comtez de Brie & de Champaigne, & les oster de la Couronne, & combien que le Comte de Charolois fut en guerre, il eust tousjours avecques luy deux notables clerks Bourgongnons, pour conduire ses matieres : dont l'un fut Maistre Guillaume Huguenot (qui depuis fut Chancelier de Bourgogne) & l'autre fut Maistre Jehan Carondelet, que dessus. Tousjours se continuoit le mariage dessusdit : & durant ce temps, fut pratiqué en ladiſte Grange-aux-merciers, une paix qui fut telle ; que trente six hommes du Royaume de France devoient avoir le regard, pour augmenter le bien public, & en estoit le Roy content, & à la verité ce fut soubtivité au Roy, pour estre quitte de celle charge, & venir à paix avecques les Princes de son Royaume, car j'en ay assez enquis, & ne sceu oncques qui estoient les trente-six, ne qui estoit le premier, ne le dernier ; & à mon jugement, le Roy se monstra le plus subtil de tous les autres Princes, & entretenoit le Comte de Charolois du mariage dessusdit, & ne sçay s'il y avoit grande volonté. •

Ainsi fut la paix crieë de tous coslez, & devoit le Roy par ce traité, bailler à Monsieur de Berry la Duché de Normandie pour son partage : mais quand vint au fort de besongner, le Roy de France en ouvra tout autrement, comme vous orrez cy-aprés. Ainsi se detendit celle armée. Monsieur de Berry & le Duc de Bretagne tirèrent en Normandie : & le Duc de Calabre, & le Comte de Charolois prirent le chemin de Villiers-le-Bel, (qui est un gros village assez près de Saint Denis) & là se visitoient priverment le Roy & le Comte de Charolois, sous ombre dudit mariage, & tindrent la Toussaint audit Nillicrs-le-Bel, ensemble moult familièrement, & puis se partit chascun, & se retira le Roy à Paris, & le Comte de Charolois prit son chemin contre Nostre-Dame de Lieffe, auquel lieu il fit ses ofrandes moult devotement, & puis se tira contre Liege, en intention de venger l'outrage & injure que pretendoyent faire les Liegeois au Duc, en l'absence de luy, son fils : & quand il vint au pays du Liege, il les espouventa tellement, que les Liegeois vindrent à genoux crier mercy au Comte, pour & au nom de son pere, & promirent de non plus venir à armée contre luy : mais

les Liegeois ne sont pas bien coustumiers de tenir ce qu'ils promettent, & aussi ne firent-ils celle fois.

Quand le Comte eut mis à mercy lesdits Liegeois, il s'en retourna en ses pays, & nommement à Bruxelles, où il fut grandement festoyé & receu, tant du pere & de la mere, comme des fructs : & tousjours se continuoit le parlement d'iceluy mariage, & estoient les principaux du costé du Comte, le Seigneur des Cordes, & Guiot Dufie (qui depuis fust Chevalier) & Messire Guillaume Bische, & principalement le Seigneur des Cordes, & Guiot Dufie : & ainsi se couloit le temps, & vivoit le Roy de France avecques le Comte, & le Comte avecques le Roy. Or avons nous devisé de la guerre & de la paix, & est temps que je devise comment exploicta Monsieur de Berry à prendre sa possession de la Duché de Normandie, à quoy le Roy avoit fagement pourveu, comme dict est : car prestement que le Duc de Bretagne fut entré à Rouen, plusieurs grans personnages (comme Jehan Monsieur de Lorraine, & autres) entrèrent en debat pour les grans offices : & d'autre part le Duc de Bretagne elongna de luy Tanneguy du Chastel, & disoit-on que c'estoit à l'appetit du

Seigneur de Lescut, Oudet de Rie. Par ces brouillts, le Duc de Berry n'entra point à Rouen, mais fut logé à Sainte Catherine du mont de Rouen : & quand le Roy sceut & entendit les brouillis qui estoient à Rouen, il s'approcha à grosse armée, pour veoir & entendre à quoy celle chose prendroit fin : & rappella en sa bonne grace le Duc de Bourbon, & le traita bien, pour aux autres donner à entendre, que ceux qui se rendroyent à luy, seroyent amiablement traittez & receus. Il entretenoit le Comte de Charolois du mariage dessusdit, & se vengeoit à l'espée, du surplus de ses ennemis, & le Duc de Bretagne prit conclusion de s'en retourner en ses pays : & Monsieur de Berry fut conseillé de s'en aller avecques le Duc. Ainsi s'en retournerent en Bretagne, & le Roy de France entra à Rouen, où il fit grand chere.

En ce temps je fus envoyé par Monsieur de Charolois, pour sçavoir comment on exploiſtoit à ceste possession de Rouen & de Normandie, mais je fus tantost averti que les Seigneurs que je queroye, estoient déjà en Bretagne. Si passay parmy Rouen, & parlay au Roy, qui me demanda où j'alloye, & je luy respondy, que Monsieur mon Maistre

m'envoyoit devers Monsieur de Berry son frere, pour sçavoir son estat, & aussi pour soy affranchir, & aquiter du serment qui estoit entre eux deux, & sur ce me laissa le Roy passer, & se contenta de mon voyage. Tant allay, que je vins en Bretagne, & trouvay le Duc & son estat à Rennes, & le Duc de Berry avoit passé l'eauë, & estoit logé au chasteau de Vennes (que l'on dict l'Ermine) où le Duc me traita honnorablement. Il estoit accompagné de Monsieur de Beaujeu, frere du Duc de Bourbon, de l'Evesque de Verdun (qui estoit de ceux de Haraucourt) de Maistre Pierre Doriole, du neveu du Comte de Dammartin, de Messire Jehan Blosset, du Seigneur de Malicorne, de Ioachin de Velours, & de moult d'autres gens de bien : & à la verité, quand le Duc de Berry & le Duc de Bretagne sceurent que j'estoye envoyé pour sçavoir de leur estat, & comment ils se portoient, ils en furent moult joyeux, & me fut faicte bonne chere de toutes pars, & me baillerent certaines bonnes charges à dire à mon Maistre, toutes tendans à non rompre les premieres aliances : & ainsi m'en retournay en la compagnie de Monsieur de Beaujeu, auquel Monsieur de Berry avoit donné congé de s'en retourner

en France, & le Roy sceut que j'estoye à Tours, & me manda pour parler à luy à Iargueaux. Ce que je fey, & si les bonnes parolles dont il me donna charge, pour les dire à mon Maistre de par luy, eussent esté vrayes, nous n'eussions jamais eu guerre en France.

Ainsi me party du Roy, & pri mon chemin pour aller à Paris, & de là és pays de Monsieur de Bourgogne, & ne demoura gueres, après que Monsieur de Beaujeu fut arrivé devers le Roy, que le Roy luy donna sa fille en mariage, celle mesme dont il estoit parolle de Monsieur de Charolois, & dict aux Ambassadeurs du Comte, qu'il avoit marié sa fille à meilleur marché, que de luy donner les Comtez de Brie & de Champagne : & quand les Ambassadeurs, & mesmes Maistre Jehan Carondelet (qui avoit visité à Paris les lettrés de par le Roy, comme dict est) furent retournez devers le Comte, & qu'il eut ouy les habilletez du Roy de France, il dict que les heureux y faillent : & ainsi dissimulerent le Roy & le Comte l'un contre l'autre, ce qu'ils avoient au cœur.

C H A P I T R E X X X V I .

Comment le bon Duc Philippe envoya son fils naturel Anthoine sur les Sarrafins de Barbarie : & comment le Comte de Charolois destruisit la ville de Dinand, & fit venir les autres Liegeois à mercy.

EN ce temps le Duc de Bourgogne (qui avoit accoustumé de reconnoistre , envers nostre Seigneur les biens & les graces qu'il luy faisoit , & mesmement par estre requis par nostre Saint pere le Pape , pour donner confort à la foy Chrestienne) (a) eleva ses deux fils Bastards , & grande noblesse de ses pays , pour s'aller joindre avecques le Pape , & servir la Chrestienté : & fit freter & avitailler douze galées , & les armer d'environ dix mille combatans , de la plus belle jeune noblesse & gend'armerie qui fust en ses pays , & fut Messire Simon de Lalain , Seigneur de Montigny , Lieutenant-general de Monsieur

(a) Ceste expedition contre les Barbares se fit en l'an 1464 , selon Meyer ; de sorte que le Bastard de Bourgogne en estoit desja revenu avant la guerre du bien publicq. En quoy appert de la confusion du present Auteur , qui n'a en ce pris aucun regard sur l'ordre des temps.

le Bastard en celle armée : & estoit belle chose de veoir lès bannieres & les pennons en chascun bateau , car chascun Capitaine vouloit monstrier quel homme il estoit en ce haut & saint voyage. Les trompettes & clairons sonnoient à monter les gens d'armes chascun en son navire , & sous leur Capitaine , qui donnoient moult grand rejouissement , & d'autre part tiroit l'artillerie , qui espouventoit & effrayoit toute la compaignie.

(a) Ainsi monterent les nobles hommes & gens-d'armes , chascun en son navire , par moult belle ordonnance , & donna le Duc Philippe , outre le ravitaillement & autres frais qu'il faut faire à freter tels navires , à mondit Seigneur le Bastard son fils naturel , cent mille escus d'or comptant , que luy delivra Iacob Bregilles , des deniers de l'espargne , & ainsi se partit le Bastard de Bourgogne , & celle tres-belle armée , & prirent la mer le plus tost qu'ils peurent , costoyèrent les dunes d'Angleterre , passerent les Raz Saint-Mathieu , entrerent en la mer d'Espagne , & tant vauçerent (b) , à l'aide

(a) Ces preparatifs des navires furent ainsi faicts en l'hable de l'Escluse en Flandres.

(b) Voguerent.

de Dieu, du bon vent & de la bonne fortune, qu'ils aborderent devant Sceulte, qui est une ville en Barbarie, que le Roy de Portugal a conquise, & la tint en ses mains comme Chrestienne; & avoyent les Mores & les Barbares fait une grosse armée, & avoient assiégué ladicte ville de Sceulte, & la tenoyent fort à l'estroit : mais Dieu y amena Monsieur le Bastard & son armée, qui prestement prirent terre, & se preparerent de combattre iceux Sarrafins, qui avoyent mis ledict siege, mais les Sarrafins voyans le courage des Chrestiens, se leverent & abandonnerent leur siege, & n'y eust autre chose faicte. Car les Chrestiens n'avoyent nulz chevaux, parquoy se sauverent legerement les Sarrafins & leur puissance.

Monsieur le Bastard alla visiter ceux de Sceulte, & les bons Chrestiens, qui dedans estoient, qui moult le mercierent, de son bon secours : & retourna chacun en son navire, & reprirent la mer en intention de venir à Ostie, & eux joindre avecques Pape Æneas, mais il trouverent que le Pape Æneas estoit mort, & son armée toute rompue, parquoy ils prirent le chemin de Marseille, auquel lieu semblablement se rompit l'armée des Bourgongnons, & fut celle belle
assemblée

assemblée rompue à petit exploit. En ce temps le Duc Philippe de Bourgogne prit une maladie, dont il fut moult affoibli & aggravé de sa personne, & depuis ne fit pas grand travail, ains se trouva vieil, & maladif, dont ce fut pitié & dommage, car il avoit vescu courageusement, & en Prince vertueux, & le Bastard de Bourgogne, adverti de la maladie de son pere, s'en vint à diligence pour le servir & honorer, comme il devoit. Le Duc Philippe donna audit Bastard la Comté de Roche en Ardaïne : mais on y trouva des difficultez, parquoy il l'eust à moult grande peine. Grande chere fut faicte audit Bastard par le pere, & par le fils, car ils estoient bien avertis qu'à luy n'avoit tenu l'exécution de la guerre, mais tint à ce, que nostre Saint Pere le Pape mourut, parquoy toutes manieres de Gens-d'armes se retirerent : & doy bien ramentevoir la grande chere, & bon recueil que fit le Duc de Calabre à Monsieur le Bastard, & à ses gens au lieu de Marseilles, & si faict à ramentevoir que l'armée toute rompue, Messire Pietre Was & Messire Frederic de Wittem, garnirent leurs batteaux, le mieux qu'ilz peurent : & firent un an la guerre aux Sarrafins, vauçant la mer à leur avantage.

où ils acquirent grand honneur, car ce n'est pas peu de chose, après l'armée rompue, de soutenir la guerre un an, contre les infideles & Sarrafins, comme dict est (a).

En ce temps le Seigneur d'Escalles, frere de la Royne d'Angleterre, chargea une emprise, pour faire armes a pied & a cheval : & fit sçavoir à Monsieur le Bastard de Bourgogne, que s'il vouloit lever son emprise, & le descharger de sa charge, il le desiroit devant tous autres. Monsieur le Bastard (qui des pieça avoit quis de faire armes, & combattre en champ clos) fut bien joyeux de ces nouvelles, & les porta au Duc son pere, qui liberalement luy accorda d'accomplir lesdictes armes, au frere de la Royne d'Angleterre : & ainsi furent icelles armes acceptées, & se prepara chascun de son costé, de ce que besoing luy estoit : & pour accompagner mondit Seigneur le Bastard, Philippe Bouton, & Jehan de Chassa se preparerent de faire armes en Angleterre, & lors Madame de Bourbon, sœur du Duc Philippe, & ses filles, vindrent visiter le Duc, & fut en ce mesme temps fait le mariage du jeune

(a) Et en cecy l'Autheur fait le fault jusques en l'an 1466, auquel ladicte emprise fut mise sus, & achevée en l'an 1467, comme trouverez par le Chapitre suivant.

Duc de Gueldres, & de Madamoiselle de Bourbon, niece du Duc, & ainsi se passoit la saison.

En iceluy temps, les Liegeois de Dinand ennuyez de leur bonne fortune, & desirans resveiller leur malheur, s'esleverent, & prirent Iehan le Charpentier, un moult notable homme de Dinand, & le firent piteusement mourir, pource qu'il avoit communiqué avec le Duc Philippe, & faict traité avecques luy, au bien & utilité de la ville de Dinand : mais ils le tournerent en un autre usage, & comme dict est, firent mourir piteusement ledit Iehan le Charpentier, & (qui plus est) disoyent du Duc de Bourgogne, toutes les injurieuses parolles, dont ils se pouvoient aviser, & mesmement bouterent le feu en la Comté de Namur : & fut conseillé le Duc en ses vieux jours, de prendre les armes, & d'assembler gens-d'armes de toutes pars, pour soy venger d'iceux de Dinand, & se tira luy, & le Comte son fils, à Namur, & fut conseillé le Duc de demourer audit Namur, & envoya son fils à Bouvine, & l'accompagna le Comte de Saint Pol, Connestable de France, le Marechal de Bourgogne, & plusieurs Seigneurs de Brabant & de Haynaut, & conclurent

d'aller mettre le siege devant Dinand, & se departirent en trois parties.

L'un des sieges tenoit le Comte de Charolois, le second le Mareschal de Bourgongne, & le tiers tenoit le Bastard de Bourgongne, & la quarte partie estoit la riviere où il ne failloit point de siege, & ainsi fust Dinand assiegé de tous costez : & combien que j'eusse veu plusieurs sieges de Prince, toutesfois fut-il là faicte une chose que je n'avoie oncques veüe, car Messire Pietre de Hacquembac, lors Maistre de l'artillerie, amena les bombardes devant les portes de Dinand, a heure de plain midi, & vous declaireray comment. Il avoit afusté sa menuë artillerie, dont il avoit grand planté, devant les portes, & la muraille de Dinand, & quand il approcha a tout ses bombardes, le trait à pouldre voloït si dru, que ceux de la ville n'osoyent mettre la teste hors des portes, ne des murailles, & ainsi approcha ses bombardes & mena le premier cheval par la bride, & les bombardes assises, la ville de Dinand ne dura pas longuement, ains se rendit à voluntad, & les Liegeois (qui leur estoient venus à secours, s'enfuirent, & s'elongnerent de ce lieu, & le Comte de Charolois & ses gens entrerent dedans la ville, comme Maistres

& Seigneurs, & fut la ville pillée de toutes pars, & puis fust mis le feu dedans, & fust brulé Dinand par telle façon, qu'il sembloit qu'il y eust cent ans que la ville estoit en ruine, & le Comte (qui moult estoit grand justicier) fut adverti que trois Archers de sa compagnie avoyent desrobé une femme & qu'ils l'emmenoyent derriere les montaignes, afin qu'elle ne fust ouye par les cris qu'elle feroit à son efforcement; mais le noble Comte tira celle part, prit les malfaïcteurs, & présentement les fit pendre & estrangler au premier arbre qu'il trouva, & à la femme fit des biens, comme il appartenoit : & signifia à son pere par le Seigneur d'Imbercourt la victoire qu'il avoit de ses ennemis, & l'exécution qu'il avoit faicte, luy priant qu'il se voulüst contenter (car il estoit bien vengé de ceux de Dinand) & aussi demandoit congé de poursuyvre ses ennemis Liegeois, car il les avoit faict chevaucher, & sçavoit où ils estoient arrestez.

De son execution se contenta le Duc Philippe, & luy donna congé de poursuyvre ses ennemis, & s'en retourna le Duc à Bruxelles, le plustost qu'il le peut faire, & le Comte & sa compagnie tirerent après leurs ennemis, & les trouverent qu'ils se reposoyent de

l'autre costé de la riviere de Habsbaing, & les eust le Comte defaicts sans nulle faute, mais un Chevalier Liegeois, nommé Messire Regnaud du Rouvray, moult vaillant & sage Chevalier, (a) eut grand pitié de veoir le peuple de sa nation en danger, car il congnoissoit bien que les gens d'armes les deferoient. Si prit un asseuré courage, & dict aux Liegeois : *Mes amis, ne vous bougez, mais attendez que j'aye parlé au Comte de Charolois, & peut estre que je trouveray le moyen, que vous ne vous combatrez point legerement.* Et sur ce departit ledit Messire Regnaud, & dict à Monsieur le Comte : *Monsieur ce povre peuple ne vous demande rien. Ils entendent d'avoir traité avecques vous, & vous prient que les vueillez tenir paisibles.* Mais le Comte (qui moult estoit fier) respondit qu'il ne sçavoit nulle cause de leur venuë en ce lieu, sinon pour luy porter dommage, & qu'il n'avoit pas intention de les laisser partir sans bataille. Messire Regnaud prit congé, & s'en retourna devers les Liegeois, & leur dict qu'il avoit bien parlé au Comte, à l'avantage des Liegeois, & luy avoit remonstré qu'ils ne luy demandoient

(a) Entendez qu'il estoit au service du Comte de Charolois, ou bien se portoit pour neutre.

rien, mais ils se deffendroyent s'il estoit be-
soing.

Et ainsi parloit sagement Messire Regnaud de Rouvray, & par ses alées & venues, practiqua tellement, que le jour faillit, & convint chascun soy retirer d'une part & d'autre, sans bataille pour ce jour: & se logea chascun qui mieux mieux, comme il est coustume de loger devant ses ennemis. Si furent grans feux faicts d'une part & d'autre, mais la riviere de Habsbaing estoit entre deux, qui garda la vie ce jour à maint Liegeois, & quand le jour fut venu, & que le Comté & son armée perceurent que les Liegeois s'esloyent retirez, le Comte fit chacun tirer aux champs, à la poursuyte desdicts Liegeois, mais pour celle fois il ne peut atteindre leur puissance, car ils s'esloyent ja retirés es bonnes villes, toutesfois il marcha avant, & espouventa tellement iceux Liegeois, qu'ils furent contrains de luy venir crier mercy, voire eux mesmes abatirent les murailles & les portes de leur ville, & ainsi se departit celle armée, & s'en retourna le Comte de Charolois, & le Bastard de Bourgogne, devers le Duc leur pere, qui les recueillit a grande joye.

C H A P I T R E X X X V I I .

*Comment le Bastard Anthoine de Bourgogne
alla faire armes en Angleterre, & comment
le bon Duc Philippe son pere mourut ce-
pendant.*

CES choses faictes, le Duc envoya son fils (a) naturel en Angleterre, moult bienourny de toutes choses ; & y fut Messire Simon de Lailain pour son principal conduiseur, & Messire Claude de Toulangeon, Seigneur de la Bastie, Messire Philippe Bastard de Brabant, Messire Jehan de Montferrant, Gerard de Rossillon, le Seigneur de Tibaville, & plusieurs autres : & en ce temps je me trouvay en Angleterre, & m'y arrestay, pour veoir icelles armes : & certes le Bastard de Bourgogne tenoit tel estat & tel triumphe que peut faire le fils aîné legitime de Bourgogne. Mais nous nous tairons de toutes ces choses pour le present, pour parler de l'exécution d'icelles armes. Le Roy Edouard d'Angleterre avoit faict preparer les lices, grandes & pompeuses, & pour sa personne fut faicte une maison moult

(a) Ce passage du grand Bastard de Bourgogne en Angleterre fut après Pasques de l'an 1467, selon Monstrelet & Meyer.

grande & moult spatieuse, & estoit icelle maison faicte en telle maniere, que l'on y montoit par degrez, au dessus où estoit le Roy. Il estoit vestu de pourpre, la jartiere en la jambe, & un gros batton en sa main, & certes il sembloit bien personne digne d'estre Roy, car il estoit beau Prince, & grand, & bien amanieré. Un Comte tenoit l'espée devant luy, un peu sur costiere, & autour de son siege estoient vingt, ou vingt-cinq Conseillers, tous blancs de cheveleures : & ressembloyent Senateurs, qui fussent là commis, pour conseiller leur Maistre. Le Comte de Volfestre tint lieu de Connestable, & estoit accompagné du Marechal d'Angleterre, & sçavoit moult bien faire son office. En descendant du hourd, avoit trois hourds, deçà & de là desdits degrez. Au premier estoient Chevaliers, au second estoient Escuyers, & au troisieme les Archers de la couronne, chascun un voulge en la main : & au pied desdits degrez avoit deux chaizes, l'une pour le Connestable, & l'autre pour le Marechal : & à l'opposite de l'autre costé de la lice estoit un hourd, non pas si haut que la maison du Roy, pour loger le Maire de Londres, & les Hondremans, servans pour celle année.

Tantost après que le Roy fut assis en son trosne & en sa chaize (qu'il faisoit moult beau veoir) le Maire de Londres accompagné des Hondremans & de ceux de la Loy entrèrent en la lice, l'espée devant luy, & tira contre son hourd, & en passant pardevant le Roy, n'y eut autre difference, sinon que celuy qui portoit l'espée devant le Maire, en se mettant à genoux, le Maire & tous les autres, mit la pointe en bas, en signe d'humilité, & puis se releva prestement, & s'en alla le Maire de Londres mettre au hourd, pour luy ordonné, & là demoura pour veoir les armes, & tousjours l'espée devant luy : & ne demoura gueres que les gardes de la lice (à scavoir huit hommes d'armes, bien montez & bien armez) firent leur entrée en ladicte lice, par le congé du Connestable, qui leur ordonna ce qu'ils devoient faire. Tantost après, Monsieur d'Escalles vint à l'entrée de la lice, & le Connestable alla au devant de luy, & demanda qu'il queroit : & il respondit qu'il se venoit presenter devant le Roy d'Angleterre son souverain Seigneur, pour faire & accomplir les armes, qu'il avoit emprises à l'encontre du Bastard de Bourgogne, & sur ce luy fut faite ouyerture : & certes il estoit armé, &

monté richement & avoit dix ou douze chevaux de pareure, bien richement couverts, & après sa presentation faicte devant le Roy, il se tira de sa perſonne en une petite tente, qui luy eſtoit ordonnée.

Puis tantost après vint le Baſtard de Bourgogne, qui pareillement demanda entrée. Ce que l'Admiral luy accorda, & ſe presenta ledit Baſtard devant le Roy, pour fournir ſes armes : & devez ſçavoir qu'il eſtoit moult pompeuſement accouſtré, & avoit douze chevaux couverts, les uns de drap d'or, les autres d'orfaverie, les autres de velours, chargez de campanes, & les autres couverts de martres, que l'on dit ſables, ſi belles, & ſi noires, qu'il eſtoit poſſible d'en trouver. Les autres eſtoient couverts de brodures, faictes moult richement. Les pages eſtoient veſtus de meſme, comme il appartenoit, & certes ce fut une riche ſuite, & que le Roy veit volontiers. Sa presentation faicte, il ſe retira en une petite tente, faicte pour luy : & preſtement ſe firent les criſ & les deſſenſes accouſtumées, & furent portées au Roy par deux Comtes, deux lances, & deux eſpées, d'une façon & d'une grandeur : car le Seigneur d'Eſcalles par les chapitres devoit livrer les baſtons, au choix de ſa partie

adverse, & envoya lesdits bastons le Roy au Bastard de Bourgogne, pour choisir ce qui luy seroit le meilleur. Le Bastard de Bourgogne choisit assez legerement, & furent mis les deux bastons qu'il retint, és mains de deux Officiers d'armes, qui les tinrent dehors le pavillon, jusques il fut prest pour faillir : & après cris & ceremonies faictes, les Champions furent saisis de lances & espées, pour eux ordonnez. Si mirent les lances aux arrests, & coururent celle course sans atteindre ou confuir l'un l'autre : mais au retour qu'ils firent, & qu'ils eurent mis les espées en leurs mains, le cheval de Monsieur le Bastard donna de la teste contre la have de la selle du Seigneur d'Escalles, & de ce coup le cheval se tua tout roide, & tomba mondit Seigneur le Bastard sous son cheval, l'espée au poing : & tantost le fit le Roy d'Angleterre relever, & se monstra moult courroucé à l'encontre de mondit Seigneur d'Escalles, pource qu'il cuidoit qu'il eut faict fausseté en la pareure de son cheval ; mais non avoit, ains advint ce coup & ce choc par mesaventure, & comme je l'ay devisé : & le Roy leur donna congé pour celle fois, & s'en retourna mondit Seigneur le Bastard en son logis : & me dict, en rentrant en sa chambre : Ne

vous souciez, il a aujourd'huy combatu une beste, & demain il combattra un homme. Et à celle heure vint le Connestable de par le Roy, pour sçavoir s'il estoit aucunement blessé, mais Monsieur le Bastard respondit qu'il mercioit le Roy, & que nulle blesseure n'avoit, ains estoit prest le lendemain de faire ses armes de pied, priant qu'ainsi le voulsist le Roy accorder; & le lendemain, à heure ordonnée, comparurent au camp Monsieur le Bastard, & Monsieur d'Escalles, & fut toujours accompagné mondit Seigneur le Bastard du Duc de Suffort, qui moult cordialement l'accompagna, & après cris & ceremonies faictes, Monsieur d'Escalles envoya trois manieres de bastons presenter au Roy, pour icelles armes de pied fournir & achever, & d'icieux bastons devoit avoir le Bastard de Bourgogne le choix. Les deux premiers bastons estoient deux lances à jecter, & les portoient deux Chevaliers. Les seconds bastons estoient deux haches, & les portoient deux Barons. Les troisiemes bastons estoient deux dagues, & les portoient deux Comtes : & quand iceux bastons furent presentez au Roy, le Roy retint en ses mains les deux lances à jecter, & les quatre autres bastons envoya à Monsieur le Bastard, pour prendre son choix, selon le

contenu des chapitres. Monsieur le Bastard retint une hache & une dague, & le surplus fut apporté par le Connestable, à Monsieur d'Escalles : & vindrent les escoutes de pied, à sçavoir six hommes d'armes de pied, bien en point, chascun un baston de bois en la main.

Le Bastard de Bourgogne estoit paré de sa cotte d'armes de Bourgogne à une barre de travers, pour monstrier qu'il estoit Bastard : & le Seigneur d'Escalles avoit sa coste d'armes au dos, & portoit sa hache au col, & en guise d'un espieu, & venoit criant, *Sainct George*, par trois fois. Les champions se joindirent fierement, & s'affaillirent l'un l'autre de grand courage : & fut fort belle ceste bataille, ne je ne vei oncques combattre de haches si fierement : & certes Monsieur le Bastard monstra bien qu'il estoit un homme voire un Chevalier, duit aux armes, & au mestier, & furent tous deux pris & departis, sans grand foule, l'un d'avec l'autre. Et ainsi furent icelles armes faictes & accomplies : & à la verité, je vey depuis le harnois de Monsieur d'Escalles, où Monsieur le Bastard avoit fait de grandes faucées de la dague de dessous sa hache : & au regard des dagues qui leur furent baillées, ils ne s'en aiderent point en

ceste bataille, & ainsi prirent les champions congé du Roy, & se partirent tous à une fois de la lice, leurs haches sur leurs cols, pour monstrier qu'ils n'avoient estez debattonnez, & se retira chascun en son logis.

Au regard du Roy d'Angleterre & de la Roynes, ils avoyent faicts preparer le souper en la Grange des merciers, & là vindrent les Dames : & vous certifie que j'y vey foixante, ou quatre-vingt Dames, de si noble maison, que la moindre estoit fille de Baron; & fut le souper grand & plantureux, & Monsieur le Bastard, & ses gens festoyez grandement & honnorablement. Au lendemain firent armes à pied Messire Jehan de Chassa & un Escuyer Gascon, nommé Louis de Bretelles, serviteur de Monsieur d'Escalles, & acœmplirent icelles armes sans grand soule l'un sur l'autre : & le lendemain firent armes à cheval, esquelles Messire Jehan de Chassa eut grand honneur, & fut tenu pour un bon coureur de lance : & le lendemain fit armes Messire Philippe Bouton, à l'encontre d'un Escuyer du Roy. Iceluy Escuyer estoit Gascon, & se nommoit Thomas de la Lande, & estoit iceluy Thomas beau compagnon, & homme de bien : & entre eux sourdit une question, car ceux qui servoyent Messire

Philippe Bouton disoient que l'arrest de Thomas de la Lande estoit trop avantageux. Si fut visité par les gens du Roy, & trouverent qu'il estoit vray, dont le Roy ne fut pas content; toutesfois ils conclurent de parfaire leurs armes, & fit chascun le mieux qu'il peut, comme il est coustume en tel cas, & ainsi furent les armes achevées, d'une part & d'autre, & Monsieur le Bastard pria les Dames le Dimanche au dîner, & nommement la Royne & ses sœurs : & fit un grand desfroy, & une grande preparation : & nous partismes Thomas de Loreille, Bailly de Caen, & moy, pour aller en Bretagne, fournir nostre Ambassade, & vinsmes à Pleume, attendant le vent, & navires pour nous passer en Bretagne.

Et en ce temps vindrent les nouvelles à Monsieur le Bastard en Angleterre, que le Duc de Bourgogne estoit trespasé; & devez croire que grand dueil eust ledit Bastard (quand il ouit la mort de son pere) & toute la Noblesse qui estoit avecques luy. Si changerent leurs plaissances passées à plours, & à larmes, car il estoit mort, comme Prince de toute vertu. Et fit en sa vie deux choses à l'extremité, dont l'une fust, qu'il mourut le plus riche Prince de son temps, car il
laissa

laissa quatre cens mille escus d'or comptans, soixante douze mille marcs d'argent en vaisselle courant, sans les riches tapisseries, les bagues, la vaisselle d'or, garnie de pierres, & sa librairie moult grande, moult bien estoillée, & pour conclusion, il mourut riche de deux millions d'or en meubles seulement, & pour la seconde extine, il mourut le plus large & le plus liberal Duc de son temps. Il maria ses nieces à ses despens. Il soustint grandes guerres, & longuement. Il refit par plusieurs fois à ses despens, l'Eglise & la Chapelle de Ierusalem. Il donna dix mille escus pour faire la tour de Bourgongne qui est en Rodes. Il en donna dix mille au Roy d'Albanie. Nul ne s'en alloit de luy, qu'il ne fust bien recompensé. Il tenoit grand estat, approchant à estat de Roy. Il entreuint cinq ans Monsieur le Dauphin en son estat, & fut Prince si renommé, que tout le monde en disoit bien. Ainsi fit le Duc Philippe de Bourgongne deux choses à l'extremité, comme dit est, car il mourut tout libéral, & tout riche, & trespassa de ce siecle le quinziésme jour de Iuing, l'an mille quatre cens, soixante-sept, & le Bastard de Bourgongne prit congé du Roy d'Angleterre, & de la Royne, & des Dames moult piteusement, & furent les

provisions perdues, & rompit le propos de festiement, & s'en revint à Bruges, où il trouva le Comte de Charolois (que l'on appelloit Duc de Bourgongne) lequel luy fit grand chere : & dorenavant, quand je parleray dudit Comte, je l'appelleray Duc de Bourgongne, comme c'est raison.

Si fust le corps de ce noble Prince porté solennellement, à grand deuil, souspirs & larmes en l'Eglise de Saint Donas audit Bruges, où il reposa, & fut gardé jusques on le mena en Bourgongne, pour estre sepuluré és Chartreux de Digeon, avecques ses predecesseurs (a). Les preparations furent faictes, pour mener le corps du Duc Philippe en Bourgongne, & aussi le corps de Madame Ysabel de Portugal, Duchesse de Bourgongne: laquelle après son trespas, gisoit à Gonnaut, & fut la preparation du Duc moult bien ordonnée & faicte. Les chevaux du chariot couverts de velours, & pennons, bannieres, & cottes-d'armes estoient bien ordonnez. Le corps gisoit en son chariot, & par dessus avoit un poisse eslevé : & après venoit le corps de Madame de Bourgongne, en son chariot,

(a) Il faut entendre que ce transport du corps du Duc & de la Duchesse, fut au prime faict en Decembre 1473; & mourut ladicte Duchesse en Decembre 1471.

& chevaux couverts de velours, & sembloit bien que leans gisoit le corps d'une grande Dame, & de noble recommandation.

Le Duc leur fils estoit desja en Bourgogne & en sa ville de Digeon, & conduisoient les corps dessusdits, le Seigneur de Ravastain, & Messire Jaques de Saint Pol, & ne me puis passer de deviser comment iceux deux nobles corps entrèrent a Digeon, & la maniere : & pour monstrier & donner à entendre les ceremonies, & les pompes, qui furent tenues à iceluy enterrement, & mesmes à celle entrée de Digeon, mondit Seigneur voulut que l'on fit honneur à la nation de Bourgogne, & premierement marchoit le Seigneur d'Itelain, qui portoit le pennon, armoyé des armes du Duc : puis venoient les deux freres de Toulangeon, qui mennoient le cheval, couvert des plaines armes du Duc ; & puis venoit le Seigneur de Ray, qui portoit l'espée du Duc, & après venoit à costiere l'un de l'autre le Seigneur de Givry (qui estoit de Vienne) portant l'escu des armes du Duc, & emprés luy marchoit Messire Guillaume, Seigneur de Vergy, portant le heaume & le tymbre du Duc, & puis venoient Messire Charles de Chalon, neveu du Prince d'Orange, qui portoit la banniere,

& après venoit le Roy-d'armes de la Toison d'or vestu de sa cotte d'armes & portoit la cotte d'armes du Duc, desployée entre ses deux mains, & puis venoit le Duc Charles, à tout son habillement de dueil, & le suivoient les grans de son sang, qui estoient ordonnez pour faire le dueil avecques luy, & puis si grand nombre de Chevaliers, Escuyers, & Nobles hommes, que c'estoit belle chose à veoir. Les Eglises alloient devant par ordre. Les Chevaliers de l'ordre, qui ne porterent point le dueil, estoient tous à pied, adextrans le chariot, tenans le poisse couchant. Le poisse eslevé, fut soustenu par quatre des plus grans du pays de Bourgogne, & n'ay point de souvenance, pour les nommer. Après venoit le corps de Madame en son chariot, & estoit adextré de huit ou dix personages, des plus nobles du pays : & ainsi & en telle maniere, furent ces deux nobles corps menez à Digeon, & reposerent celle nuit en la Chapelle de l'Ordre, & toute la nuit y eust grand luminaire, grandes prieres, & grandes oraisons : & le lendemain en ce mesme estat & triumphe, furent les deux nobles corps menez és Chartreux de Digeon, & logez en leur sepulture : & là fut fait grand & notable service, & après

le service fait, s'en retourna le Duc en sa maison, ainsi qu'il estoit venu, excepté que les deux corps demourerent en leur sepulture, & je prie à Dieu qu'il les veuille avoir en son Saint Paradis.

Fin de la première Partie

M É M O I R E S
D' O L I V I E R
D E L A M A R C H E.

S E C O N D E P A R T I E.

C H A P I T R E P R E M I E R.

*Comment le Duc Charles de Bourgogne, par-
avant Comte de Charolois, ayant succédé
au bon Duc Philippe de Bourgogne son
pere, alla derechef contre les Liegeois, &
comment nouvelle querelle s'esmeut entre le
Roy Louys & luy, tant pour les partia-
litez d'Angleterre, que pour les villes de
la riviere de Somme,*

Vous avez bien entendu comment je me
parti de Monsieur le Bastard de Bourgogne,
pour aller faire ce qui m'estoit commandé
en Bretagne. Sur mon chemin je fus averti
de la mort de Monsieur le Duc Philippe,
mon Seigneur & mon Prince, qui me furent
piteuses nouvelles. Toutesfois je passay en
Bretagne, pource que ma charge estoit, &
du pere & du fils : & quand je vin en Bre-
tagne, je trouvay que le Duc se monstroït
moult troublé de la mort du Duc Philippe,

& avoit fait preparer un service & un obseques, le plus beau que je vey oncques, car il y avoit quatorze Prelats revestus, & toute la nef de l'Eglise estoit toute parée de soye & de bougran, aux armes de Monsieur de Bourgongne, & non pas armes attachées à espingles, mais couchées & moulées, comme l'on fait les cottes d'armes. Les cierges & le luminaire furent grans & plantureux. Cinquante povres y eut qui portoyent cinquante torches : & ne voulut souffrir le Duc, que nuls des Seigneurs de Bretagne (combien qu'il y en avoit assez qui estoient partis de Flandres) portassent le dueil avecques luy, & disoit qu'il ne sçavoit nul en sa Duché, qui fust suffisant pour porter le dueil de si haut Prince, & ainsi porta le dueil tout seul : & au partir du service, je l'allay mercier de l'honneur qu'il avoit fait à la maison de Bourgongne, & il me respondit qu'il le devoit bien faire : & ainsi se passa iceluy service, & exploitay ma charge le plusloft que je peu ; & puis repassay la mer, & m'en revin devers mon maistre.

Quand les Liegeois, ennemis de leur bonne fortune, entendirent que ceste Seigneurie estoit chargée de pere à fils, & que le Duc, qui si bien les avoit chastiez, estoit mort, ils

vouldrent esprouver & essayer si leur fortune ne seroit pas meilleure à l'encontre du fils, que contre le pere : & pour commencer leur malheur, ils reprirent la ville de Saintron sur le Duc de Bourgogne, laquelle ville, par les traitez passez, le Duc de Bourgogne avoit retenu en ses mains, pour faire barriere entre Liege & ses pays, & disoyent iceux Liegeois. *Pourquoy ne prendrons-nous Saintron qui est une des filles de Liege ?* Et le Duc Charles de Bourgogne ne se voulut point contenter d'icelle prise, mais à son commencement voulut bien monstrier aux Liegeois, qu'il estoit homme pour garder le sien, & fit prestement une grosse armée, & manda par le Mareschal de Bourgogne les Bourgongnons, & prestement se mit aux champs à grande puissance d'archers & hommes d'armes : & par une avant veille de Toussaints, se vint loger devant Saintron, du costé du Habsbain, & trouva dedans Saintron pour Capitaine, Messire Regnaud de Rouvray, dont j'ay parlé cy-dessus, lequel Messire Regnaud se conduisit en ce qu'il avoit de charge, fagement & honnorablement, & gardant sa loyauté & son parti.

Le Duc de Bourgogne se logea celle nuict devant Saintron, comme dict est; & en

verité son logis estoit si profond & si mol, qu'à peine pouvoit-on aller de logis à autre ; & celle nuit le noble Duc ne dormit pas tousjours, mais mit par escrit les ordonnances de ses batailles, & fit faire bon guet & bonnes escoutes : car les Liegeois ont une maniere de parler, qu'ils tiennent, *Que nul ne passe le Habsbain, qu'il ne soit combattu le lendemain* : & bien le monstrerent, car le lendemain assez matin, ils vindrent gagner le village de Brustan, au plus près du Duc de Bourgongne, à grosse puissance de Liegeois ; & les conduisoit un Chevalier de Liege, nommé Messire Barre, & tantost les compagnies du Duc de Bourgongne se mirent aux champs : & me souvient que le Duc de Bourgongne monta sur un courtaut, & s'en alla devant ses compagnies, & portoit son ordonnance par escrit en ses mains, & mit ses gens d'armes en ordre & en bataille, ainsi qu'il avoit consulté la nuit devant : & Monsieur de Roussi, fils du Connestable de France, & le Mareschal de Bourgongne, amenerent les Bourgongnons à moult bel ordre, pour donner & ferir à leur bout, & à leur endroit de la bataille des Liegeois.

Le Duc de Bourgongne s'arma, & furent ordonnez vingt Chevaliers (dont je fus l'un)

pour avoir le regard sur la personne : & maintenant commença la bataille fiere, & bien combatue, & furent envoyez pour renfort en ladite bataille, les archers du Seigneur des Cordes, & du Seigneur d'Emeries, où il y avoit une grosse bande d'archers (& vous le certifie) à combattre icelle bataille. Le Duc de Bourgogne eut tousjours douze cens hommes d'armes qui ne se bougerent, mais regarderent la bataille combattre devant eux, car le Duc de Bourgogne estoit averti que le Roy de France envoyoit une grosse bande d'hommes-d'armes, pour rompre l'emprise du Duc, mais le Duc y avoit bien pourveu. La bataille ne dura pas longuement, car les archers Bourgongnons estoient embatonnez de grandes espées, par l'ordonnance que leur avoit faicte le Duc de Bourgogne, & après le traict passé, ilz donnoient de si grans coups de celles espées, qu'ils coupoyent un homme par le faux du corps, & un bras, & une cuisse, selon que le coup s'adonnoit : & se mirent les Liegeois (qui ne peurent la puissance des archers soutenir) à fuir & eux sauver, qui mieux mieux, & ne trouverent garant, sinon en la noire nuit (qui fut tantost obscure) & le Duc de Bourgogne vouloit aller après pas-

ser la nuit, & poursuivre la chasse, mais ceux qui l'avoient en charge ne le souffrirent pas, pour les dangers qui en pouvoient advenir.

Là fut occis Messire Barre Liegeois, & maints autres Liegeois, & eut le Duc de Bourgogne une belle aventure pour son premier avancement à estre Duc : & avoit laissé le Duc le Comte de Marle & sa compagnie devant Saintron, pour garder la faille des ennemis, & se logea chascun qui mieux mieux, en grande joye de la bonne aventure, & furent gens envoyez celle mesme nuit parlementer à Messire Regnaud, mais ledit Messire Regnaud ne respondit oncques mot, & ne fit point de semblant d'avoir veu la bataille perdue pour eux. Plusieurs Liegeois furent tuez devant Saintron, les uns de coup à poudre, & les autres autrement, mais leurs parens boutoyent les corps par pieces, & les boutoyent en tonneaux de chaux, en intention de les mener prendre sepulture avecques leurs ancesseurs, & certes ils monstroient un merveilleux courage : & fin du compte, Messire Regnaud de Rouvray tint le Duc & son armée trois jours, avant qu'il voulut parlementer, & durant ce temps, tua des gens au Duc, par traict à poudre & au-

trement, & mesmes y fut tué un de ceux de Velu, moult honneste Gentilhomme. En fin de compte Messire Regnaud parlementa, & fit un traité honneste, pour luy & ses compaignons Liegeois, & par ce moyen fut la ville de Saintron remise és mains du Duc de Bourgongne, & s'en alla Messire Regnaud à Liege, à son grand honneur, & monstra bien qu'il estoit Chevalier de grand sens & de grande vertu, & le Duc de Bourgongne marcha avant & son armée, & vint devant Liege, & tellement il exploita, que les Liegeois luy crierent mercy derechef, & abatirent leurs portes & leurs murailles, & ainsi furent les murailles de Liege abatues & rasées, & le Duc s'en retourna en ses pays après celle victoire.

Si nous tairons à present des guerres de Liege, pour deviser de ce qui advint depuis. En ce temps (a) vint aucun discord entre le Roy Edouard d'Angleterre, & le Duc de Clarence son frere : & se doutoit le Roy d'Angleterre de luy, pource qu'il estoit beau Prince, fort aimé au Royaume, & porté & soustenu du Comte de Varvich,

(a) Ce discord d'Angleterre fut en l'an 1469, selon la cronique d'Angleterre de George Lilie, & selon Commynes

dont il avoit espouſé la fille, & en eſtoit le Roy d'Angleterre en grande diffidence, & ſi grande, que la guerre ſe meut entre eux, mais le Roy d'Angleterre ſe trouva le plus fort, & fut force au Duc de Clarence & au Comte de Varvich, de vuidier le Royaume d'Angleterre : & par une nuit traverserent la mer, & tirerent en France devers le Roy Louis, qui les receut amiablement, bien joyeux de ce qu'ils eſloyent venus à garant devers luy, & en ſon Royaume. Ceſluy Comte de Varvich fut homme ſage, & ſubtil en ſes affaires, & entretint la cité de Londres, & le Royaume d'Angleterre par trois voyes. La premiere, par caperonnées, & par humilité feinte au peuple de Londres, dont il eſtoit moult aimé. Secondement il eſtoit maiſtre des cinq ports d'Angleterre, où il ſouffroit grand dommage faire : & jamais de ſon temps on ne fit droit en Angleterre, à aucun eſtranger de perte qu'il luy fut faiſe, parquoy il eſtoit aimé par les pillars d'Angleterre, qu'il vouloit bien entretenir. Et tiercement il entretint la ville de Londres, par tousjours y debvoir trois ou quatre cens mille eſcus, à diverſes gens, & à diverſes parties, & ceux à qui il devoit, deſiroyent ſa vie & ſa proſperité, afin d'eſtre une fois payez de leur deu.

En ce temps firent le Roy d'Angleterre & le Duc de Bourgogne une grosse armée par mer, dont fut chef pour les Anglois le Seigneur d'Escalles, & pour le Duc de Bourgogne le Seigneur de la Vere, Comte de Grandpré (lequel estoit moult expérimenté en la mer), & certes le Duc de Bourgogne fit son armée par mer si grande & si puissante de gens & de navires, que c'estoit moult fiere chose à veoir, (a) & tira ceste armée à la Hogue Saint Vas en Normandie, pource que les navires du Duc de Clarence & du Comte de Varvich s'y estoient retirés : & estoit l'intention du Duc de Bourgogne de leur detourber leur retour en Angleterre. Le Roy Edouard & le Duc de Bourgogne conclurent ensemble de retirer icelle armée : & ainsi fut icelle armée rompue pour celle saison : & (b) depuis le Roy d'Angleterre trouva maniere de ravoir son frere, & le fit mourir en un baing, comme l'on disoit : & au regard du Comte de Varvich, il demoura en France assez longuement, & jusques à ce qu'il descendit avec-

(a) Cecy peut estre en l'an 1470, selon Lillie & Commynes.

(b) Qui fust en l'an 1471, selon Lillie, racomptant tout cecy un peu autrement après Pol Vergile.

ques la Royne Marguerite, fille du Roy de Cecile, & avecques son fils, qui se disoit Prince de Galles. Mais le Roy Edouard les desconfit en bataille, & là mourut le Comte de Varvich, le Prince de Galles, & le Duc de Sombreffet, & plusieurs autres grans personages : & ainsi fut celle guerre achevée, & le Roy Edouard affermé, tant du Prince de Galles, que du Duc de Clarence, & de ses autres principaux ennemis.

En ce temps le Roy de France, par moyen, & principalement par le moyen du Connestable de France, fit tant que les villes d'Amiens & de Saint Quentin (a) se mirent en l'obeissance du Roy, & abandonnerent le Duc de Bourgongne (combien qu'elles fussent de terres enclavées sous le traité d'Arras) & prestement comme le Duc de Bourgongne en fut averti, luy comme Prince courageux & de vertu, fit une grosse armée, & se vint loger devant Amiens, & se logea de sa personne à Saint Acheu, & fortifia son camp, tellement qu'il estoit perilleux à y entrer, & le Connestable de France, à tout quinze cens hommes d'armes des or-

(a) Ce renouvellement de guerre pour les villes de Somme, fut au mois de Decembre 1470, selon Commines.

donnances , se bouta à Amiens : & ainsi se commença la guerre de tous costez & de toutes pars.

Le Duc de Bourgongne (qui faisoit tirer son artillerie contre Amiens) deffendit expressement que l'on ne tirast point contre l'Eglise, ce qui fut bien gardé, & tint toute une Quaresme le Duc de Bourgongne iceluy logis : & là furent faictes plusieurs armes de nobles hommes d'un costé & d'autre. Le Seigneur de Molembais, Messire Baudoin de Launoy, fit armes à l'encontre du Seigneur de Saint Simon, de certains nombres de courses de lances à fers emoluz, lesquelles armes furent bien accomplies. Messire Claude de Vaudrey fit armes à l'encontre du Cadat de Bueil, & esloyent d'une course de lance, & puis combatre d'espées tranchantes & aiguës : & advint en icelles armes faisant, que la course de lance passée, ils mirent les mains aux espées, & se coururent sus fierement & vigoureusement, mais ainsi que la fortune meine les choses, Messire Claude de Vaudrey attendit de la pointe de l'espée ledit Cadat, & luy perça le bras, & ainsi furent icelles armes accomplies : & tousjours se continuoit le siege, & advint un jour que les François esloyent allez jouer dehors
Amiens,

Amiens, en intention de revenir le soir, & ce jour le Duc de Bourgogne faisoit ses reveuës, & les François cuidans rentrer paisiblement en la ville d'Amiens, rencontrèrent des gens du Duc, & en y eut de pris & de tuez, & cuiderent les gens du Duc gagner une porte sur les François, mais elle leur fut bien deffenduë; & là fut blessé d'une flesche au visage, Messire Philippe de Crouy, Seigneur de Saint-Py, & fils du Comte de Cimay (qui moult bien se porta à l'assaut d'icelle porte), & ainsi se passa celle journée, & retournerent chacun en son logis: & le Roy de France faisoit practiquer unes treves pour celle saison, & quand le Duc de Bourgogne entendit l'intention du Roy, il envoya devers luy un sien grand Page, nommé Simon de Quingay: lequel alla tant & vint d'une part & d'autre, qu'icelles trefves furent accordées, publiées & criées, tant en l'host du Duc de Bourgogne, comme à Amiens, & ainsi se rompit celle armée pour celle fois.

Le Duc de Bourgogne vint faire ses Pasques à Corbie, & là luy vindrent nouvelles de la mort du Comte de Varvich, dont les François furent troublez, & les Bourgon-

gnons resjouis, car il nous estoit grand ennemi. En ce temps (a) fut pratiquée la descente du Roy d'Angleterre en France, & passa la mer le Roy d'Angleterre, bien accompagné, & descendit en France, & marcha jusques outre la riviere de Somme; mais il n'y arresta gueres, car le Roy de France practiqua les Anglois si subtilement & par telle maniere, que moyennant trente-six mille escus que devoit payer chascun an le Roy de France au Roy d'Angleterre, il fut content de s'en retourner, & ainsi fut celle descente abolie & mise à neant.

En ce (b) temps le Duc de Bourgogne mit sus douze cens lances, & fusmes envoyez Messire Jaques de Montmartin, le Bastard de Vieville, Capitaine des archers & moy, pour passer les reveuës des hommes d'armes & archers, qui se presenteroyent en icelles ordonnances, & en trouvasmes assez largement, & de gens de bien, qui furent retenus & passez, & me fit le Duc cest honneur, qu'il me fit Capitaine de la premiere

(a) Tout cest article d'Angleterre ne vient point bien à propos icy; car ceste pratique fust en l'an 1474, & la descente en l'an suyvant, selon Lillie, Commynes & tous autres.

(b) Entendez de 1471, selon Commynes.

compagnie d'icelles ordonnances, & pour la seureté de la ville d'Abbeville, que le Seigneur des Cordes avoit nouvellement conquise, il ordonna trois cens hommes d'armes, & entrèrent en celle ville, à sçavoir le Bailly de Saint-Quentin, Messire Jacques, Seigneur de Harchies, & moy : & pour le vous donner à entendre, chascun homme-d'armes, & chascune lance d'icelles ordonnances esloyent huit combatans, à sçavoir l'homme d'armes, le Coullillier à cheval, deux archers, deux coulevriniers, & deux piquenaires à pied, & faisoit les compagnies moult beau veoir, & ainsi fumes nous logez à Abbeville, où nous entre-tinsmes noz gens en si bon ordre, & en telle discipline de guerre, que nous eusmes plus d'honneur que de honte, & en ce temps nous courusmes le pays de Vimeu, & ramenâmes grand butin en la ville, & mesmement nous courusmes Gamaches & Loupy, & prîmes le Seigneur de Loupy, & ses enfans prisonniers : & au regard de Gamaches, elle fut pillée & brulée, pource que le Marechal Ioachin Rouaut s'estoit bouté à Beauvais contre Monsieur de Bourgogne, qui mit le siege devant Beauvais, comme vous orrez.

En ce temps se traittoit le mariage (a) de Monsieur de Bourgogne, & de Madame Marguerite d'Yorch, & pour ce faire, furent longuement à Bruges, & devers le Duc un Evêque d'Angleterre, nommé l'Evêque de Salsbery, & Thomas Vagant, un gentilhomme, serviteur du Roy d'Angleterre, né de la nation des Galles, & tres-homme de bien, & tant traitterent iceux Ambassadeurs, que le mariage fut fait & conclu, & se partirent pour retourner en Angleterre devers le Roy pour faire leur rapport.

CHAPITRE II.

Du mariage du Duc Charles de Bourgogne, avec Madame Marguerite d'Yorch, sœur du Roy d'Angleterre, & des magnificences, qui lors furent faites en la maison de Bourgogne.

EN ce temps (b) l'Evêque de Salsbery, & Thomas Vagant (qui avoyent tousjours mené le mariage de Monsieur de Bourgogne & de Madame Marguerite d'Yorch, sœur du

(a) Tous autres tiennent que cest article fut devant les precedentes guerres d'Angleterre, & dict Meyer que Madame arriya à l'Escluse le 25 de Juing 1468.

(b) Nous avons desja dit que ce mariage fut traité en l'an 1468, selon Meyer & autres.

Roy d'Angleterre) retournerent devers le Duc de Bourgogne , & luy apporterent le traicté du mariage , tel que le Duc de Bourgogne le demandoit , & ainsi fut jour & temps pris , pour faire les nopces en la ville de Bruges , qui furent les plus belles noccs où je me suis trouvé de mon temps , & ne me puis passer de mettre par escrit , & incorporer en ces presens Memoires , les pompes , l'ordre , & la maniere de faire desdicts noccs : & commenceray à la lettre , que j'en escrivy à Gilles du Mas , Maistre d'hostel de Monsieur le Duc de Bretagne.

« Gilles du Mas , Maistre d'hostel du tres-haut & tres-puissant Prince , Monsieur le Duc de Bretagne , mon tres-cher Sire & frere , à vous je me recommande , tant & de si bon cœur comme je puis. Pource qu'en celle haute & triumphale maison , où vous estes en estat , pour avoir charge de conduire les grandes festes & recueillotes des Princes & Princesses , quand elles surviendront , je ne scay si en la noble feste des noccs de Monsieur le Duc de Bourgogne avoir pourroit aucune chose , dont la memoire vous peult servir en temps & en lieu , j'ay recueilly grossement , & selon mon lourd entendement , ce que j'ay veu en cette dicté feste , pour le vous en-

voyer, vous priant, tant comme je puis, que pareillement me venillez avertir des nobles estats & hautes œuvres, qui surviendront en vostre quartier, & que nous puissions toujours demourer bons amis, & si familiers ensemble, comme il appartient à deux nobles hommes, d'un estat & office, en deux fraternelles aliées & amies, Nobles maisons, & je prie à Dieu qu'il vous doint joye de vostre Dame, & ce que vous desirez.

Au regard de moy, pour parler en gros, & de ce, dont par necessité je ne me puis passer d'escrire, au regard du grand nombre de navires richement estoiffés & garnies de gens-d'armes, que le Roy d'Angleterre mit sus, & envoya, pour amener Madame Marguerite sa sœur par deçà, & de la descente que madicte Dame fit à l'Escluse, je m'en passe, pour abreger escriture, & venir au gros de ma matiere. Madicte Dame, & sa compaignie arriverent à l'Escluse, par un Samedy vingt-cinquesme jour de Iuing 1468 & le lendemain, Madame la Duchesse de Bourgogne, mere de Monsieur le Duc d'alors, Mademoiselle de Bourgogne, avecques elle Mademoiselle d'Argueil, & plusieurs autres Dames & Damoiselles, allerent visiter & veoir madicte Dame Marguerite :

& n'y demourerent que la disnée seulement : & au regard que madicte Dame la Duchesse fit , elle fut tant joyeuse d'avoir veu cette belle Dame , & cognu ses mœurs & ses vertus , qu'elle ne se pouvoit saouler d'en dire les biens , qu'elle y avoit veus : & demoura avecques madicte Dame Marguerite , de la part de Madame la Duchesse , Monsieur le Comte de Charny , & Madame la Comtesse sa femme , Messire Iehan de Rubempré , & Messire Claude de Toulangeon , & plusieurs Dames & Damoiselles , & Gentils-hommes , pour recueillir les estrangers , & estrangeres d'Angleterre , qui estoient venus à tres-belle compaignie , & y avoyent ledict Comte & Comtesse esté envoyez , pour recueillir madicte Dame , à la descente du bateau. Ce qu'ilz firent bien & notablement , & ne bougerent d'avecques elle , jusques à ce qu'il vint à Bruges comme cy-aprés vous pourrez veoir & entendre.

Le lendemain , que Madame la Duchesse fut retenuë de veoir madite Dame Marguerite , Monsieur de Bourgongne se retira au lieu de l'Escluse , à petite compaignie , & entra par derriere dedans le chasteau : & après qu'il eut soupé , se partit à tout fix ou sept Chevaliers de l'ordre seulement : &

vint assez secretement à l'hostel de madiſte Dame Marguerite, combien qu'elle en estoit avertie, & s'elloit accompagnée des plus gens de bien de sa compagnie, comme du Seigneur d'Escalles, frere de la Royne d'Angleterre, & de plusieurs autres nobles Anglois, qui estoient venuz à celle feste. A celle arrivée, & quand ilz se virent l'un l'autre, ils se firent moult grand honneur, & puis s'assirent sur un banc, où ilz deviserent longuement ensemble; & après plusieurs devises, Monsieur l'Evesque de Salsbery (qui tousjours avoit mené ceste matiere) se vint mettre à genoux entre eux deux, & les mit en plusieurs gracieux devis; & assez tost après vint Monsieur le Comte de Charny, qui dict telles parolles : *Monsieur, vous avez trouvé ce que vous avez tant quis, & désiré : & puis que Dieu vous a amené ceste noble Dame au port de salut, & à vostre desir, il me semble que vous ne devez point departir, sans montrer la bonne affection que vous avez à elle, & qu'à ceste heure vous la devez fiancer & luy faire promesse.* Mondict Seigneur respondit qu'il ne tiendrait pas à luy : & l'Evesque de Salsbery dict à Madame Marguerite le propos en quoy ils estoient, & ce que Monsieur desiroit de sa part, luy demandant qu'elle

envouloit faire: laquelle luy respondit que pour cette cause, & non autre, l'avoit envoyée le Roy d'Angleterre son frere par deçà, & que ceste chose, laquelle le Roy luy avoit demandée, elle estoit preste de faire, & accomplir : & sur ce propos, les prit l'Evesque par les deux mains, & les fiança, & ainsi se partit pour ceste fois mondit Seigneur, & le lendemain s'en retourna à Bruges.

Madite Dame Marguerite demoura audit lieu de l'Escluse, jusques à l'autre Samedy suyvant : & fut encores visitée par mondit Seigneur : & ledit Samedy furent les bateaux richement parez, pour conduire & mener madite Dame, au lieu du (a) Dan; auquel lieu elle fut receuë honnorablement, & en grande joye, selon le cas & la faculté d'icelle petite ville. Le lendemain qui fut troisieme de Juillet, mondit Seigneur le Duc de Bourgogne & de Brabant, se partit à privée compaignie, entre quatre & cinq heures du matin, & se tira au lieu de Dam, où il trouva madite Dame Marguerite, & sa compaignie, preparée & avisée de le recevoir, comme il estoit ordonné; & là mondit Seigneur l'espousa comme appartenoit, par

(a) C'est Dam, villette située sur le droict chemin de l'Escluse à Bruges.

la main de l'Evesque de Salsbery dessusdit : & après la Messe chantée, mondit Seigneur s'en retourna en son hostel à Bruges ; & croy, que tandis que les autres ceremonies se firent, il fit provision de dormir, comme s'il eust à faire aucun guet ou escoute, pour la nuit avenir.

Tantost après se rendirent au lieu du Dam, Monsieur Adolf de Cleves, Seigneur de Ravastain, Monsieur d'Argueil, Monsieur de Chateau-Guion, Monsieur Jaques de Saint Pol, Monsieur de Rouffi, Monsieur de Fiennes, Messire Iehan de Luxembourg, le Comte de (a) Nassö, Messire Baudoin, Bastard de Bourgongne, & tant d'autres Chevaliers, & Nobles hommes, que trop longue chose seroit de les racompter : & eux après avoir fait la reverence à madicte Dame la nouvelle Duchesse, madicte Dame entra en une litiere richement parée de chevaux, & de couverture de riche drap d'or; & au regard de sa noble personne, elle estoit vestuë d'un drap d'or blanc, en habit nuptial, comme il appartient en tel cas, & sur ses cheveux avoit une riche couronne, & au regard du colier & du fermail, elle en estoit richement & pompeusement parée, & après elle avoit treize haquenées

(a) Ou pluystost de Nassau.

blanches , enharnachées de drap d'or cramoisy , dont les deux estoient en main au plus près de la litiere , & sur les autres estoient montées les Dames d'Angleterre , qu'elle avoit amenées en sa compagnie. Après icelles haquenées venoient cinq chariots , richement couverts de drap d'or : dont au premier estoit la Duchesse de Nolfolk , qui estoit une moult belle Dame d'Angleterre ; laquelle estoit venue pour accompagner & amener madicte Dame pardeçà , & avecques elle estoient Madame d'Escalles , Madame la Comtesse de Charny , Madame la Vidameffe d'Amiens , & non plus. Aux autres chariots estoient plusieurs Dames & Damoiselles , tant Angloises comme autres , & puisqu'il me vient à point , je nommeray partie desdictes Dames Angloises , qui vindrent pour amener madicte Dame : & premierement madicte Dame la Duchesse de Nolfock , secondement Madame d'Escalles , Madame de Willebi , une tres-belle vefve , Madame de Cliton , Madame de Strop , Mademoiselle Leonor , & plusieurs autres Dames & Damoiselles , jusques au nombre de quarante ou cinquante femmes. En tel estat marcha madicte Dame depuis Dam , jusques à la porte de Bruges , que l'on dist la porte de Sainte Croix , & au regard d'un

grand nombre de Princes , Chevaliers & Escuyers, Nobles hommes & nations, qui iceluy jour rencontrèrent madicte Dame , richement vestus & en point, je m'en passe pour abreger.

Entra madicte Dame en sa ville de Bruges , & faut commencer à reciter les personages, qui furent monstrez en sa joyeuse venuë, & au regard des ruës, elles furent tendues tresrichement de drap d'or & de foye, & de tapisserie: & quant aux histoires, j'en recueilly dix en ma memoire. La premiere fut comme Dieu accompagna Adam à Eve en Paradis terrestre. La seconde comment Cleopatra fut donnée en mariage au Roy Alexandre , & ainsi s'entrenoient les histoires au propos, jusques l'on vint devant l'hostel de Monsieur. Devant ledit hostel avoit un riche tableau, tout peint d'or & d'asur, & au milieu duquel avoit deux Lions eslevez, tenans un escu armoyé des armes de Monsieur de Bourgogne , & à l'entour dudit tableau avoit douze blasons des armes des pays de mondit Seigneur, tant des Duchez, que des Comtez, & au dessus du tabernacle estoit, à un des costez Saint Andrieu, & à l'autre Saint George, & au dessus dudit tableau estoient les fusils pour devise, & le mot de mondit

Seigneur qui dict, *je l'ay empris*. Decà & delà dudit tableau avoit deux Archers richement peints & eslevez. L'un estoit un Grec, tirant un arc Turquois, & parmi le bout de son trait failloit vin de Beaune, autant comme feste dura : & de l'autre costé avoit un Alemand, tirant d'un cranequin, & par le bout de son matras failloit vin de Rin, & tous lesdits vins tomboyent en deux grans bacs de pierre, où tout le monde en pouvoit combler & prendre à son plaisir. Dedans la Court vers l'espicerie, avoit un grand Pellican, qui se donnoit en la poitrine, & en lieu de sang qui en devoit partir, en faillit ypocras qui tomboit en une mande d'osier, si soubtivement faicte, que rien ne s'en perdoit, mais en pouvoit chascun prendre, à qui il plaisoit.

Maintenant reviendrons à la descente de cette belle Dame, laquelle entra dedans la Court, assez prés de douze heures, & Madame, la mere de Monsieur de Bourgogne, l'attendoit à l'entrée de la salle, accompagnée de Mademoiselle de Bourgogne, & de Mademoiselle d'Argueil, avec bien cent Dames & Damoiselles de nom, & quand laditte litiere approcha, madicte Dame luy alla au devant, mais tantost les Archers de la cou-

ronne (qui esloyent à ce ordonnez) prirent la litiere sur leurs cols , & la mirent hors des chevaux , & l'apporterent plus avant au devant de madite Dame , & puis mirent ladite litiere à terre , & fut ladite litiere descouverte , & vint madicte Dame la Duchesse la mere prendre madicte Dame sa belle-fille , hors de ladicte litiere , & l'emmena par la main , à son de trompes & de clairons , jusques en sa chambre , & pour le present nous tairons des Dames & de la Chevalerie , & reviendrons à deviser de l'ordonnance de l'hostel. Pour commencer aux communs offices , à la cuisine avoit trois cens hommes , à la saulserie quatre-vingts , à l'eschanfonnerie & panetterie , pour chascune soixante hommes , & en l'espicerie quinze : & generalement tous les offices furent fournis de gens.

A l'hostel avoit une petite sale ordonnée devant la Chapelle (où mangeoit Monsieur de Bourgogne seulement) & auprès d'icelle salle avoit une grande salle , où mangeoient tous les Chambellans , & plus bas avoit une autre plus grande salle , où mangeoient les Maistres d'hostel , & tout le commun , & se couvroit celle salle à plusieurs fois , pour le grand nombre des Gentils-hommes , Archers , Pages , Officiers d'armes , Trompettes , Me-

nestriers, & joüeurs d'instrumens, qui estoient à celle feste. Outre plus, avoit en la maison sept chambres, ordonnées pour festoyer les estrangers : dont de l'une estoit Chef, Monsieur le Bastard, & l'accompaignoit Monsieur de la Roche. Les autres estoient Monsieur Iaqués de Saint Pol, Messieurs d'Arcy, de Crequi, de la Gruthuse, & de Bergues, & plusieurs autres qui les accompaignoyent : & en chascune chambre y avoit Maistre d'hôtel, & gens ordonnez pour y servir : & pour tenir le grand estat, fut faicte une salle en une grand place, que l'on dit le jeu de paume de la Court.

Cette salle fut faicte hastivement de charpenterie, moult grand, moult haute, & moult spacieuse. Elle estoit enluminée de verrieres, si bien & si à point, que tous disoient, que c'estoit une des belles salles qu'ils eussent veüe. Ladicte salle estoit tendue par haut, de drap de laine, bleu & blanc, & par les costez tapissée, & tendue d'une riche tapisserie, faicte de l'histoire de Iason, où estoit compris l'avenement du mistere de la Toison d'or. Cette tapisserie estoit toute d'or, d'argent & de soye : & ne croy pas, que l'on ait veu si grande & si riche tapisserie ensemble. Ladicte sale fut aidée de candelabres

de bois, peints de blanc & de bleu : & es deux bouts de ladicte salle pendoient deux chandeliers, moult soubtivement faicts, car dedans l'artifice de chascun pouvoit estre un homme, non veu. Lesdits chandeliers estoient en maniere de chasteaux, & les pieds desdits chasteaux estoient hautes roches & montaignes, moult soubtivement faictes, & par les chemins qui tornoient autour desdictes roches, voyoit-on divers personnages à pied & à cheval, hommes, femmes, & diverses bestes (qui furent moult bien faicts, & soubtivement) & le dessous desdicts chandeliers furent chascun de sept pieces de miroir, moult grandes, & si bien composées, que l'on voyoit dedans chascune piece, tout ce qui se faisoit dedans ladicte salle. Lesdictes montaignes estoient pleines d'arbres, d'herbes, de feuilles, & de fleurs, & certainement ils furent fort prizez, & regardez d'un chascun : & furent faicts de la main d'un moult subtil homme nommé Maistre Iehan Stalkin, Chanoine de S. Pierre de Lille : & par aucuns jours ledit Stalkin fit personnes mettre dedans lesdicts chandeliers, aussi dru qu'un moulin à vent, & saillirent hors des roches, dragons jettans feu & flamme, moult eslrangement, & ne voyoit-on point comment

ment la soubtivité se conduisoit. Au bout de ladicte salle, devant la grand'porte furent faicts deux grands hourds, l'un sur l'autre, moult gentement tapisiez, pour mettre & loger les Dames & Damoiselles, qui estoient venues pour veoir la feste, & se tenoyent comme non cognues.

En celle salle avoit trois tables dressées, dont l'une fut au bout de dessus, traversant à potence, & estoit la table pour l'honneur. Celle table estoit plus haute que les autres, & y montoit-on à marches de degrez, & tout du long d'icelle (a) table, avoit un riche Ciel & dossier si grand, qu'il faisoit tapis au banc, tout de tres-riche drap d'or. Aux deux costez de ladicte salle, tirant du long, furent les autres deux tables dressées, moult belles & moult longues, & au milieu de ladicte salle avoit un haut & riche buffet, fait à maniere d'une losange. Le dessous.dudit buffet estoit clos à maniere d'une lice, & tout tapissé, & tendu des armes de Monsieur le Duc, & de là en avant commençoient marches & degrez, chargez de vaisselle: dont par les plus bas estoit la plus grosse, & par

(a) Il y avoit salle en l'exemplaire.

le plus haut estoit la plus riche & la mignote ; c'est à scavoir par le bas, la grosse vaisselle d'argent dorée, & par l'amon estoit la vaisselle d'or garnie de pierreries, dont il y avoit à tres-grand nombre. Au dessus dudit buffet avoit une riche coupe, garnie de pierreries, & par les quarres dudit buffet avoit grandes cornes de Licorne, toutes entieres, moult grandes & moult belles : & de toute la vaisselle de la pareure dudit buffet ne fut servy pour ce jour, mais avoyent autre vaisselle d'argent de pots, & de tasses, dont la salle & les chambres furent servies ce jour : & à la verité, Monsieur de Bourgongne pouvoit bien servir sa feste largement en vaisselle d'argent, car le Duc Philippe (dont Dieu ait l'ame) luy en laissa pour provision plus de soixante mille marcs, ouvrez & prests pour servir. Les tables furent noblement couvertes, & apres-tées pour disner : & tantost Madame de Bourgongne la mere amena la noble Espouse sa belle fille, & fut l'eaue cornée, & l'affiete faicte telle, que cy-aprés s'ensuyt.

L'Espouse fut assise au milieu de la table, & auprès d'elle à la main dextre, estoit madicte Dame, & au bout de la table d'iceluy costé, estoit Madamoiselle de Bourgongne :

& du costé fenestre fut ordonnée la place de Madame la Duchesse de Nolfolck, & de Mademoiselle d'Arguel, mais pour ce que ladicte Duchesse estoit travaillée, elle disna ce jour en sa chambre, & n'y eust d'iceluy costé, que Mademoiselle d'Arguel. Derriere l'Espouse furent ordonnées Madame la Comtesse d'Elc. les, & Madame la Comtesse de Charny, pour aider à supporter l'Espousée, comme il est de coustume de faire en tel cas. Les autres tables furent pleines de Dames & Damoiselles, moult richement parées & vestues. Au regard du service, Madame la nouvelle Duchesse fut servie d'Eschançon, & d'Escuyer tranchant, & de Pannetier, tous Anglois, tous Chevaliers, & gens de grand'maison : & l'Huissier de la salle cria, *Chevaliers, à la viande*, & ainsi alla-on au buffet la viande querir : & autour du buffet marchoyent tous les parens de Monsieur, & tous les Chevaliers, tant de l'ordre, que de grande maison, tous deux à deux après les trompettes, devant la viande ; puis grand nombre d'Officiers d'armes, leurs cottes d'armes vestues ; & puis venoyent tous les Maistres d'hostel ; tant de Monsieur que de Madame, dont le dernier estoit Messire Guillaume Bisse, premier Maistre d'hostel, lequel avoit levé la

viande au buffet : & après venoit le Panne-
tier, & le suyvoyent dix ou douze Chevaliers,
& gens de grand'maison, qui portoyent la
viande ; & ne voulut point Madame la Du-
chesse la mere, pour iceluy jour estre servie
à couvert, mais laissa l'honneur à sa belle
fille, comme estoit raison.

Or, pour abreger l'ordonnance de la salle,
on avoit ordonné quatre Gentils-hommes, &
après chascun dix Gentils-hommes nommez,
lesquels quarante-quatre servirent la salle de
viande, qui me sembla tres - diligemment
servie, & fust le disner servi à trois fois ; &
n'est pas à oublier, que toutes les salles,
toutes les chambres, & la grande sal'e, dont
je parle, furent tous servis en vaisselle d'ar-
gent. Les Seigneurs commis, emmenerent
les Seigneurs, Chevaliers, & Gentils-hom-
mes Anglois, par les chambres : & en un
lieu, que l'on dit la Gallerie, disna le Legat,
accompagné des Ambassadeurs des Roys,
& des Princes, qui là estoient, ensemble
de tous les Evêques de celle maison, &
disna Monsieur en la salle pour luy ordonnée,
& tous ses Chambellans en leur reigle, qui
estoit moult belle chose à veoir, pource que
tous estoient vestus pareil de la livrée de
Monsieur, & tous les serviteurs de mesmes,

à leur degré; & ne voyoit-on homme parmy leans, que vestus de velours, & grosses chaifnes d'or; à moult grand nombre; & à tant se taist mon escripture du disner, pour revenir à la jousté, & au pas de l'Arbre d'or, qui commença celuy jour comme cy-après orrez.

Le disner fut faict, & se retrayrent les Dames, pour eux aiser en leurs chambres un petit; & devez scavoir qu'il y eut plusieurs habillemens changez & renouvellez; & puis monterent en leurs chariots, & sur leurs haquenées, & en moult grand'pompe & triumphe vindrent sur les rangs: & tantost après vint Monsieur de Bourgogne, son cheval harnaché de grosses sonnettes d'or, luy vestu d'une longue robe d'orfaverie, à grandes manches ouvertes. Ladite robe estoit fourrée de moult bonnes martres: & à la verité ce me sembla habillement moult Princial & riche. Ses Chevaliers & Gentils-hommes l'accompagnoient à moult grand nombre, & ses Archers & ses pages l'adextroyoient à pied, & ainsi vint descendre devant l'hostel, qui pour luy estoit préparé. La place de la jousté fut dressée sur le marché de Bruges, & fut toute close, qu'il n'y avoit que les deux entrées, sinon pour celuy jour seulement, que

Monſieur Adolf de Cleves (qui devoit ouvrir & commencer le Pas) avoit fait faire une entrée , au droit de là où il ſe devoit armer ; & pour eſtre mieux averty de la cauſe de cette empriſe , Monſieur le Baſtard de Bour-gogne fonda ſon paſ ſur un Geant , qu'un Nain conduiſoit prifonnier enchainé , dont la priſon eſt declairée en une lettre , laquelle lettre un Pourſuyvant , nommé Arbre d'or (qui ſe diſoit ſerviteur de la Dame de l'Iſle celée) avoit apportée à Monſieur le Duc , & auſſi par un Chapitre baillé à Mondit Seigneur.

Au regard de la place , ordonnée pour la joute , à l'entrée devers la Chapelle Saint Chriſtoſſe , eſtoit une grande porte , peinte à un Arbre d'or , & y pendoit un marteau doré , & à l'autre bout , à l'opposite , contre l'hoſtel de la ville , avoit une grande porte , pareillement à l'arbre d'or : & ceſte porte eſtoit faite à tournelles mont gentement ; & ſur icelle eſtoient les clairs de mondit Seigneur le Baſtard , a grandes bannieres de ſes armes , & veſtus de ſa livrée (qui fut pour celui jour robes rouges , a petits arbres d'or , mis ſur la manche , en ſigne du Pas) & ſur les deux tours de ladiſte porte , avoit deux bannieres blanches à deux arbres

dor. A l'opposite des Dames , du costé des grandes halles, fut l'arbre d'or planté, qui fut un moult beau Pin, tout doré d'or, exceptez les fueilles, & d'empres iceluy Pin, avoit un Perron , à trois pilliers, moult gentement faict, où se tenoit le Nain, le Geant & Arbre d'or le poursuyvant, par qui se conduisoit le Pas, & le mystere de la jousté : & à l'encontre dudit pillier avoit escrit quatre lignes, qui disoyent ainsi :

De ce Perron nul ne prenne merveille,
C'est une emprise, qui nobles cœurs reveille,
Ou service de la tant honorée
Dame d'honneur, & de l'Isle celée.

Au plus prés dudit Perron avoit un hourd tapissé, où estoient les Iuges, commis de par Monsieur, pour garder ledit Pas en justice, & en raison, & furent ordonnez premierement Thomas de Loreille, Seigneur d'Escoville, Ambassadeur, & serviteur de Monsieur le Duc de Normandie, Messire Philippe Pot, Seigneur de la Roche, Messire Claude de Toulangeon, Seigneur de la Bastie, & Messire Robert, Seigneur de Miramont, Lieutenant de Monsieur le Marechal de Bourgongne, & avec iceux estoit le Roy d'armes de la Iartiere, le Roy d'armes de

la Toison d'or, Bretaigne le Heraut, Constantin le Heraut, Bourgongne le Heraut, & plusieurs autres : & en un autre hourd, tenant à cestuy là, estoient tous les Roys d'armes, & Heraux (tant estrangers, comme privez) qui estoient à ceste assemblée. Devant le hourd, des Iuges se ferroyent, & mesuroient toutes les lances, ne de tout le Pas ne fut lance, tenue pour rompuë, qu'elle ne fut mesurée à la mesure par lesdits Iuges ordonnez, ne lance couruë sans mesure, mais fut le droit de chascun moult bien & loyaument gardé : & je respon que j'accompaignay lesdits Iuges, tout au long de la feste. Les maisons, les tours & tout à l'entour desdictes lices, tant loing comme près, tout estoit si plein de gens, que c'estoit belle chose à veoir.

Mais puis que j'ay devisé de la maniere de la place, il est temps que je revienne à descrire l'entrée de Monsieur de Ravastain, & celle de Monsieur le Bastard, Chevalier gardant l'arbre d'or, qui pour ce jour coururent, & non plus, & à la verité, l'on doit legerement entendre qu'il fut tard, car la venue de l'Espouse fut longue, & le disner long, & pouvoit estre fix heures avant. Comme dessus est dict, Monsieur de Ravastain, en-

viron fix heures arriva à la porte de l'arbre d'or (laquelle il trouva close) & son Pourfuyvant, nommé Ravastain, la cotte d'armes vestue (qui portoit le blason de ses armes) heurta trois fois d'un marteau doré à ladicte porte, & tantost luy fut la porte ouverte : & vint Arbre d'or le Pourfuyvant, ayant une cotte d'armes blanche, à grans arbres d'or, & estoit accompagné du Capitaine des Archers de Monsieur le Bastard, & de six de ses Archers, qui deffendoient l'entrée. Ledit Arbre d'or dict au Pourfuyvant : *Noble Officier d'armes, que demandez vous ?* Et le Pourfuyvant luy respondit : *A ceste porte est arrivé haut & puissant Seigneur Monsieur Adolf de Cleves, Seigneur de Ravastain, lequel est icy venu pour accomplir l'aventure de l'arbre d'or. Si vous presente le blason de ses armes, & vous prie qu'ouverture luy soit faicte, & qu'il soit receu.*

Ledit Arbre d'or prit unes tables, où il escrivit le nom du Chevalier venant au Pas, & puis prit en ses mains en grande reverence, & à genoux le blason de Monsieur de Ravastain : & l'emporta solemnellement jusques à l'arbre d'or, & en passant par devant les Juges, leur monstra ledit blason, & leur dict l'aventure qu'il eut trouvée à la porte. Si fut

ledit blason mis & attaché à l'arbre d'or, comme il estoit ordonné : & fut fait sçavoir au Chevalier, qui gardoit le Pas, le nom de celuy qui estoit arrivé, pour son emprise fournir. A celle heure partirent du perron, pour venir à la porte, Arbre d'or (qui alloit devant) & après luy le Nain qui menoit le Geant enchainé : & le Nain estoit vestu d'une longue robe, la moitié de drap de Damas blanc, & l'autre moitié de satin figuré cramois & avoit une barette en sa teste : & le Geant vestu d'une longue robe, d'un drap d'or d'estrange façon, & n'avoit rien en sa teste qu'un petit chapeau de Provence. Ledit Geant estoit ceint parmy le faux du corps d'une chaine. Celle chaine estoit longue & trainant, & par le bout qui trainoit, le tenoit ledit Nain, & le menoit après soy, & ainsi arriverent à la porte. Sur ce point fut la porte ouverte, & entrèrent premierement les clairons de Monsieur de Ravallain, & après lesdits clairons, venoyent les tabourins, & après les tabourins, les officiers d'armes, & après iceux officiers d'armes, venoit un Chevalier, à maniere d'un homme de conseil.

Ledit Chevalier estoit monté sur une petite mule, enharnachée de velours bleu, & ledit Chevalier vestu d'une longue robe de velours

bleu. Suyvant ledit Chevalier venoit la personne de Monsieur de Ravastain, en une litiere richement couverte de drap d'or cramois. Les pommeaux de ladicte litiere estoient d'argent: aux armes de mondit Seigneur de Ravastain, & tous le bois richement peint, aux devises de mondit Seigneur. Ladicte litiere estoit portée par deux chevaux noirs, moult beaux & moult fiers, lesquels chevaux estoient enharnachez de velours bleu, a gros cloux d'argent richement, & sur iceux chevaux avoit deux Pages, vestus de robes de velours bleu, chargé d'orfaverie, ayans barrettes de mesmes, & estoient houffez de petits brodequins jaunes, & sans esperons, & avoient chascun un foïet en la main. Dedans ladicte litiere estoit le Chevalier, a demy assis, sur grans coussins de riche velours cramois, & le fond de sa dicte litiere estoit d'un tapis de Turquie. Le Chevalier estoit vestu d'une longue robe de velours tanné, fourrée d'ermine, a'un grand colet renversé, & la robe fendue de costé, & les manches fendues par telle façon, que quand il se dressa en sa litiere, l'on voyoit partie de son harnois. Il avoit une barrette de velours noir en sa teste, & tenoit toute maniere de Chevalier ancien, foulé & debilité des

armes porter. Ladiſte littiere eſtoit adextrée de quatre Chevaliers, qui marchoyent à pied, grans & beaux hommes, qui furent habillez de paletots de velours bleu, & avoyent chacun un gros baſton en la main.

Après ladiſte littiere venoit un varlet de pied, veſtu de la livrée de Monsieur de Ravastain, qui menoit en ſa main un deſtrier en ſelle, couverte d'un riche drap d'or bleu, chargé de groſſes campanes d'argent, & bordé de grandes lettres d'or de brodure, à la deſiſe du Chevalier : & après iceluy deſtrier venoit un ſommier, portant deux grans paniers, où pouvoit eſtre le ſurplus de ſon harnois. Les deux paniers furent couverts d'une couverte de velours noir, chargé de groſſes campanes d'argent a baſtons, & a lettres de meſmes : & entre les deux paniers avoit aſſis un petit ſot, veſtu de velours bleu, a la deſiſe dudit Seigneur de Ravastain. En celle ordonnance marcha ledit Seigneur, juſques devant les Dames : & luy là arrivé, fut ſa littiere ouverte par les quatre Chevaliers, & là ſe mit le Chevalier à genoux, & oſta ſa barrette, & le Chevalier monté ſur la petite mule fit pour luy la preſentation aux Dames, dont les parolles ou ſemblables s'enſuyvent : *Tres-haute & tres-puiſſante Princeſſe,*

ma tres-redoubtée & souveraine Dame, & vous autres Nobles Princeffes, Dames, & Damoiselles, voyez cy un ancien Chevalier, qui dès long temps a fréquenté & exercé les armes, lequel vous faiã tres-humble reverence. Si est ainsí que par longue vie il est venu à ses anciens jours, esquels il se trouve fort debilité de sa personne, tellement qu'il ne peut plus, ne pourroit les armes suyvre ne porter, & à ceste cause a desja longuement delaißé le mestier, & n'est pas delibéré de plus porter armes. Mais toutes-foyes, pource qu'il a sceu ceste grande & solemnelle feste du noble Pas, & emprise du Chevalier à l'Arbre d'or, & la tres-belle & noble assemblée de Dames d'icelle noble compaignie, il ne s'est peu tenir, pour sa derniere main, de veni faire son devoir. Si se presente tres-humblement par devant vous, tres-haute & tres-puissante Princeffe, & vous autres nobles Princeffes, Dames & Damoiselles, & vous requiert en toute humilité, que le vueillez avoir pour recommandé, & avoir son bon vouloir pour agreable, & d'ores en avant le tenir pour excusé, à cause de son antiquité & debilitation; & ceste emprise achevée, il entend de soy rendre, & renoncer aux armes, en demourant tousjours vostre tres-humble serviteur, & de toutes Dames.

Après ce que le Chevalier eut présenté Monsieur de Ravastain, il fut respondu par les Dames, qu'il fut le tres-bien venu : & alors ledit se remit en son chemin, pour faire le tour au tour de la toile, & vint passer par devant le Perron, & l'arbre d'or, où pendoit le blason de ses armes. Si fit le Chevalier un enclinement, & puis se presenta devant les Iuges, & là s'agenouillerent les Nain, & Geant jusques à terre, & s'en retournerent jusques au Perron, où le Nain ratacha le Geant à l'arbre d'or, & puis se monta le Nain sur son Perron a tout sa trompe & son horloge, pour en besongner, selon qu'il en estoit ordonné par les chapitres ; & mondit Seigneur de Ravastain partit hors de la lice, pour soy aller armer, par la porte qu'il avoit faict faire, & dont cy dessus est faicte mention. Ne demoura gueres après, que le Seigneur de Ravastain vint pour fournir son emprise, & avoit les quatre Chevaliers qui avoyent adextré la litiere, & deux autres Escuyers, vestus comme devant, ayans harnois de jambes, leurs chevaux harnachez de velours bleu, chargez de campanes d'argent, & mondit Seigneur de Ravastain venoit après sur son destrier, armé comme il appartenoit, l'escu au col, & le heaume en la teste.

Son cheval estoit couvert de velours bleu , a grandes lettres de brodure de fil d'or , & une grande bordure de mesme , chargée de campanes d'argent. Son escu estoit couvert de mesme , & après luy venoit le destrier , qu'on avoit mené en main , après sa dicte littiere , couvert comme il est dict dessus , & n'y avoit autre chose à dire , sinon que dessus ledit destrier estoit monté un Page , habillé d'orfaverie , en maniere de ceux qui menoyent ladicte littiere ; & après revenoit son sommier , & puis sa littiere , telle que dessus est escrit.

Après que ledit Seigneur de Ravastain eut fait le tour parmy la lice , en attendant la venue du Chevalier à l'Arbre d'or , prestement sonnerent les trompettes , qui esloyent dessus la porte , & fut ladicte porte ouverte par plusieurs Archers de corps de mondit Seigneur le Bastard , qui la gardoyent : & prestement s'aparut un grand pavillon jaune , tout semé d'arbres d'or de brodure ; & au dessus avoit une pomme d'or , où estoit plantée une banniere des armes de mondit Seigneur le Bastard , & fut conduit ledit pavillon jusques au bout de la lice , & ne voyoit-on rien de la conduite dudit pavillon , exceptez

fix petits Pages à pied, vêtus d'orfaveries qui tenoient la main audit pavillon. Après le pavillon venoyent sept Chevaliers, ou Nobles hommes, vêtus de paletots de drap de damas blanc, montez sur bons chevaux, & ayans harnois de Iambes. Lefdits chevaux estoient couverts de courtes couvertes de velours violet, femez de gros boulons dorez : ausquels pendoient grosses campanes d'argent, & incontinent que le pavillon fut au bout de la lice, les lances furent choisies d'une part & d'autre devant les Juges, & fut apporté à chacun une lance, & lors fut ouvert le pavillon où estoit le Chevalier à l'arbre d'or, monté & armé comme il appartenoit.

Ledit Chevalier portoit un escu verd, lequel escu verd fut porté par le Chevalier à l'arbre d'or, tout au long de l'emprise. Son cheval estoit couvert de velours violet. Aussi tost qu'ils eurent d'un costé & d'autre les lances sur la cuisse, le Nain, qui estoit sur le perron, dressa son horloge (qui estoit de verre plein de sablon, portant le cours d'une grande demie heure) & puis sonna sa trompette, tellement que les deux Chevaliers le peurent ouyr. Si mirent les lances en arrests, & commencerent leur joust, laquelle fut bien courue & joustée, & eut encores mieux esté, si
ne

ne fut esté le cheval de mondit Seigneur de Ravastain, qui sur la fin ne voulut si bien aller qu'il avoit commencé : & durant celle demie heure , rompit le Chevalier à l'arbre d'or plus de lances, que le Chevalier venant de dehors, parquoy il gaigna la verge d'or , comme il estoit contenu és articles du Pas.

Ainsi se passa la demie heure, que tout le sablon fut coulé : & ce fait, incontinent le Nain sonna son cor ; & furent toutes les lances ostées d'une part & d'autre, & lors Arbre d'or le poursuyvant, chargea sur son col deux gros planchons blancs, & semez d'arbres d'or, & les apporta au Chevalier, venant de dehors, pour choisir lequel qu'il luy plairoit, & apporta l'autre à celuy qui gardoit le Pas, & de ces deux planchons, à son de trompes & de clairons, firent une course sans atteinte, puis se vindrent entre-rencontrer les deux Chevaliers, & eux toucher au departir ; & à tant s'en retourna chascun pour celuy jour, car il estoit si tard, que plus ne pouvoient nuls des coureurs courre. Si me passe à temps de plus en escrire pour celle journée, & faut revenir au grand banquet qui fut tenu celle nuit en la grande salle : & au regard des salles & des chambres, où des grands Seigneurs plusieurs

fouperent celuy soir, du service & de la maniere, je m'en passe pour abreger; & revien à l'estat, qui fut tenu en la salle defusdicté.

Premierement furent les tables dressées en la maniere de celles du disner; mais elles estoient beaucoup plus larges, & sur lesdites tables avoit trente nefs, chascune d'icelles portant le nom de l'une des Seigneuries de mondit Seigneur de Bourgogne, dont il y avoit cinq Duchez, & quatorze Comtez: & le surplus estoient des autres seigneuries, comme de Salins, de Malines, d'Arcle, & de Bethune, qui sont grandes & nobles Seigneuries. Lesdictes naves esloyent toutes peintes d'or & d'asur, armoyées chascune des armes de la seigneurie dont elle se nomma, és bannieres & és targeons, & sur les hunes, dont en chascune nave y avoit trois, où esloyent les bannieres de Monsieur de Bourgogne, & au plus haut avoit un grand estendard de foye noir & violet, semée de fusils d'or, & de grandes lettres, où estoit le mot de Monsieur, *Je l'ay emprins*. La viande estoit dedans icelles naves, qui faisoient les plats. Les blasons esloyent de foye, & tout le cordage doré de fin or. Gens-d'armes, & maronniers esloyent faicts & elevez parmi les

navires, & tout au plus près du vif, qu'on pouvoit faire la semblance d'une carraque ou d'un grand navire.

Item sur leſdictes tables avoit trente grans paſtez, couverts de différentes couvertures, en maniere de hauts chasteaux elevez, tous peints d'or & d'afur, à grandes bannieres de mondit Seigneur de Bourgogne, & ſur chaſcun chasteau avoit les armes & le nom d'une bonne ville de mondit Seigneur, & ainſi fut monſtré trente Principautez & Seigneuries de l'heritage de mondit Seigneur le Duc, & trente villes à luy ſugettes, leſ non-pareilles du monde. Item, pour la pareure d'icelles tables, avoit à l'entour de chaſcune nef quatre botequins, chargez de fruſtuaille & eſpiceries, moult richement eſtofez. Item furent celuy jour preſentez trois entremets mouvans, dont l'un & le premier ſ'enſuit. Premièrement entra dedans la ſalle une licorne, grande comme un cheval, toute couverte d'une couverture de ſoye, peinte aux armes d'Angleterre; & deſſus icelle licorne avoit un liepard moult bien fait auprès du vif. Celuy liepard avoit en ſa main ſeſtre une grande banniere d'Angleterre, & à l'autre main une fleur de Marguerite moult bien faicte, & après qu'à ſon de trom-

pes & de clairons, ladicte licorne eust faict son tour devant les tables, on l'amena devant mondit Seigneur le Duc, & là un des Maistres-d'hostel d'iceluy Seigneur à ce ordonné, prit ladicte fleur de Marguerite es mains du liepard, & se vint agenouiller devant mondit Seigneur, & luy dist telles parolles : *Tres-excellent, tres-haut, & tres-victorieux Prince, mon tres-redouté & souverain Seigneur, le fier & redouté Liepard d'Angleterre, vient visiter la noble compagnie, & pour la consolation de vous & de voz aliez, pays & subjezts, vous faict present d'une noble Marguerite.*

Et ainsi receut mondit Seigneur ladicte fleur de Marguerite moult cordialement, & ainsi se retourna ladicte licorne par où elle estoit venue. Assez tost après rentra parmy la sale un grand lion tout d'or, & d'aussi grande grandeur, que le plus grand destrier du monde. Celuy lion estoit couvert d'une grande couverte de soye, toute peinte aux armes de mondit Seigneur de Bourgongne, & dessus iceluy lion estoit assise Madame de Beaugrand (c'est à sçavoir la Naine de Madamoiselle de Bourgongne) vestue d'un riche drap d'or, & par dessus un petit rochet de volet fin; & portoit pannetiere, houlette,

& tous habillemens de Bergere, & menoit derriere elle un petit levrier en laisse, & furent ordonnez deux nobles Chevaliers, Monsieur de Ternant, & Messire Tristan de Toulgeon, pour adextrer ladiſte Bergere, laquelle Bergere tenoit en ſa main une grande banniere de Bourgogne, & quand ledit lion entra parmy la ſale, il commença à ouvrir la gorge & à la reclorre, par ſi bonne façon, qu'il prononçoit ce que cy-après eſt eſcrit, & commença ledit lion à le chanter en chanſon, faiſte à ce propos, à teneur & deſſus, qui diſoit ainſi :

Bien vienne la belle Bergere,
De qui la beauté & maniere
Nous rend ſoulas & eſperance.
Bien vienne l'eſpoir & fiance
De ceſte Seigneurie entiere.

Bien devons celle tenir chere,
Qui nous eſt grand & frontiere
Contre danger, & tant qu'il penſe.
Bien vienne.

C'eſt la fource, c'eſt la miniere
De noſtre force grande & fiere,
C'eſt noſtre paix & aſſurance;
Dieu louans de telle alliance,
Crions, chantons à lie chere.
Bien vienne.

En chantant ceſte chanſon, ſit ledit lion

son tour parmy la salle : & quand il fut devant Madame la nouvelle Duchesse, ledit Maistre d'hôtel (qui avoit fait le present de la Marguerite) s'agenouilla devant madicte Dame la Duchesse nouvelle, & dict les parolles qui s'ensuyvent. *Ma tres-redoutée Dame, les pays dont aujourd'huy par la grace de Dieu vous estes Dame, sont moult joyeux de vostre veniue, & en souvenance des nobles bergeres, qui par cy devant ont esté pastoures & gardes des brebis de pardèçà, & qui si vertueusement s'y sont conduites, que lesdits pays ne s'en sçavent assez louer, à ce que soyez mieux instruite de leurs nobles mœurs & conditions, ils vous font present de ceste belle bergere, habillée & embatonnée de vertueux habillemens & battons, à ce servans & propices, vous suppliant que les ayez en souvenance & pour recommandez. Et en ce disant, les deux Chevaliers prirent ladicte Bergere, & la presenterent sur la table, & madicte Dame la receut tres-humainement : & n'est pas à oublier que la houlette & pannetière, servans à la Bergere, estoient tous peints & nommez de vertus, & ainsi le lion recommença sa chançon, & retourna par où il estoit venu.*

Le tiers & dernier entremets pour celuy

jour, fut un grand dromadaire, qui entra parmy la salle, faict au près le vif, par tel artifice, qu'il sembloit mieux le vif qu'autrement, & estoit enharnaché à la maniere Sarrafinoise, à grandes campanes dorées, moult riches, & sur son dos avoit deux grans paniers, & entre iceux paniers, assis un homme, habillé d'estrange façon : & quand il entra en la salle, ledit dromadaire remua la teste, & tenoit une contenance sauvage, & celuy qui estoit dessus, ouvrit les paniers, & en tiroit oyseaux, estrangement peints, comme s'ils vinssent d'Inde, & les jettoit parmy la salle, par dessus les tables : & en tenant ceste contenance, à sons de trompettes & de clairons, fit le dromadaire son tour par devant les tables, & retourna par où il estoit venu : & plus n'en fut faict pour celuy jour, & ne firent pas après souper longues danfes, car avant que les tables fussent ostées, il sonna trois heures après minuit. Si fut tantost l'espouse menée coucher, & du surplus du secret de la nuit, je le laisse à l'entendement des nobles parties, & revien à deviser de l'aventure du lendemain, qui fut le Lundy, second jour de la feste.

Ce Lundy disna Monsieur le Duc en la

grande salle : & avoit assis au-dessus de luy Madame la Duchesse de Nolsfolck, & de l'autre costé Madame. Aux autres deux tables furent en l'une toutes les Dames, & en l'autre tous les Chevaliers & Seigneurs Anglois, & fut-on grandement servi : & au regard de Madame de Bourgogne la mere, & la nouvelle Duchesse, elles dînerent en chambre : & tantost que le dîner fut passé, on se tira sur les rangs, pour veoir la joust. Comme dict est dessus, les Dames & la Seigneurie allerent sur les rangs, pour la joust veoir, exceptez les deux dites Duchesses, qui pour iceluy jour n'y allerent point.

Ceux qui jouèrent ce jour-là contre le Bâtard de Bourgogne, Chevalier de l'Arbre d'or, furent le Seigneur de Château-Guyon, frere du Prince d'Orange, Charles de Visan, Ecuyer & Valet de Chambre du Duc de Bourgogne, & le Seigneur de Fien-nes, neveu du Comte de St. Pol. Au souper de ce jour on figura en entremets les quatre premiers travaux d'Hercule.....

Le 3^e. jour, Messire Jean de Luxembourg, le Seigneur d'Arguel, fils du Prince d'Orange, Messire Antoine de Hallewin, noble Flamand, coururent contre le Chevalier à l'Arbre d'or.

Au souper de ce jour, il y eut cinq entremets, l'un de quatre sangliers sonnant de la trompette, le second de trois chèvres & d'un bouc jouant de divers instruments, avec lesquels ils exécuterent un *motet*; le 3^e. de quatre loups, jouant de la flûte, & le quatrième de quatre ânes, qui chanterent le rondeau suivant.....

Faiâtes-vous l'asne ma maîtresse?

Cuydez-vous par vostre rudesse,

Que je vous doive abandonner?

Ia pour mordre, ne pour ruer,

Ne m'aviendra que je vous laisse.

Pour manger chardon comme asnesse,

Pour porter bas, pour faix, pour presse,

Laisser ne puis de vous aimer.

Faiâtes-vous l'asne?

Soyez farfante, ou mocqueresse,

Soit lascheté ou hardiesse,

Ie suis faict pour vous honnorer,

Et donc me devez vous tuer,

Pour avoir le nom de meurdresse?

Faiâtes-vous l'asne?

Dans le dernier entremets, on vit plusieurs singes faire des tours à un mercier endormi, & ensuite danser...

Le Mercredy, quatriesme jour d'icelle feste, les sales & les chambres, tant pour le disner comme pour le souper, furent richement ser-

vies de poisson, tant de mer comme d'eau douce, & ne fut celuy soir aucune assemblée faite de dances, ne de banquets, pour le jour qui estoit de poisson. Mais celuy jour la joustle continua; & fit Messire Iehan de Chassa Seigneur de Monnet, un gentil Chevalier Bourgongnon, le premier presenter le blason de ses armes, pour attacher à l'arbre d'or, comme il estoit de coustume: & avant que ledit Chevalier envoyast son blason, il avoit envoyé aux Dames unes lettres closes, par maniere de supplication: & après que les Dames avoyent ouy les lettres dire, & lire en leur presence, luy donnerent licence d'entrer & venir au Pas; auquel vint tres-nouvellement, comme vous orrez après la teneur de sa lettre, qui fut telle.

*Tres-excellente, tres-haute, & tres-puissante
Princesse, ma tres-redoutée Dame, & vous
autres Princesses, Dames & Damoiselles,
plaisir vous soit de sçavoir, qu'un Chevalier
Esclave, né du Royaume d'Esclavonie, est
presentement arrivé en cette noble ville, en la
conduite d'une Damoiselle errant, sous qui,
& en gouvernement de laquelle il est mis, par
le commandement & ordonnance de sa belle
Dame. Or ne veut le Noble Chevalier soy.*

presenter devant ta Noble Seigneurie, ne par-
devant la Noble, haute, & belle compagnie;
jusques à ce vous soyez de son cas plaine-
ment averties. Vray est tres-nobles Princeesses,
que le Chevalier Esclave a toute sa vie servi
& honoré une Dame d'Esclavonie, loyale-
ment à son pouvoir, & ellè de sa grace, l'a
entretenu d'esperance & de bonne chere assez
largement sans toutesfoyes le vouloir jamais
retenir pour serviteur, mais bien le nourissoit
en esperance de guerdon. Toutesfoyes ledit
Chevalier, par maladie d'amour agravée, lon-
guement nourrie en son cœur, a souffert l'an-
goisseuse & travaillable peine, qu'il n'estoit plus
puissant de porter ne justrir, & par une espe-
rance desesperée, s'est enhardy lediç Che-
valier de requerir misericorde, grace & guerdon
d'amours, soy tenant indigne de l'avoir, mais
toutesfoyes l'avoir loyaument meritè & desser-
vy. Ladiçte Dame continuant en sa fierté,
desobeissante à Amours, & oubliant la vertu
feminine de pitié, a refusé audit Chevalier sa
requeste, & luy a tenu un terme si estrange,
qu'il a demouré hors de route esperance de
jamais bien avoir en ce monde, & luy plein
de deplaisir & de ragè s'est quelque temps re-
trait en sa maison emmy les bois, roches &
montaignes, où il n'a vescu que de regrets,

souffirs & larmes, par l'espace de neuf mois entiers : & n'est point à douter que si longuement il y fut demouré, il estoit à fin de sa vie. Ladiſte Dame quand elle a ouy son cas, a eu aucune repentance de son peché & ingratitude, & luy a envoyé ladiſte Dame une Damoiselle errant qui le conduit, par laquelle luy a fait dire plusieurs belles & grandes remontrances, luy disant que les biens d'amours doivent estre achetez par longs desirs, par longs travaux, & par inextimables souffretes, & que quand aucuns biens en vient, plus est cherement achaté, plus est aimé, cher tenu, & gardé, & que le plus grand peché d'amours qui soit, si est desesperance. Pource a conseillé ladiſte Dame audit Chevalier, qu'il prit esperance, pour desespoir, & courage pour esbayssment ; & a persuadé ladiſte Damoiselle errant audit Chevalier, qu'il voyageast, & prit aucune queſte, pour oublier ses melancholies, & qu'elle estoit contente de l'accompagner en sa diſte queſte un an entier, tant pour le conforter en son desplaisir, comme pour rapporter à sa Dame les nouvelles de son aventure. Ledit Chevalier se laissant legerement conseiller, combien qu'il soit Esclave, & d'Esclavonie, & qu'il n'ait nulle cognoiſſance, n'habitude és marches de

pardeçà , s'est souvenu comment plusieurs Payens , & mesmement le preux Salhadin , estoient venus en France , pour louanges & vertus acquerre , & avoyent esté au noble Royaume de France si honnorablement recueillis & traictez , que leurs hoirs & successeurs sans la foy , portent encores honneur & reverence audit Royaume , sur tous autres Royaumes Chrestiens , & singulierement a esté ledit Chevalier averti du triomphe , de l'honneur , & de la vertu de ceste tres-loüable maison de Bourgogne , & comme les estrangers y ont esté honnorablement recueillis , favorisez & retenus , & que plus de vertueux exercices comme de faicts d'armes , de joustes , & de tournois , se faisoient & entretenoyent continuellement en ceste maison tres-vertueuse , qu'en nulle autre dont il soit memoire. Ces choses considerées , ledit Chevalier s'est retire en ceste part , en la conduite de ladiete Damoiselle errant , & pour sa premiere & bonne aventure , il a trouvé la noble emprise du Chevalier à l'Arbre d'or , & le Pas commencé : parquoy il supplie à vous tres-haute & tres-puissante Princeesse , & à vous autres Princeesses , Dames , & Damoiselles , qu'il vous plaise de vostre grace , impetrer licence du tres-excellent , tres-haut , & tres-victorieux Prince Monsieur le

Duc de Bourgogne & de Brabant , que ledit Chevalier Esclave puisse courre à cette noble emprise , & faire son devoir , & luy donner lieu & heure pour ce faire , & l'avoir pour recommandé , & autre chose n'escrit ledit Chevalier , qui prie à Dieu qu'il vous doint ce que desirez , ensemble bonne vie & longue.

*Vostre tres-humble & tres-obeissant
serviteur.*

LE CHEVALIER ESCLAVE.

Le Seigneur de Monnet entra dedans la lice , & faisoit mener devant luy un sommier , portant deux panniers , couverts d'une couverture de velours bleu , brodé à grandes lettres de fil d'or à sa devise , & dessus avoit trois personages de Mores , qui joiüoyent de divers instrumens. Après iceluy sommier venoit une Damoiselle , habillée estrangement , & comme une Damoiselle errant ; laquelle estoit montée sur une haquenée blanche , couverte de drap d'or cramoisy , & tenoit maniere de conduire & mener ledit Chevalier. Après venoit le Chevalier sur un destrier , couvert de velours noir , brodé en croisé d'orfaverie dorée par dessus. Il avoit après luy quatre nobles hommes à cheval ,

habillez de soye , les robes & les chapeaux à la façon d'Esclavonie ; & sur leurs robes avoit escrit en grandes lettres d'or, **LE CHEVALIER ESCLAVE** : & pareillement luy-mesme estoit habillé sur son harnois. Ils avoyent longues barbes , & portoyent en leurs mains grands javelots empennez , & ferrez d'or , tres-nouvellement. Certes son entrée & maniere de faire fut tres-plaisante. En telle ordonnance fit le Chevalier Esclave son tour parmy la lice , & tantoist après se presenta le Chevalier à l'Arbre d'or , son cheval couvert d'une couverte de drap d'or cramoisi , bordée d'ernines , mais ainsi advint de leur aventure , que le Chevalier Esclave se trouva mal armé de sa veüe , & luy fut advis qu'il courroit sans asseoir , & pourroit faire perdre le temps aux autres coureurs sans grand fruit , parquoy il requit à mondit Seigneur le Bastard qu'il s'en peust aller & estre quitte de son emprise. Laquelle chose luy fut accordée. Après le Chevalier Esclave jouta contre celuy qui deffendoit l'Arbre d'or Messire Jaques de Luxembourg... Le troisieme , qui se presenta pour celuy jour , fut Messire Philippe de Poitiers , Seigneur de la Ferté , fils du Seigneur d'Archi. Cestuy Chevalier se fit amener sur les rangs ,

par une belle fille, qui se nommoit la Dame Blanche. Elle estoit en cheveux, moult gentement mise en point, & fut vestue de satin blanc, & à la verité elle estoit belle, & valoit bien estre regardée. Elle estoit montée sur un cheval tout erminé de son poil naturellement. Ledit cheval estoit couvert d'un delie violet, qui ne gardoit point qu'on ne veist lesdictes ermines, & le cheval parmy. A dextre d'elle venoit le Chevalier sur un cheval, couvert d'une courte couverte, en maniere de harnacheure de satin cramoisi, frangé de franges d'or, & fut ladicte couverte toute chargée de grosse campanes d'argent, à façon de campanes de vache. Il avoit deux Pages après luy, vestus de cappes de satin violet : le cheval du premier estoit couvert de velours noir, a une croisure de velours cramoisy : & le second estoit couvert de drap d'or bleu, & en cest estat vint le Chevalier devant les Dames : ausquelles ladicte Dame Blanche presenta une lettre, où estoit escrit ce qui s'ensuyt.

Tres-redoutée, excellente Princeſſe,
Droit cy m'envoye, envers voſtre Nobleſſe,
Une moult noble & gracieuſe Dame;
Et m'a requis que devers vous j'adreſſe

Lo

Le Chevalier, pour croistre sa prouesse,
 Lequel aussi elle avoue & confesse
 Son serviteur, & seul de ce Royaume.
 Nommer se faict, par nom, la Dame Blanche,
 Or elle a eu n'aguères congnoissance
 De cestuy pas (qui est de noble usance)
 Et du perron à l'arbre d'or tres-riche.
 Dont, pour accroistre en gloire & en vaillance
 Le Chevalier, qui là brandit sa lance,
 Son serviteur l'y offre d'amour franche,
 Pour le servir en tout humble service.

Le Chevalier à l'Arbre d'or se presenta sur
 un cheval couvert de velours noir, à grandes
 feuillages d'orsaverie blanche branlant. Les
 deux Chevaliers coururent moult durement
 l'un contre l'autre, & gagna ledit Messire
 Philippe de Poidiers la verge d'or, pource
 qu'il rompit dix lances, & Monsieur le Bas-
 tard n'en rompit que neuf. Le dernier qui
 se presenta pour celuy jour, fut Messire
 de Vaudrey, un jeune Chevalier Bourgon-
 gnon. Les Nobles hommes qui l'accompai-
 gnoient, avoient mantelines de satin verd
 par devant, & de violet par derriere. Son
 cheval estoit couvert de velours, myparty de
 verd & de violet, semée sa housure en bro-
 dure de coquilles d'or, & parmy de grosses

campanes d'argent. Tantost se presenta mondit Seigneur le Bastard, sur un cheval couvert de drap d'or cramoisy, à une brodure decoupée de crezé blanc. Mondit Seigneur le Bastard gaigna la verge d'or parce qu'il rompit plus de lances que ledit Messire Claude de Vaudrey: & ainsi se passa celle journée, car (comme j'ay dict cy-dessus) on ne mangeoit point de chair, ains on mangeoit poisson, & à celle cause n'y eut nulle assemblée.

Le 5^e jour le Chevalier à l'Arbre d'or se mesura avec le Comte de Pseaulmes Allemand & Chambellan du Duc de Bourgongne, avec son propre frere un autre Bastard de Bourgongne qu'on nommoit Baudoyne, & avec le Seigneur de Renty fils aîné du Seigneur de Crouy Comte de Portien.....

Et faut revenir au banquet, qui fut tel, que vous orrez cy-après. Premièrement furent les plats, & les suites, plus grands & plus somptueux qu'ils n'avoient esté à nuls des autres banquets: & sur la table avoit quinze Paons, revestus de col & de teste & de queue, & les corps tous dorés de fin or: & parmy iceux Paons estoient entremeslés seize Cignes, tous d'argent: lesquels Paons & Cignes avoient chascun un colier de la Toison, & à leurs pieds un petit blason

des armes de chascun des Chevaliers vivans de l'ordre : & sur le dos, petites mantelines de soye , armoyées pareillement : & par cest entremets furent monstrés les trente & un Chevaliers de la Toison , à ce jour vivans : & furent assis lesdits Paons & Cignes , sur les tables, chascun en tel degré comme ils vont à l'Eglise en l'ordre, le jour de la solemnité de leur fesse.

Item par dessus lesdites tables avoit plusieurs bestes portans sommages, comme grans Elephans , à tout Chasteaux, Dromadaires , à tout grans paniers, Licornes, Cerfs & Biches, chascun portans divers sommages. Lesdites bestes furent toutes estofées d'or, d'argent, & d'azur, & les harnachemens de fil d'or & de soye tres-richement, & estoient leurs sommages pleins & fournis de diverses espiceries; & outre plus portoyent chascuns les armes d'un Seigneur, suget de mondit Seigneur de Bourgogne, & le nom de la ville & Seigneurie, comme l'un portoit Condé en Hainaut, au nom de Nemours : Avennes en Hainaut au Seigneur de Pontievres; Saint Pol, & Enguyen la basse, au Comte de Saint Pol, Connestable de France : Dumkerck & Bourbourg, au Comte de Marle : & pareillement de tous autres Seigneurs su-

gets de mondit Seigneur de Bourgogne, en ses divers pays. Le banquet fut bel & riche, & fort regardé, & se lerent tous les Seigneurs, Dames & Damoiselles à table; & après qu'ils eurent commencé à manger, sur le hourd où par avant on avoit monsté quatre des travaux d'Hercules, sonnerent les trompettes: là furent figurés les 5, 6, 7, & 8^{es} travaux d'Hercules...

- Sur ce point furent les tables levées, & commencerent les danfes, & plus ne fut fait pour celui jour.

Le Vendredy suyvant fut fait, & tres-richement servy le disner es chambres & es salles, mais assez tard, pource que plusieurs jeusnoient pour le Vendredy, & mesmement les Anglois, qui en ont fort la coustume; & vindrent sur les rangs pour la joustee veoir, & pource que Monsieur d'Escalles devoit celui jour courir, Monsieur le Bastard de Bourgogne (qui gardoit le pas) considérant qu'ils estoient freres d'armes, & qu'ils avoient combatu en lices l'un contre l'autre, ne vouloit point courre à l'encontre de lui, mais fit mettre Monsieur Adolf de Cleves en sa place, pour garder le pas pour celle fois.

: Pour les causes que j'ai devant dites, se presenta Monsieur Adolf de Cleves, Sei-

gneur de Ravastain, à l'encontre du Chevalier Anglois. Le Chevalier Anglois rompit onze lances ; mais il perdit la verge d'or, pource que mondit Seigneur de Ravastain en rompit dix-sept franchement rompues : & n'est pas à oublier le meschef, qui advint à celle heure & joust, car mondit Seigneur le Bastard de Bourgogne eust un grand coup de pied de cheval au dessus du genouil, dont il fut tres-grievement blessé, & en tres-grand danger, s'il n'eut esté bien secouru par bons Chirurgiens, & par cest empeschement ne peut fournir son entreprise ; mais tout blessé qu'il estoit, fit maintenir & garder le Pas à ses despens de houffures, & de toutes autres choses, comme il avoit commencé, & ne courut homme, pour la garde dudit pas, ne mondit Seigneur de Ravastain ny autre, qu'il ne courut és couvertes & pareures à la defence de mondit Seigneur le Bastard, qui fut grande & coustable chose, comme chascun peut legerement veoir. Mais a tant se tait le compte de ceste matiere, & revient à la fourniture du Pas, & comment il fut entresuyvy. Le second qui se presenta pour celui jour, fut Monsieur le Comte de Roussi, fils de Monsieur le Comte de Saint Pol, Connestable de France. Il avoit devant luy trom-

pettes & clairons à grande foison , & Officiers d'armes, qui l'accompaignoyent, & celuy qui venoit droit devant luy , étoit un petit Nain de Constantinople , serviteur du Roi d'Angleterre , que Madame de Bourgongne avoit amené avecques elle , pour veoir la feste. Cestuy Nain estoit monté sur un petit cheval , & vestu d'une robe de velours noir , a une bande blanche , & portoit en sa main dextre un papier , en maniere de requeste , & en son bras , attaché à lasset , une clef , qui servoit au mystere qui s'ensuyt. Après venoit un grand Chasteau richement paré & estofé. Ice luy Chasteau étoit faict à quatre tours & à quatre pans de murailles , & à une grand' porte , qui se pouvoit fermer & ouvrir , & là dedans estoit Monsieur de Rouffy sur son cheval , armé de toutes armes.

Quant le chaste l fut au-devant des Dames , se partit le Nain , & alla devers les Dames presenter sa requeste , qui disoit ainsi. *Excellentes , hautes & nobles Princeffes , Dames & Damoiselles , le Chevalier , prisonnier de sa Dame , vous faict tres-humblement reverence. Son cas est tel , que danger tient la clef de ceste prison , & l'a mis es mains de petit espoir , son serviteur , & n'en fera jamais tiré , ne delivré , si ce n'est par la bonté & pitié de vous. Par-*

quoy supplie ledit Chevalier prisonnier à vous tres-excellentes, tres-hautes, & tres-puissantes Princeffes, Dames & Damoiselles, qu'il vous plaise, de vostre grace, assembler vostre tres-noble, tres-vertueux college feminin (car entre plusieurs s'en pourra trouver la voix d'une, & telle, que danger ne voudroit, ne pourroit luy faire refus de la delivrance du Chevalier) à celle fin qu'il soit commandé à petit espoir, qui le meine, qu'il le deferme & delivre de ceste prison tant douloureuse, car autrement (s'il n'estoit à son délivre) il ne pourroit courre à celuy noble Pas, n'achever, ne fournir l'aventure de l'Arbre d'or. Ce qu'il desire de tout son cœur, & de demourer tres-humble serviteur de vous, & de toutes nobles Dames.

Après la requeste ouye par les Dames, le congé fut donné de de prisonner le Chevalier, & vint le Nain à tout sa clef, & en ouvrit la porte, & faillit ledit Chevalier dehors, armé de toutes armes, son cheval couvert de satin blanc, brodé de grandes lettres d'or à sa devise, & son escu estoit de mesme, & en tel estat & ordonnance vint prendre le bout de la lice. A l'encontre de luy se presenta Charles de Vifan, gardant l'Arbre d'or pour celuy jour, en l'absence de Monsieur le Bastard.

Le troisieme qui se presenta pour celuy jour fut Roskin de Rochefay , premier Escuyer d'Escuyerie de Monsieur le Duc de Bourgogne. A l'encontre de luy se presenta ledit Charles Vifan, garde du Pas. Ainsi se partit la joustle pour celuy jour, sans autre feste n'assembl'e : pource que la pluspart des gens jousnoient , & estoit jour de poisson, qui ne sont point jours propres pour banquets ne festimens.

Le Samedi, septiesme jour d'icelle feste, se fit le dîner, comme celuy de devant , & vinrent les Dames sur les rangs, pour veoir la joustle, & là furent plantez deux blasons a une fois ; c'est à sçavoir celuy de Messire Iehan de Ligne , & celuy de Messire Jaques de Harchies , deux Chevaliers de Hainaut, tous deux Chambellans de Monseigneur le Duc. Les deux Chevaliers entrerent en la lice à une fois, par le congé des Iuges. Courut ledit Messire Iehan de Ligne premier. A l'encontre de luy se presenta Messire Philippe de Poitiers , qui garda le pas pour celuy jour.

Philippe de Poitiers garde du pas de l'arbre d'or joûta ensuite contre Messire Jacques de Harchies, & successivement contre Philippe de Crevecœur Seigneur Descordes , Messire

Iean d'Ondeville frere de la Reine d'Angleterre, & le Seigneur de Ternant.....

Le Dimanche, huitiesme jour d'icelle feste, fut le disner par les chambres & par les salles, grand & plantureux, & tousjours de plus en plus, & après disner on alla sur les rangs pour voir le pas & la jousté, qui se continua en grandes pompes, dont le premier qui se presenta pour iceluy jour, fut un Escuyer de noble maison, nommé Pierre de Bourbon, Seigneur de Carenci, cousin germain du Comte de Vendosme. Il envoya presenter son blason (qui estoit armoyé des armes de Bourbon, a petite difference, car il en portoit le nom & les armes) & tantost se presenta ledit Seigneur de Carenci. A l'encontre de luy se presenta ledit de Poitiers. Le second qui se presenta pour iceluy jour, fut le Seigneur de Contay, un Chevalier de Picardie Chambellan de Monsieur de Bourgogne: prestement se presenta à l'encontre de luy ledit Messire Philippe de Poitiers sur un cheval couvert de drap d'or, a une croix de Saint Andrieu de damas blanc, & bordé de mesme : & advint que lesdits Chevaliers ne coururent gueres l'un contre l'autre, car ledit Seigneur de Contay blessa d'une atteinte ledit de Poitiers, tellement qu'il le convint

desarmer. Et en ensuyvant l'ordonnance du Pas, fut l'horologe couché, affin que le sablon ne courust a perte, & ne sçavoit-on comment faire, car le jour s'en aloit, & ledit de Contay n'avoit point achevé son temps, & ne pouvoit estre un autre armé pour la garde du Pas, qu'il ne fut bien tard. Si fut avisé par les Iuges, que le Marquis de Ferrare (qui estoit à l'entrée de la lice, & avoit son tour de courir après ledit de Contay)ourniroit, comme Garde du Pas, le demourant des courses audit de Contay, par tel convenant, que les courses achevées, ledit de Contayourniroit audit Marquis, comme garde du Pas, l'emprise dudit Marquis, & ainsi fut fait. Le Marquis de Ferrare entra dedans les lices, il fit son tour parmy les rangs, & fut telle son aventure que son cheval ne vouloit aller, ne joindre à la lice, combien que par plusieurs fois il se mist en son devoir, & par ce convint que les deux Chevaliers se departissent sans faire rien pour celle emprise, qui à ramentevoir face. Le dernier qui se presenta pour celuy jour, fut un Chevalier Anglois, nommé Messire Claude Waure, & courut à l'encontre dudit Seigneur de Contay; mais son aventure fut telle, qu'il ne rompit qu'une lance, qu'il ne fust

desarmé : & ne se fit autre chose à la jousté pour celuy jour, ains s'en partit-on des rangs & vint-on au banquet : qui fust tel que cy après ensuit. Celuy Dimanche fut le banquet moult bien fourni de grands plats , & de grandes suites , mais sur les tables n'y eut aucun entremets ; & quand on fut assis, sur le hourd où se monstroyent les travaux d'Hercules , fut la courtine retirée ; & on executa en entremets les quatre derniers travaux d'Hercule.

Et pour celuy jour n'y eust autre chose , qui a ramentevoir face , fors que les tables furent ostées , & après commencerent les danfes.

Le Lundi, neufiesme jour de ceste feste , fut le disner richement & solemnelement faict comme devant : & tantost après l'on se tira sur les rangs , pour veoir clorre le Pas, tant de la jousté , que du tournoy : & combien que Monsieur le Bastard de Bourgogne , entrepreneur en ceste partie , & garde de l'Arbre d'or, eust esté blessé (comme dist est dessus) tellement que lors , ne grand temps après, ne se pouvoit soustenir sur sa jambe , toutesfois il se fit porter en une litiere couverte de drap d'or cramoisý , & les chevaux qui portoyent la litiere, estoient harnachez de mesme , a gros boulons d'argent dorez. Il estoit dedans sa litiere vestu d'une moult

riche robe d'orfaverie. Ses Archers marchoyent au tour de sa litiere, & ses Chevaliers & Gentils-hommes autour de luy, & certes il entra dedans la lice, selon le cas, si pompeusement, & par si bel ordre, qu'il ne sembloit pas estre un Bastard de Bourgogne, mais heritier d'une des plus grandes Seigneuries du monde. En ceste ordonnance se fit amener jusques à un hourd, qu'il avoit fait faire à ce propos, au bout de la lice : sur lequel hourd estoit sa litiere posée, & fut soudainement close, & baillée, tellement qu'il fut hors du danger de toute presse de chevaux.

Tantost après arriva le Roy-d'armes de la Toison d'or, accompagné de deux Chevaliers de l'ordre : c'est à sçavoir de Monsieur de Crequi, & de Monsieur de la Gruthuse. Ledit Toison d'or avoit sa cotte d'armes vestue, & portoit en sa main dextre le blason des armes de Monsieur le Duc de Bourgogne : lequel blason fut attaché à l'Arbre d'or, au dessus de tous les autres. Ne demoura gueres après, que mondit Seigneur le Duc arriva sur les rangs. Il avoit devant luy force Trompettes, & Heraux, & grand nombre de Chevaliers, & Nobles hommes de grand maison, tous vestus de paletots d'orfaverie, harnaché chascun à sa plaissance tres-riche.

ment. Il estoit armé de toutes armes, le heaume en la teste, au col (lequel escu estoit tout couvert de florins de Rin branlans) & seoit sur un cheval, couvert de velours cramoisy, brodé d'orfaverie, à maniere de Fusils. Il avoit après luy neuf Pages, sur neuf chevaux couverts : le premier de velours cendré, la couverte toute batue de grans fueillages d'or élevé, moult riche. La seconde fut de drap d'or noir, la tierce de drap d'or cramoisy, la quatrieme de drap d'or violet, la cinquiesme, toute couverte d'orfaverie d'or moult riche, la sixiesme d'un drap d'or vermeil, toute chargée de fusils d'or, avecques cailloux & estincelles de feu elevez moult riche, la septiesme fut d'orfaverie blanche, la huitiesme fut d'orfaverie dorée, & la neuvieme d'orfaverie mellee blanche, & dorée.

Après iceux neuf Pages venoit un Pallefre-
nier, monté sur un cheval couvert de velours,
brodé des lettres de mondit Seigneur, & me-
noit un cheval en main, chargé d'orfaverie
d'or branlant moult riche. Les Pages, & le
varlet avoyent pourpoints de velours noir, &
dessus mantelines de velours toutes couver-
tes d'orfaverie à fusils, & avoyent sur leurs
testes carmigoles de velours bleu, avecques
plumes d'Austruches blanches. En tel estat

fit mondit Seigneur de Bourgogne son tour en la lice , en la conduite du Geant , & du Nain : & quand il eut pris son rang, les trompettes, qui esloyent sur la porte du Chevalier à l'Arbre d'or commencerent à sonner, & tantost saillit hors de ladicte porte un grand pavillon de drap de damas blanc, & violet : & à ce que j'entendy, ainsi que le Chevalier à l'Arbre d'or avoit ouvert son pas par un pavillon jaune , ainsi pareillement vouloit qu'il fut clos par un autre pavillon.

Après cestuy pavillon marchoyent les Pages de mondist Seigneur le Bastard, vestuz d'orfaverie , sur chevaux couverts de plusieurs riches houffeures, en quoy il avoit couru en iceluy Pas, & après plusieurs Gentils-hommes, couverts de mesme : & à la verité , il avoit beau couvrir chevaux, car à celle heure il avoit desployé vingt-quatre, que couvertures, que harnois d'orfaverie , & de campanes.

Quand le pavillon eut fait son tour autour des lices , on ouvrit le pavillon , & là fut veu Monsieur Adolf de Cleves Seigneur de Ravastain , qui pour celle fois garda le Pas contre Monsieur de Bourgogne ; son cheval fut couvert de la vingt quatrieme couverte d'orfaverie , a grandes lettres a la devise de Monsieur le Bastard, entrepreneur. Il avoit

l'escu verd , tel qu'il avoit esté porté à la garde du Pas : & quand ils eurent les lances sur les cuisses , le Nain laissa courre le sablon , & sonna sa trompe : & à present commencerent les Chevaliers à courre ; & pour abreger, celle demie heure fut durement bien couruë & atteinte par lesditz deux Princes , & y eut plusieurs dures atteintes & lances rompues, qui ne sont point mises en compte, pource que l'on garda tousjours le droit de la mesure , telle qu'elle devoit estre , mais pour lances deuëment & franchement rompues , Monsieur de Bourgongne rompit huit lances , & Monsieur de Ravastain en rompit onze parquoy il gagna la verge d'or. Les courses faides, ilz toucherent ensemble , & en ce point fut le Pas , pour la jousté achevé ; & à tant se fit Monsieur de Bourgongne deheaumer. Monsieur de Bourgongne sa jousté achevée, se deheauma : & tandis les Roys d'armes & Heraux se tirerent devers les Iuges , pour sçavoir à qui le prix devoit estre donné : lesquels Iuges les renvoyerent aux Dames , pour en ordonner à leur bon plaisir, mais les Dames les renvoyerent aux Iuges , & s'en rapporterent à l'ordonnance des Chapitres. Si fut regardé par les livres , & escriptures des Roys d'armes & Heraux ,

qui plus avoit rompu de lances en la demie heure, & fut trouvé que ç'avoit esté Monsieur d'Arguel, lequel avoit rompu treize lances.

Si fut par Arbre d'or, accompagné d'autres Officiers - d'armes, a grand bruit, & a son de trompettes & de clairons, amené le prix sur les rangs pour le delivrer. Lequel prix estoit un destrier couvert de satin noir figuré, & par les figures estoit brodée d'orfaverie blanche, houffée & branlant : & dessus le destrier avoit deux panniens, esquels estoit le harnois de joust, tout complet, de mondit Seigneur le Bastard, & à la verité ledit harnois estoit l'un des beaux harnois de joust, qu'on peut veoir, & ainsi ledit Arbre d'or mena son prix autour de la lice, & puis vint trouver mondit Seigneur d'Arguel, & luy presenta le prix de par les Dames, & de par les Iuges, pour avoir le plus rompu de lances à ce noble Pas, & ainsi fut le prix présenté, & le Pas achevé, quand à la joust. Incontinent après, les manouvriers à ce ordonnez, abatirent la toile, & la loge des Iuges, & firent la place la plus unie qu'on peut faire, & tantost furent envoyez les vingt cinq blasons des Chevaliers, & Nobles hommes, qui devoient fournir le
 tournoy

tournoy à l'encontre du Chevalier à l'Arbre d'or, & ses compagnons, & furent mis & attachez à l'Arbre d'or semblablement comme les autres. Toutes choses achevées, arrivèrent lesdids vingt-cinq Nobles hommes, dont Messire Charles de Chalon, Comte de Joigny, cousin germain de Monsieur le Prince d'Orange estoit le Chef.

Il avoit son cheval richement couvert de velours, & brodures à sa devise, & après luy un Page, chevauchant un cheval, couvert de velours, myparty de bleu & de violet, tout chargé de grosses campanes blanches & dorées. Et après luy venoyent les autres : c'est à sçavoir (a) Messire Philippe de Commines, Dom Petre, Messire Jaques d'Emeries, Monsieur de Mousures, Messire Anthoine de Trappesonde, Messire Hugues de Torcy, Monsieur de Lens, Dru de Humieres, Robinet de Manneville, Hervé Garlot, Hierosme

(a) Afin que le Lecteur ne tombe en doute pour veoir icy entre les Seigneurs de la Cour de Bourgogne Messire Philippe de Commines Seigneur de Ruysschure en Flandres, lequel abandonnant le parti du Duc son souverain Seigneur, revolta du costé du Roy Louis xj. Si faut entendre que ladiète revolte se fit au prime en l'an 1472, qui estoit quatre ans après la date de la matiere de ce texte.

Tome IX.

N

de Cambray , Anthoine Bastard d'Auxi , George Bastard d'Auxi , Iehan Haufort , l'un des fils Talebot , le fils Messire Iehan Auvart , tous trois Anglois , Charles d'Haplaincourt , Pietre Metenay , Pierre de Salins , Iehan le Tourneur , Frederic le Palatin , Anthoine Dufy & Anthoine Doiselet , tous richement couverts , où harnachez , les uns de foye , les autres de brodure ou d'orfaverie. Ils estoient armez , & emplumez comme en tel cas appartient : & portoit chascun d'eux une espée rabatue en sa main , lesquelles espées furent présentées aux Juges , pour sçavoir si elles estoient rabatues & coupées en pointe , comme il appartenoit.

Après la presentation du Comte de Ioigny , & de ses compagnons susnommez , fut la porte de l'arbre d'or ouverte , à grans sons de trompettes & clairons , & de là saillirent les Princes , Chevaliers , & Nobles hommes , qui avoyent jousté à l'encontre du Chevalier à l'Arbre d'or , & couru à iceluy Pas , & dont les noms sont enregistrez cy-dessus , en la forme de leur venue. Lesquels Princes , Chevaliers & Nobles hommes , accompagnoient le Chevalier à l'Arbre d'or , & en lieu de luy , celui qu'il avoit commis en sa

place : & furent tous leurs chevaux couverts à la pareure dudit Chevalier, & semblable de luy, qui estoient toutes couvertes de velours violet, brodées à l'Arbre d'or, & par ceste dernière couverte du Chevalier à l'Arbre d'or, trouverez en son Pas avoir deployé vingt-cinq couvertes & pareures, dont celle dernière fut de moindre prix. Ainsi partirent les dessusdits de la porte à l'Arbre d'or, & se mirent en bataille au long de la lice, selon qu'ilz venoyent, & le dernier qui entra, fut Monsieur de Bourgogne, habillé comme les autres, & après qu'il eut veu la forme de sa bataille, il reprit son rang & sa place, & furent leurs espées envoyées presenter, comme les autres aux Juges, qui après les leur renvoyerent, & à chascun une lance, garnie comme il appartenoit : & quand ilz eurent tous leurs lances sur les cuisses, il est à croire que la place estoit richement parée de cinquante personnages, tels & ainsi armez & montez comme ilz estoient : & incontinent que la trompette eut sonné, coucherent leurs lances d'une part & d'autre, & à celle rencontre eut mainte atteinte de lances, & maintes rompues, & plusieurs chevaux portez par terre, & de tels y eut affolez, & bleffez pour à tousjours.

Après la course des lances passée, ils mirent les mains aux espées, & commença le tournoy d'une part & d'autre, lequel tournoy fut feru & batu si longuement & par telle vigueur, qu'on ne les pouvoit departir, & convint que mondiſt Seigneur de Bourgogne (qui iceluy jour avoit tournoyé & jousté, & qui à la verité s'estoit grandement porté à toutes les deux fois) se defarmaſt de la telle, pour estre cognu, & vint l'espée au poing, pour departir la meſlée (qui recommençoit puis de l'un des bouts, puis de de l'autre) & à les departir n'espargna ne couſin, n'Anglois, ne Bourgongnon, qu'il ne les ſit par maitreſſe departir, & ledit tournoy rompu, ſe mirent en bataille, les uns devant les autres : & par requête combattirent par pluſieurs fois un à un, deux à deux, trois à trois, mais toutesſois mondit Seigneur tousjours les partoioit, & ainſi fut ce Pas achevé, tant de la joute, comme du tournoy, & à tant reconduirent mondiſt Seigneur en ſon hoſtel, qui chevaucha le dernier d'eux tous, & alors le ſuyvit ſa pareure qui fut telle; qu'il avoit dix Pages après luy, ſes dix chevaux couverts de velours cramoisy, tous pareils, & un cheval, qu'on menoit en main, tout de meſme, & toutes les couver-

tures chargées de campanes d'or à moult grand nombre. Le cheval que chevauchoit le varlet qui menoit le destrier en main, estoit couvert de velours & de brodure d'autre forte.

Les Pages estoient vestuz de velours cramaisy, chacun ayant une grande escharpe d'or au col, & à la vérité, celle pompe fut moult grande & riche, car il y avoit es campanes, & es escharpes, huit cens marcs d'or; & ainsi avoit eu mondit Seigneur pour ice-luy jour, tant à la jousté, comme au tournoy, vingt-cinq couvertes, & en estat dessusdict s'en alla en son hostel, & se retrayt chacun pour revenir au souper, qui fut tel qu'il s'en-suit. Celuy mesme jour de Lundi fut le dernier banquet d'icelle feste, lequel fut en croissant, & en multipliant de plus en plus, tant de mets que de suittes. Sur les tables avoit trente plats, lesquels plats furent faits à maniere de jardins, dont le pied desdits jardins, estoit fait de bresil massonné d'argent, & la haye du jardin estoit toute d'or. Au milieu d'icelle closture avoit un grand Arbre d'or, & à l'encontre d'iceluy arbre estoit la viande. Les arbres furent de divers fruits, de diverses feuilles, & de diverses fleurs. L'un fut un oranger, l'autre

un pommier, & par consequent de toutes autres sortes, dont les fruidz, & feuilles, & fleurs, furent si proprement faitz, qu'ilz sembloient proprement arbres, & propres fruits, & les faisoit tres-beau voir.

Autour de chacun arbre avoit un rollet, où estoit escrit le nom d'une Abbaye, & ainsi furent monstrées trente Abbayes, fugettes de Monsieur de Bourgogne, dont l'une fut Clugny, & l'autre Cîteaux, chacune mere & chef de leur ordre en Chrestienté. Item parmy la table, & autour d'iceux arbres avoit plusieurs personnages, tant hommes que femmes, estoiez d'or, d'asur & de soye, qui tenoyent diverses contenance. Les uns tenoyent maniere de getter batons contre les arbres, & les autres avoyent de grandes perches, pour abatre des fruidz. Aucunes femmes tenoyent leurs chapeaux, pour recueillir les fruitz, & autres tendoyent les mains par bonne contenance. Item avoit pareillement parmy les tables autres personnages d'hommes & de femmes; richement etoffez, dont il y avoit les aucuns, deux à deux portans une civiere : autres portans cretins & panners sur leurs testes : autres portans panners en leurs mains : autres portans la hotte, & autres portans panners à merciers, en

leur col, & furent iceux panniers & portages chargez d'espices, d'oranges, & autres fruits & d'iceux personnages estoient les tables tres-richement parées. Item & sur lesdictes tables avoient trente pastez, dont sur chacun avoit un chapeau de vigne, plein de feuilles & de grappes, blanches & vermeilles, si bien faictes, que ce sembloit proprement raisin. Item & au plus beau de ladicte table, & à l'endroit de Monsieur, avoit un riche edifice, fait des mains de Maistre Stakin, Chanoine de Saint Pierre de Lille. Cestuy edifice estoit haut & somptueux, & moult soubtivement fait, car il y avoit un petit palais, & un haut mirouër, où l'on voyoit personnages incognuz. Il y avoit personnages & morisques mouvans, moult bien & soubtivement faits, roches, arbres, feuilles & fleurs & devant iceluy Palais avoit une fontaine, qui fourdoit du doigt d'un petit Saint Jehan.

Celle fontaine rendoit eauë rose, moult soubtivement contremont, & sembloit que celle fontaine arrosast les arbres, & jardins d'iceluy banquet, & certes la fontaine fut moult bien & soubtivement faicte, & après que la Seigneurie eut regardé les tables, & ordonnances bien au long, chascun s'alla seoir, qui mieux mieux. Assez tost après

entra parmy la salle deux Geans de merveilleuse grandeur , richement & estrangement habillez en armes , & esloyent embattonnez de merveilleux battons , & après eux venoit en leur conduite , une baleine , la plus grande & la plus grosse , qui fut jamais veüe par nuls entremets & presens , en un personnage. Ceste baleine avoit bien soixante pieds de long , & de hauteur si grande , que deux hommes à cheval ne se fussent point veus l'un l'autre aux costez d'elle , ses deux yeux esloyent des deux plus grans mirouërs , que l'on avoit sceu trouver.

Elle mouvoit les aellerons , le corps , & la queuë , par si bonne façon , que ce sembloit chose vive : & en celle ordonnance marcha parmy la salle , au son des trompettes & de clairons , jusques à tant qu'elle eût faict un tour parmy la salle , & qu'elle fut retournée devant la table où mangeoit Monseigneur , & la plus grande Seigneurie , & prestement ouvrit ladicte baleine la gorge (qui estoit moult grande) & tantost en faillit deux Syrenes , ayans pignes , & mirouërs en leurs mains , qui commencerent une chanson estrange emmy la place , & au son de celle chanson , faillirent l'un après l'autre en maniere de morisque , jusques au nombre de

douze Chevaliers de mer, ayans en l'une des mains talloches, & en l'autre battons deffensibles, & tantost après commença un tabourin à jouer dedans le ventre de la baleine, & à tant cesserent les Sirenes de chanter : & commencerent à danfer avecques les Chevaliers de mer : mais entre eux se meut une amoureuse jalousie, tellement que le debat & tournoy commença entre les Chevaliers, qui dura assez longuement ; mais les Geans, à tous leurs grans battons, les vinrent departir, & les rechasserent dedans le ventre de la baleine, & pareillement les Sirenes, & puis recloyt la baleine la gorge, & en la conduite des deux Geans reprit son chemin, pour s'en retourner par où elle estoit venuë, & certes ce fut un moult bel entremets, car il y avoit dedans plus de quarante personnes.

Sur ce point furent les tables levées, & commencerent les danfes, & tantost après (pource qu'il estoit tard) les Roys d'armes, & les Heraux se mirent en la queste, pour sçavoir à qui ce prix seroit donné. A quoy il y eut de grandes differences, car le chaplis des espées avoit esté grand, & bien combatu, & s'y esloyent tant de grans & bons personnages si bien monstrez, qu'à la verité

on ne ſçavoit à qui donner le prix. Les Dames toutes d'un accord diſoyent que Monſieur de Bourgogne le devoit avoir, pource qu'il s'eſtoit moult bien eſprouvé à celui tournoy, & conſideroyent en oultre, qu'il avoit ce jour tres-rudement jouſté, parquoy mis enſemble le tournoy & la jouſte, leur avis eſtoit tel que dict eſt; mais mondit Seigneur ne le voulut accepter, & pour finale conſluſion, fut aviſé que Meſſire Iehan d'Ondevile, frere de la Royne d'Angleterre, auroit le prix, & fut fait pour trois raiſons. La premiere, pource qu'il eſtoit eſtranger, & qu'aux eſtrangers en toutes nobles maiſons, doit-on faire l'honneur. Le ſeconde, pource qu'il eſtoit bel & jeune Chevalier, & aux jeunes gens doit-on donner courage de perſeverer en bien faire: & la tierce raiſon, pource que, tant à la jouſte qu'au tournoy, il s'eſtoit bien & honorablement aquité. Si luy fut preſenté le prix par une des Dames de pardeça, & par une autre d'Angleterre, des plus grandes, & des meilleures maiſons, comme il eſt de couſtume en tel cas. Monſieur d'Arguel (qui avoit eu le prix de la jouſte) vint requerrir à Monſieur, qu'il peult faire crier une jouſte au lendemain, & s'accompaigna de pluſieurs Nobles hommes, apris au meſtier. Laquelle jouſte fut

merveilleusement bien joustée, & de bon bois, & gaigna mondict Seigneur d'Arguel le prix de ceux de dedans, & un jeune Escuyer, nommé Billecocq, eut le prix de ceux de dehors : & pource que c'est chose de jouster à la foule, je n'en fay autre relation.

Le Mardy, dixiesme & dernier jour de celle feste, fut la grande salle parée en tel estat comme le premier jour des nopces, excepté du grand buffet, qui estoit au milieu de la salle. Les trois grandes tables y furent dressées & convertes, & fut assis mondict Seigneur de Bourgogne au milieu de la haute table, & à sa main dextre estoit assis Monsieur le Legat, & puis l'Evesque de Verdun, & Monsieur l'Evesque de Mets. A la main fenestre estoit Monsieur de Ravastain, & après luy Monsieur d'Escalles. La table de la dextre main estoit toute pleine de Barons, Chevaliers & Nobles hommes Anglois, & celle du fenestre costé pareillement de gens de l'hostel de Monsieur. Au milieu d'icelle salle avoit trois tables dressées, mises du long. En la premiere estoient assis Huissiers & Sergeans d'armes, en l'autre Roys d'armes & Heraux : & en la tierce, Trompettes & Menestriers, & au regard du service, il fut grand & solennel, & de plus en plus en multiplication

de plats & de viandes : & sur la fin du dîner se leverent Roys d'armes & Heraux, & vestirent leurs cottes d'armes, & puis prirent deux Roys-d'armes un batton, & le mirent sur leurs espaules, & sur iceluy batton portoyent les deux Roys d'armes un grand sac plein d'argent, & vindrent crier, devant la personne de Monsieur le Duc, *Largeffe*, comme il est de coustume, & pareillement és deux bouts de la table : & puis s'en allerent parmy la salle, & trompettes, & clairons sonnerent, tellement que tout retentissoit. Après les tables levées, & graces dites, tandis qu'on alla querir les espices, vindrent les Officiers de sa maison devant luy, & là publiquement il changea les noms de plusieurs, & fit de Heraux, Roys d'armes, & Mareschaux, & de Pourfuyvans, Heraux : & de nouveaux Pourfuyvans baptisa-il, comme il est de coustume, & ainsi se passa la solemnité & triomphe d'icelle feste : car le lendemain, pour une affaire qui survint à mondit Seigneur au pays de Holande, il se tira en celle part, & prit congé de la Duchesse de Nolsolk, & des autres Seigneurs & Dames d'Angleterre, & leur donna dons, chascun selon sa qualité, & aux Nobles hommes, & aux Dames. Et à tant se taist le compte de ceste

noble feste , & ne sçay pour le present chose digne de vous escrire, fors que je suis le vostre.

CHAPITRE III.

Comment le Duc Charles de Bourgogne , ayant couru par Vermandois , assiegea Beauvais : & comment le Roy fut contraint de l'accompagner en armes contre les Liegeois , paravant ses aliez.

LE Duc de Bourgogne , qui avoit faict douze cens lances , ordonna ses Capitaines , & se mit aux champs , & vint devant Roye , & devant Neelle, où estoit Loïset de Balingnen , & autres Capitaines François , & au regard de Roye , ledit Loïset & ses compaignons s'en partirent par traité. De Neelle le Duc la prit legerement , & fit grand discipline de François , & ainsi fut ce quartier achevé , & tourna le Duc de Bourgogne son armée sur Beauvais , & par un matin vint assieger icelle ville , mais les François furent diligens , & se bouterent audit Beauvais , à l'autre costé de la riviere , bien huit cens

(a) Cecy fut en l'an 1472 , selon Commynes , Meyer & autres, & entendez que durant ceste guerre , Phillippe de Commynes fit sa revolte.

hommes d'armes, & bon nombre de francs archers, & le Duc de Bourgogne par un matin assaillit Beauvais, mais il n'y gagna rien, ains y perdit beaucoup de ses gens, & là mourut un Chevalier Bourgongnon (que l'on nommoit le Seigneur d'Espiry) dont ce fut dommage, car il estoit moult vaillant Chevalier. Au lendemain de l'assaut les François firent une emprise, & vindrent sur un point du jour, donner en l'ost du Duc de Bourgogne, & là fut tué Messire Jaques Dorfan, Maistre de l'artillerie, & plusieurs Bourgongnons & Picars pris & tuez, avant que les compagnies fussent rassemblées, & ainsi les François s'en retournerent à Beauvais, & le Duc de Bourgogne fit garder son camp, plus près qu'il n'avoit fait paravant : & voyant que l'on ne profiteroit rien devant Beauvais (9), le Duc de Bourgogne manda les trois cens lances, qui estoient à Abbeville, & y mit Messire Baudoin de Launoy, & sa compagnie, lequel gagna Saint Vallery, mais il ne la tint pas longuement, & fut conseillé d'abandonner sa prise, & le Duc de Bourgogne marcha en pays, & entra en Normandie, & gagna le Neufchâtel, & toutes les petites villes qui sont deçà Rouen, où le Connestable de

France s'estoit bouté à plus de quatorze cens lances.

Vivres estoient courts au Duc de Bourgogne, tellement qu'un petit pain y valloit trois patars, & un pot de vin dix patars, & ne mangeoyent les povres gens que prunes & fruidts (car c'estoit la saison) dont la courance se prit en l'ost, & y moururent beaucoup de nos gens, & le Duc de Bourgogne le plus souvent se presentoit à la bataille, à l'encontre du Connestable de France, mais les François se tenoyent ferrez en leur ville, & n'estoyent pas conseillez d'eux aventurer. Cependant un marchand de Lille, nommé Gantois, envoya à Monsieur de Bourgogne certain nombre de chariots chargez de biscuit, & donna en pur don, & biscuit & charroy, & fit iceluy biscuit grand confort à l'ost. Après avoir demouré douze jours devant Rouen, le Duc de Bourgogne se conseilla (veu qu'il ne pouvoit finer de la bataille) qu'il se retireroit, ce qu'il fit à moult belle ordonnance, & retira contre Amiens, mais le Connestable faisoit tousjours ses diligences, & tellement, qu'il se boutoit tousjours és villes, dont le Duc de Bourgogne pouvoit peu profiter, & à l'aborder qu'il fit devant Amiens, il y eut une

grande escarmouche, d'une part & d'autre, & plusieurs gens morts François & Bourgonnons.

En ce temps estoit venu devers le Duc, Nicolas, fils du Duc Iehan de Calabre, en intention d'avoir Madame Marie, fille du Duc Charles en mariage : & pour dire le vray, il y eut des promesses faictes par l'ordonnance du Duc Charles : & certes il avoit bon esquadre de gens d'armes, & bien en point, & accompagna le Duc de Bourgogne mesmement devant Rouen : & après que le Duc de Bourgogne eut livré son escarmouche, grosse & fiere devant Amiens, il se retira contre ses pays, & fit un gros logis à Faluy sur Somme, où il demoura assez longuement : & pendant ce temps, par le moyen & enhort d'un nommé Anthoine du Monet (qui estoit fort privé dudit fils de Monsieur de Calabre) iceluy delibera de s'en retourner en ses pays, & demanda congé au Duc de Bourgogne (10), & ne fut pas accordé du premier jour; car le Duc de Bourgogne avoit des imaginations, & mesmement des promesses faictes entre luy & sa fille : & tellement practiqua, que ledict fils de Monsieur de Calabre quita toutes promesses à luy faictes par la fille du Duc,

Duc, & renouvellerent autres alliances, & ainsi se departirent, & le Duc de Bourgogne se tira à Peronne, & en ses pays, & ordonna ces douze cens lances par les frontieres, & de ma part je fus logé à Roye & à Mondidier, & avoye à chascun d'iceux lieux, cinquante hommes d'armes, lesquels le Duc fit tres-bien payer & contenter, ensemble tout le surplus des douze cens lances, & ainsi se menoit la guerre guerroyable de toutes pars; & le Duc de Bourgogne retourna à Arras, & manda ceux de Hainaut, & assembla ses douze cens lances autour de luy, & puis remarcha en pays, querant tousjours la bataille contre le Roy de France, mais le Roy ne monstroit volonté de combatre.

Le Duc se tira à Lyons en Santres, & là fit un gros logis de Gensd'armes, & un camp, que l'on appella le Camp d'honneur; & tousjours se presentoit pour la bataille, mais il perdoit le temps, car nul n'estoit delibere de le combatre.

En ce (a) temps un sommelier de corps

(a) Commines, Meyer & tous autres mettent cet article de Peronne & du Liege en l'an 1468, & sembler que nostre Auteur ait esté negligent depuis qu'il a parlé de la mort du bon Duc Philippe. (11)

du Duc, nommé Iehan de Boschuse, fut mandé par le Roy de France : & par le congé du Duc y alla, & tant parlementerent ensemble, & fit ledit de Boschuse tant d'allées & de venues, que le Duc assura le Roy, & le Roy vint à Peronne avecques le Duc, & en cedit temps l'Evesque de Liege, cousin-germain, & beau-frere du Duc, & le Seigneur d'Imbercourt, Messire Guy de Brimeu (lequel Messire Guy estoit Lieutenant dudit Monsieur le Duc, en toute la terre de Liege, & Comté de Los) tindrent un parlement en la ville de Tongres, & durant ce parlement, aucuns Liegeois s'assemblerent, & par nuit entrèrent à Tongres, & prirent l'Evesque de Liege, & le Seigneur d'Imbercourt, & fut ledit Seigneur d'Imbercourt prisonnier au Seigneur de Hautepanne : & ainsi traicta ledit d'Imbercourt, que ledit de Hautepanne ne l'emmena pas prisonnier, mais il promit de se rendre prisonnier audit de Hautepanne, à certain jour qui fut limité entre eux : & au regard des Liegeois, ils traicterent bien leur Evesque, mais ils gouvernoyent & conduisoient ses affaires à leur bon plaisir & vouldonté.

Le Roy estant au chasteau de Peronne, le Duc de Bourgogne tint un parlement

avecques son Chancelier, & aucuns des chevaliers de l'ordre, & autres : & disoit le Duc de Bourgogne, que le Roy luy avoit promis d'aller en sa personne avecques luy, pour recouvrer & reconquerir l'Evesque de Liege & le Seigneur d'Imbercourt : & que sans faute il ne feroit point de conscience de contraindre le Roy à faire ce qu'il luy avoit promis, & de ceste matiere fut grand debat, & grande question entre eux, & disoyent les anciens & notables Chevaliers, qu'il avoit fait venir le Roy à sa seureté, & grande charge seroit à la maison de Bourgogne, si le Roy avoit detourbier sur cest asseurement, & le Duc respondoit tousjours, *il le m'a promis, & il le me tiendra.*

Le Chancelier, Messire Pierre de Goux, persuadoit tousjours que Monsieur de Bourgogne jurast la paix qui estoit escripte, & qu'il avoit promis une fois de jurer, & le Roy & mondict Seigneur ; mais le Duc ne vouloit entendre à la paix, que prealablement il ne fust seur que le Roy luy tiendrait ce qu'il luy avoit promis, & fut la conclusion telle, que lesdictz Seigneurs iroyent devers le Roy, pour sçavoir son intention, & ne tint mondict Seigneur avecques luy, que moy seulement, & devez sçavoir, que le

Roy avoit bien ouy les aigres parolles que disoit le Duc Charles, & n'estoit pas sans peur, ne sans effray : & quand les Chevaliers furent venus, ilz pratiquerent qu'il se declairast pour aller à Liege, comme il avoit promis, & il pratiqua que la paix fust jurée entre eux, selon qu'elle avoit esté pourparlée. Si revindrent querre le Duc les Seigneurs de Charni, de Crequi, & de la Roche, & menerent le Duc devers le Roy, qui n'estoit pas bien asseuré de ses besoingnes, & si-tost qu'il veit entrer le Duc en sa chambre, il ne peut celer sa peur, & dict au Duc : *Mon frere, ne suis je pas seur en vostre maison, & en vostre pays ?* Et le Duc luy respondit : *Ouy Monsieur, & si seur, que si je voyoye venir un trait d'arbalestre sur vous, je me mettroye au devant pour vous guarentier.* Et le Roy luy dict : *Je vous mercie de vostre bon vouloir, & veuil aller où je vous ay promis, mais je vous prie que la paix soit dès maintenant jurée entre nous.*

L'on fit apporter les bras de Saint Leu, & là jura le Roy de France la paix entre luy, & le Duc de Bourgogne, & ne se pouvoit saouler de se fort obliger en ceste partie, & le Duc de Bourgogne jura ladicte paix, & promit de la tenir & entretenir

envers & contre tous. Le Roy & le Duc desjeunerent, & puis monterent à cheval, pour tirer contre Liege, & passerent par le Quesnoy, où le Duc festoya le Roy moult grandement, & tirerent contre Namur; & eux là venus, firent marcher les gens-d'armes contre le pays de Liege, & contre la cité, que les Liegeois avoient renforcée à leur pouvoir. Le Duc manda Philippe Monsieur de Savoye, le Marechal de Bourgongne, le Seigneur d'Imbercourt, & aultres; mais ledit Seigneur d'Imbercourt n'y peut venir; car il estoit blessé en un pied d'une coulevrine, & là fut conclusion prise, que le Dimanche suyvant, au son d'une bombarde, chacun tiroit à l'assaut, ce qui fut fait, & bien entreteu, & celuy Dimanche, au point du jour, la bombarde tira, & courut chascun à l'assaut de son costé; & mesmes le Seigneur d'Imbercourt, tout ainsi blessé qu'il estoit, se fit porter par hommes en une biere de bois, armé de toutes piécès, & l'espée nue au poing; & vouloit bien monstrier qu'il estoit Lieutenant du Duc de Bourgongne en tout le pays de Liege.

Le Roy & le Duc marcherent de leur costé pour venir à l'assaut; mais Monsieur de Bourgongne ne voulut souffrir que le Roy se

mit en tel danger : & luy pria de demonrer jusques il le manderoit , & j'ouy que le Roy luy dict : *Mon frere , marchez avant ; car vous estes le plus heureux Prince qui vive.* Et pres-tement le Duc entra dedans la ville , & gens d'armes de tous costez. Mais je reviendray au Seigneur d'Imbercourt , & à ce qui luy advint celui jour. Vous estes bien recors que le Seigneur d'Imbercourt étoit prisonnier du Seigneur de Hautepanne , & avoit promis de se rendre à Hautepanne , dont il n'y avoit plus que trois jours à venir. Ainsi luy prit , & Dieu le voulut , qu'à celuy assaut ledict de Hautepanne fut tué , & par ce moyen fut quite & acquité de sa foy & prison. Les Liegeois s'enfuirent par le pont de Meuse ; & demoura la ville de Liege , en la main du Duc de Bourgogne : & le Roy de France (qui portoit en son chapeau la croix de Saint Andrieu) entra en Liege tout asséurement , & crioit , *Vive Bourgogne* , & commença (a) le pillage de toutes parts (qui fut grand) & le Duc de Bourgogne se boutta en l'Eglise pour sauver les reliques , & trouva aucuns Archers , qui y faisoient pillage , & en tua deux ou trois de sa main : & le Roy se tira

(a) La ville de Liege prise d'assaut par le Duc de Bourgogne le 30 d'Octobre 1468 , selon Commynes.

en l'hostel du Duc , & chascun se logea pour garder son butin ; & ainsi fut la cité de Liege prise d'affaut , & pillée de tous costez , & quand la chose fut refroidie , le Duc se retira devers le Roy , & firent grand' chere l'un à l'autre , & le Duc de Bourgogne fit faire justice de plusieurs mauvais garçons , & nommément de ceux qui avoyent esté cause de la mort de Jehan le Charpentier.

Après avoir demouré cinq ou six jours en la ville de Liege , le Roy parla à Monsieur de Bourgogne , pour soy retirer en son Royaume. Ce que le Duc luy accorda liberalement , & le fit conduire jusques à Nostre Dame de Lieffe , par le Seigneur des Cordes , & par le Seigneur d'Emeries , & le lendemain après la messe , il apella iceux , & en leur presence fit le Roy nouveau serment , sur l'Image de Nostre Dame , qu'il tiendrait la paix , ne jamais n'entreprendroit aucune chose contre la maison de Bourgongee ; & s'en retourna le Roy en son Royaume , & les Seigneurs des Cordes & d'Emeries s'en revindrent à Liege devers leur maistre. Le Duc depescha à Liege ses Ambassadeurs , pour aller en Eretaigne , pour signifier à Monsieur de Berri & au Duc , ce qui avoit esté fait ; car , par celle paix le Duc de Berry devoit estre Comte de Cham-

paigne & de Brie, & sembloit qu'on lui avoit asseuré son fait, veu qu'il estoit en Champagne, & auprès du Duc de Bourgogne, pour en avoir secours & aide, si besoïn en avoit : mais Monsieur de Berry ne voulust point tenir cest apoinement, ains marchanda avec le Roy son frere, pour estre Duc de Guienne, ce qui luy fut liberalement acordé, dont depuis il mourut piteusement, par foy trop fier au Roy son frere. Ainsi fut la paix faite entre le Roy de France & le Duc de Bourgogne, dont tous les pays furent moult resjouis.

C H A P I T R E I V.

Comment le Duc Charles de Bourgogne assiegea la ville de Nuz, & comment il s'en retourna par apoinement faict avec l'Empereur.

TO S T après, se meut dissension & debat entre l'Archevesque de Coulongne, & le Chapitre de la grand Eglise. Cestuy Archevesque estoit frere du Comte Palatin, de la maison de Baviere, & prochain parent du Duc de Bourgogne, à cause de sa grand-mere, & fut (a) requis le Duc de Bourgogne d'ayde, par son cousin l'Archevesque de Coulongne; & le Duc (qui né demandoit que

(a) Cecy fut en l'an 1474.

d'entretenir & employer les gens-d'armes) luy acorda liberalement : & pour commencer la guerre , il mit le siege devant Nuz , qui est une ville bonne & forte , assise sur le Rin. En ce temps les Lombards , & Italiens vindrent au service du Duc de Bourgogne , & estoient conduits par le Comte de Campobasse , par Jaques Galiot , par Troilus , & par les deux freres de Lignane : & se tira le Duc à Pierrefort , pour veoir iceux gens d'armes , & certes il y avoit une belle puissance d'hommes d'armes , & tres-bonne enfanterie , selon la coustume d'Italie. Le Duc recueillit ses gens-d'armes , & se tira contre Nuz , ou il mit le siege , comme dict est.

Entre le Rin & la ville avoit une Isle , qui ne se pouvoit lors passer , que par le Rin , & là je vey une espreuve , que firent les Italiens , car ils entreprirent , montez , armez & bardez , la lance sur la cuisse , de passer le Rin , & d'entrer en icelle Isle , & la conquerir par icelle espreuve , & en verité iceux hommes d'armes firent bien leur devoir , car ils se jetterent liberalement une grosse flotte en la riviere de Rin : mais le Rin estoit si roide , & si fort à celuy endroit , qu'ils ne peurent leur emprise fournir , & en y eut de morts & de noyez : dont ce fut dommage , car il

avoit de gentils hommes-d'armes. Toutesfois par commandement du Duc, ils se retirerent au mieux qu'ils peurent : & me sembla celle esprouve proceder de grand hardement. Ainsi fut le siege mis devant Nuz ; & ceux de Colongne renforcerent Nuz de bons gens d'armes, & passoyent le Rin en petits bateaux, & n'y pouvoit-on remedier, car le Duc & ses gens estoient nouveaux venus à ce siege, parquoy il falut qu'il endurast ce renforcement : toutesfois à force de bras fit apporter tant de terre, qu'il seicha le Rin du costé de l'Isle, & entra en ladicte Isle à puissance ; & prestement furent faits tranchis, où se pouvoient couvrir les gens d'armes Bourgongnons, & garda ladicte Isle à son profit. Le Duc fit tourner deux rivières, & logea ses gens au long des rivières perdues, encloant son ost, & mesmes y logea les Liegeois, que l'Evesque du Liege avoit amenez au service dudit Duc, & ainsi fut Nuz assiegé de toutes pars, & estoit le siege bien estofé de toutes choses. Il y avoit hosteleries, jeux de paumes, & de billes, cabarets, tavernes, & toutes choses que l'on sceut demander.

Le siege dura par tous les mois de l'an, & fut le plus beau siege & le mieux estofé de toutes choses, que lon voit pieça. Les

Lombards du Comte de Campobasse perdirent un tranchis que les Alemans gaignerent sur eux , & en y eut beaucoup de morts & de tuez , & le Duc fut mal content contre les Lombards , & entreprit de leur faire regagner ce qu'ils avoyent perdu , mais il n'estoit pas conduisable. En ce temps je fus envoyé pour ravitailler la ville de Lintz (qui estoit en grande necessité) & me bailla le Duc , pour renfort, le Viscomte de Soissons, neveu de Monsieur de Moreul, qui menoit une bonne bande d'Archers à pied. Il me bailla environ cent hommes d'armes Italiens : & si me bailla Messire Philippe de Bergues, qui menoit & conduisoit cent lances , & en celuy pays (qui estoit hors de nostre cognoissance) nous fusmes conduits par Messire Eyraud de la Marche, qui nous livra les vivres & les chevaux, pour porter le ravitaillement de Lintz, comme dit est, & une froide matinée nous nous trouvâmes sur la montaigne d'un vignoble où nous tinâmes conseil qu'il estoit de faire.

Le Seigneur de Harenberch (qui nous avoit fait venir) ne nous osoit aventurer ; & toutesfois nous voulions faire & essayer ce pourquoy nous estions venus, & sur le point du jour , nous mena Messire Eyraud sur une

haute montaigne , duquel lieu l'on pouvoit veoir la ville de Lintz (qui sied de l'autre costé du Rin) & si pouvoit-on voir la puissance de l'Empire, là logée, & qui tenoit le siege devant ledit Lintz : & d'un costé y avoit une ville , & de l'autre y avoit un village. En ladicte ville estoit logé l'Evesque de Treves , & sa puissance , & en ce gros village estoit logée la puissance du Duc de Zasse , mais il n'y estoit point en personne.

Pource que nous ne vismes nulles assemblées entre la ville & le village, nous prîmes conclusion de descendre , & fut ordonné que le Seigneur de Sustain, a tout un nombre de Cranequiniers, descendroit le premier (pource qu'il sçavoit le pays) & faillloit descendre par une vigne au plus près du Chasteau. Le Viscomte de Soissons descendit après , a tout les Archers à pied , & selon qu'ils descendoient , ils se mettoient en bataille. Je descedy pour le tiers, a tout six vingts hommes d'armes. Messire Philippe de Bergues descendit pour le quart, a tout cent hommes d'armes, & puis descendirent les Italiens en deux esquadres, & en moult belle ordonnance , & puis descendirent les vivres , chascun cheval chargé de bled ou de farine, & un homme qui menoit chascun cheval par la bride , &

ainsi marchasmes contre Lintz, où nous trouvasmes des bateaux, qui prestement passerent noz vivres en la ville de Lintz (car le passage estoit plus près) & prestement les gens d'armes Alemans de la ville & du village ennemis, coururent aux armes, & y eut de grandes escarmouches d'une part & d'autre; & tandis que les escarmouches se batoyent, les vivres passoyent la riviere, comme dict est, & deçà l'eauë avoit un gros boulevard, que les Alemans avoyent faict pour garder la riviere, & ce jour là estoient dedans les Bourgeois d'Audrenac, & leurs voisins.

Noz gens de pied perceurent ledit boulevard, & de premier sault le vindrent assaillir, mais ils furent reboutez: & ainsi que nosdits gens de pied se retiroient d'entre iceux du boulevard, par inconvenient le feu se bouta en la poudre d'une coulevrine, qui fit tantost un grand effray parmy le boulevard, & cuiderent noz gens que ceux du boulevard eussent brullé toute leur poudre. Si retourna chascun celle part, en criant: *à l'assaut! à l'assaut!* Et en peu d'heure fut le boulevard gaigné d'assaut, & tué dedans plus de cent ou six vingts hommes de deffense: Noz Archers trouverent audit boulevard bon vin de Rin & largement, & ne les pouvoit-on re-

tirer de la mangeoire , & fut le boulevard gaigné, & tousjours s'entretenoit l'escarmouche grosse & plainiere entre les deux forts, & à la plus grande diligence qu'il estoit possible , je retiray ceux du boulevard , & y eut Chevaliers faicts , & une tres - belle besongne.

En la ville de Lintz entra Messire Lancelot de Barlemont, qui leur aporta argent pour leurs soudes, leur mena vivres comme vous avez ouy, & les renforça de gens & d'artillerie, & autre secours ne leur pouvions faire; & Messire Evrard passa l'eauë, pour parler & encourager ceux de la ville, mais rien n'y valut, car les gens de l'Empereur entrerent en ladicte ville, à demy en parlementant , & fut ladicte ville pillée, & mise à saquement, si tost que nous fumes eslongnez du lieu. Les Alemans du Duc de Zasse avoient gaigné la montaigne, par où nous estions passez, mais à nostre retour, nous regaignasmes le passage sur eux, & y eut de belles armes faictes, & se retira chacun en son quartier, & sous son enseigne, & remontasmes la montaigne, comme nous estions venus, & ne perdismes, la grace Dieu, nul homme, & nous en retournasmes sains & saufs celuy soir, chascun gesir en son logis: & pource

que nous ouysmes dire que Messire Guillaume d'Aremberch avoit contresiegé les gens du Duc de Bourgogne par l'autre costé de la riviere du Rin, & battoient nos gens d'artillerie, nous en alasmes le lendemain matin, & retournasmes devers le Duc, en bon vouloir de luy faire service. Mais ledit Messire Guillaume s'abusoit, car le Duc de Bourgogne avoit meilleure artillerie, & meilleurs canons, que n'avoit ledit Messire Guillaume, & ainsi retourna chascun en son logis, & ne demoura gueres depuis nostre partement, que nous fusmes avertis que ceux de Lintz avoient perdu leur ville, & que les Alemans y estoient entrez, & y moururent beaucoup de gens.

Ainsi fut la ville de Lintz ravitaillée, & puis prise : & nous sceut le Duc moult grand gré de la diligence & execution, que nous avions faicte : & ne demoura gueres qu'un debat se meut aux logis entre les Anglois & Italiens, & à la verité les Anglois avoyent le pite, car toutes les nations se joindoyent avecques les Italiens. Mais le Duc de Bourgogne chevaleureusement, l'espée au poing, se mit entre deux, & appaisa le debat, qui estoit bien dangereux. Or pour le vous donner à entendre, ce siege de Nuz dura par

tous les mois de l'an, si planteureux de tous vivres & de tous biens, que l'on y estoit comme en une bonne ville, & y trouvaſt-on draps de toutes fortes, eſpices pour medecines, & toutes choſes qu'on peut demander. L'artillerie batoit les murailles, & ſouvent y avoit de grandes eſcarmouches. Les aproches faiſoyent ſi près les uns des autres, qu'il n'eſtoit jour qu'ils ne combatiffent.

Les Alemans vindrent loger à Uquerocq, un Chateau qui eſt à un quart de lieuë de la ville de Nuz, & appartient au Baſlard de Gueldres, & là chargerent un tas de payſans, leur faiſant porter chaſcun deux biſſacs, l'un plein de pouldre & l'autre de ſel, & les envoyèrent jetter entre les murailles & les douves, & ceux de la ville les tirèrent dedans, & firent grand joye de leur venue (car ils avoyent neceſſité) & fut ce ravitaillement faiſt par inconvenient, & par un grand froid; & eſtoit venu le Roy de Danemarch, acompagné de quatre Ducs, pour parler au Duc de Bourgogne, & pour pacifier le debat, qui eſtoit entre l'Empereur (12) & le Duc; & luy alla le Duc au devant, bien une lieuë; & fut ſi tard quand les gens d'armes revindrent en leur logis, que le guet en valut beaucoup moins, & entrèrent dedans la ville

la ville lefdits ravitailleurs, par un quartier, qui n'estoit ne clos, ne fourny de gens-d'armes : & ainsi fut ce ravitaillement, qui recula fort les aproches qu'avoit faict le Duc de Bourgogne, car à ce siege furent les rivières detournées (comme j'ay dict) & faictes grandes bateurs de bombardes, grandes mines, pour aprocher la muraille, tranchis, roulans, & engins, bastides & bastillons, & toutes choses, dont on se peut deviser, ou aviser pour mettre une ville à subjection ; & sans nulle faute celle ville eust esté prise par le Duc, si ce ne fust par trois points.

Le premier, par le ravitaillement dessusdit, le second, par les eauës qui vindrent, & noyerent ce dont le Duc avoit fortifié en celle année, & le tiers fut par la venue de l'Empereur, qui descendit du Rin, a bien soixante mille hommes, & certes l'Empereur & tous les Princes de l'Empire, voire les communs, & les payfans, estoient tous pour le Chapitre de Coulongne, & a l'encontre de leur Evesque, excepté le Duc de Bourgogne seulement, & le Comte de Palatin, qui monstra petit semblant d'ayder son frere. Ainsi l'Empereur descendit devant Nuz, & tousjours costoyoit la riviere de Rin, car il faut aux Alemans grand victuaille, &

grand mangeaille, & n'eust peu l'ost de l'Empereur estreourny, si n'eust esté que vivres leur venoyent par la riviere du Rin, tant de Coulongne, comme de Zoux, & se fortifia l'Empereur en son camp, & tous les Princes se logerent avecques luy; & là estoit le Marquis de Brandebourg (qui estoit le pillier, & le grand conseil de l'armée de l'Empereur) & si y estoit le Duc de Zasse, moult beau jeune Prince, & recommandé par tous ceux qui le cognoissoyent, & le Duc de Bourgogne par un matin, esleva son armée, & vint ferir sur l'ost, & sur le logis de l'Empereur; & y fut le desroy si grand, qu'il faillut la banniere de l'aigle mettre aux champs, laquelle portoit le Duc de Zasse, comme Mareschal de l'Empire. Toutesfois le Duc de Bourgogne n'entra point au camp de l'Empereur pour celle fois, mais l'artillerie y fit de grands outrages, & mesme perça de part en part les chariots de l'Empereur, dont il se mescontenta fort.

Sur le jour furent de grandes armes faictes à la chasse des Alemans, qui furent poursuivis par Messire Iosse de Lalain, & par le Seigneur de Chanteraine, un moult vaillant Chevalier de l'ordre de Rodes, & entrèrent

iceux pelle-messe dedans le Rin , & fut fait desdits Alemans grande discipline celuy jour , & dura celle escarmouche jusques à la nuit , que chacun se tira en son quartier : & tous les jours esloyent les escarmouches entre les deux logis si grandes , que souvent l'Evesque de Milan , le Seigneur d'Imbercourt & aultres Ambassadeurs , ne pouvoyent passer par le milieu de l'escarmouche : & failloit souvent parler aux escarmoucheurs d'une part & d'autre , pour faire cesser les escarmouches , jusques iceux Ambassadeurs seroyent passez. Longuement dura ce parlement , & en fin de compte fut conclu , que le Duc de Bourgogne se leveroit de devant Nuz , & que l'Empereur delogeroit de son camp , & que tous deux à un fois se delogeroient , & partiroient de leurs logis , & se retireroit l'Empereur en l'Empire , & le Duc de Bourgogne en ses pays : & ainsi fut fait d'une part & d'autre , & fut le delogement fait de devant Nuz , & se retira l'Empereur contre l'Empire , & le Duc de Bourgogne en ses pays.

C H A P I T R E V.

*Comment le Duc Charles de Bourgogne se
saisit de la Duché de Gueldres & de celle de
Lorraine aussi.*

TROIS ou quatre ans devant les choses
dessusdites, le jeune Duc de Gueldres avoit
pris son pere le Duc Arnoul, & l'avoit (13)
mis en prison, luy imposant certains cas assez
deshonneſtes, dont le Duc Charles de Bour-
gogne ne se contentoit point du jeune Duc
Adolf; & advint que le jeune Duc vint veoir
Monsieur de Bourgogne, qui le fit prendre
& arreſter pour le contraindre à luy rendre son
pere le Duc Arnoul. Ce qui fut fait par traité
de temps, mais le Duc Adolf fust tousjours
detenu prisonnier du Duc de Bourgogne.
Au temps dessusdit, le Roy de France & le
Duc de Bourgogne prirent en haine Louis
Comte de Saint Pol, Conneſtable de Fran-
ce; & pour conclusion, tant se continua ceste
haine (a), qu'ils le firent mourir publique-

(a) Ceste mort du Conneſtable de France, Comte
de Saint Pol, avint le 19 jour de Decembre 1475; il
fust publiquement decapité à Paris en Greve à l'in-
stante poursuite du Roy Louis onzieme, après que le
Roy luy avoit fait faire tel quel procès, fondé sur plu-

ment. De ceste mort je ne quier gueres parler : car je ne l'apreuve, ne contredy, & en laisse faire aux nobles Princes dessudictez, qui en ordonnerent à leur plaisir. (a) Et en cedit temps le Duc de Bourgongne tint sa feste de la Toison en la ville de Valencienne, & y fut le Seigneur de Crouy, duquel le Duc de Bourgongne s'estoit nouvellement contenté, & vaut bien à ramentevoir, que ceux de Crouy avoyent un neveu nommé Messire Iehan de Rubempré, lequel fut si bon & si cordial parent, qu'il fit la paix de tous ses parens envers le Duc, dont il eust grand honneur & bonne renommée.

Celle feste de la Toison d'or fut moult belle & somptueuse ; car quand aux manteaux des confreres, qui n'estoyent que d'escarlatte, le Duc Charles les fit faire de velours cramoisy, & estoit moult belle chose à veoir, tant les

seurs accusations controuvées : mais qui bien regarde les Histoires, tant de France comme aultres, on trouvera que le principal motif n'estoit qu'en vengeance de ce que ledit de Saint Pol avoit esté de la confederation du bien publicq, avec certaine autre des fiance que le Roy avoit conceüe de luy, comme tout soupçonneux qu'il estoit (14).

(a) La feste de la Toison d'or fut solemnisée à Valencienues le 2 jour de May 1473.

Chevaliers comme les pareures : & ainſi fut celle feſte moult notablement celebrée ; & là furent Chevaliers de l'ordre le Seigneur de Cleci, le Seigneur d'Imbercourt, Comte de Maigne, le Comte de Cimay, ledit M^{re} Iehan de Rubempré, Meſſire Anglebert de Naſſau, Comte de Vienne, & pluſieurs autres, dont je n'ay point de ſouvenance ; & ce jour, Meſſire Iehan de Luxembourg tint une joute contre tous venans, & fut merueilleuſement pompeux, & accompagné de ſa perſonne, & gaigna ce jour le prix Meſſire Iehan Raolin, ainſné fils du Seigneur d'Emeries ; & au partir d'icelle feſte, le Duc tira ſon armée au pays de Gueldres, & conquiſta tout le pays ſans grande reſiſtance, reſervée la ville de (a) Vannelock, qui ſouſtint ne ſçay quants jours le ſiege, mais enfin ils ſe retirerent comme les autres : & ainſi fut le Duc de Bourgogne Duc de Gueldres (b),

(a) Venlo, ſelon le commun langage.

(b) Meyer rapporte ceſte expedition de Gueldres à l'an 1473, & Commines à l'an après ; mais Meyer accorde en cela plus à la vérité, entendu que ceſte guerre fut emprinſe non gueres après le trefpas du Duc Arnoult de Gueldres, qui avint le 24 jour de Febvrier 1472, ſelon la mode de noſtre Auteur : c'eſt à ſçavoir en commençant l'an à Paſques, & eſtoit icelle guerre deſja achevée avant l'expiration du mois de Septembre

& fit passer ses gens le Rin pour aller conquérir la Comté de Zutphen. Ce qui fut légèrement fait, & les gougeas de l'hostel du Duc alloyent tous les jours veoir les Dames à Devantel, qui sont femmes moult gracieuses, & qui prennent plaisir à festoyer estrangers. Le Duc laissa à Zutphen Messire Baudoyne de Launoy, Seigneur de Molembais, le Veau de Boufanton, & plusieurs autres bons gens d'armes, & puis repassa la riviere du Rin, & prit son chemin contre Bourgongne. Le Duc passa par Ferrette, & vint en Bourgongne & à Saint Benigne de Digeon, & luy fut par l'Abbé mis au doigt un riche anneau, & l'espousant du Duché de Bourgongne, ainsi que c'est l'ancienne coustume; & s'en retourna le Duc en son hostel, auquel il tint estat de Duc, & ses principaux Officiers avecques luy, comme le Chancelier, le premier

de l'an ensuyvant 1473, selon tous bons Auteurs. Le droit que le Duc de Bourgongne quereloit esdits pais, procedoit de l'achapt par luy en fait avec le trespassé Duc Arnoul susdict, & outre plus avec Gerard Duc de Iuilliers. Or nostre Auteur ne tient ici aucun ordre comme il n'a fait depuis la mort du bon Duc Philippe, ains fait le sault avant & arriere, sans observer nulle quotation d'années.

Chambellan, le Marechal & le grand Maistre d'hostel, & estoit belle chose de veoir iceux en leur triumphe ; & après avoir demouré à Digeon huit ou dix jours, le Duc ordonna ses affaires, & alla faire un tour par la Comté de Bourgogne, & visiter & adorer le corps de Monsieur Saint Claude (qui est un noble reliquaire), & s'en revint par Lyon le Saurier, où il trouva le Prince d'Orange, qui le festoya grandement ; & de là retourna à Digeon, & n'y arresta gueres, mais disposa de s'en retourner en Flandres, & s'arresta à Luxembourg pour aviser sur ses besongnes.

En ce temps Henry Comte de Vislemborg, vint passer près du Duc, ses gens tous vêtus de jaune, & fut le Duc averti que c'estoit contre luy. Si l'envoya prendre & amener prisonnier, & en sa prison promit au Duc de luy rendre le Chasteau de Monbeliart, & fusmes envoyez Monsieur du Fay & moy, pour avoir la place, mais le Comte Henry ne pouvoit fournir à sa promesse, car la coustume de Monbeliart est telle, que plustost verroyent les soudoyers couper la teste à leur Seigneur, que de rendre une telle place, mais la gardent jusques au dernier des Seigneurs, qui demeure en vie, & ainsi nous

en revinſmes, ſans rien faire. En ce temps (a) mourut le Duc Nicolas, fils & ſeul heritier de Monsieur Iehan de Calabre : & au regard du Duc, il vouloit bien diſſimuler le temps avecques le Duc Nicolas : mais au Duc Regnier, fils du Comte de Vaudemont (à qui l'heritage venoit) il ne pouvoit accorder ne diſſimuler : & quand le Duc Nicolas fut treſpaſſé, le Duc de Bourgongne entra au pays, à main forte, & ſe fit Duc de Lorraine, ſous la querelle que les Lorrains l'avoient abandonné devant Nuz, à ſon grand beſoing : & ſi bien exploiſta, qu'il chaffa le Duc Regnier hors du pays, & gaigna tout le pays de Lorraine en peu de temps, & ſe tint à Nancy, qui aſſez toſt parlementa, & fut (b) rendue par appointment : & ainſi en une ſaiſon, ou bien près il ſe fit Duc de Gueldres, &

(a) Ce fut en Aouſt 1473, ſelon Meyer, & n'eſtoit celle mort ſans ſoupeçon d'empoisonnement, procuré par le Roy Louis xj comme il avoit faiſt au Duc Iehan, pere de ce Nicolas : car comme il eſt encores dict ailleurs, ce Roy n'obmettoit voye quelconque de tiranniſer, pour deſtruire ceux qui avoyent eſté contre luy à la guerre du bien public, ou qui tenoyent par après le parti du Duc de Bourgongne, la puiſſance duquel luy eſtoit ſur tout ſuſpecte (15).

(b) Ceſte conquiſte de Nancy fut ſur la fin de Novembre 1476.

de Lorraine, & establît Messire Iehan de Ru-
pembé pour Gouverneur de Lorraine, &
y laissa bonne garnison, & principalement
d'Anglois: & de là s'en alla en Bourgogne:
& est vray que grans languages estoient tenus
du jeune Duc de Savoye & de Madame
Marie, fille du Duc de Bourgogne (16).

CH A P I T R E V I.

*Comment les Suyffes deconfirent le Duc Charles
de Bourgogne, par deux fois.*

EN ce temps le Comte (a) Amé de Romont
rue jus certain nombre de chariots, aparten-
nans aux Suiffes, lesquelz prirent mal en gré
d'avoir esté pilléz par le Comte de Romont: &
se mirent sus à grosse puyssance, & le Duc de
Bourgogne vint au secours dudit de Romont,
& prit aucuns Suiffes, qui estoient pour gar-
der la place de Grançon, appartenant au Prin-
ce d'Orange, lesquels Suiffes le Duc de
Bourgogne fit pendre & estrangler, & de-
siroit moult le Duc de trouver les autres aux
champs, & de les combattre: & pour leur
donner amorse de venir, il envoya ses Archers

(a) Meyer l'appelle Jacques Comte de Romont; il
estoit frere germain au Duc Louis de Savoye peu de
temps paravant trespaslé.

de corps dedans le chasteil de Vaumarcou , & le Duc de Bourgongne le lendemain amena son armée, pour secourir ses Archers de corps, & y eust grosse escarmouche , & fut le Duc, & ses gens reboutez; & à celle escarmouche mourut Pierre de Lignane , qui estoit un moult vaillant Escuyer.

Là mourut le Seigneur de Chasteau-Guyon, le Seigneur du Mont-Saint-Sorlin, Jehan de Lalain, Louis Raulin, Seigneur de Prusely, & plusieurs autres Gentils personnages. Enfin de compte, (a) le Duc de Bourgongne perdit celle journée, & fut rebouté jusques à Ioingné, où il se sauva & garantit, & est raison que je dye comment , & par quelle maniere, se sauverent les Archers de corps du Duc. Après la bataille desconfite, le Capitaine d'iceux Archers (qui estoit un jeune Escuyer , nommé George de Rozimbos) quand il vit la bataille pour nous , il parla aux Archers, & leur dit : *Vous voyez l'inconvenient qui nous est advenu , & le danger où nous sommes. Je seroye d'opinion qu'encores ennuyé à l'heure qu'il fera la plus grande nuit,*

(a) Ceste deconfiture du Duc de Bourgongne près Granfon , fust au commencement du mois d'Avril avant les Pasques , ausquels commence l'an 1476.

& que les ennemis seront le plus endormis, que nous saillions tous ensemble l'espée au poing, & passions parmy l'ost, car il est heure de garrantir nos vies. Tous s'accorderent au conseil de leur Capitaine, excepté un qui estoit blecé. Si se partirent tous ensemble du chasteau, ainsi qu'il avoit esté conclu: & fut leur aventure si bonne, qu'ils passerent franchement, & toute nuit chevaucherent, & se vindrent rendre à Salins, où je les vey arriver, car je ne fus pas à la journée, à cause d'une maladie que j'avoie. De Ioigné le Duc tira à Noseret, & devez entendre que le Duc estoit bien triste & bien melancholieux, d'avoir perdu celle journée, où ses riches bagues furent pillées, & son armée rompuë.

Le Duc se tira devant Lonzanne, où il se resfortifia le mieux qu'il peut, & fit venir gens nouveaux du pays de Hainaut, & aussi du pays de Gueldres, & en peu de temps refit une grosse armée, & se tira en son pays, pour trouver lesdits Suisses, & alla mettre le siege devant Morat (qui est une ville de la Comté de Romont) & y fit grandes batures & grandes aproches, & ne faillirent point lesdits Suisses d'y venir, & pour la

seconde fois fut (a) deconfit le Duc de Bourgogne devant Morat, & luy tuerent beaucoup de ses gens. Ainsi eut le Duc de Bourgogne la fortune deux fois contre luy en peu de temps, & là mourut le Comte de Marle, fils du Comte de Saint Pol, & ce bon & vaillant Escuyer Jaques du Mas, l'estendard du Duc de Bourgogne en ses bras, qu'onques ne voulut abandonner. Et afin que je n'oublie rien, j'ay à ramentevoir ce que fit le Duc de Bourgogne, après qu'il eut gagné Liege, & que le Roy se fut party de luy. Le Duc ouyt dire que les Liegeois s'estoyent retirés au pays de (b) Franchemont, & se delibera de les aller combattre, & vint en Franchemont par le plus grand froid, qu'il est possible de faire, & se logea en un village, qu'on appelle Pouleuvre, où luy & ses gens, endurerent & faim & froidure.

(a) Ceste seconde deconfiture du Duc de Bourgogne devant Morat, fut au mois de Juin de l'an 1476, selon Meyer & Commines.

(b) Le defect de la quotation des années, depuis la fin du Livre precedent, & cet article de Franchemont mis à la traverse, estant de l'an 1468, selon Commines & Meyer, font soupçonner que nostre Auteur n'eust loisir de mettre la dernière main à son œuvre, & le disposer par ordre, depuis la mort du bon Duc Philippe.

Toutesfois ceux d'Ais en Alemaigne luy en-
voyèrent quatre queues de vin, qui luy vin-
drent bien à point, & prestement en envoya
l'une à Monsieur de Bresse, & au Seigneur
de Savoye (qui estoient avecques luy) dont
ils firent grand feste & commencerent vivres
a venir, qui moult reconforterent l'armée.

Au regard des Liegeois, & de ceux de
Franchemont, quand ils sceurent la venue
du Duc & de son armée, ils s'enfuyrent tous
en divers lieux, & mesmement au plus es-
pois des bois: & avint que le Seigneur de
Traves Bourgongnon, & de ceux de Tou-
longeon se mirent si avant en leur poursuite,
qu'ils furent par les Liegeois merveilleusement
battus & navrez, & en danger de mourir :
& après que le Duc de Bourgongne eut de-
mouré certains jours à Pouleuvre, cuydant
que les Liegeois luy deussent venir courre
fus, il se partit d'iceluy lieu, & prit le che-
min contre ses pays, & traversa les rivières
de Franchemont (qui sont roides & profon-
des) par si grand froid, qu'on ne pourroit
plus grand froid au monde. Là veyje un
flascon d'argent plein de tizanne, la tizanne
fut si engelée dedans le flascon, que la
force de la glace rompit ledit flascon, & pou-
vez penser si les povres gens d'armes n'eurent

pas leur part de la grande froidure : & le Duc passa outre lesdictes rivières, & se mit en chemin contre Namur, pour retourner en ses pays. Et après les deux fois qu'avoit esté le Duc rompu, nouvelles luy vindrent que le Duc de Lorraine avoit mis le siege devant Nancy, & reconquis la pluspart du pays de Lorraine sur le Duc de Bourgogne : & le Duc (qui moult estoit courageux) a tout les gens d'armes qu'il peut recueillir, se tira prestement en Lorraine, en intention de secourir Messire Jehan de Rupembré, son Lieutenant en la ville de Nancy. En ce temps. ou peu par avant les Comtes de Cimay & de Maigne, en intention de fortifier la paix qui estoit entre le Roy & le Duc de Bourgogne, conclurent une (a) treve de neuf ans pour le Roy, pour le Duc, & leur hoirs, où fut compris nommement Monsieur le Dauphin fils du Roy, & Madame Marie de Bourgogne, fille du Duc de Bourgogne (car ils estoient nez & vivans) & fut celle treve jurée & accordée du Roy & du Duc (17).

(a) Cette treve fust arrestée le 13 de Septembre 1475.

C H A P I T R E V I I .

S'ensuyt le contenu au long , des treves de neuf ans , faictes & conclues par le Roy Loïs de France d'une part , & mon tres-redouté Seigneur & Prince , Charles Duc de Bourgogne , d'autre part , le treizieme jour de Septembre , l'an de grace mil quatre cens septante cinq.

.

C H A P I T R E V I I I .

Comment le Duc Charles de Bourgogne se faist de Madame de Savoye , & d'un sien fils : & comment il fut desconfit & tué devant la ville de Nancy en Lorraine.

AP R È S que le Duc de Bourgogne eut esté la deuxiesme fois desconfit des Suisses devant Morat, luy (a) cuydant conduire son faict bien cauteleusement, fit une emprise, pour prendre Madame de Savoye & ses enfans, & les (b) mener en Bourgogne : &

(a) Cecy appartient derechef à l'an 1476.

(b) S'il vous semble estrange que le Duc Charles fit cette emprise sur Madame de Savoye & ses enfans , en
 moy

moy estant à Genevé, il me manda sur ma teste, que je prisse Madame de Savoye & ses enfans, & que je les luy amenasse; car ce jour madiſte Dame de Savoye revenoit à Geneve. Or pour obeir à mon Prince & mon maistre, je fi ce qu'il me commanda contre mon cœur : & pri Madame de Savoye & ses enfans, au plus près de la porte de Geneve : mais le Duc de Savoye me fut pris & defrobé (car il estoit bien deux heures en la nuit) & ce par le moyen d'aucuns de nostre compaignie, qui estoient fugets du Duc de Savoye, & certes ils ne firent que leur devoir; & ce que j'en fi, je le fi pour sauver ma vie, car le Duc mon maistre estoit tel, qu'il vouloit que l'on fist ce qu'il commandoit, sur peine de perdre la teste.

faveur desquels il avoit n'agueres paravant employé toute sa force contre les Suiffes : Sçachez qu'après cette sienne seconde defconfiture, il reçut quelque avertissement, ou pour le moins conceut soupçon de l'ambiguité de foy des Savoyens, lesquels pour donner lieu au fortune, commençoient à prester l'aureille aux pratiques du Roy Louis onzième, ce qui meut le Duc Charles à user ce moyen & remède, tel que la necessité & l'occasion le permettoient, comme l'on peut colliger des escrits de Meyer & autres.

Ainsi je me mis en chemin , & portoye Madame de Savoye derriere moy , & la suivirent ses deux filles , & deux ou trois autres de ses Damoiselles , & prisms le chemin de la montaigne , pour tirer à Saint Claude. I'estoye bien assuré du second fils , & le faisoys porter par un Gentilhomme , & cuidoye estre assuré du Duc de Savoye , mais il m'avoit esté desrobé , comme j'ay dict : & si tost que nous fumes eslongnez , les gens de la Duchesse , & nommement le Seigneur de Manton , firent apporter torches & falots , & emmenerent le Duc de Savoye à Geneve , dont ils eurent grande joye : & je , à tout Madame de Savoye , & le petit fils (qui n'estoit pas le Duc) passâmes la montaigne à la noire nuit , & vinsmes à un lieu que l'on appelle My-Iou , & de là à Saint Claude , & devez sçavoir que le Duc fist tres-mauvaise chere à toute la compaignie , & principalement à moy , & fus en danger de ma vie , pource que je n'avoys point amené le Duc de Savoye.

Si s'en alla le Duc à Morat , & de là à Salins , sans me rien dire , ne commander : toutesfois je menay Madame de Savoye après luy , qui ordonna qu'on l'amenast au chasteau de Rochefort , & de là fut menée à

Rouvre, en la Duché de Bourgongne, ne depuis je ne me messay d'elle, ne de ses affaires, & fut pratiqué devers le Roy de France, d'envoyer querir sa sœur. Ce qu'il fit & y envoya deux cens lances, qui eurent entendement au chasteau, & par ce moyen fut la Duchesse de Savoye recouffée de la main de Monsieur de Bourgongne. Au temps dessusdict, le Comte de Varvic contraindit le Roy Edouard d'Angleterre, (a) de partir hors du Royaume, & vint descendre en Zeelande, où le Duc de Bourgongne l'alla veoir, & je reconforta de ses biens, le mieux qu'il peut, comme l'un frere doit faire à l'autre en tel cas : & aussi y descendit le Duc d'Yorch son frere : & fut le Roy d'Angleterre grandement festoyé par Messire Louis de Bruges, Seigneur de la Gruthuse, & depuis luy donna le Roy d'Angleterre une Comté, & luy fit des biens largement. Le Roy Edouard estoit moult aimé en Angleterre, & conclusion, il retourna en son Royaume, & en chassa le Comte de Varvic, & ainsi je rends compte par ce present volume, de moult de choses avenues en six

(a) L'Auteur present fait icy derechef la retrograde ; car cette foite du Roy Edouard d'Angleterre fust en Octobre 1470, & son retour en l'an suivant.

ou en huit ans (a) par avant. Ainsi se fit la paix entre le Roy de France & le Duc, qui donna moult grand joye à tous leurs pays.

Alors le Duc averty du siege de Nancy, se hastà à toute diligence, pour venir au secours de ses gens : & vint faire un logis és faubourgs de la ville de Tou, & fut averty que ses gens, qui estoient à Nancy, avoyent rendu la ville és mains du Duc Regné, & fut par les Anglois (qui estoient les plus forts dedans Nancy) qui contraindirent Messire Iehan de Rubempré à rendre ladicte ville : & estoit mort nouvellement un gentil compaignon Anglois, nommé Iehannin Collepín : & tant qu'il vescu, il tint les Anglois ses compaignons en telle discipline, qu'ilz n'eussent jamais rendu ladicte ville, ne tenu les termes qu'ilz tindrent audit Messire de Rubempré. En ce temps revint le Comte de Campobasse des marches de Flandres, & le Comte de Chimay, qui amena les siefs de Flandres, & estoient une grosse bande : le Duc de Bourgogne retourna avec eux, & revint mettre le siege devant Nancy, & commença la batture de gros engins de toutes pars, & ne demoura gueres

(a) Entendez par - avant les treves de neuf ans susdictes.

que le Comte de Campobasse se partit (18) du Duc bien mal-content, pour certains deniers que le Comte disoit que le Duc luy devoit. Soit yray ou non, il abandonna le Duc, & fit son traité secretement avec le Duc de Lorraine (ce que le Duc de Bourgogne ne voulut croire) & le Duc de Lorraine pratiquoit les Suisses, pour les faire venir devant Nancy : & le Roy secretement fournissoit argent au Duc de Lorraine, desirant que l'on fit au Duc de Bourgogne, ce que luy-mesme n'osoit entreprendre : & tant fit le Duc de Lorraine, qu'il amena les Suisses, bien douze mille combatans, & le Duc de Bourgogne leur alla au-devant, & pren sur ma conscience, qu'il n'avoit pas deux mille combatans, & estoit le Duc mal party, & assemblerent les deux puissances, mais les gens du Duc de Bourgogne ne tindrent point, ains s'enfuirent, & se sauva qui mieux mieux, & ainsi perdit le Duc de Bourgogne la troisieme bataille, (a) & fut en sa personne raint, tué & occis de coups de (19) masse.

Aucuns ont voulu dire que le Duc ne

(a) Cette deconfiture & occision du Duc Charles fut le 5 jour de Janvier 1476, selon la mode de nostre Auteur.

mourut pas à icelle journée, mais si fit, & fut le Comte de Chimay pris & mené en Alemaigne, & le Duc demoura mort au champ de la bataille, & estendu comme le plus pauvre homme du monde, & je fu pris, la Mouche de Vere, Messire Anthoine d'Oiselet, Jehan de Monfort, & autres, & fusmes menez en la ville de Fou en Barrois : & fut celle journée par un grand froid merveilleusement, & pouvez bien entendre, que quand nous fusmes avertis de la mort de nostre Maistre, nous fusmes bien deconfortez, car nous avions perdu en celuy jour, honneur, chevance, & esperance de ressource. Toutesfois il faut faire du mieux que l'on peut, quand l'on est en necessité. Si fismes avec noz ennemis pour noz rançons, le mieux que nous peusmes, & je demouray pleige pour tous les autres, lesquels s'en allerent au pays faire leur finance, & tant fi, que je finay la finance dont j'avoie respondu, & de moy, je demouray prisonnier toute la quaresme, & jusques environ Pasques, que ma finance fut trouvée, qui me cousta bien quatre mille escus, & avoye à faire à gentils compaignons de guerre, qui me tindrent ce qu'ils m'avoient promis, c'est qu'ils ne me revendirent point, & n'eu

à faire qu'à un homme nommé Iehanot le Basque, duquel je me louë, & de sa bonne compagnie. Mon argent trouvé, mes maistres me menerent jusques à une ville qu'on appelle Yguis, & là me delivrerent & quitterent de toutes choses, & en celle ville d'Yguis j'avoye bien cent chevaux de la garde (dont j'estoye Capitaine) qui attendoyent mon retour de prison, & après avoir demouré trois jours à Yguis, je m'en party, & m'en retournay en Flandres devers Madame Marië de Bourgongne, ma Princeesse, qui me receut de sa grace, humainement.

CHAPITRE IX.

Comment Madame Marie, fille & seule heritiere du feu Duc Charles de Bourgongne, fut mariée à l'Archeduc Maximilian d'Autriche, & des guerres qu'ils eurent avec le Roy Louys de France, onzième de ce nom.

EN ce temps les Gandois tenoyent prisonniers Messire Guillaume Hugonet, Chancelier, & le Seigneur d'Imbercourt : & (quelque requeste ou priere, que leur sceust faire madieste Dame pour eux, combien qu'elle fut leur Princeesse) ils firent iceux deux mou-

rir, & les decapiterent (a) sur le marché de Gand : & au regard de moy, je ne fu pas conseillé de me bouter en leurs mains, & demouray à Malines, avecques Madame (20) la Grande, qui me traitta humainement; & me tint tousjours compaignie un Sommelier

(a) Cette execution fut faicte le leudy absolu le troisieme d'Apvril l'an mil quatre cens septante & six, en comptant à la mode de nostre Auteur. On collige assez en noz Cronicques vulgaires & autres, que ces personages tomberent en ce grief mortel, pour avoir voulu trop complaire au Roy Louis onzieme, lequel n'estudioit alors qu'à briser du tout la puissance de la maison de Bourgongne. Et entre autres point se treuve, que lesdits personages estans n'agueres paravant envoyez devers le Roy susdict, pour par raisonnables remonstrances, empescher les invasions & hostilitiez d'iceluy, avoyent si peu exploicté en droict leur dicte charge, que au contraire s'estans laissé plier par les beaux offres du Roy, ils firent à leur retour delivrer es mains des François la cité d'Arras, que Philippe de Crevecœur, Seigneur des Cordes, avoit en garde; & en baillerent audict Seigneur de Crevecœur leur signature à sa descharge, luy quictans quant & quant le serment & la foy qu'il devoit à Madame la Duchesse de Bourgongne : au moyen de quoy & de la bonne intelligence qu'eut le Roy avec ledict de Crevecœur, qui de lors en avant tourna du tout sa robbe contre la maison de Bourgongne, il empietta à petite difficulté les pays de Picardie, Ponthieu, Boulonnois, & les villes sur Som-

de corps du Duc Charles, nommé Henry de Vers, & ainsi je dissimulay le temps jusques après Pasques.

En ce temps, le Duc Louis de Baviere, & l'Evesque de Mets (qui estoit de Bade) par charge de l'Empereur, vindrent devers Madame Marie, & pratiquerent le mariage de Monsieur Maximilian d'Austrice, fils de

me, où iceluy de Creveœur avoit eu le gouvernement de par le Duc Charles de Bourgogne : joinct aussi que lesdicts Himbercourt & Hugonet s'estoyent obligez au Roy d'employer tout leur pouvoir à faire passer le mariage de son fils Charles avec Madame la Duchesse susdicte ; lequel acomply ; ils se rendoyent de tous points à son service. Lesquelles choses Philippe de Commines mesme n'a sçeu dissimuler en la premiere Partie des Memoires, Chapitre 103. Iasoit ce qu'il y desguise l'affaire dudit mariage sous termes saintifs, & contraires au recit subsequant de nostre Auteur & au commun rapport de noz memoriaux vulgaires ; lesquels aussi contiennent que le Chancelier Hugonet confessa finalement d'avoir celé & tenu en cachette certaines lettres du feu Duc Charles, escrites du siege de Nancy, la congnoissance desquelles importoit grandement pour la sauveté de luy & de son armée, ce que venu à congnoissance à Gand & ailleurs, excita une telle fureur populaire, qu'il eust esté mal-aisé l'appaiser, sinon en faisant la justice que dessus : toutefois Commines baptise le principal motif de celle execution sus une particuliere vengeance de ceux de Gand ; mais à tort, comme

l'Empereur, & de Madame Marie de Bourgogne : & à la verité ils avoyent bien couleur de poursuyvre ledit mariage, car Monsieur le Duc Charles en son vivant, desira qu'iceluy mariage se fist.

D'autre part, Madame estoit requise du Roy d'Angleterre pour Monsieur d'Escalles, frere de la Royne, & faisoit le Roy de grandes offres : & le Roy de France vouloit avoir madicte Dame, pour Monsieur le Dauphin.

il semble par les choses suscriptes : joinct à cela que lesdits de Gand ne furent seuls qui donnerent la sentence, ains certains autres juges à ce choisis de tout le pays, entre lesquels y eut (tesmoin Commi. susdit au cha. 106.) un de la maison de ceux de la Marche qui ne sont ny Gandois ny Flandrois aussi, ains Bourgonnons, comme estoit nostre Auteur present, ce que fera facilement juger ledit Commynes avoir controuvé tel fard, plus à son excuse propre, qu'autrement, comme celui qui veritablement estoit en grande partie coupable du desastre desdits personnages, pour leur avoir esté le principal auteur d'entrer és pratiques du Roy, auquel il estoit ministre de tels actes, autant & plus que nul autre jamais, depuis qu'il fit sa revolte detestable contre son souverain & naturel Seigneur le Duc de Bourgogne, qui pourtant l'eut en telle execration, qu'il le vouloit avoir forclos de tous traictez de paix & treves faicts avec les François, comme il se peut colliger ailleurs en ces presentes Memoires.

Monfieur de Cleves la vouloit avoir pour fon fils, & Monfieur de Ravastain pour le fien, & ainfi eftoit madiſte Dame preſſée de toutes pars : & à un confeil qui fut tenu, fut diſt à madiſte Dame qu'elle feroit bien de declarer fon vouloir, & lequel d'iceux maris elle vouloit avoir : & elle reſpondit froide-
ment: *J'entend que Monſieur mon pere (à qui Dieu pardoint) conſentit & accorda la marriage du fils de l'Empereur & de moy, & ne ſuis point deliberée d'avoir d'autre que le fils de l'Empereur ;* & par celle ſeconde raiſon, les deux Ambaſſadeurs deſſuſdiſts avoyent bien cauſe de pourſuivre Madame. Et à la verité Madame la Grande tint la main au fils de l'Empereur, & au mariage d'eux deux : lequel averti deſcendit le Rin; & je m'en allay avec le Seigneur du Fay & le Seigneur d'Irlan, & furent mes approches tellement faiſtes, que je fus retenu Grand, & premier Maiſtre d'hoſtel du fils de l'Empereur : lequel vint à Coulongne, & de là ſe tira à Gand, où il fut honnorablement receu, & à grand triomphe : & le ſoir après ſouper, Monſieur Maximilian, Archiduc d'Auſtrice, vint voir Mademoiſelle Marie de Bourgonne, & à l'aborder fut ſi grande foulle & ſi grande preſſe, qu'on ne ſçavoit où ſe ſauver.

Si vindrent en la chambre de parade, & là fut parlé du mariage, & ne fut pas ce propos longuement tenu, car tantost l'on fit venir un Eveſque, qui les fiança tous deux, & prirent jour au lendemain de faire les nocces, & lendemain au matin fut amenée Madame, noſtre Princeſſe, par deux Chevaliers, ſes ſujets (à ſçavoir, le Comte de Cimay, & le Seigneur de la Gruthuſe) & devant elle (qui portoient les cierges) eſtoient Mijn Ioncker de Gueldres, & Madamoifelle de Gueldres ſa ſœur, qui eſtoient lors deux beaux jeunes enfans; & fut toute la pompe qui fut faite à marier le fils de l'Empereur à la plus grande heritiere du monde : & ainſi ſe paſſerent icelles (a) nocces, & n'y eut autre choſe faite pour celui jour.

Après la mort du Duc de Bourgongne, le Roy Louis (qui avoit juré la treve de neuf ans) n'en tint rien, mais aſſembla groſſe armée, & prit des Seigneuries & des biens de Madame Marie de Bourgongne, heritiere, ce qu'il en pouvoit prendre & avoir. Il prit la Duché & Comté de Bourgongne, les Comtez de Maſcon, de Charolois & d'Auxerre, & tout ce mit en ſa ſubjection. Il prit la Comté d'Arthois, & meſmement Ar-

(a) Ces nocces ſe firent le 18 jour d'Aouſt, 1477.

ras, luy changea son nom, & l'appella Franchife. Il gaigna (a) des principaux du Conseil de la Duchesse, & fit d'iceux pays comme des siens propres, & marcha jusques devant Saint Omer : mais le Seigneur de Chanteraine, acompagné des gens de l'hôtel du Duc Charles & autres, entra dedans Saint Omer, & fit grande resistance à l'encontre des François : & pource que la Duchesse de Bourgogne n'estoit pas lors bien fournie d'argent, ledit Seigneur de Chanteraine fit pour dix ou douze mille escus de monnoye de plomb, & la faisoit courre, & avoit cours parmi Saint Omer & à l'environ, & par traité de temps, il rachapta toute icelle mauvaise monnoye, & paya ses crediturs : qui luy fut grand honneur & grande decharge de conscience.

Quand le Roy de France eut demouré assez longuement devant S. Omer, il vit & congnut qu'il n'y auroit point d'entendement, & que la ville estoit bien gardée; il se delogea, & s'en retourna contre Arras : & par entendement qu'il eut avecques le

(b) Entendez cecy du Chancelier Hugonet, d'Imbercourt, & semblables, jaçoit ce que l'Auteur ne l'a voulu exprasser.

Seigneur des Cordes, la ville luy fut (a) rendue : & en ce temps, Monsieur Maximilian d'Autriche, nostre Prince, prit cœur & courage, & commença à congnoistre, quels gens d'armes il avoit, & depuis sa venue, je ne trouve point que mondit Seigneur ne Madame perdissent aucune chose, par la puissance ou soubtivité du Roy de France : & tantost se tira l'Archiduc aux champs, à bonne puyssance de gens d'armes, & vint mettre son camp assez près de Valenciennes, & de là és faux-bourgs de Douay : & pendant ce temps, le Comte de Chimay, à la requeste du Roy de France, se tira devers luy, & pratiquerent unes treves brieves, & par ce moyen rendit le Roy la ville du (b) Quesnoy, qu'il tenoit en ses mains : auquel estoit le Comte de Dammartin, & ses neveux, & beaucoup de bons Gens d'armes, qui abandonnerent le Ques-

(a) Ceste prinse ou plustost livraison d'Arras, fut au mois de Fevrier, ou bien de Mars 1476 selon nostre mode, & demoura es mains des François jusques en l'an 1492 que lors les Flandrois la recouvrerent sans coup ferir par l'intelligence d'un nommé Grisart.

(b) Quesnoy fut rendue à l'Archiduc Maximilian en l'an 1478 selon Masseus : comme aussi furent Bouchain & Cambray.

noy, par le commandement du Roy, & fut icelle treve bien entretenue, & l'Archiduc s'en retourna voir sa femme.

En ce temps, par le moyen de l'Evesque de Tournay, & de Maistre Anthoine Auveron, le Roy de France accorda unes trefves pour les laboureurs & seyeurs de blé : & quand le Roy de France veit que lesdits seyeurs esloyent au plus grand nombre, non-obstant la trefve, il envoya ses Gensd'armes, & fit prendre tous iceux laboureurs & seyeurs, & en tirerent les Gensd'armes François grands deniers & avoir, & oncques depuis, le Roy de France ne voulut ouyr parler de celle trefve, ne de celle execution.

L'Archeduc d'Austrice se tira en sa ville de Bruges, & là furent mandez, ceux qui esloyent demourez des Chevaliers de la Toison d'or qui n'estoyent point grand nombre. Mais l'Archiduc fut conseillé de relever ladicte ordre, vaquant par la mort du Duc Charles, & estoit commune renommée, que le Roy Louis vouloit relever ladicte ordre de la Toison d'or comme Duc de Bourgogne : & vouloit dire, que par les Ducs de Bourgogne estoit celle ordre fondée, & luy sembloit qu'il se fortifieroit, pour relever icelle ordre, & que sa conquiste de Bourgogne en vau-

droit de mieux : mais l'Archeduc anticipa , & vous déclareray la maniere qui fut tenue à relever icelle ordre. Les Chevaliers de l'Ordre venus en leur conclave , trouverent en la place du Chef (c'est à dire de Monsieur le Duc Charles) un couffin de velours noir , & sur iceluy avoit un colier de la Toison , & les Chevaliers requirent tous à mondit Seigneur l'Archeduc , qu'il voulsist iceluy ordre renouveler , & prendre le lieu de Monsieur le Duc , qui Dieu pardoint. Ce qu'il accorda liberalement , & marcherent pour venir à l'Eglise préparée à ce , par la maniere qui s'ensuyt.

Premierement marchoyent quatre Officiers de la Toison , & après iceux toutes manieres d'Officiers d'armes , la cotte d'armes au dos , & les deux principaux menoyent par la bride une blanche haquenée , couverte de velours noir , & portoit ladicte haquenée le couffin & le colier , dont j'ai premier parlé , & puis venoyent les Chevaliers de l'Ordre , à tout leurs manteaux , deux & deux ; & puis venoit Monsieur l'Archeduc d'Austrice (qui ne portoit point encores l'habillement de la Toison) & estoit ce triomphe bel , & piteux à veoir , & vindrent descendre à nostre Dame ; & y avoit

un hourd préparé , & principalement pour
 feoir les Chevaliers ; & les Chevaliers affiz ,
 Monsieur de Tournay fit une harangue en
 latin , par laquelle il donnoit à congnoistre
 à Monsieur l'Archeduc , que c'estoit de celle
 Toison , & comment il en falloit user : & fit
 de moult belles remontrances à mondit Sei-
 gneur l'Archeduc d'Austrice ; & pour accom-
 plir le mystere , Monsieur de Ravastain fit
 Chevalier Monsieur l'Archeduc , & puis luy
 & Toison d'or le menerent en une chapelle ,
 ou ilz luy vestirent le manteau de l'Ordre ,
 & luy mirent le colier de la Toison au co ,
 & puis le ramenerent à la veuë d'un chacun ,
 & lors commença la Messe & le service de
 Dieu : & la Messe achevée , s'en retourne-
 rent comme ilz estoient venuz , excepté
 qu'il ne fut plus nouvelle ne de la haque-
 née , ne du couffin , & sur ce point s'en
 allerent disner : & tantost furent nouvelles
 apportées à l'Archeduc , que le Roy de
 France estoit entré en ses pays , & avoit
 assiégé la ville de Condé , en laquelle estoit
 Capitaine , pour l'Archeduc , le Seigneur de
 • Mingoval , qui ne tint pas la ville longue-
 ment , mais la rendit au Roy de France.

En celuy jour qu'il avoit relevé la Toi-
 son d'or , se partit l'Archeduc , accompagné

du Comte de Chimay , & rassembla les gens-d'armes le mieux qu'il peut , & tira contre le Roy de France , à toute sa bonne & grande puissance & armée : & si vivement marcha , que le Roy de France fust contraint de brusser & mettre le feu à Condé , & mesmement à Mortaigne (qui est l'ancien héritage du Roy de France) & se retiroit le Roy à Arras , & l'Archeduc d'Austrice nostre Prince & Seigneur le suyvit vaillamment jusques au Pont-à-Vendin , & par telle maniere & tel moyen l'Archeduc reconquist en peu d'heure , plus que le Roy de France ne lui avoit pris du sien : & monstroit que luy qui n'avoit que dixneuf ans d'aage , avoit entierement courage de Prince , & d'homme chevaleureux , & vaillant : & marcha contre le Pont-à-Lefaux , & eust tantost de gens-d'armes assez grand nombre : & y vindrent les Brabançons , en grosse puissance , & Monsieur de Romont & ensemble le Bailly de Gand amenerent les (a) Flamans en grand

(a) Quand aux Gandois de nom , & qualité , qui servirent l'Archiduc en ce voyage d'Arras , je treuve qu'il y en eut deux Chevaliers, Messire Iosse de Ghiftelles , lors premier Eschevin , & Messire Adrian de Raveschoot , & avec eux plusieurs notables Bourgeois & Gentils-hommes , dont les plus cognuz sont Gilles

nombre. En ce temps (a) Madame l'Archeduchesse accoucha à Bruges d'un beau fils, qui est à present nostre Prince, le plus bel, le mieulx adextré, & adressé, que l'on pourroit nulle part trouver, Dieu le nous veuille garder. Grande joye fut parmy l'ost, de la nativité de ce noble enfant, & fut requis Monsieur l'Archeduc, que l'enfant eust nom Philippe, en memoire des biens, & de la tranquillité que les pays eurent du temps du bon Duc Philippe, que Dieu pardoint.

Le noble enfant fut baptisé à Bruges, & fut Monsieur de Ravastain compere, & Madame la Douagiere commere, & fut porté à Saint Donas, par dessus un Pont elevé à grand nombre de torches & lumieres. Là estoient Madame de Ravastain, Madame de la Vere, & si grand nombre de Dames & de Damoiselles, que c'estoit belle chose à veoir. Les nations, tant estrangeres que privées, firent de celle nativité grande feste, & fut l'enfant baptisé solennellement, & eut nom

Vuten Hove, Ian van Vaernewyc, Seigneur de Bost, Symon de la Chambre, Ian Vander Vaileen, Anthoine Van Hembyse, & autres.

(a) Cet enfantement de Madame l'Archeduchesse de son premier fils Philippe, fut par un lundy 22 de Iuing 1478 selon la Cronique de Flandres.

Philippe comme j'ay dict dessus. Encores vit & regne iceluy Philippe, & est nostre Prince, & Dieu le nous veuille garder. Or laisserons à parler du fait du Batefme, & retournerons à la conduite de la guerre, & du logis de Monsieur l'Archeduc, qu'il fit au Pont-à-Lesaulx. L'Archeduc estoit fort accompaigné; car il avoit Flamans & Brabançons en grand nombre, & si avoit une bonne puissance de ceux de Iuilliers, que le Duc de Iuilliers luy avoit baillez pour ce voyage. Il avoit une bonne esquadre de Lansquenets, & se meut un debat entre lestditz de Iuilliers, & les Lansquenets; mais l'Archeduc les appaïsa: & ne fut pas sans grand' peine. Ainsi fut longuement nostre Prince attendant la bataille; car le Roy de France estoit à Arras à grosse puissance de gens avecques luy, & faisoit le Roy pratiquer une trefve de dix mois, laquelle après plusieurs journées tenues, luy fut accordée, en espérance, que pendant iceluy temps, un bon' appointment de paix se trouveroit.

Les trefves jurées (a) d'une part & d'autre, l'Archeduc s'en retourna à Bruges, & des-

(a) Ces treves furent sur le mymois de Juillet 1478 car le retour des Gandois fut le 15 d'iceluy mois, estant desja les treves accordées.

tendit son armée : & au relevement de celle noble Princesse , furent faictes joustes , tournois , banquets , danſes & carolles , & toutes manieres de bonne chere , & ſe retirerent l'Archeduc & l'Archeduchefſe à Gand : & certains jours apres , ilz firent (a) venir l'enfant au maillolet , & és mains de ſa nourrice : & devez oïre qu'on luy fit bonne chere , & principalement Madame ſa mère : & de Gand , tirerent à Bruxelles , & l'Archeduc ſollicita de ſes affaires , car il voyoit la trefve faillir , & eſtoit beſoing qu'il pourveut à ſon faict. En ce temps , ſous le port & faveur du Prince d'Orange , les Bourgongnons mirent les François hors de la Comté de Bourgogne ; mais le Roy de France fut diligent & bien ſervy , & ſi toſt que la trefve fut (b) paſſée , il reconquit la Comté ſur les Bourgnongons , & diſoit-on que c'eſtoit le Seigneur d'Arban , qui avoit vendu au Roy le chasteau de Iour ,

(a) Ceste arrivée de l'enfant Philippe à Gand , fut le penultieſme d'Aouſt 1478. On luy alla au devant hors la ville de Gand a trois mil chevaux , & pardeſſus cela y avoit deux cens jeunes enfans à cheval ayant chaſcun un lacquay bravement accouſtré , qui eſtoit choſe belle à veoir.

(b) Cecy fut après Paſques de l'an 1479 ſelon nos Annaliſtes de France.

quatorze mille escus (lequel chastel Madame Marie luy avoit baillé en garde) & que par celle entrée la Comté de Bourgogne fut legerement par les François conquise : & sur la fin d'icelles trefves, le Roy de France fit ses aprests de son costé, pour courre sus à l'Archeduc, & l'Archeduc faisoit semblablement ses aprests pour courre sus au Roy. : & se tira l'Archeduc à Lille, & de là au Pont - à - Vendin, & estoit fort accompagné de Flamans, & plus que je n'en vey oncques ensemble : & certes le Bailly de Gand, Messire Jehan Seigneur de Dadi-zelle, les tenoit en bon ordre, & en grande crainte, & estoit fort aimé en Flandres.

L'Archeduc avoit une bonne bande d'Alemans Lansquenets, & bonne & grosse armée des Nobles hommes de ses pays, & le Roy envoya au Pont-à-Vendin, devers luy Monsieur de Courton, neveu du Comte de Dammartin, & un Escuyer de sa chambre, nommé Brandely de Champagne, & tendoit à fin de ralonger lesdites trefves ; mais l'Archeduc n'y vouloit entendre, & partit ledit Seigneur de Courton sans rien faire pour celle fois : & je fus envoyé devers le Roy, pour lui parler de cette matiere, en luy persuadant & requerant qu'ils se peussent

voir eux deux , & qu'ils accorderoyent bien ensemble : mais le Roy de France s'excusa , & à cette veuë ne voulut point entendre , parquoy l'Archeduc passa le Pont-à-Vendin , & luy & son armée , à moult belle ordonnance , & vint prendre camp , & se mettre en bataille , demie lieuë outre le Pont-à-Vendin , dont le Roy de France fut moult mal content ; car il n'avoit vouldonté de combattre : & tant pratiqua le Roy , que treves nouvelles furent accordées & jurées d'une part & d'autre : & l'Archeduc repassa le Pont , & donna congé à toutes manieres de gens-d'armes , & s'en alla festoyer à Lille , à son privé estat (a).

(a) Notez qu'icy debvroit suivre la memorable bataille, de Guynegate près Therouenne gagnée par l'Archiduc Maximilian contre les François principalement à l'aide du Seigneur de Dadizelle , coronel des picquiers de Flandres : en laquelle demourerent occis plusieurs grans Seigneurs François , si comme les Seigneurs de Crequy & Blangiers , Anthoine de Crevecœur , l'Admiral de France , les Comtes du Maine , de Clermont , Blangeon , Vaudemont , & plusieurs autres , avec 40,000 François , qu'occis , que prins ; ce qui fut en Aougt 1479. Parquoy il'est vray semblable que le texte de l'Auteur a esté mutilé en cest endroict , attendu que ledict Auteur n'a oublié le recit de ladicte bataille.

C H A P I T R E X.

De la nativité de Madame Marguerite d'Autriche : & du mariage d'icelle avec le Dauphin Charles : & de la mort du Roy Louis onzième , & d'autres particularités.

EN ce temps Madame l'Archeduchesse , estant à Bruxelles s'accoucha d'une fille , dont Madame la grande fut commere : & fut celle fille appelée (a) Marguerite (21) , qui depuis deust être Royne de France , & dont on luy fit tort , & fut celle mesme Marguerite qui espousa le Prince de Castille ; mais il ne vescu gueres , combien qu'il laissâ madicte Dame grosse d'un fils , qui ne vescu pas longuement. Et pour donner à entendre ce qui advint entre le Roy Charles & madicte dame Marguerite , combien qu'ils fussent fiancez & espousez , (b) la consom- en la repetition des faicts de Maximilian cy - après au Chapitre 15.

(a) Cette nativité de Marguerite de Flandres fut le x de Janvier 1479 , selon la mode de nostre Auteur.

(b) L'Auteur amène icy desja le compte du Roy Charles & de Madame Marguerite , mais mal à propos , & trop tempre , comme un chascun peut veoir , & continue ainsi jusques à ce qu'il tombe sur le propos des Gandois.

mation du mariage estoit à parfaire , & en ce temps la guerre estoit grande entre France & Bretagne , & avoit le Roy des Romains , par Procureur (qui fut Messire Wolfart de Polhem , beau Chevalier , & homme de vertu) faict espouser la Duchesse , heritiere de Bretagne , & le Roy de France lui faisoit guerre de toutes pars , & croy bien que le Roy des Romains ne fit pas grande diligence à aider & secourir la Duchesse de Bretagne , comme il devoit , & durant ce temps le Prince d'Orange , amy des François & des Bretons , se mit en pratique , & tellement pratiqua , que le Roy de France fut content d'espouser la Duchesse de Bretagne , comme la Duchesse n'y mit pas grand contredit , & remonstra au Roy , que s'il avoit celle Duché de Bretagne ajoincte à son Royaume , il pouvoit bien dire qu'il avoit faicte une grande & riche conquesse : & à la Duchesse remonstroit à part , que si elle estoit Roïne de France , elle seroit la plus grande Princeesse du monde , & ainfi furent accordez.

Et vint le Roy Charles à Nantes , fort accompagné de Nobles hommes , & de beaux gens d'armes , & prestement (a) furent fiancez ,

(a) Ces esposailles du Roy avec la Duchesse de Bretagne furent en l'an 1491 , à ce que j'ay peu imaginer.

& espouzez, & celle nuit couchèrent ensemble, dont ledict de Polhem (qui se veit abusé) fut merueilleusement troublé, ne jamais ne voulut aller, ne se trouver en l'hostel du Roy, ne de la Duchesse de Bretagne : & assez tost après vint le Roy, où estoit Madame Marguerite, pour prendre congé d'elle : & ainfi fut la departie du Roy de France, & de celle qu'il avoit le premier prise, & ne fut pas sans pleurs, ne larmes d'un costé & d'autre, & de ce fut le Roy des Romains bientoist averty, par un gentil-homme, Maistre d'hostel de Madiſte Dame Marguerite nommé le Veau de Boufanton, qui loyalement & honnestement se porta en ceste besongne. Mais j'ay tousjours ouy dire, que contre forts & contre faux, ne valent ne lettres ne seaux : & ne fait pas à douter que le mariage de Monsieur le Dauphin, & de Madame Marguerite d'Austrice fust bien dicté & seellé, & que par raison de droict on n'y pouvoit changer ne muer : mais les forts (c'est-à-dire la puissance du Roy de France) & les faux hommes de son conseil tournerent ceste raison en (a) mesus de justice, & ce fut fait pour le mariage de Bretagne, comme dict est : & Madame Marguerite d'Austrice (qui

(a) C'est à dire, en mauvais usage.

avoit esté tenue neuf ans pour devoir estre Royne de France) sans l'avoir desservy, fut expulsée du mariage, où elle avoit esté donnée: & tantost après, Monsieur l'Archeduc son frere, envoya le Comte Anglebert de Nassau, pour pratiquer que sa sœur luy fut rendue. Ce qu'il obtint à grand peine.

Toutesfois les François voyans que ce leur estoit plus de honte, que d'honneur, de tenir ceste noble Princesse, la rendirent à mondict Seigneur de Nassau; & la fit le Roy honnorablement accompagner, & la ramener à son frere, qui la reçeut de bonne affection & vouldonté, & luy alla l'Archeduc, & la Nobleſſe au devant bien une lieuë, & descendirent tous deux à terre, pour eux bien-veingnier, & faisoit l'Archeduc à sa sœur tout tel, & aussi grand honneur, que s'elle eut esté Royne de France; & ainsi fut amenée à Malines, & receuë à grande joye, & l'accompaignoit Madame de Ravastain, fille du Comte Louis de Saint Pol, & d'une fille de Savoye.

En ce (a) temps les Gandois faisoient pratiquer d'avoir les enfans en leurs mains, & s'adresserent pour mener leur pratique, à

(a) Entendez du temps de la nativité de Marguerite de Flandres, ou peu après,

aucuns d'entour le Prince : & tant pratiquerent qu'il fut ordonné, que chascun pays auroit les enfans en leurs mains, chascun quatre mois, & furent menez les Nobles enfans à Gand, pour les quatre premiers mois : mais quand on les demanda aux Gandois, pour les mener en Brabant, ils furent refusans, & dirent qu'ils avoient privilege de gouverner les enfans du Prince en leur jeunesse, & ainsi furent lesdits enfans refusez par ceux de Gand : & en ce temps Madame l'Archiduchesse accoucha (a) en la ville de Bruxelles d'un fils, lequel le Duc de Bretagne fit tenir sur les fonts, par Monsieur le Comte de Cimay, & l'autre compere estoit le Cardinal de Clugny, & fut baptisé solennellement à S. Goulle, & eut nom François, pour le Duc de Bretagne : mais il ne vescu gueres, & mourut en l'aage de quatre mois, & est enterré à Cauwenberghe devant le grand Autel. En ce temps Maistre Iehan du Fay s'accointa des François, & (b) pratiquerent

(a) Cet acouchement fut en l'an 1481 le 10 de Septembre.

(b) Cette pratique commença l'an 1481, après la mort de l'Archiduchesse, & fut sa fille amenée à Hedra en l'an 1483, & de là à Paris, où elle entra le 2 de Juing.

le mariage de Monsieur le Dauphin, fils du Roy Louis, avec Madame Marguerite d'Autriche, fille du Duc d'Autriche, & se firent forts les Estats des pays d'iceluy mariage ; en intention d'avoir paix : & conclusion, celle nostre Princesse, environ l'aage de cinq ans, fut amenée à Hedin, où Madame de Beaujeu la receut, comme Dauphine, & toutes choses pourparlées, le Seigneur de Cordes fit accompagner ladicte Dame, & mener à Amboise, & luy fut baillée pour Dame d'honneur, Madame du Secret, qui bien s'en acquitta, & nourrit ladicte Dame, en toute bonté & vertu, & n'amena avec elle que la femme du Veau de Boufanton, (qui estoit sa nourrice) & ledict Veau & son frere, avecques peu de gens de nostre nation ; & certes pour dire la verité, le Roy Louis fit bien traiter & honnorablement Madame Marguerite : & tant qu'elle fut en France, elle fut bien & honnorablement traittée, & jusques à ce que le Roy Charles la laissa pour une autre, comme j'ay dit cy-dessus.

En ce temps mourut le Roy Louis (a), & fut Roy Charles son fils, & assembla l'Ar-

(a) Cette mort du Roy Louis onzième fut le penultième d'Aougt 1483, selon Commynes ; ou le penultième de Juillet, selon Maffcus.

cheduc son Conseil , pour sçavoir ce qu'il estoit de faire, & fut en la ville d'Utrecht, & trouva par conseil , que prestement il devoit envoyer devers le Roy Charles une Ambassade, chargée de toutes bonnes & gracieuses parolles, & fut ordonné que je feroye ce message, & tant allay, que je trouvay le Roy à Bogency. Là estoit Monsieur de Bourbon Connestable de France, Monsieur d'Orleans, Monsieur de Beaujeu, & Madame de Beaujeu sœur du Roy, laquelle gouvernoit tout le Royaume. Le Roy de sa grace, me bailla bonne audience, & n'arrestay gueres, que je ne fusse depesché, pour retourner devers l'Archeduc mon maistre. En ce temps Monsieur d'Orleans par congé du Roy, fit son entrée en sa cité d'Orleans, où je me trouvay, & certes l'entrée fut belle & honneste, & y estoient pour l'accompagner la pluspart des gens de bien de France, & celle entrée passée, je pry congé, & m'en retournay devers l'Archeduc mon maistre, lequel s'en revenoit à Malines.

CHAPITRE XI.

Comment l'Archeduc Maximilian d'Autriche fit guerre aux Gandois, pour retirer Philippe son fils, Comte de Flandres, hors de leur gouvernement.

OR reviendrons aux Gandois, qui firent grande feste de ce qu'ils avoyent le jeune Prince en leurs mains, & tantost trouverent assez d'adherans à leur volonté, tant pource qu'ils payoyent bien & largement (car les deniers venoyent du peuple & ne leur coustoyent rien) comme pource qu'on leur preschoit & donnoit à entendre (à sçavoir au peuple) que ce qu'ils faisoient, estoit pour le bien & utilité du jeune Prince, & que tousjours vouloyent demourer ses loyaux sujets, & disoyent que l'Archeduc le pere, ne vouloit avoir gouvernement du pays, ne du fils sinon pour pourter les grans deniers des pays de pardeçà en Alemaigne : & ainsi abusoit-on les gens & le peuple, & au regard des adherans, ilz eurent le Comte de Romont, fils de Savoye, le Seigneur de Ravastain, le Seigneur de Feure, fils du Bastard de Bourgogne, le Seigneur de la Gruthuse, le Seigneur de Treisignies, le

Seigneur de Rassenghien, le Bailly de Gand, le Seigneur de Dadiselle, & moult d'autres, & ainfi Monsieur l'Archeduc, nostre Prince ressembloit Saint Eustace, à qui un loup ravit son fils, & un lyon sa fille, & par ce moyen s'aigrit la guerre de toute parts, & ne veult point parler des menues choses, avenues en icelle guerre (car ce ne sont que meurdres, & rançonnemens de gens) mais parleray de grandes choses, qui avindrent en celuy temps, & durant celle guerre, & commencerons à la prise de Termonde, faicte par l'Archeduc, sur les Gandois.

(a) En ce temps l'Archeduc nostre Prince

(a) Cette guerre s'enflamma entre l'Archiduc Maximilian & les pays de son fils, environ l'an 1484, dont le motif estoit suivant noz Analistes, mesmement selon Adrian Barland, pource que mondit Seigneur l'Archeduc, après le trespas de Madame Marie de Bourgogne, entendoit d'emprendre & titer à luy la garde noble, & gouvernement de ses enfans & leurs pays; surquoy luy fust faicte difficulté en Flandres, Brabant & ailleurs, pour la crainte qu'on eust que le regime & administration desdicts pays, en particulier & en general, ne tombast par ce moyen es mains d'estrangers, & d'autres gens de rapine, dont la Court estoit lors comblée; & lesquels en effect ne faisoient d'eux guerres attendre, sinon de s'enrichir, & faire grands, en l'amoindrissement du bien publicq : joint que l'autorité &

(qui

(qui avoit bon vouloir de se venger de ceux de Gand) conceut secretement, comment il pourroit prendre Termonde : & fit son assemblée de Gens-d'armes en la ville de Malines, & estoit accompagné de Messire Iehan de Bergues, de Messire Baudoin de Launoy, & du Seigneur de Chanteraine, & pour conduire son fait plus subtilement, avec un peu d'entendement qu'il avoit en aucuns de la ville de Termonde, mit sus une douzaine de compagnons de guerre, dont Jaques de Fou-

credit en quoy iceux estoient, envers mondit Seigneur l'Archeduc, augmentèrent fort le soupçon, tellement que tous les Superieurs des pays & des villes, assemblez sur ceste matiere en la ville de Gand, le second jour de May 1482, se departirent sur telle resolution, que Monseigneur l'Archeduc susdict n'auroit ce gouvernement devant mentionné, que pour un temps certain : aussi à condition qu'il n'entreprendroit rien, sans l'adveu & consentement des Estats, & gens sçavans du pays ; mais comme cela contrarioit du tout au project de ceux qui s'estoient fortifiez à l'entour de sa personne, l'affaire ne peut long temps demourer en tranquillité, ains fut la matiere menée sur ce debat, tant que finalement on vint aux armes, & que la guerre s'entama d'un costé & d'autre ; en laquelle les nobles personnages, que l'Auteur a n'agueres nommé adherans de Gand, se rengerent du costé desdits Estats pour le garant du pays & de l'enfant Philippe, leur naturel & souverain

quesolles estoit le Chef, & habilla les uns en Moynes blancs, les autres en Religieuses noires, & les autres en Religieuses blanches, & fit d'iceux Religieux & Religieuses deux chariots, & les envoya contre Termonde, pour aborder à la porte, sur le point du jour, car ceux qui avoient entendement avecques l'Archeduc, debvoient avoir garde de la porte à icelle heure.

Si se partit l'Archeduc à tout ses gens-d'armes à cheval bien matin : & alla mettre

Seigneur, auquel l'interest touchoit le plus. Parquoy ce seroit temerité de adjouster foy au recit du texte cy-dessus : c'est à sçavoir que tels grands Seigneurs (si comme le Comte de Romont, Messieurs de Ravefeyn & de Bevfe, qui estoient des plus proches du sang du Prince, pareillement les Seigneurs du Gruthuse, Rassenguien, Treisignies, Dadizelle, & beaucoup d'autres qui furent les plus grands du pays ; & la foy & loyauté desquels avoit n'aguere assez esté prouvée contre les François, comme nostre Auteur mesme l'a confessé) s'eussent voulu bouter en un faix si pesant & dangereux sans juste tiltre, ains seulement à l'appetit du bon payement de ceux de Gand, comme ledit Auteur le semble y vouloir faire entendre : mais cela servira seulement pour cognoistre les passions dudit Auteur, qu'il a un peu trop suivy en cette sienne narration, & comme font communement ceux qui traittent la matiere de leurs adverfaires (22).

une grosse embusche, assez près de Termonde, en laquelle embusche il estoit luy-mesme en personne. Il avoit ses signes entre les Moines & Nonnains, & luy, & son faict tres-bien ordonné : & quand vint à la porte ouvrir, les deux chariots de Moynes & Nonnains entrèrent en la porte, & firent grand signe à l'Archeduc : lequel, luy & toute sa compagnie, à course de cheval, alla vers la porte de Termonde : & trouva que ledit Jaques de Fouquesolles & ses gens, esloyent tous à pied, les vouges & les bastons au poing, & avoit gagné la porte : & tantost les Gens-de-cheval entrèrent dedans, & tirerent tout droict jusques au marché ; & à gagner iceluy marché, fut tué l'un des fils du Comte de Sorne ; ce fut grand dommage, car il estoit bel, & bon gentilhomme.

Si ordonna l'Archeduc gens de bien, pour aller par les rues, & asseurer le peuple, & par ce moyen chascun rentra en sa maison : & le lendemain il ne sembloit pas que la ville eut eu affaire n'effroy, mais estoit toute rapaisée sans pillage, n'autre meurdre, & demoura l'Archeduc à Termonde assez longuement ; & pour la seureté, & gouvernement d'icelle bonne ville, il y ordonna Capitaine Messire Jehan, Seigneur de Melun (qui s'y

conduisit notablement) & s'en retourna l'Archeduc à Bruxelles. En ce temps, Monsieur de Romont , qui estoit lors Capitaine de Gand & de Flandres , pour les Gandois , fit une assemblée de Flamans , & principalement Gandois , & se mit aux champs , & marcha jusques à (a) Affele , où il logea , & y demoura certains jours, & Monsieur l'Archeduc desirant de le combattre , voulut assembler gens , pour luy courre sus , mais ceux de Bruxelles ne voulurent point que l'on fist guerre de la ville de Bruxelles , contre ceux de Gand , & ainsi ne peust l'Archeduc pour celle fois rien executer ; mais il fit pratiquer le peuple de la ville de Bruxelles , & par un matin le fit venir sur le marché en grand nombre , & luy-mesme alla en l'hostel de ville , & demanda aux Gouverneurs, s'ils entendoient point qu'il se deust deffendre de ses ennemis, par la ville de Bruxelles. Ils furent un peu longs en reponse , & l'Archeduc leur dist : *Le peuple est assemblé pour me donner aide & (qu'il soit vray) venez avec moy , & nous sçaurons d'eux la volonté.*

Les Gouverneurs furent tous esbahis , & parlerent autrement qu'ils n'avoient fait , &

(a) Il doit dire Affche , qui est un gros village au my-chemin d'Alost à Bruxelles.

L'Archeduc parla au peuple, qui tous se declarerent à faire ce qu'il voudroit, & commanderait; & celle reponse ouye, me depescha l'Archeduc; & à celle propre heure je me parti, pour aller practiquer les Hannuyers, pour venir au service de l'Archeduc. En ce temps l'Archeduc avoit fait practiquer un serviteur de Pietre Matenay, nommé le Bastard de Retane, & estoit lors Capitaine du Chasteau d'Audenarde pour les Gandois. Iceluy serviteur estoit Lieutenant dudit Pietre audit Chasteau, & assura ledit Archeduc de le mettre au Chasteau fort & foible: & pour parfaire & assurer ceste pratique, après que le Comte de Romont & ses gens se furent delogez du lieu d'Assche, l'Archeduc se partit, & vint à Mons en Haynaut, & esleva les Seigneurs, & les compaignons de guerre de Haynaut, pour l'accompagner à mener fin à son emprise, & ne s'en decouvrit pas à chascun. Il se mit devant pour guider les Gens d'armes, & chevaucha la pluspart d'icelle nuit, & prit un si grand tour autour d'Audenarde, qu'il ne fut point ouy de ceux du guet, & par bonne guide, fut mené à l'entrée du Chastel d'Audenarde, où il trouva ledit Bastard de Retane son marchand: &

fut pris dedans Pietre Metenay, couché avec sa femme, lequel ne sçavoit rien de celle emprise.

L'Archeduc mit bonne garde audit chasteau, & à torches & falots, & à grande puissance de gens - d'armes entra dedans Audenarde, environ heure de minuit, & fit dire par les rues & par les maisons que nul ne s'effrayast, ne bougeast de sa maison, & qu'il ne vouloit que bien à ceux de la ville d'Audenarde. Chascun se logea coyment, & le noble Archeduc se logea au Cerf, & tint ses gens-d'armes en telle discipline, qu'il n'y eut ne pillage, bature, ne meurdre fait en icelle prise, & le lendemain furent les eschoppes, & bouticques ouvertes, & toute maniere de marchandise mise comme paravant, & ainsi fut celle ville d'Audenarde prise par le Chasteau, & l'Archeduc donna la Capitainerie dudit Chasteau audit Bastard de Retane, pource qu'il avoit esté cause qu'il avoit gagné ladicte ville & le Chasteau. En ce temps le Comte de Romont, averty d'icelle prise, assembla une grosse bandé de François, de Gandois, & autres Flamans, autant qu'il en pouvoit finer, ne trouver, & vint faire un gros logis entre Ayne & Audenarde, sur la riviere, & fortifia iceluy logis de tranchis,

& d'artillerie , tellement qu'il estoit fort à conquerir : & en ce temps le Seigneur des Cordes fort accompagné de François entra à Gand, fort & foible , & à son plaisir : & estoit commune renommée qu'il estoit venu pour emporter au Roy de France, le jeune Archeduc.

Fust vray ou non , il ne hâta point de decouvrir son intention : & durant ce temps une escarmouche fut entre aucuns Gandois & François à l'encontre des gens de l'Archeduc, mais pource que lesdits François ne s'aventurerent point assez , au gré des Gandois leurs compagnons , ils mirent sus ausdits François , qu'ils les vouloyent trahir , & laisser meurdrir , par les gens de l'Archeduc & sur ce s'en revindrent en leur ost , & emplirent tantost de ce langage toute la compagnie , & les Flamans doutans que que ce ne fut verité , s'esleverent tous à une flotte , & tous ensemble tirerent contre Gand ; & quand le Seigneur des Cordes (qui estoit à Gand) fut averty de la venue d'iceux Flamans , il monta à cheval , luy & la compagnie , & se partit sans dire Adieu , par une autre porte , & tira à Tournay. L'Archeduc & ses gens firent grande poursuite pour les atteindre , mais ils ne peurent , & tourna

l'Archeduc son armée contre Gand, délibéré d'y donner l'assaut, & s'il eust esté obey, il leur eust fait une terrible venue (car il avoit sagement pourgetté son fait) mais les Flamans firent une alarme à l'autre bout de l'armée, laquelle alarme Monsieur Philippe de Cleves courut, accompagné de ses gens, & de grande partie de ceux de Monsieur de Nassau, & par ce moyen le noble Archeduc faillit à son emprise.

L'emprise faillie, l'Archeduc s'en retourna à Audenarde, & là les Wallons l'abandonnerent, & à la verité ils servirent longuement sans payement. Mais le noble Prince ne s'embahit de rien, & rassembla ce qu'il avoit d'Alemans, où il avoit une bonne bande, lesquels Alemans il contenta le mieux qu'il peut, & prit une picque dessus son col comme un pion, & (a) mena iceux Alemans au pays de Waz, où ils trouverent grande paye, & grand butin de bestes à corne, & delà tira à Anvers, & fit desdides bestes argent, & en revestit tous les povres compagnons de sa compagnie. Et pendant ce temps, il fit venir les navires, & se bouta en mer, & fit grande chere aux Flamans de ce costé,

(a) Cette course de Maximilian au pays de Waz fut, comme je puis imaginer, en l'an 1484.

& mesmes au quartier de (a) Bervillier : & estoient les Flamans tous esbahis de la diligence & travail de ce Prince , qui espousa la guerre incessamment, maintenant par mer , maintenant par terre , & ne sçavoyent de quel costé eux garder. En celle saison , ceux de Gand machinerent tant contre aucuns de leur ville , qu'ils en firent prendre , & decapiter aucuns d'eux.

Et depuis icelle execution , Monsieur l'Archeduc eut plus d'entendement , pour le bien du pays , & pour la paix , qu'il n'avoit oncques au : & restoit encores , pour ceux qui tenoyent la ville contre Monsieur l'Archeduc , un nommé Iehan de Coppenole (b) Chauffetier , demourant à Gand , qui fut retenu pour entretenir ces brouillis , Maistre-d'hostel du Roy de France , à six cens francs de pension par an. Or est temps que je revienne au faict de Bruges : toutes les nations, les Marchans & les notables de la ville de Bruges

(a) Il se treuve que Biervliet fut assiégée , & assaillie par le Roy des Romains Maximilian , au mois de Septembre 1488 ; mais il se deslogea sans prouffict , reprenant la route de Zelande dont il estoit venu : toutesfois nous attribuons cecy à l'an 1484 , comme dessus.

(b) Il pouvoit bien estre issu de ce mestier des Chauffetiers ; mais en temps il estoit Secretaire à Gand.

se tannerent de la guerre, & à la verité, ils devenoient pauvres & souffreteux. (a) Si s'ap-
penferent de mander Monsieur l'Archeduc
d'Auſtrice, & Monsieur de Naſſau, pour
traicter d'apointement, & vint Monſeigneur
d'Auſtrice à Bruges, accompagné de Mon-
ſieur de Naſſau, & de grans perſonnages de
ſon hoſtel, & fut receu par ceux de Bruges
de grand cœur, & de toute bonne voulonté:
& en ce temps eſtoit revenu de France le
Seigneur de la Gruthuſe, & pour la premiere
execution qui fut faiſte à Bruges, mondit
Seigneur de Naſſau, ſçachant que le Sei-
gneur de la Gruthuſe eſtoit en l'hoſtel de la
ville l'alla prendre en la preſence de la loy,
& le fit priſonnier du Prince: & luy fut
demandé s'il vouloit eſtre jugé par ceux de
l'ordre de la Toiſon d'or (dont il eſtoit
confrere) ou par ceux de la Loy de Bruges,
& il reſpondit qu'il vouloit eſtre jugé par
ceux de la Loy de Bruges.

Si fut mené en la maiſon des priſons
de la ville, où il fut priſonnier par certain
temps: & (b) l'an octante & un le Vendredi

(a) Cccy fut en l'an 1485.

(b) L'Auteur eſtant ſur le propos de ceux de Bruges,
amaine icy d'une voye un autre compte qui appartient
à l'an 1485.

des Quatre temps, avant Noel, la ville de Bruges murmura derechef, & avoit un Capitaine nommé Piccavet, qui n'estoit pas bon pour le Prince : & alla en ce temps ledit Piccavet courre par mer, & fut pris des gens de Monsieur de Nassau, assez près du Dam: & desiroient qu'il vint à Bruges, pour fortifier les bons, & rebouter les mauvais, mondit Seigneur de Nassau prit avecques luy le Chevalier de Tintevile, Monsieur Iehan de Montfort, Philippe Dale, & aucuns autres, & s'en alla à pied du Dam à Bruges: & courageusement, & en danger, entra à Bruges, où il fut recueilly des plus gens de bien & se trouva le plus fort en ladicte ville: & prestement manda Monsieur d'Austrice (qui estoit descendu de la mer, assez près de là) & fut mondit Seigneur d'Austrice le bien venu en sa ville de Bruges, & furent toutes choses appaisées: & prestement l'on fit decapiter ledit Piccavet, Capitaine de Bruges, & certains autres ses complices: & de là en-avant fut Monsieur d'Austrice & ses gens, paisibles, & bien venuz en sa ville de Bruges, & y fit regner justice, & la marchandise, dont il fut beaucoup mieux aimé, & bien voulu.

C H A P I T R E X I I.

Comment l'Archeduc Maximilian recouvra la ville de Gand, & le Comte de Flandres son fils.

O R regardons comme ce bon Dieu meine les choses à son bon plaisir, & comme il faict de la guerre la paix, & de la paix, la guerre (a). Iceluy bon Dieu inspira un grand Doyen de Gand, qui avoit esté l'année de devant Doyen des Navieurs, & avoit grande puissance en la ville, & se nommoit Matys Payart. Cestuy Matys, voyant le tort que ceux de Gand avoyent de leur Prince, de luy tenir son fils contre son gré, la destruction du peuple de Flandres, & les maux qui tous les jours avenoyent, s'accompagna d'aucuns compagnons de bonne part, lesquels estoient serviteurs de Monsieur de Ravastain, & de sa maison, & ausquels Matys Payart decouvrit son intention, & chascun assemble ses amis, & bien-vueillans, tellement qu'ils se trouverent si bon nombre de gens de bon vouloir, qu'ils furent maistres de la ville de Gand, & crioient : VIVE AUSTRICE ET LE

(a) Tout le contenu de ce Chapitre avec l'entrée de Maximilian à Gand, appartient à l'an 1485.

JEUNE PRINCE , tellement que nul n'osoit parler au contraire. Coppenolle s'enfuit en France , & demoura la ville de Gand es mains de gens , qui ne demandoient que la paix , & l'amour de l'Archeduc , & de leur Prince , & prirent en conseil d'envoyer devers l'Archeduc qui estoit à Bruges , & y fut Matys Payart & autres des meilleurs de la ville.

L'Archeduc leur fit bonne chere ; & tellement traisterent , que jour fut pris que l'Archeduc devoit aller à Gand , & luy devoit-on amener son fils au devant , pour le recevoir , & quand ce vint au partir de Bruges , il m'envoya querre le Seigneur de la Gruthuse en la prison , lequel me fut prestement delivré , & je l'amenay par derriere , à l'hostel verd , & trouvay deux Gentils-hommes , à qui Monsieur l'Archeduc avoit baillé la charge , avecques aucuns Archers , pour garder mondit Seigneur de la Gruthuse : & le fey venir après luy à chariot , jusques à Gand , & le jour venu , que l'Archeduc devoit faire à Gand son entrée , il assembla son armée (où il pouvoit avoir trois mille combattans & non plus) & les mit en ordre , comme je vous diray , & quand l'Archeduc approcha Gand , à une lieuë près , le Seigneur de Ra-

vastain accompaigna Monsieur l'Archeduc le jeune , a venir au devant de son pere , & estoit fort accompaigné , & Monsieur l'Archeduc s'arresta emmy les champs , & luy fut amené son fils , dont il eut moult grande joye , car il y avoit ja (a) huit ou neuf ans qu'il ne l'avoit veu.

Le fils ne congnut point le pere , sinon que quand il aprocha , le pere baïsa son fils , & alors se prit le fils a larmoyer : & ainsi chascun se mit en chemin contre Gand , & Messire George d'Escornets Seigneur de Meulebeke , alors Grand - bailly pour ceux de Gand , presenta à mondit Seigneur la verge du Baillieu , mais mondit Seigneur ne la voulut point prendre , & dist qu'il la portast encores , jusques autrement en auroit ordonné : & ainsi se tira la compaignie contre Gand , & conduisoit Monsieur de Nassau les gens de pied , & estoit mondit Seigneur de Nassau le premier en front , comme les autres , la picque

(a) Si l'Auteur ne mesprend icy en mettant huit ou neuf ans pour quatre ou quatre & demy , que Madame Marie pouvoit lors estre trespassee , je ne vous scauroye donner contentement ; car le jeune Archiduc n'avoit à ceste entrée , qui fut comme devant 1485 , que sept ans d'age , selon qu'il se voit par la cotation de sa nativité faicte cy-devant

fur le col, & d'empres luy estoit mijn Ioncker de Gueldres, Philippe Monsieur de Ravastain, & le Comte de Ioigny; & par ordonnance faicte, ils debvoyent tousjours marcher cinq ensemble, & après suyvoyent Barons, & Chevaliers, & puis les pietons Alemans, & estoit une moult belle bande à veoir, car ils estoient bien deux mille combatans, & puis venoyent les gens de cheval. Monsieur l'Archeduc, son fils, Monsieur de Ravastain & les autres grans Seigneurs & les gens de conseil estoient entre les deux bandes. Ainsi entrèrent ils à Gand, sans nul contredit, & fut mené Monsieur l'Archeduc, & Monsieur son fils, en leur hostel à Gand, lequel ils trouverent préparé pour les y loger & se logea chacun, & mesmement les pietons furent logez és hostels des Bourgeois (qui n'estoit pas au gré de tous) & quand vint sur le soir, ceux de Gand se commencerent à mutiner, & tous d'une opinion coururent au marché, & les pietons Alemans, & autres se retirerent à l'hostel du Prince : & Monsieur l'Archeduc se vint loger en ma chambre (qui estoit sur la porte devant) & ce fit il pour estre entre ses gens : là il tint conseil qu'il estoit de faire, & sembla, pour le mieux, de voir que les Gandois feroient pour celle nuit,

& chascun se tint sur sa garde ; mais le Comte de Nassau, accompagné de Wallons, avoit gaigné le pont, là où on coupe les testes , qui estoit la droite venue des Gandois, pour venir contre l'hostel du Prince.

Ainsi se passa celle nuit, & le lendemain matin, l'Archeduc accompagné des pietons d'Alemaigne, marcha contre l'hostel de la ville : & fit arrester ses gens en un coing de rue, vers la Poissonnerie, & alla parler à ceux de la ville, & leur offrit de prestement deloger ce peuple, mais ils luy prierent qu'il n'en fist rien, & qu'ils trouveroyent maniere que chascun s'en retourneroit en sa maison, & allerent deux des notables de l'hostel de la ville parler au peuple, & leur remonstrerent comment le Prince ne pouvoit voir ne souffrir iceux assemblez contre luy, & qu'ils mettroient la ville en grand peril, car s'ils estoient deconfits, ils estoient morts, & la ville perdue, & leur conseilloyent d'eux retirer, chascun en son hostel, & qu'ils estoient bien assurez du Prince, & qu'il ne leur demanderoit rien. Ce peuple promit d'eux en retourner en leur maison, priant à l'Archeduc qu'il se retirast en la sienne, & retirast ses Gens-d'armes.

Ce que l'Archeduc fit, & ramena tous ses
gens

gens en sa maison, & se repeat chascun de ce qu'il pouvoit avoir : mais les Gandois ne bougerent du marché, & à la verité, ils estoient si effrayez, qu'ils ne sçavoient qu'ils devoient faire, car ils estoient peu de gens mal conduits, & mal enpoint : & le Comte de Nassau (a) offroit tousjours de leur courre sus, & de les deffaire : & par ce moyen estoit le Prince perpetuellement Seigneur, & Maistre de Gand, & de toute Flandres : mais Monsieur Philippe de Cleves favorisoit

(a) Par la narration suivante de l'Auteur, peut-on contempler à veüe d'œil de quel appetit sanguinaire furent poussez ces Seigneurs estrangers, estans à l'entour de l'Archiduc Maximilian, lesquels ne tendoyent fort qu'à la proye & carnage d'une si magnifique ville, là où ils estoient entrez paisiblement. Que si l'Archiduc n'eust à celle heure esté conduit par meilleure raison qu'eulx, il y avoit danger que tels personnages, par leur courage vindicatif, luy eussent en celuy jour faict hazarder sa personne & son honneur, & mettre en balance tout le pays. Et n'avoit donc le peuple si mauvaise cause de se tenir sur ses gardes, pour rembarrer un tel outrage : car il est à croire fermement que nostre Seigneur Dieu voulut de sa grace, & par ce moyen preserver la ville, autrement il y eust eu apparence que l'Archiduc mesme n'eust peu brider la rage de ses gens, s'ils n'eussent esté retardez par la dicte assemblée populaire.

les Gandois, & disoit à Monsieur l'Archeduc, qu'il ne se pouvoit faire, sans destruire Gand, & quand Gand seroit destruite il perdoit la fleur, & la perle de tous les pays : & ainsi ne sçavoit l'Archeduc que faire : & dissimula jusques à la nuit : & les Gandois se delogèrent du grand marché (pource qu'ils estoient peu de gens,) & se vindrent loger au petit marché, qui est entre le Chasteau & S. Vairle, & fut une fois conclu de les assaillir par derriere du costé de la Coppe, & de rompre les maisons pour passer les gens-d'armes, & ne demandoit Monsieur de Nassau autre chose & persuadoit tousjours que l'on fit celle execution, & au regard des Allemans, qui estoient en la court, à l'hostel du Prince, ils estoient en bonne volonté de bien besongner : & estoit belle chose de veoir faire les devotions, & eux recommander à Dieu, & s'estendoyent tous sur la terre, en baissant icelle, & en verité je vey volontiers leur maniere de faire : & ainsi vint le noir de la nuit, & ne peut estre Monsieur de Nassau creu au conseil qu'il donnoit, & par celle noire nuit les Gandois se desroberent de la compagnie, & se retira chascun en sa maison.

Au point du jour les notables de l'hostel de la ville vindrent à Monsieur l'Archeduc,

& luy remonstrent que ce peuple estoit retiré, & qu'il luy pleust avoir pitié d'eux, Ce que l'Archeduc accorda, & ordonna à Monsieur de Ravastain, & à moy, de conduire Monsieur son fils à Termonde. Ce qui fut fait, & l'Archeduc vint convoyer son fils, jusques hors de la ville de Gand, & avoit ses gens d'armes avecques luy, mais ils ne partirent point hors de la ville de Gand, & ainsi fut Monsieur le jeune Prince tiré de la ville de Gand, & hors de leur pouvoir, & mené en la ville de Termonde, où il fut receu a grande joye, & l'Archeduc s'en retourna à Gand & furent aucuns pris des plus coupables de celle émotion, & furent decapitez, & le tout pardonné à Gand, moyennant certaine somme de deniers. L'Archeduc envoya Messire Baudoin de Launoy, & Messire Jehan de Bergues, pour mener Monsieur l'Archeduc son fils à Bruxelles. Ce qui fut fait, & puis l'Archeduc vint après, & fut l'armée descendue pour celle fois : & se tira l'Archeduc en sa ville d'Utrecht sur Meuse, où il séjourna assez longuement, & là eut nouvelles d'Alemaigne (qui luy furent fort agreables) & se tira en son pays de Brabant, & s'en alla tenir en un chasteau, qui est à l'Abbé de Saint Michel d'Anvers, & hors de la ville, & là

n'avoit que ceux de son secret Conseil, & fit plusieurs lettres en Alemaigne, pour gagner les Electeurs, & Princes du Pays, & là fit preparer secretement les dons & presens qu'il vouloit faire : & à son parlement d'Utrecht, il ordonna l'Evesque de Cambray, l'Abbé de Saint Bertin, & moy, pour demourer audit lieu d'Utrecht & parlementer avecques les Liegeois, & y demourâmes bien six mois à peu d'exploit, & à grandes parolles, car Messire Guillaume d'Aremberg tenoit la ville de Liege sous sa main, & ainsi y perdîmes le temps.

CHAPITRE XIII.

Comment l'Archeduc Maximilian d'Autriche fut eleu Roy des Romains : & comment l'Empereur Federic son pere, le delivra des mains de ceux de Bruges.

MONSIEUR l'Archeduc eut nouvelles d'Alemaigne, & se tira celle part, bien accompagné & bien empoint, & ne demoura gueres que nouvelles nous vindrent, qu'il avoit esté eleu, (a) & sacré Roy des Romains, du vivant & en la presence de l'Empereur son pere, & du plaisir, accord &

(a) Ceste election fut faicte à Francfort le 16 jour de Fevrier 1485, selon la mode de nostre Auteur.

voulonté de tous les Princes d'Allemagne , & devez ſçavoir que ce nous fut grande joye par-deça, d'avoir un tel poſteau, & une telle eſpaule, qu'un Roy des Romains pere de noſtre Prince : & avoit commandé, avant ſon partement, que je fuſſe mis grand, & premier Maïſtre-d'hoſtel de ſon fils, & par luy fus-je mis avec ſon fils, où j'ay demouré juſques à preſent : le Roy manda Monſieur de Mingoal, & le fit ſon grand & premier Maïſtre d'hoſtel en ſes pays de pardeça, & ainſi nous pourveut tous deux, ſelon ſon deſir : & d'ores en avant, quand je parleray de luy, je le nommeray Roy, comme e'eſt raiſon.

Grande feſte & grand eſtat tint le Roy à Noſtre Dame d'Aix, à ſon ſacre, & puis ſe retira chaſcun des Princes en ſon pays, & ne demoura gueres, que le Roy des Romains vint pardeça : & luy fut fait l'honneur qui luy appartenoit, la reception par toutes villes comme au Roy, & luy alla ſon fils au-devant juſques à Utrecht ſur Meuſe, & puis s'en revindrent en Braband, & la premiere choſe qu'il fit, il ſe tira à Louvain, & là fit Monſieur l'Archeduc ſon entrée, comme Duc de Braband : & mit le pere ſon fils en poſſeſſion de tous les pays, dont il

avoit la mambournie, & s'en vint le Roy à Malines , fort accompagné de Barons & Chevaliers , & en grand triomphe : & pour abreger mon escriture, le Roy se tira à Anvers, & d'Anvers à Bruges.

En ce(a) temps courut une voix, que le Roy *

(a) L'Auteur passe icy sous silence l'an 1486, auquel le Roy des Romains accompagné de grand nombre d'Allemands, selon nos Croniques vulgaires, fit plusieurs maux en Cadzant & à l'Escluse, où il aborda par mer, tirant de là à main forte vers Bruges ; ce qui mit la ville en grand doute, & en la soupçon mentionnée au texte. Car attendu que le différent d'entre luy & le pays de Flandres avoit esté appaisé l'année precedente, ceux de Bruges ne sçavoient deviner à quoy tendoit celle suite de gens d'armes, & peut estre qu'il leur souvenoit encores de l'entrée du Duc de Bourgogne avec le Seigneur de l'Isle-Adam, advenue en l'an 1437. Mais la chose fut moyennée, & entra le Roy à Bruges, où l'Empereur son pere le vint visiter, & y fut reçu à grand honneur. Si fut la paix derechef jurée d'un costé & d'autre, & mesme advoüé par ledit Empereur, tellement que l'assemblée se departit avec semblant d'une paix durable, laquelle on eut peu attendre & esperer si l'insatiable avarice de plusieurs du Conseil & d'autres Officiers du Roy n'y eust mis empeschement, par laquelle le pays devint de plus en plus rongé, & mis en extreme pauvreté, sans qu'on püst sçavoir qu'en devenoyent tous les deniers qui se cueillirent continuellement en grand amas : dont les Estats des pays n'y

vouloit faire passer sa garde par Bruges, en intention de mettre Bruges à subjection : & fut bien vray que le Roy manda sa garde, pour les faire tirer en d'aucuns lieux où il avoit à faire, mais il n'avoit pas la volonté de mettre Bruges en autre subjection qu'elle estoit. En conclusion, ceux de Bruges avoyent ceste opinion, & principalement le commun, & commencerent à estre sur leur garde, & à garder leurs portes, & contraindi-

voyant autre remede, firent en l'an 1487 au mois de Janvier arrester le Roy des Romains, estant lors en la ville de Bruges, & quant & quant mirent la main sur aucuns de son conseil & autres, pour avoir compte & raison desdits deniers au profit du jeune Archiduc Comte de Flandres, dont fut causé le malheur à ceux qui furent trouvez s'y estre mal gouvernez ; & me souviens d'avoir veu quelque part en escrit la confession d'aucuns des Officiers cy après nommez, de laquelle Dieu sçait le contenu, qui fut au moins bien telle, qu'il n'est merveille du grand erreur qui en sourdit au pays, & principalement à Gand & à Bruges. Non pas qu'on doibve pourtant approuver les insolences, rudesses & carnages, qui sous umbre de telle & autres semblables occasions furent mises à execution es villes susdictes : car tels actes sont detestables envers toutes gens de raison, comme ne tenans communement mesure d'equité, ains desbordans ordinairement à tout oultrage, selon que la fureur populaire & l'affection des plus facieux les

rent le Roy de s'aller tenir sur le marché, en la maison d'un Espicier nommé Crainebourg, & se mirent sur le marché en grand nombre : & Coppenole (qui estoit en France) revint bien diligemment ; & firent un hourd sur ledit marché (que le Roy pouvoit bien voir de sa fenestre) & sur ce hourd, & publiquement firent gehainer & couper la teste à un noble homme, le Seigneur de Dugelle, disans qu'il avoit favorisé le Prince, à l'encontre d'eux, & firent abbatre la mai-

maine. Mais ce conte servira seulement pour monstrier que nostre Auteur n'a pas cestuy sien escrit regardé (comme il semble) à autre but, fors que à faire une perpetuelle guerre à l'encontre l'honneur & bonne renommée des villes dessusdictes ; & à telle fin il faict le fault d'une année à l'autre, aussi bien arriere qu'avant, pour par ce moyen passer tout ce qui ne sert à son affection : & pour mieux couvrir son dessein, il dict qu'il ne veut parler que des grandes matieres, mais cependant il n'oublie à amener en publicq un seul poinct, qui sert pour manifester sa partialité & aucune, & pour abreger ce propos, aussi afin qu'on se taise des autres choses, quant il tombe sur le propos de ces executions, il ne faict que monstrier seulement le frappant & le frappé, sans decouvrir le tiltre ne le glaive de Justice, ou s'il en touche quelque peu, ce n'est que sous termes dissimulez, & autres que la verité ne requiert.

son de Dugelle , & luy firent tous les dommages qu'ils luy peurent faire : & assez tost après, firent venir Messire Pierre Lanchals, un des principaux Tresoriers du Roy, & de Monsieur son fils : & le firent gehainer publiquement, & decapiter, & non pas eux seulement, mais plusieurs autres.

Mais nous nous taisons à present de ce, pour parler de la division de ceux de Gand, & peut-on legerement entendre que Coppenolle reveilla ses amis, & ceux de sa secte à Gand, & legerement se firent les plus forts; & prirent Mathys Payart, que le Roy avoit fait Chevalier, & luy avoit donné une chaine d'or, & vouloit qu'il fut continué grand Doyen de Gand, pour les services qu'il luy avoit faits : mais au contempt du Roy, ils prirent ledit Messire Mathys, & luy couperent la teste, disant qu'il avoit esté cause que le Roy avoit receu son fils hors de leurs mains, & qu'il ne tint pas à luy que la ville ne fust perdue & perie, par ce qu'il fut cause que le Roy y entra fort & foible. Encores se vengerent-ils d'aucuns qu'ils hayoyent en ladite ville, & ceux de Bruges continuerent en leur erreur & mauvais propos, & firent tousjours au Roy de pis en pis, & se sauyoyent des gens du Roy, ceux qui pou-

voient, en habit dissimulé & autrement : & en conclusion pourchassa tant Coppenolle, que plusieurs des plus grans personnages du Roy furent delivrez à ceux de Gand, & menez à Gand, dont l'un fut le Chancelier de Bourgongne, l'Abbé de Saint Bertin, Messire Martin de Polem, Messire Wolfart de Polem, le Comte Philippe de Nassau, le Seigneur de Villarnou, & Messire Philippe Loete, & un Alemand nommé Messire Iaspard May.

Ceux furent prisonniers à Gand, & souvent menacez de faire mourir, & le tout faillloit prendre en patience : & au regard de ceux de Bruges, ils en firent mourir autant qu'ils en peurent atteindre, & pour monstrier leur mauvaise volonté, ils firent crier, que tout homme, serviteur du Roy des Romains, qui voudroit partir hors de Bruges, se trouvaît, à une heure nommée, sur le vieil marché, & on leur donneroit passage; & pour ce faire, s'assemblerent un grand tas des plus mauvais garçons de la ville, & trouverent sur le vieil marché gens de tous estats, qui cuydoient partir hors de ladite ville, comme on l'avoit crié, mais iceux mauvais garçons frapperent dessus, & en meurdrirent à leur volonté, & ceux qui

peurent eschapper , nagerent le fossé. Et voilà la justice & la raison qui en ce temps regnoit à Bruges. Ceux de Bruges preparerent l'hostel de Maistre Iehan Gros, pour loger le Roy, & luy baillerent Maistre d'hostel, Panetier, Eschanson & Escuyer trenchant pour le servir. Ils le traiterent bien de sa bouche, mais ils le tenoyent en grand regret & sugettion, & en ceste sugettion fut longuement : & pendant ce temps les nouvelles de sa prise & de sa detention, coururent en Alemaigne, & pouvez penser que l'Empereur Frederic d'Austrice, son pere, en ses vieux jours receut dures nouvelles, que son fils estoit prisonnier de ses sugets, & de ceux qui luy avoyent faict foy & serment, comme à pere & Mambour de son fils, Comte de Flandres, leur Seigneur & leur Prince.

Le vieil Empereur se trouva contraint d'amour paternelle, & prit courage, mandant tous les Princes de son sang en Alemaigne, & leur declaira qu'il vouloit en sa personne, venir pardeça, pour la recouvrance de son fils, pour le mettre en son franc arbitre, & pour le venger de ceux qui contre droit le molesloyent : & les Princes d'Alemaigne se conclurent d'accompagner l'Empereur, & descendre pardeça, & le firent ; & les pre-

miers qui descendirent, ce furent deux Ducs de Baviere, à sçavoir le Duc Christoffe de Baviere, & le Duc Wolfhcam de Baviere, son frere, lesquels amenerent environ deux mille combatans, mais ils ne vindrent pas comme les autres qui vindrent depuis, car c'estoyent deux maisnez de Baviere, & les convenoit payer, ou certes je croy qu'ils se fussent tournez du costé des Flamans; toutesfois l'on pratiqua tellement, qu'ils furent contentez, & servirent bien : car pour la crainte de leur venue, ceux de Bruges firent appointment avecques le Roy des Romains, pour (a) sa delivrance, & fut ceste apoin-tement sur certains points; dont les espe-ciaux contenoient, que le Roy pardonnoit à ceux de Bruges ce qu'ils avoyent fait, sans jamais en rien quereler, ne demander. Secondement ils voulurent que Messire Philippe de Cleves demourast pleige pour le Roy : & de tous les poincts contenus entre ceux de la ville & le Roy, Monsieur Philippe s'en faisoit pleige, & principal. Item vou- lurent avoir autres pleiges, que le Roy mis

(a) Ceste delivrance fut environ le xij de May 1488, après que sa detention avoit duré quatre mois & xij jours, à ce qu'on peult trouver : car il avoit esté arresté à l'entrée de Janvier precedent.

en sa pleine delivrance, ratifieroit de nouvel tout l'apointement fait entre eux : & (comme j'ay dit cy-dessus) des menues choses, avenues en ceste guerre, je me passe legerement, pour venir és grandes choses & és grands points venus, & commenceray pourquoy, n'a quelle cause mondit Seigneur Philippe de Cleves se tourna ennemy du Roy & de son Prince : & le coucheray au plus près de la verité qu'il me sera possible.

CHAPITRE XIV.

Comment ceux de Bruges & de Gand (a) firent derechef guerre au Roy des Romains, sous la conduite de Monsieur Philippe de Cleves, & comment ceste guerre fut appaisée.

OR fut vray que Monsieur Philippe de Cleves, quand vint à pleiger le Roy, requit au Roy, qu'il ne fit point de guerre, jusques à ce qu'il fut hors de sa pleigerie. Ce que le Roy avoit volonté de faire : mais l'Empereur & les Princes d'Alemaigne descendirent à val le Rhin, & vindrent à Malines si courroucez, & en si grande malvueillance contre ceux de Bruges & de Gand, qu'il n'estoit pas au Roy des Romains, de

(a) Il estoit ainsi en l'édition precedente.

les desinouvoir de (a) faire guerre : & comença la guerre plus forte que devant de tous costez, & quand Monsieur Philippe de Cleves veit que la guerre recommençoit, & que le Roy ne luy avoit pas tenu ce qu'il luy avoit promis, il fit son profit de ceste maniere : & fit le serment à ceux de Gand & de Bruges, & aussi au Roy de France, de servir leur party bien & loyaument, dont il s'acquita, plus qu'il ne devoit. Et recommença la guerre de tous costez ; & le Roy de France envoya tantost gens à Messire Philippe, & luy fit des biens, en deniers & autrement, pour l'entretenir en ceste nouvelle guerre & volonté : & luy disoyent les François, qui venoyent devant luy, que le Roy de France le feroit Connestable de France, & on s'abuse bien sur moindre esperance.

(a) Nonobstant que la paix fut enfraincte & la guerre recommencée de par l'Empereur Frederic, comme ce texte l'enseigne ouvertement, toutesfois nostre Auteur n'a peu touchant ce dissimuler sa passion, mettant en front de ce Chapitre, que ceux de Bruges & de Gand firent derechef la guerre au Roy des Romains, en quoy il confond soy mesme sans excuse : comme aussi il n'a apparence de verité en ce qu'il dict, que Monsieur de Ravastain fit le serment au Roy de France.

L'Empereur & les Princes allerent (a) devant Gand, & quand ils virent la puissance de la ville, ils coururent le pays de Flandres, & principalement ce qu'ils entendoient qui estoit ennemy du Roy des Romains, & de Monsieur son fils; & après avoir demouré certain temps au pays, l'Empereur, & les Princes se delibererent d'eux en retourner en Alemaigne, & revindrent à Bruxelles, & certes il y avoit une belle compaignie de Princes & de Genfd'armes, tant de villes, comme autrement: & s'enfuyvent les noms des Princes d'Alemaigne,

(a) Il se treuve que Gand fut assiégé par ledict Emderseur Frederic le 5. jour de Juing 1488, veille du Saint Sacrement, & que ledict siege dura 40 jours pendant lesquels le plat pays fut miserablement gasté par les Allemans: l'Empereur avoit premierement planté son camp à l'entour de Wondelghem près Gand; mais pour éviter le traict à canon qui venoit du costé de la ville, il fut constrainct de s'eslongner jusques à Everghem, où il eut son logis derriere l'Eglise: mais il ne s'y trouvoit encore affranchi dudit traict à canon, de sorte que le siege finalement se rompit, sans avoir faict aucun exploict vaillable, sinon qu'il y demoura le Marquis de Brandenburg, lequel s'avançant trop à la porte de Bruges, fut attainct d'un traict d'arbalestre, dont il mourut, & fut ensepulturé au cloistre des Augustins à Gand.

qui descendirent en esperance de tirer le Roy des Romains hors de la prison : c'est à sçavoir l'Empereur Frederick d'Austrice , pere du Roy des Romains, le Marquis Frederick de Brandebourg, le Marquis Simon son frere, le Duc de Bronsvick, le Duc (a) Hoste de Bautere , le Duc Christoffe de Baviere, le Duc de Wolskam de Baviere son frere, le Duc Albert de Zasse & son fils, le Duc de Iuilliers, le Marquis de Bade & son frere, le Landgrave de Hessen, & plusieurs autres Comtes, Barons, Chevaliers, & grand peuple, & certes c'estoit une puissante armée, & de gens bien deliberez, & estoient estoffez d'argent & de vaisselle, & monstroyent bien qu'ils esloyent grans Princes, & qu'ils venoyent pour exercer la guerre.

Quand ilz eurent présenté la bataille devant Gand, & au milieu de Flandres, & qu'ils virent le Roy des Romains hors de prison, ils conclurent d'eux aller en Allemagne, & tindrent conseil pour laisser l'un d'eux au gouvernement de Monsieur Philippe, Archeduc, & de ses pays, & conclurent de laisser le Duc Albert de Zasse, pour Lieutenant du Roy des Romains, car il faillloit que le Roy retournaist en Alemai-

(a) Je doute qu'il ne faille, lire Oto de Baviere.

gne, tant pour les affaires de l'Empire, comme aussi pour certaine guerre particulière, que l'Empereur & le Roy avoyent, & dont je parleray cy-après : & certes ils ne pouvoient laisser meilleur Lieutenant & Gouverneur pardeça, que le Duc de Zasse, car il s'y est si bien acquitté, si loyaument & si honnorablement, qu'il en sera tousjours à priser & louer. Sur ceste ordonnance l'Empereur & les Princes d'Alemaigne s'en retournerent chascun en son pays, & le Duc de Zasse se trouva obey des grans & des petits : & tellement se conduisit, que chascun le doutoit & aymoît, & au regard de Monsieur Philippe de Cleves, il fit la guerre avecques les François & Gandois, & mena de primfaut son Prince, le jeune Archeduc, à ce qu'il n'avoit en Brabant n'en Flandres, que trois villes qui ne luy fussent contraires : & lesdictes trois villes furent (a) Malines, Anvers, & Bosseduc, & certes (puis qu'il en vient à parler) Malines garda le Prince soigneusement & bien : & (que le Prince ne doit jamais oublier) ils firent flotter les eaux autour d'eux, avec gros boulevarts qui gardoyent les passages.

(a) Ces trois villes sont comprises es bornes de Brabant.

Ils firent grand guet & grande garde, & tellement qu'ils rendirent de leur Prince bon compte à l'Empereur, qui à ceste cause en fit compte, & fit Chevaliers Messire Philippe Carreman, & autres de ladicte ville, pource qu'ils s'estoyent si bien conduits au service de son fils, leur Prince; & ainsi se continuoît la guerre de tous costez, & avoit Messire Philippe de Cleves un grand avantage, car il avoit le chasteau de l'Escluse, que le Roy des Romains luy avoit baillé, en fiance qu'il le serviroit dudit chasteau, & il en fit tout le rebours, car par iceluy chasteau, il fit bonne & forte guerre au Roy & à Monsieur son fils, combien qu'il disoit & faisoit publier par tout, que ce qu'il faisoit, il le faisoit pour le bien & utilité du jeune Archeduc son Prince.

En ce temps Monsieur de Zasse fit une assemblée de gens-d'armes : & s'en alla (a) contresieger l'Escluse : & luy vint en ayde de par le Roy d'Angleterre, une bonne bande d'Anglois, & furent longuement de-

(a) Nos Croniques en vulgaire rapportent cest assiegement de l'Escluse au commencement de Juillet 1491, & dura jusques au 18 de Septembre ensuyvant, que lors àuprime se fit l'appointement de Monsieur de Ravastain, dont nostre Auteur parlera tantost.

vant l'Escluse, mais peu y profiterent : & en cedit temps Monsieur de Ravastain, pere de Messire Philippe, envoya un Officier d'armes, à present Roy d'armes de Hainaut, & manda audit Messire Philippe son fils, qu'il se deportast de celle guerre, & qu'il fit appointment avec l'Archeduc son Prince, & ce dedans certain jours, & au cas qu'il ne le faisoit, il luy declairoit qu'il seroit son heritier l'Archeduc, & que jamais il n'amenderoit de chose qu'il eut vaillant, & luy mandast pour la derniere fois ce qu'il vouloit qu'il fit. Ledit Messire Philippe fit rendre response, mais il pensa sus au dommage qu'il pouvoit avoir de desobeïr à son pere, & de là en avant fut plus gracieux en response, qu'il n'avoit esté : & le Duc de Zasse poursuyvoit sa guerre, & reconquesta (a) Saintron, Tieulemon, Genespe, & plusieurs autres villes & chasteaux.

En ce temps le Seigneur des Cordes, accompagné de grand nombre de François, entra au West pays de Flandres, & s'arresta à Nieuport : mais à l'ayde du Souverain de Flandres, nommé Messire Daniel de Morquerque, & de Denis de Morbecke, (a) Ces places sont derechef de Brabant, & non de Flandres, comme l'avons noté devant.

ladite ville de Nieuport luy fut si bien defendue, qu'il n'y gaigna rien : & y fut ledit Seigneur des Cordes blessé, parquoy il convint qu'il s'en retournast en son quartier pour se faire guerir, & ainsi fut le siege levé. Et en ce mesme temps les Gandois firent une emprise, pour cuider gagner (a) Dixmude, & y mirent le siege, auquel siege tirerent les François qui estoient devant Nieuport, & plusieurs autres de leur parti, & prestement, & diligemment Denis de Morbecke & Raouland le Fevre, lors Receveur de Flandres, tirerent à Calais, & eleverent une bonne compaignie d'Anglois & de gens de bien, qu'ils amenerent pour lever le siege, & les accompaignerent tous les nobles, & toute la commune dudit Weest pays, & se trouverent si bon nombre, qu'ils se delibererent de combattre ceux qui tenoyent le siege : & à l'aborder eust grande meslée d'archers & de traict à pouldre, & fut tué un Chevalier Anglois, moult vaillant Chevalier, & de bon lieu, & fut la conclusion de la bataille telle, que les François & les Fla-

(b) Il se treuve qu'aucuns Gandois gaignerent par surprinse de nuict ceste ville de Dixmude le 25 de Janvier 1490, en comptant à nostre mode, & n'ay peu atteindre aultre chose.

mans, tenans party contraire, y furent deconfits, & y mourut grand nombre de gens, car les Anglois n'en prenoient nuls à mercy, pour le deplaisir qu'ils avoyent du bon Chevalier qui estoit mort en ceste bataille : & ainsi le Roy Henry d'Angleterre permettoit que Monsieur le jeune Archeduc fut servy de ses gens : & firent les Anglois à mondit Seigneur de bons services celle saison.

Tant fut parlementé entre le Duc de Zasse & Messire Philippe de Cleves, qu'apointement y fut trouvé, tel qu'il rendroit le chasteau de l'Escluse, & le mettroit és mains du Comte de Nassau, & le Roy & Monsieur luy pardonneroyent toutes offenses passées : & luy rendroyent sa pension (car sans icelle ne pouvoit-il vivre) & ledit Messire Philippe renonçoit, & quittoit toutes autres aliances, promesses & sermens, pour se rendre bon & loyal suget de mondit Seigneur l'Archeduc : & pour abreger mon escriture, le traité fut fait, accompli, & accepté d'une part & d'autre : & par ce moyen entra mondit Seigneur de Nassau au chasteau de l'Escluse, & la ville luy fit de nouveau serment, & pource que mondit Seigneur de Nassau ne se pouvoit arrester, ne vaquer au chas-

veau, il y commit pour son Lieutenant, un Escuyer Bourgongnon, nommé Philippe d'Alles, & mit dehors les soudoyers de Messire Philippe, & ainsi fut la paix faite : & ceux de Gand rançonnerent les prisonniers qu'ils avoyent, comme le Chancelier de Bourgogne, l'Abbé de S. Bertin, & les principaux des Alemans, & en tirerent de grands deniers, & encores fut au bien.

En ce temps se mit avec ceux de Gand un mecanique, menant la charrue, mais bel homme estoit, & eut tantost autorité à Gand, mais l'autorité ne luy plaisoit gueres, comme bien le monstra, car entre les commissions qui luy furent baillées, on luy bailla charge, avecques cinq cens hommes, d'aller garder le pont à (a) Dunze : & luy qui avoit tousjours une volonté de quelque bien faire, quand il fut hors de la porte de Gand, il parla à ses gens, & leur remonstra qu'on l'envoyoit, & eux avecques luy, afin qu'il fut tué, & de sa compagnie, car ils n'estoyent pas puissans de faire ce qu'on leur commandoit. Si conclurent d'eux rentrer en la ville, & de tuer tous ceux qui leur ven-

(a) Deynze, qui est une ville située sur la riviere de la Lis, environ trois lieues endessus Gand.

droient aucune chose demander, & rentrent en la ville, & le premier (a) qu'ils rencontrèrent, fut Coppenolle, qui leur dist assez maistrifamment, pourquoy ils ne faisoient ce qui leur estoit commandé, & le charruyer (qui estoit grand & puissant) haussa une hache, & frappa Coppenolle en la teste, & le porta par terre, & là fut assommé des gens dudit charruyer, & en y eut de tuez, & les autres s'enfuirent, & demoura le charruyer le maistre à Gand pour celle fois. Coppenolle mort, les bons & les sages de la ville de Gand commencerent à parler de paix avecques le Prince, & à querir ceste paix, tenoit fort la main Messire Philippe Villain (qui tenoit le parti des

(a) Ce compte se doibt faire un peu aultrement, selon que nos Memoriaux enseignent, mesmement comme porte l'opinion commune de la ville de Gand : c'est à sçavoir que Arnoult le Clerc, surnommé le Charruyer, en rentrant en la ville, comme nostre Auteur recite, tua au premier rencontre un Capitaine des mestiers à Gand, nommé Remeus, qu'il trouva devant la maison de la ville à l'entrée de la rue appelée de Saeysteghe, & que en icelle foule furent aussi blesez, & prins prisonniers Iean & François van Coppenole freres germains & gemeaus, lesquels le lendemain, qui fut le cinquième de Iuing 1491, furent decapitez.

Gandois) & fut ladicte paix trouvée par ce moyen en toute Flandres.

Je laisse beaucoup de choses avenues, pour parler seulement des plus grosses matieres, & comment elles furent conduites. Je ne parle point de la mort de Monsieur de Rasseghien, que Messire Philippe de Cleves fit tuer, en allant en sa maison, pour ce seulement qu'il avoit congnu son cas, & qu'il se deliberoit de tenir le parti du Roy des Romains, & de Monsieur son fils. Si soit pris en gré ce que j'ay peu retenir d'icelle guerre, & du debat du Roy & de Messire Philippe de Cleves : & si je n'ay tout mis par ordre, au moins ay-je dict la verité, & recité ce qui en est venu à ma cognoissance. Or ay-je devisé grand' partie, & le plus beau de ce que j'ay veu de mon temps : toutesfois à cause de ma vieillesse, je n'ay peu estre par tout. Si ne me puis-je tenir (combien que ce soit contre ce que j'ay dict au commencement de mes Memoires, que je ne parleroye, ou escriroye que de ce que j'ay veu de mon temps) & aussi il me seroit bien dur, que je n'escrivisse du Roy des Romains, ce dont je suis au vray averti, car j'ay veu dès son commencement, tant de vertu, de sens, &

de vaillance, que ce me sembleroit grande faute à moy, que je ne ramenteuse comment il a poursuivy, qui à tousjours esté de bien en mieux.

CHAPITRE XV.

Briefve repetition d'aucuns des precedens faictz de Maximilian d'Austrice, avec nouveau recit de quelques autres siennes gestes.

CE noble Roy Maximilian, Archeduc d'Austrice, en l'aage de dix-neuf ans, releva l'Ordre de la noble Toison d'or (qui estoit morte & perie, par la mort de feu de noble memoire, le Duc Charles de Bourgogne, chef d'icelle ordre) & prestement qu'il eust relevé ladicte Ordre, pource que le Roy Louis de France avoit pris à Madame Marie plusieurs villes & chasteaux, il prit les armes, & assembla ce qu'il peut de gens, & se tira aux champs à l'encontre du Roy de France, & luy presenta la bataille en plusieurs lieux. Il reconquista le Quesnoy & Condé, & le Roy de France se retira, & fut contraint de luy-mesme faire bouter le feu à Mortaigne (qui estoit son propre heritage) & ainsi de celle premiere rase, il recula le Roy de France : & ne sera pas

trouvé, que depuis sa venue pardeça, le Roy de France gaignast un pied de terre sur luy, ne sur Madame son espouse.

Il soustint la guerre contre les Flamans, & au plus fort d'icelle guerre, il gagna sur eux Termonde & Audenarde, & leur fit la guerre par mer & par terre, tellement qu'il vint à paix avecques eux, & entra à Gand le plus fort. Ce que je n'ay pas trouvé que Comte de Flandres fit jamais. Il contraindit ceux de Gand à luy ramener son fils demie lieuë hors de la ville, & le luy rendre, lequel fils ils avoyent detenu, & le detenoyent contre le vouloir de son pere, & il le tira de leurs mains, & ramena sondit fils en son pays de Brabant, & par ce moyen fut la paix faicte entre le Roy & les Flamans. Il alla courre devant Tournay, où estoyent les Gensd'armes de France, & leur presenta la bataille devant les barrieres dudit Tournay. Il deconfit le Seigneur des Cordes, & la puissance des François devant Guynegate, & y eut beaucoup de François, archers, & autres gens-d'armes morts & tuez. Il gagna Malaunoy, Sainct Venant & Waurin, tenant le parti de France, & depuis il gagna Terouenne, & du costé de ceux de Liege, il soustint contre leur mauvaïse voulonté, &

gaigna sur eux Tongres & Saintron, & sous luy furent desconfits les gens de Messire Guillaume d'Arembergh, & depuis s'appaisa le faict de Liege. Du costé d'Utrecht, il gaigna la cité par deux fois en un mesme siege, & les fit venir à appaisement : & pour abreger mon escrit, si jeune qu'il estoit, il fit chose digne de memoire. Il presenta au Pont à Lessaut, & plus avant outre le Pont-à-Vendin, la bataille au Roy de France (qui estoit à Arras, fort acompaigné de gens-d'armes) & de ces choses j'ay veu la plus part en son service, & du surplus, j'en suis si bien acertené, que je le puis & doy escrire.

Il est donc temps que j'escrive de ses hauts faits, ce que je n'ay pas veu, à cause de mon ancienneté, mais je ne diray chose, que n'en soye bien acertené : & faut entendre que le Roy s'en retourna en Alemaigne, pour aider à l'Empereur son pere, a recouvrer les terres, que le Roy Mathias luy avoit prises, & non seulement le Royaume de Hongrie, mais aussi la plus part d'Austrice, & advint que le Roy Mathias mourut (auquel le Roy des Romains avoit ja commencé la guerre) & en assez peu de temps le Roy des Ro-

main (a) reconquit toute la Duché d'Auſtrice (où il acquit un grand honneur) & puis ſe bouta en ce Royaume de Hongrie (où il trouva grande reſiſtance) & vint devant la ville d'Alberégale, où il trouva deux des Capitaines du Roy Mathias, & bien huit cens combattans, & gens de guerre, ſans y comprendre ceux de la ville, qui ſont tous gens de deſſenſe. Il fit aſſaillir Alberégale de toutes pars, & là eut de grandes armes faides d'une part & d'autre, & là ſit-on pluſieurs Chevaliers nouveaux, & y fut Chevalier Meſſire Hugues de Salins, Seigneur de Vincelle Bourgongnon, & des autres largement, dont je ne ſcay à parler, pource que ce ſont Alemans, & n'en congnoy les noms, & auſſi les Alemans ont accouſtumé de ſe faire Chevaliers à pluſieurs fois, & en tous les bons lieux où ils ſe trouvent, parquoy je me paſſe de les ramentevoir. Pour concluſion, Alberégale fut gaignée d'aſſaut, par les gens du Roy des Romains (où l'on trouva merveilieuſement de biens) & à tant le Roy ſe delibera de tirer a Bude (qui eſt la maiſtreſſe cité du Royaume de Hongrie) & n'y

(a) Ceste reconqueſte d'Auſtrice par Maximilian fut en l'an 1489, ſelon Fuccius.

a point de faute qu'il n'eust gagné la cité de Bude, mait il ne peut avoir ses gens hors d'Alberégale, pour trois raisons.

La premiere ils avoyent si grand butin , & grande proye gagnée audit Alberégale , que nul ne vouloit abandonner son profit , & sa part du butin. Secondement ils trouverent à Alberégale tant de vivres, de vin, de chair, & de pain, que soixante mille hommes ne les pouvoient deconfire. Tiercement le payement estoit failly, & est la coustume des Alemans, que s'il estoient payez jusques aujourd'huy , & demain il y avoit assaut ou bataille , ils entendent qu'il leur est deu nouvel argent, & ceux qui crioient les plus haut, c'estoyent les Lansquenets, & les gens de pied : & conclusion, ils ne voulurent point marcher avant, mais s'en revint le Roy en Austrice, où il reconquit plusieurs places & chasteaux, que le Roy Matthias avoit gagné sur l'Empereur son pere, & en moins de six mois, il reconquit tout ce que le Roy Matthias avoit mis six ans a conquerir : & pource que le Roy de Boesme estoit prochain parent du Roy des Romains, ils firent un appointement, que le Royaume de Hongrie demoureroit à celuy Roy de Boesme, sa vie durant seulement, sans en pouvoir faire sens

ne folie, & donneroit au Roy des Romains tous les ans, cent mille ducats de Hongrie; & ainſi le Roy des Romains ſ'aſſeura, pour luy & ſes hoirs, du Royaume de Hongrie.

En continuant de parler des vaillances du Roy des Romains, il gaigna villes & chasteaux en la Comté de Bourgongne, ſur le Roy de France, & ſi bien y exploida, que ladite Comté eſt demourée à Monsieur ſon fils, comme c'eſtoit raiſon. Qui plus eſt, pour monſtrer qu'il eſtoit homme & Chevalier, pour rencontrer un autre de ſa perſonne, de ſon humilité il fit armes en lices cloſes, & ſous pouvoir de Iuge, & par empriſe levée, à l'encontre de Meſſire Claude de Vaudrey, Seigneur de l'Aigle, un Chevalier Bourgonnon ſon ſubject, mais homme fort, & expérimenté a faire armes a pied & a cheval, & en icelles armes ſe gouverna le Roy chevaleuſement, & en partit à ſon honneur. Par ainſi j'ay recité en brief, les grandes choſes que le Roy a faictes, dont les unes j'ay veuës, & les autres ſont venues à ma cognoiſſance. Ce noble Roy après avoir les guerres deſſuſdites achevées, il ne demoura pas oyſeux. Il viſita ſon Empire, juſques a decendre en ce quartier d'embas, & puis remonter és Alemaignes, & travailla a pa-

cifier les débats de l'Empire , à ſçavoir a
appaifer toutes queſtions, qui pouvoient eſtre
de ville a autre, de Seigneurs à villes, & de
Princes à Princes, tellement qu'à l'heure que
j'eſcrivy ceſtes (qui fut le treizieſme jour de
Juin, l'an mil cinq cens & un) l'Empire
ne fut oncques ſi paisible, qu'il eſtoit à pre-
ſent, par la diligence & pourſuytte de ceſtuy
noble Roy,

Mais il ne ſuffit point d'avoir monſtré les
grandes vaillances, & courage de luy, &
parlerons comment il ſe gouverna à l'encontre
des Suiffes ſes ennemis : & fut vray, que l'an
quatre cens nonante neuf, les Suiffes, & les
fugets du Roy des Romains, commencerent
à noiſer & villener les uns contre les autres,
& tellement que chaſcun de ſa part, rompit
les treves, qui eſtoient entre le Roy des
Romains & leſdits Suiffes : & meſmement
leſdicts Suiffes outragerent & agraverent par
eſſect, l'Eveſque de Cours (pource qu'il s'eſ-
toit tiré devers le Roy des Romains, pour
cuidier bien faire, & pour appaifer l'outrage
qu'ils avoyent fait à un Abbé, fuget de la
maison d'Auſtrice) & continuoient leſdits
Suiffes à faire la guerre au Roy, tant en
Auſtrice comme en Ferrate, à feu & à
ſang : & quand le Roy veit leur obſtination,

il assembla quinze ou seize mille combattans, & poursuivit les Suisses (qui estoient retirez en leur pays) & entra par le costé de la Comté de Tirolle , où il y a fort pays , & grandes montaignes à passer , pour venir au pays desdits Suisses , & toutesfois entra le Roy & son armée , à pied & à cheval esdits passages , & si le Duc de Milan nommé Ludovic , eut tenu ce qu'il avoit promis au Roy , d'amener des vivres à l'entrée des passages , pour fournir l'armée pour leur argent , il est apparent que le Roy leur eust fait le plus grand relogement , qu'ils eurent onques , mais le Duc de Milan ne tint point ce qu'il avoit promis , & ne trouverent les gens-d'armes nuls vivres , & furent cinq ou six jours en moult grande disette de pain & de fourage , de vin , & de tous autres vivres : & si ceux de l'armée eussent eu le courage , & la sobresse qu'avoit le Roy de sa personne , les Suisses estoient defaits en ce quartier , mais par faute de vivres (comme dict est) il falut que le Roy retirast son armée , & depuis les Suisses assaillirent les gens du Roy , qui estoient en Ferrate , mais Dieu estoit pour les Ferratois , & furent les Suisses deconfitz ; & eurent grand honneur à celle journée , Louis de Vaudré , Rodigues Bastard de Lailain ,

lain, & ceux de la garde du Roy, & autres Wallons, qui se trouverent à icelle, & depuis fust fait un appointement entre le Roy & lesdits Suiffes, & se font retirez de leur costé.

CHAPITRE XVI.

Des surnoms attribuez à l'Empereur Maximilian d'Austrice, & à l'Archeduc Philippe, Comte de Flandres son fils.

(*Chapitre inutile*).

Fin des Mémoires d'Olivier de la Marche.

OBSERVATIONS

SUR LES MÉMOIRES

D'OLIVIER

DE LA MARCHE.

(1) **O**N présentoit ces Chappelets aux plus grands Seigneurs. C'étoit la manière de les inviter à donner ces fêtes, contre lesquelles Comines déclame avec tant d'aigreur. Il pensoit qu'elles n'étoient propres qu'à attirer le courroux du Ciel sur les peuples. Cet excès de rigorisme chez Comines annonce qu'il n'aimoit pas les grandes assemblées. Les caractères austères comme le sien n'envisagent dans le plaisir que l'abus qu'on en fait, & le mal qui en résulte. (Not. des Edit.)

(2) Mathieu de Coucy, page 68, attribue la méfintelligence qui éclata entre le Duc de Bourgogne & le Comte de Saint-Paul, à une querelle particulière que ce Seigneur avoit eue avec le Comte d'Estampes, au sujet du commandement de l'avant-garde de l'armée. Le Comte de Saint-Paul crut son rival plus en faveur que lui. (Note des Edit.)

(3) Après qu'on eust ordonné que chacun d'eux fit son devoir , chacun tenant son baston d'une main , & de l'autre son escu , ils marcherent l'un contre l'autre , où ils frappèrent plusieurs horions avec lesdits bastons , l'un sur l'autre ; & combien que le susdit Mahiot fût homme de petite corpulence , & ledit Jacotin fort & membru , néanmoins iceluy Mahiot se défendoit assez bien & vaillamment , & blessa ledit Jacotin sur la tête ; car pour sa petite stature , il avoit du bout de son pavois jetté du sablon contre les yeux d'iceluy Jacotin , par le moyen de quoi il le croioit gréver : mais quand ledit Jacotin se sentit ainsi atteint dudit sablon , il marcha auprès d'iceluy Mahiot , & le prit à bras de corps ; tellement qu'il le rua & renversa par terre sous lui , où il lui fit souffrir grand martyre ; & à la vérité c'est chose abominable que de le recorder : mesme il sembloit à plusieurs, estans là , que c'estoit faire contre nostre foy ; car avec ses mains & ongles il luy creva les deux yeux de la teste , & les luy fit saillir dehors ; outre quoy estant posé à genoux sur son estomac , il luy crevoit le cœur , & l'estrangla de ses mains ; puis le jetta hors desdites lices ; & combien que ledit Mahiot en ce martyre s'escria plusieurs fois ,

pour avoir confession, néanmoins il n'en peut oncques rien finer ; & en cet estat il fut par le bourreau de la ville traîné & mesné à la voirie, lequel rendit l'esprit avant qu'il y vint ; & en ce point il y fut pendu. (Math. de Coucy, hist. de Charles VII, p. 698.)

(4) Ledit Dauphin dit à iceluy Duc par la meilleure maniere qu'il peut, les causes qui le mouvoient d'ainfi estre venu devers luy. Premièrement il luy déclara aucunement du gouvernement qui estoit en l'hosnel de son pere, comment il estoit déchassé de luy par aucunes gens de méchant estat qui le gouvernoient que ces choses considérées, il luy voulut bailler conseil, confort, ayde & secours de gens & de finances, ainfi que plusieurs fois il l'en avoit requis par ces lettres précédentes, afin de faire guerre à sondit pere à quoy le Duc luy fit réponse ... Monseigneur, vous soyez le très-bien venu en mes pays : de vostre venue je suis fort joyeux ; mais entant qu'il touche de vous faire gens & de finances, sachez de certain, que contre tous les Princes du monde je vous voudrois faire service de corps & de bien, sauf contre Monseigneur le Roy vostre pere, contre lequel pour rien je ne voudrois

entreprendre aucune chose qui fut à son des-
 plaisir ; & au regard de vous faire ayde pa-
 reillement, pour mettre hors de son hostel
 aucuns de son conseil, pareillement je ne le
 feray pas ; car je le tiens, si puissant, si
 sage & si prudent, qu'il saura bien réformer
 ceux de sondit conseil, sans qu'il soit jà be-
 soin qu'autrui s'en doive mesler ; & de ce
 je m'attens bien à luy.

Charles délibéra en son premier conseil de
 mettre sus toute sa puissance, en intention
 de vouloir tirer és pays dudit Duc de Bour-
 gogne, pour par puissance r'avoir sondit
 fils, & le remettre & réduire en son obéys-
 sance : mais le seigneur de Prie, en qui le
 Roy ajoutoit grande foy & credence luy re-
 monstra les grands périls, inconvénients &
 dangers qui s'en pouvoient ensuivre.

Le Roy qui estoit sage, prudent, discret &
 pitoyable cessa sadite entreprise, en
 demeurant de l'opinion & de l'advis du Sei-
 gneur de Prie ; combien qu'il disoit souven-
 tesfois tels mots, ou en substance

*Louis est de muable conseil & de légère créance ;
 parquoy je doute qu'il ne retourne de cy à
 long temps, & n'ay nul gré à ceux qui ainssy
 le conduisent.* (Math. de Coucy, Hist.
 de Charles VII, pages 705, 708 & 709.)

Pour peu qu'on sache notre Histoire, on n'ignore pas que Louis XI ne pût jamais vivre avec son pere. Retiré depuis six ans dans le Dauphiné, sa conduite & ses vexations, qui écrasoient la province, irritèrent Charles VII. Il eut le projet de faire arrêter le coupable, & de nommer pour son successeur Charles son second fils. Dans sa colère il dépêcha Antoine de Chabannes Comte de Dammartin avec un corps de Gendarmerie pour lui amener le Dauphin. Celui-cy effrayé, se sauva chez le Duc de Bourgogne. Quoique Dammartin l'eût prévenu de sa mission, il eut bien de la peine à la luy pardonner, lorsqu'il fut Roi. Charles VII, qui connoissoit bien son fils, disoit, à l'occasion de l'asile que Philippe le Bon lui accordoit . . . , *le Duc de Bourgogne ne connoît pas le Dauphin : il nourrit un renard qui dans la suite mangera ses poules. . . .* Les torts de Louis XI envers son père empoisonnerent la fin du regne de ce malheureux Monarque. Aussi un moderne a-t-il observé avec raison que ce Roi auroit été heureux, s'il eût eu un autre pere, une autre mere, & un autre fils. (Note des Édits.)

(5) Voilà, par exemple, une de ces anec-

dotes que nos Historiens n'ont pas jugé à propos de recueillir. Elle en valoit pourtant la peine. Si le fait est vrai (& c'est un témoin oculaire qui le rapporte) il peut fournir au moraliste un grand sujet de réflexions. N'est-il pas singulier que le bon Duc Philippe se faisant raser la tête pour cause de santé , tous les Seigneurs de la Cour , fussent assujétis à se la faire raser ? (Note des Edit.)

(6) On rapporta à Charles que le Dauphin vouloit l'empoisonner , de sorte qu'étant entré en méfiance , il ne voulut plus manger ; & quoiqu'on lui dit , il s'opiniâtra durant plusieurs jours dans cette résolution. Comme les siens , qui le voyoient s'affoiblir , lui remontrèrent en pleurant quelle folie c'étoit de se faire mourir , de peur de mourir ; touché de leur douleur , il fit effort pour manger , mais trop tard. (Hist. de Fr. par Bossuet , tome 2 , p. 212.)

(7) Le 16 Août 1461 Louis XI fit son entrée à Paris , *vêtu d'une robe de satin blanc sans manches , & affublé d'un petit chaperon loqueté* , monté sur un cheval blanc.
Le Duc de Bourgogne , qui l'avoit accom-

pagné, fut loger à son hôtel d'Artois dont la magnificence des meubles passoit bien celle du Roi. Un riche buffet d'or excita surtout la curiosité des Parisiens. . . . (Hist. de la ville de Paris, tome 3, p. 40 & 41.)

(8) Ce Robert Cotereau est appelé Jean Cadet dans les Mémoires de Comines. (Note des Édit.) ;

(9) Comines en racontant que le Duc Charles leva le siège de *Beauvais*, dit froidement que cette ville fut préservée par miracle & non autrement. Il se tait, ainsi qu'Olivier de la Marche, sur une des circonstances essentielles de cet événement. Il s'agit de la bravoure des Dames de Beauvais, qui ayant Jeanne Hachette à leur tête, arrêterent l'impétueuse valeur des Bourguignons. Cette Héroïne, l'épée à la main, renversa celui qui plantoit l'étendard ennemi sur la brèche. Comme ce que Louis XI faisoit, avoit l'apparence de dévotion, il ordonna qu'à pareil jour, chaque année, il y auroit à Beauvais une procession où l'on porteroit les Reliques de Sainte Angadrême, à qui on attribuoit le salut de la Ville, & qu'à cette cérémonie les femmes marcheroient avant les hommes.

Outre cette prérogative que Louis XI accorda aux Dames de Beauvais, il flatta encore leur sensibilité sur un point qui n'est pas moins cher à leur cœur. Il leur permit de porter toute espece de vêtemens & de bijoux. (Lisez l'Hist. de Louis XI par Duclos, Tome 2, édit. de Hollande, p. 89.)

(10) Ce Duc de Calabre, héritier présomptif des droits de ses peres au royaume de Naples, & possédant déjà les Duchés de Lorraine & de Bar, sembla pendant quelque temps, avoir fixé le choix du Duc de Bourgogne. Charles changea bientôt. L'alliance de sa fille avec Maximilien d'Autriche, lui paroissant plus avantageuse, il renvoya le Duc de Calabre. Celui-ci se retira, sans marquer la moindre aigreur. Il se flattoit que le Duc, dont il connoissoit l'esprit versatile & léger, reviendrait de lui-même. Il ne se trompa pas. Charles, en y réfléchissant, sentit combien la Lorraine par sa position étoit propre à opérer un point de réunion entre ses différens domaines. D'ailleurs les qualités vraiment aimables du Duc de Calabre ne lui avoient pas échappé. Ce Prince alloit recevoir le prix de sa modération & de sa persévérance, lorsqu'une branche de peste,

qui en 1473 défola Nancy , l'enleva à l'âge de vingt-cinq ans. (Note des Édit.)

(11) La remarque de l'Annotateur est vraie : il y a ici erreur de date. C'est en 1468 , & non en 1472 que cet événement arriva. Le Valet-de-chambre , ou Sommelier de corps du Duc , qu'Olivier de la Marche appelle Boschuse , est nommé Vobrisset dans l'Histoire de Louis XI , par Duclos , tome I^{er}. p. 379. Nous invitons à lire dans cet Historien tout ce qui concerne l'entrevue de Louis XI avec le Duc Charles. Il s'en fallut peu que Louis XI ne payât cher son imprudence : il put se vanter d'avoir avalé le calice jusqu'à la lie. Car du château de Péronne, on lui montrait de tems en tems la tour dans laquelle avoit été renfermé , & mourut en 929 Charles le Simple. Chez un Monarque tel que Louis , quelles réflexions amères cette cruelle perspective ne devoit-elle pas produire ! (Note des Édit.)

(12) Charles, en entamant cette guerre , avoit de vastes projets. Il rouloit dans sa tête la conquête future de toute l'Allemagne. Louis XI, charmé de le voir s'engager dans cette expédition désastreuse, n'avoit garde de

l'en détourner , en l'attaquant personnellement : mais il suscitoit secrètement contre lui tous les Princes de l'Empire. Ce fut à son instigation que le jeune René Duc de Lorraine entra sur les terres du Duc de Bourgogne. Delà résulta la guerre sanglante qui ensuite s'alluma entre ces deux Princes.

Louis XI ne cherchant qu'à augmenter le nombre des ennemis de Charles , excitoit sous main l'Empereur à ne point faire la paix : il lui proposoit de partager les États du Duc de Bourgogne. La réponse de l'Empereur qui n'étoit point la dupe de Louis XI, consista dans un apologue ingénieux. Nous ignorons pourquoi M. Duclos dans son Histoire de Louis XI a passé sous silence cet apologue que Bossuet nous a conservé. Le voici. . . . Quelques débiteurs avoient dit à leur créancier , qui les pressoit , qu'ils alloient tuer un grand ours , qui ravageoit tout le pays , & qu'ils le payeroient de sa peau , & de ce qu'on leur donneroit pour récompense ; ensuite étant allés à la chasse , & ayant trouvé l'ours plutôt qu'ils ne s'y étoient attendus , l'un étoit monté sur un arbre ; l'autre s'étoit enfui du côté de la ville ; le troisième avoit fait le mort , parce qu'il savoit que cet animal laissoit les corps morts

fans y toucher. L'ours ayant tenu long-tems son museau sur le visage & autour des oreilles de ce prétendu mort , passa son chemin & le laissa. Les deux fugitifs revinrent , & demanderent à leur compagnon ce que l'ours lui avoit dit en lui parlant si long-tems à l'oreille. Il m'a dit , répondit-il , qu'il ne falloit point marchander de la peau de l'ours avant que de le tenir. . . . (Hist. de France par Bossuet , tome 2 , pages 275 & 276.)

(13) Adolphe ennuié de ce que son pere vivoit trop longtemps , le fit marcher après lui pieds nus & par un froid rigoureux. Il l'enferma ensuite dans un cachot. Le Duc de Bourgogne excité par les cris de l'Europe entiere proposa au pere & au fils de partager le Duché entre eux. C'est ici qu'on est saisi d'horreur , & que la plume tombe des mains : le fils , ou plutôt ce monstre rejeta cet arrangement , & répondit. . . . *qu'il aimeroit mieux avoir jetté son pere dans un puits la tête la première , qu'il y avoit quarante-quatre ans que son pere régnoit , & qu'à présent c'étoit son tour. . .*

Le Duc de Bourgogne indigné confina le scélerat dans une prison. Son malheureux

pere en mourant l'exhéreda, & institua le Duc de Bourgogne son héritier. Après la mort de Charles cet Adolphe recouvra sa liberté; & s'il n'eût pas été tué, peut-être auroit-il épousé la Princesse Marie fille du Duc. (Not. des Edit.)

(14) Quoiqu'en disent Olivier de la Marche & son Annotateur, le Connétable s'attira les malheurs dont il fut la victime. Trompant à la fois Louis XI & le Duc de Bourgogne qu'il vouloit perdre l'un par l'autre, sa mort, qu'ils jurèrent, fut le sceau de leur réconciliation. Charles, sur la générosité duquel le Connétable comptoit le plus, le livra à Louis XI le 19 Décembre 1415; il fut exécuté dans la place de Grève. Sa funeste fin prouve qu'en ce siècle il étoit heureux de n'être point connu de Louis XI & du Duc de Bourgogne. L'obscurité seroit-elle la base du bonheur? en lisant l'Histoire, on le croiroit volontiers. (Not. des Edit.)

(15) Cette accusation d'empoisonnement, qui ne coûte rien à l'Annotateur, n'a jamais été prouvée. Voyez le contraire dans l'observation N°. 10 de ce Volume. (Not. des Edit.)

(16) Le Duc de Bourgogne déclara la guerre à René de Vaudemont Duc de Lorraine par une suite de ce caractère ambitieux & inquiet qui l'agitoit sans cesse. Le Duché de Lorraine étoit à sa convenance : en falloit-il davantage pour le déterminer. (Not. des Edit.)

(17) Cette trêve de neuf ans fut signée à Soleure : elle portoit en substance la confirmation des Traités précédents entre Louis XI & le Duc de Bourgogne. On y stipula que ce dernier auroit St. Quentin avec les autres villes promises, & en outre l'argent & les meubles de l'infortuné Connétable. (Noté des Edit.)

(18) Campobasse avoit proposé à Louis XI de lui livrer son maître mort ou vif. Louis XI eut horreur de cette perfidie; & il en fit avvertir Charles par le Seigneur de Contay. On verra ces détails dans les Mémoires de Comines.

Campobasse s'étant séparé de Charles quelques jours avant la bataille de Nancy, voulut se joindre avec ses gens à l'armée du Duc René. Il en fut chassé comme un traître. Il alla camper seul; & lors de la

déroute des Bourguignons , il fondit sur les fuyards , pour avoir part au butin. La plupart des Historiens attribuent sa trahison à un soufflet que le Duc de Bourgogne lui donna dans un accès de colère. Pierre Mathieu , qui a écrit l'Histoire de Louis XI , dit dans son stile boursofflé , & ridicule *Le soufflet , que Campobasse avoit reçu , souffloit dans son cœur le feu de la vengeance.* (Note des Editeurs.)

(19) La bataille de Nancy se livra selon Comines, Olivier de la Marche & son Annotateur le 5 Janvier 1476. Ces Auteurs comptoient suivant l'usage de leur temps. L'année alors commençoit à Pâques. En comptant , comme nous faisons aujourd'hui où l'année commence au 1^{er} Janvier , il faut placer cette événement en 1477 relativement à cette bataille nous plaçons ici l'extrait d'un ouvrage intitulé... La petite Histoire anonyme , &c... Il est singulier que M. Duclos dans son Histoire de Louis XI paroisse n'en avoir eu aucune connoissance. Nous croyons que nos Lecteurs nous sauront gré de cet extrait...

« Le Duc Charles (y est-il dit) voyant

» son arriere-garde tâtee si vivement de toutes
 » parts, qu'elle s'en alloit entièrement défaite,
 » avoit commandé au S^t de Lalain de partir
 » de son rang pour aller au secours. Mais
 » la plûpart de ses gens emportés d'effroi à la
 » vue du carnage qui s'étoit fait de leurs com-
 » pagnons, & défolés d'ouïr le cor des Suisses
 » au son duquel ils avoient été si rudement
 » maniés à Granfon & à Morat, l'abandon-
 » nèrent tous pour se sauver, qui çà, qui
 » là, vers les montagnes. Ce qui fut cause
 » qu'il se résolut d'y aller lui-même, &
 » comme on lui accomodoit son armet, ad-
 » vint que le Lion d'or, qu'on y avoit mis
 » pour cimier, tomba sur l'arçon de la selle;
 » dont il prit un si mauvais augure, qu'il
 » dit incontinent... *Hoc est signum Dei...*
 » & néanmoins ne laissa de passer outre, & de
 » se fourrer où le combat étoit le plus fu-
 » rieux avec tant de valeur & de courage,
 » que s'il eut été suivi comme il appartenoit,
 » il eut infailliblement fait quitter à son enne-
 » mi l'avantage qu'il avoit gagné sur lui. Enfin
 » s'apercevant que peu de ses gens rendoient
 » combat autour de lui; & que Jacques Galiot,
 » qui conduisoit son arriere-garde ayant pris
 » l'épouvante, s'étoit sauvé à la fuite avec la
 » plûpart du côté de Tomblaine; même que
 sa bataille

» sa bataille affoiblie du meilleur de sa Ca-
 » valerie avoit pris parti où mieux elle avoit
 » pu ; il se résolut à la chose qu'il avoit tou-
 » jours le plus blâmée, qui fut de ménager
 » sa vie par une prompte fuite, lui qui n'a-
 » voit jamais vu la peur au visage, & duquel
 » on disoit partout qu'il ne craignoit rien en
 » ce monde que la chute du Ciel. Et en
 » cette perplexité prit le galop entre la ville
 » & les montagnes, à l'intention de gagner
 » le chemin de Metz. Mais suivi de près, sans
 » être néanmoins autrement reconnu, il fut
 » arrêté au passage d'un ruisseau où son cheval
 » s'embourba, & tué de trois coups qu'il reçut
 » en un même instant, l'un proche le fon-
 » dement, l'autre en l'une des cuisses, &
 » le troisième au dessus de l'oreille, lequel
 » lui ouvrit la tête jusqu'aux dents. . . .
 » On tient que ce fut un nommé Claude de
 » Bauzemont ou de Blaumont Châtelain de
 » St. Dié qui l'abbatit de cheval d'un coup
 » de lance qu'il lui donna à l'endroit de la
 » croupière : homme sourd & auquel vrai-
 » semblablement le Duc s'étoit déclaré en
 » ce détroit, sans être par lui entendu.
 » Mais depuis ayant appris que c'étoit le
 » Duc qu'il avoit ainsi abbatu, il en prit
 » un tel regret qu'il en mourut. . . Son corps

» fut tiré hors d'un ruisseau dans la glace
 » duquel il avoit le visage engagé. Apporté
 » à Nancy dans une maison bourgeoise il fut
 » reconnu par Messire Olivier de la Marche,
 » par Maître Mathieu Lope Portugais son
 » Medecin, par ses valets de chambre & par
 » plusieurs autres domestiques aux marques
 » cy-après déclarées, scavoir qu'il étoit de
 » petite taille, membru & ramassé, qu'il lui
 » manquoit quelques dents du dessus, qu'il
 » avoit en la gorge une cicatrice prove-
 » nue d'une playe reçue à la journée de
 » Montlhery, & une autre cicatrice sur une
 » épaule...

» Le Dimanche suivant 12 du mois il fut
 » inhumé en l'Eglise de St. George avec la
 » plus grande pompe dont on se put aviser.
 » Soit remarqué en passant que lorsque le
 » Duc Charles apprit la nouvelle de Nancy
 » repris par le Duc René (c'étoit au mois
 » d'Octobre) il jura par St. George qu'il y
 » entreroit avant la feste des Rois; ce qui
 » lui advint deux ou trois jours après, mais
 » d'une autre maniere qu'il ne l'enten-
 » doit...

» Au lieu où fut trouvé le corps du Duc
 » fut érigée une Croix à double croison où
 » se lisent ces vers...

En l'an de l'Incarnation,
Mil quatre cent septante-six,
Veille de l'Apparition,
Fut le Duc de Bourgogne occis;
Et en bataille ici transis,
Où Croix suis mise pour mémoire,
René Duc des Lorrains, mercy
Rendant à Dieu pour la victoire.

Nous ajouterons à ce détail que le Duc René en jettant de l'eau bénite sur le corps de Charles, lui prit la main & dit... *Biau Cousin, vos ames ait Dieu; vous nous avez fait moult de maux & de douleurs...*

(20) L'Auteur entend par *Madame la Grande...* la Duchesse Douairiere de Bourgogne.

- (21) Cette Princesse Marguerite dédaignée par Charles VIII fut célèbre par son esprit & par ses liaisons avec les gens de lettres de son tems. Elle épousa Jean Infant de Castille : elle avoit alors 17 ans. On prétend qu'allant par mer rejoindre son jeune époux, elle conserva au milieu d'une tempête violente assez de sens froid & d'enjouement pour

se faire à elle-même son épitaphe , qu'on a traduite ainsi en François...

Cy gît Margot la gente Damoiselle ,

Qu'eut deux Maris , & si moruut Pucelle.

(Not. des Edit.)

(22) Malgré les raisonnemens de l'Annotateur, pour justifier ses compatriotes on ne peut nier qu'ils ne fussent factieux & turbulents. Ils ne pouvoient souffrir leurs maîtres. Leurs révoltes sous la conduite des deux Artevelles inondèrent la Flandre de sang. Philippe le bon les apprécioit bien. On lui parloit de l'attachement qu'ils témoignoient pour Charles son fils encore enfant... Ces gens-là (dit-il) aiment toujours leurs maîtres à venir & détestent leurs maîtres présents..... Le supplice atroce d'Hugonet & d'Imbercourt est une preuve atroce de l'esprit de faction qui les tourmentoit ; & Maximilien n'éprouva pas de leur part plus de condescendance & de soumission. Au surplus voyez l'observation N°. 17. du Volume précédent. (Not. des Edit.)

EXTRAIT DE L'ESTAT
DE LA MAISON
DU DUC CHARLES DE BOURGOGNE,
DIT LE HARDY,

Composé en 1474 par OLIVIER
DE LA MARCHE.

1°. De la Chapelle.

LA Chapelle étoit composée de quarante personnes tant Moines que Prêtres, Chapelains & Organiste. Un Evêque Confesseur du Duc y présidoit. Il y avoit outre cela un Aumônier & Sous - Aumônier qui distribuoient & dirigeoient les charités du Prince : elles passoient souvent vingt mille livres par an.

2°. Du Conseil & de la Justice.

Le Conseil étoit composé d'un Chancelier, d'un Evêque, Chef dudit Conseil en son absence, de quatre Chevaliers notables, de huit Maîtres des Requêtes, & de quinze Secrétaires, Huissiers & autres Officiers. Les Chevaliers de la Toison d'or & les Maîtres d'hôtel du Duc avoient droit de séance à ce Conseil.

L'inspection du Chancelier s'étendoit sur

les finances. Deux fois la semaine le Duc assistoit au Conseil accompagné de toute sa maison. Deux Maîtres des Requêtes & l'Audiencier lisoient les Requêtes.

Pour maintenir la sûreté publique , & remédier aux conflits des Jurisdicions qui dans les Seigneuries du Duc se croisant l'une & l'autre produisoient l'impunité du crime , un Prévôt des Marchands revêtu d'un pouvoir sans appel purgeoit les Provinces des malfaiteurs qui s'y trouvoient. Le Prévôt des Maréchaux prêtoit main forte aux Marchands, régloit le prix des denrées , & connoissoit même des matières civiles.

3°. De la guerre.

Quatre Chevaliers commis au département de la guerre faisoient leur rapport au Duc. Le Conseil à cet effet se tenoit dans l'appartement du premier Chambellan où assistoient le Chancelier , le Grand-Maître , les Maîtres d'hôtel, les Maréchaux de l'armée & des logis , le Maître de l'artillerie , le Roi d'armes de la Toison d'or, & deux Secrétaires.

4°. Des Finances.

La Chambre des Finances étoit dans le

Palais du Prince. Tous les revenus ordinaires & extraordinaires s'y verfoient. Là siégeoient deux Protonotaires d'Eglise, grands Seigneurs, deux notables Chevaliers & le Maître de la Chambre aux deniers. Celui-cy y recevoit la dépense ordinaire de la Maison du Duc qui montoit à quatre cent mille livres par an. Le Trésorier des guerres y percevoit la solde des troupes qui annuellement excédoit sept cent mille francs. Un Receveur-Général rendoit compte de toutes les recettes : on n'arrêtoit aucun compte sans l'approbation du Prince. Il signoit tout. Il jettoit & calculoit comme les autres ; & (observe la Marche) *n'y a différence en eux en iceluy exercice, sinon que le Duc jette en jeûs d'or, & les autres des jeûs d'argent.*

5°. *L'Estat de la Maison.*

Six Ducs & douze autres grands personnages Princes, Comtes & Marquis coûtoient chaque année plus de deux cent mille livres. L'Argentier les payoit. Cette dépense entroit dans le nombre de celles que l'on nommoit extraordinaires. On en peut dire autant de l'état des Dames, & de leur pension qui alloit à quarante mille écus.

Outre cent trente grands Seigneurs & Chevaliers appointés par terme, quarante autres Chevaliers étoient gagés à l'année, chacun d'eux avoit un homme d'armes à sa suite. On partageoit ces quarante derniers par dixaines ; & chaque dixaine avoit son Commandant.

Le premier Chambellan étoit chef de la Chambre, comme le premier Maître-d'hôtel l'étoit de tout ce qu'on nomme la bouche. Ils avoient table à Cour.

Seize Écuyers qui couchoient auprès de l'appartement du Duc ne le quittoient jamais. Dans ses instants de relâchement, les uns chantoient ; d'autres lui lisoient des Romans, & s'appliquoient à le récréer.

Six Docteurs Médecins veilloient à la santé du Duc. Quand il étoit à table, ils examinoient la nature des mets qu'on lui servoit,

Il avoit quatre Chirurgiens tant pour lui que pour ceux de sa maison. Ces Chirurgiens traitoient gratuitement les pauvres.

Un Garde des joyaux, & son Aide, ne formoient pas le service le moins important à remplir, si (comme le dit la Marche) il avoit les deniers de l'épargne, montant à un million d'or, & en outre les joyaux, pier-

rieres , & la vaisselle d'argent ou dorée , qu'on estimoit cinquante mille marcs.

Quarante Valets-de-chambre de tous les États fournissoient aux divers besoins du Prince.

Deux Épiciers , avec leurs aides , lui donnoient , ainsi qu'aux Gens de sa Maison , les épices , les dragées & l'hypocras.

On ne suivra point Olivier de la Marche dans les détails où il entre relativement à tous les Officiers du corps & de la bouche des Ducs de Bourgogne. La plupart d'entr'eux étoient Nobles ; & ces places s'accordoient à titre de récompense à leurs Pages. On nous dispensera d'autant plus volontiers , de ne pas extraire ces trois chapitres , qui sont les 5. , 6 & 7 , qu'ils n'offrent rien d'intéressant. Par exemple , il importè peu de savoir que le Duc Charles trempoit son vin dans l'eau , que l'étimologie d'Echanson vient du mot *chanter*. (*Pourquoy , dit l'Auteur , il est prins sur la chanterie , & autre chose n'y puis entendre , & qui mieux l'entend , me l'apprenne , & me fera un grand plaisir.*

Ces remarques puériles , & le cérémonial minutieux avec lequel on procédoit au service de ces Princes , ne méritent pas que nous nous y arrêtions. Il suffit d'observer que

cette portion de leur maison étoit fort nombreuse , & annonçoit la puissance du Maître.

Huitieme & dernier Chapitre.

Le Grand Écuyer , que l'on nommoit à la Cour de Bourgogne Écuyer d'écurie , avoit sous lui cinquante Ecuyers. C'étoit lui qui portoit l'étendard du Prince ; & il falloit qu'il fut sage , brave & robuste : car cet étendard étoit lourd à porter ; & dans les combats l'étendard servant de ralliement ne devoit point s'éloigner de la personne du Souverain. C'étoit à ce Grand Écuyer d'armer le Prince , soit pour la guerre , soit pour les tournois & joustes. Il portoit son épée dans les cérémonies publiques ; & sa juridiction s'étendoit sur toutes les dépendances de l'écurie.

Cette écurie étoit composée de douze Pages nobles qui suivoient le Duc à Cheval , & le servoient à table. Un nombre considérable de Palfreniers , & autre gens de cette espece , soignoient les chevaux. Quand le Prince montoit à cheval , des Valets-de-pied , un bâton blanc à la main , écartoient le peuple ; (*Car , dit Olivier de la Marche , ne feroit pas séant que le pauvre peuple , qui amou-*

reusement vient après le Prince, & se tire près pour le veoir, fut reculé ou fêru de glaive ou de trenchant, mais doit être rebouté par iceluy baston qui n'a point de pointe. Ces Valets de pied & palfreniers distribuoient les aumônes du Duc aux pauvres des campagnes qu'il rencontroit sur sa route : on les en remboursoit suivant leur déclaration.

Le Duc avoit en son hôtel six Roys d'armes, huit Hérauts, & quatre Poursuyvants. Ceux-cy ne dépendoient que du Duc & de son premier Chambellan. Un Héraut venant à manquer, on choisissoit son successeur parmi les Poursuyvants. Pour devenir Héraut, il falloit avoir été Poursuivant pendant sept ans, & jouir d'une réputation intacte. Les Roys d'armes & les Hérauts remplissoient des fonctions importantes dans les tournois & autres cérémonies publiques. *C'étoit eux qui mettoient par ordre les blasons des Nobles hommes, en gardant à chascun son estat & degré : Le Roi d'armes de la Toison d'or avoit la prééminence sur les autres à la Cour de Bourgogne.*

La Musique du Duc consistoit en douze Trompettes, six Ménestriers & quatre Joueurs de bas instrumens. Les douze Trompettes, tous les matins, sonnoient pour réveiller le

Prince : elles annonçoient son départ & son retour.

Parmi les différents Corps destinés à garder la personne du Duc, & qu'Olivier de la Marche détaille assez longuement, on remarquoit une troupe de cent vingt Nobles à cheval, ayant à la suite des Archers & des Coustilliers.

Quand le Prince voyageoit, un cortège si nombreux avoit besoin de Maréchaux des Logis & de Fourriers. Si l'on en croit notre Auteur, aucune ville de ce tems ne pouvoit loger tout ce cortège ; on prenoit pour y survenir les villages & hameaux voisins. Nous ne dirons rien des Huissiers & des Sergents d'armes. Nous imiterons Olivier de la Marche, qui déclare avoir omis bien des choses. Par exemple, remarque-t-il, *on fait que le Confesseur confesse le Prince, & que luy, ou le Clercq de la Chapelle dit ses heures avec luy.*

Finissons cet extrait par ce qui concernoit les gens de guerre. Deux mille deux cent hommes d'armes, en y comprenant les *Archers, Gens de pied armés, Arbalétriers, Couleuvriniers & Picquenaies*, formoient un corps de dix-huit mille combattans que le Duc entretenoit à sa solde.

De la Maison du Duc de Bourgogne. 249

Un Chevalier , maître de l'artillerie , dirigeoit cette partie. Ce seul article coûtoit soixante mille livres par an. Le Duc avoit trois cents bouches à feu , sans compter les arquebuses & coulevrines. Deux mille charriots servoient au charroy de l'artillerie.

Olivier de la Marche estime à deux millions les dépenses annuelles que la totalité de cet estat comportoit.

*Fin de l'Extrait de l'Estat de la Maison
du Duc de Bourgogne.*

T A B L E

D E S C H A P I T R E S

CONTENUS DANS LES MÉMOIRES
D'OLIVIER DE LA MARCHE.

PREMIERE PARTIE.

CHAP. I. *C O M M E N T* Messire Jacques de Bourbon, Comte de la Marche, mari de la dernière Royne Jehanne de Naples, se rendit Cordelier à Besançon. Tome VIII, p. 1.

CHAP. II. *Brieve narration de la mort du Duc Jehan de Bourgogne & des guerres continuées à cette occasion, jusques à la paix d'Arras, faicte entre le Roy Charles septième, & le bon Duc Philippe de Bourgogne.*

p. 11.

CHAP. III. *De la paix d'Arras.*

p. 19.

CHAP. IV. *Comment la guerre continua entre les François & Anglois, & comment l'Auteur de ces presens Memoires fut mis Page en la maison du bon Duc Philippe de Bourgogne.*

p. 23.

CHAP. V. *Comment les Ducs de Bourgogne & de Bourbon s'assemblerent à Chalon sur Soſne, pour appaiser une querelle entre Mes-*

TABLE DES CHAPITRES. 351

sire Iaguesde Chabannes & Messire Jehan de Grantson : & comment le Duc Louis de Savoye & sa femme visiterent le Duc de Bourgongne. Tome VIII, p. 32.

CHAP. VI. *De la cause qui meut le Duc de Savoye à visiter le Duc de Bourgongne , & de quelques autres petites particularitez. p. 40.*

CHAP. VII. *Comment Frederic Roy des Romains , & le bon Duc Philippe de Bourgongne se virent & festoyerent en la ville de Besançon. P. 49.*

CHAP. VIII. *De quelques festes & ebatemens en la maison du bon Duc Philippe de Bourgongne : comment l'Empereur de Constantinople luy envoya demander secours contre les Turcs : & comment la Duchesse de Luxembourg vint vers iceluy Duc de Bourgongne , pour avoir aide contre la rebellion de ses sujets. p. 61.*

CHAP. IX. *Comment treize Gentilshommes de la maison du Duc de Bourgongne tinrent le pas d'armes à tous venans , près Digeon , en une place , nommée l'Arbre Charlemaigne. p. 69.*

CHAP. X. *Comment le bon Duc Philippe de Bourgongne gaigna plusieurs places en la Duché de Luxembourg. p. 88.*

CHAP. XI. *De ce qui fut parlementé, sur la querelle de Luxembourg, entre le Duc de Bourgongne & les Saxons.* T.VIII, p. 107.

CHAP. XII. *Comment les Bourgongnons surprirent la ville de Luxembourg par eschelles : & comment le Duc de Bourgongne fut maistre de tout le reste.* p. 121.

CHAP. XIII. *Comment le Duc de Bourgongne se retira en ses pays de Brabant & de Flandres : & comment la Duchesse de Bourgongne alla visiter la Roynie de France.* p. 139.

CHAP. XIV. *Comment le Seigneur de Ternant Chevalier de la Toison d'or, fit armes à pied & à cheval, contre Galiot de Baltasin, Chambrelan du Duc de Milan.* p. 150.

CHAP. XV. *Comment le bon Duc Philippe de Bourgongne tint la solennité de la Toison d'or en sa ville de Gand.* p. 176.

CHAP. XVI. *Comment Messire Iagues de Lallain, & Messire Iehan de Bonnisface firent armes à pied & à cheval devant le Duc de Bourgongne à Gand.* p. 191.

CHAP. XVII. *Comment Messire Iagues de Lallain fit armes en Escoce, & de plusieurs autres particularitez en la maison de Bourgongne.* p. 201.

CHAP. XVIII.

CHAP. XVIII. *Du Pas de la Pelerine, tenu par le Seigneur de Haubourdin : & des armes faictes entre le Seigneur de Lalain & un Anglois, devant le Duc de Bourgongne.*

Tome VIII. p. 215.

CHAP. XIX. *Comment le Seigneur de Haubourdin, continuant son entreprise du pas de la Pelerine, fit armes contre le Bastard de Bearn.*

p. 226.

CHAP. XX. *Comment Dom Iaques de Portugal, neveu de la Duchesse de Bourgongne, vint à refuge devers le bon Duc Philippe.*

p. 233.

CHAP. XXI. *Comment le bon Duc Philippe fit delivrer un riche Anglois, que le Seigneur de Ternant avoit faict prisonnier : & comment le Seigneur de Lalain tint le pas de la Fontaine de Plours, à Chalon sur Sône.*

p. 240.

CHAP. XXII. *Comment le Duc de Bourgongne fit sa feste de la toison à Mons en Haynaut : & de la dissention qui sourdit entre luy & les Gandois, ensemble comment le Comte de Charolois fit ses premieres joustes.*

p. 264.

CHAP. XXIII. *Comment les Gandois estant la guerre allumée, s'emparerent de quelques*

Tome IX.

Z

*chasteaux & fortresses : & comment ils assie-
gerent Audenarde. Tome VIII. p. 282.*

CHAP. XXIV. *Comment le siege d'Audenarde
fut levé par les gens du Duc de Bourgon-
gne, contre les Gandois. p. 293.*

CHAP. XXV. *Comment le Duc de Bourgogne
defit quelques partisans de Gand, qui
fuyoyent du siege d'Audenarde, & com-
ment plusieurs rencontres & escarmouches se
firent entre les Bourgongnons & les Gan-
dois, au terroir de Wæz à Nèvele & ail-
leurs durant ceste guerre. p. 307.*

CHAP. XXVI. *Comment le Roy Charles sep-
tiesme envoya ses Ambassadeurs vers le Duc
de Bourgogne & les Gandois, pour cuyder
faire paix entre eux ; sans toutesfois riens
prouffiter. p. 344.*

CHAP. XXVII. *De plusieurs escarmouches, &
rencontres, entre le Duc de Bourgogne, &
les Gandois. p. 371.*

CHAP. XXVIII. *De la bataille de Gaure,
gagnée par le Duc de Bourgogne ; sur les
Gandois, & comment paix fut faicte entre
luy & eux. p. 388.*

CHAP. XXIX. *Cy commence l'ordonnance du
banquet que fit en la ville de Lillè très-haut
& très-puissant Prince Philippe, par la*

grace de Dieu, Duc de Bourgongne, de Brabant, &c. l'an mil quatre cens cinquante-trois le dix-septiesme de Fevrier. Tome IX.

P. I.

CHAP. XXX. *Ensuivent une partie des vœux, que firent après le tres-noble, & tres-redouté Prince Philippe par la grace de Dieu Duc de Bourgongne, de Brabant, &c. plusieurs autres grands Seigneurs, Chevaliers, Gentils-hommes, l'an mille quatre cens cinquante-trois.*

p. 20.

CHAP. XXXI. *Du mariage de l'aisné fils de Crouy à une fille du Comte de Saint Pol : du voyage du bon Duc Philippe en Allemagne : & du mariage du Comte de Charolois, avec Madame Isabeau de Bourbon.*

p. 32.

CHAP. XXXII. *D'un combat à oultrance, fait entre deux Bourgeois de Valenciennes, en la presence du Duc Philippe de Bourgongne, Comte de Hainaut.*

p. 39.

CHAP. XXXIII. *De quelques particularitez en la maison de Bourgongne : de la retraite du Dauphin Louis, vers le bon Duc Philippe : & du couroux d'iceluy Duc, contre le Comte de Charolois son fils.*

p. 49.

CHAP. XXXIV. *D'une maladie du bon Du*

Philippe : de la mort du Roy Charles septiesme : & du couronnement du Roy Louis onzieme, son fils. Tome IX. p. 59.

CHAP. XXXV. *Comment le Roy Louys fit plusieurs machinations contre le Comte de Charolois, & comment ledit Comte, estant ligué avec plusieurs grans Seigneurs de France, fit la guerre au Roy, qu'on appella le Bien publicq.* p. 64.

CHAP. XXXVI. *Comment le bon Duc Philippe envoya son fils naturel Anthoine sur les Sarrafins de Barbarie : & comment le Comte de Charolois destruisit la ville de Dinand, & fit venir les autres Liegeois à mercy.* p. 94.

CHAP. XXXVII. *Comment le Bastard Anthoine de Bourgongne alla faire armes en Angleterre, & comment le bon Duc Philippe son pere mourut cependant.* p. 104.

SECONDE PARTIE.

CHAP. I. *Comment le Duc Charles de Bourgongne, par avant Comte de Charolois, ayant succédé au bon Duc Philippe de Bourgongne son pere, alla derechef contre les Liegeois, & comment nouvelle querelle s'esmeut entre le Roy Louys & luy, tant pour les partialitez d'Angleterre, que pour les villes de la riviere de Somme.* p. 119.

CHAP. II. *Du mariage du Duc Charles de Bourgogne , avec Madame Marguerite d'Yorch , sœur du Roy d'Angleterre , & des magnificences , qui lors furent faictes en la maison de Bourgogne. T. IX. p. 132.*

CHAP. III. *Comment le Duc Charles de Bourgogne , ayant couru par Vermandois , assiegea Beauvais : & comment le Roy fut contraint de l'accompagner en armes contre les Liegeois , paravant ses aliez. p. 205.*

CHAP. IV. *Comment le Duc Charles de Bourgogne assiegea la ville de Nuz , & comment il s'en retourna par apoinctement faict avec l'Empereur. p. 216.*

CHAP. V. *Comment le Duc Charles de Bourgogne se saisit de la Duché de Gueldres & de celle de Lorraine aussi. p. 228.*

CHAP. VI. *Comment les Suysses deconfirent le Duc Charles de Bourgogne , par deux fois. p. 234.*

CHAP. VII. *S'ensuyt le contenu au long, des treves de neuf ans , faictes & conclues par le Roy Louis de France d'une part , & mon tres-redouté Seigneur & Prince, Charles Duc de Bourgogne, d'autre part, le treizieme jour de Septembre, l'an de grace mil quatre cens septante cinq. (Supprimé). p. 240.*

CHAP. VIII. *Comment le Duc Charles de Bourgogne se saisit de Madame de Savoye, & d'un sien fils : & comment il fut desconfit & tué devant la ville de Nançy en Lorraine.*

Tome IX. p. 240.

CHAP. IX. *Comment Madame Marie, fille & seule heritiere du feu Duc Charles de Bourgogne, fut mariée à l'Archeduc Maximilian d'Autrice, & des guerres qu'ils eurent avec le Roy Louys de France, onzième de ce nom.*

p. 247.

CHAP. X. *De la nativité de Madame Marguerite d'Autrice : & du mariage d'icelle avec le Dauphin Charles : & de la mort du Roy Louis onzième, & d'autres particularités.*

p. 264.

CHAP. XI. *Comment l'Archeduc Maximilian d'Autrice fit guerre aux Gandois, pour retirer Philippe son fils, Comte de Flandres, hors de leur gouvernement.*

p. 271.

CHAP. XII. *Comment l'Archeduc Maximilian recouvra la ville de Gand, & le Comte de de Flandres son fils.*

p. 284.

CHAP. XIII. *Comment l'Archeduc Maximilian d'Autrice fut élu Roy des Romains : & comment l'Empereur Frederic son pere, le delivra des mains de ceux de Bruges.*


p. 292.

CHAP. XIV. *Comment ceux de Bruges & de Gand firent derechef guerre au Roy des Romains, sous la conduite de Monsieur Phelippe de Cleves, & comment ceste guerre fut appaisée.* Tome IX. p. 301

CHAP. XV. *Briefve repetition d'aucuns des precedens faiãz de Maximilian d'Austrice, avec nouveau recit de quelques autres siennes gestes.* p. 313

CHAP. XVI. *Des furnoms attribuez à l'Empereur Maximilian d'Austrice, à l'Archiduc Philippe, Comte de Flandres son fils.* (Supprimé). p. 321.


Fin de la Table des Chapitres.



SUPPLÉMENT

Au Tome IX de la Collection universelle des Mémoires particuliers relatifs à l'Histoire de France.

Nota. Le Relieur supprimera ce feuillet.



M É M O I R E S
D E
J A C Q U E S D U C L E R C Q ,
E S C U I E R ,
S I E U R D E B E A U V O I R E N T E R N O I S ,
Commençant en Mccccxlviii, & finissant en Mcccclxvii,
Imprimés pour la première fois.

XV^e Siècle.



M É M O I R E S

D E

JACQUES DU CLERCQ.

LIVRE PREMIER.

CHAPITRE PREMIER.

Comment les Anglois prindrent Fougieres en Bretagne , & des Seigneuries que les Anglois possessoient en France.

EN l'an mil iiij.^e xlviiij durant les trefves entre Charles, Roy de France vij.^e de ce nom , & Henry, Roy d'Angleterre, fils du Roy Henry & de Catherine de France , sœur du Roy Charles dessusdit , prindrent par emblées les Anglois , les Ville & Chastel de Fougieres , scituées en la Duché de Bretaigue à l'entrée de Normandie , laquelle Duché de Normandie , de Guienne , & d'autres moult grandes Seigneuries au Royaulme de France , icelui Roy d'Angleterre possedoit. Ce Roy avoit environ xxviiij ans , & en son aige de huit à dix ans par les guerres & divisions qui avoient été au Royaulme de France , avoit esté couronné Roy de France à Paris , par les grandes conquestes & batailles que le Roy Henry son

A a ij

pere y avoit faict. Si le Roy Henry eut survecu, Charles vj^e. son beaupere : il eut appréhendé tout le Royaulme, icelui Royaulme lui avoit été donné par Charles vj^e. ; mais par la pourvoiance divine qui ne voulut souffrir que le droit héritier de France fut privé de son héritage, le Roy Henry d'Angleterre, environ xlvij jours avant que le Roi Charles vj^e. mourut, vint à clore son dernier jour au bois de Vincennes près Paris, délaissant un fils agé d'un an ou environ ; après laquelle mort du Roy Henry & du Roy Charles vj^e. , Charles Dauphin alla (1) à puissance d'armes en la Cité de Reims, & là se feit couronner Roy de France ; depuis son couronnement il reconquesta Paris, Ponthoife & la plus part de son Royaulme, tellement que les Anglois ne tenoient audit an xlvij. que les Duchés & Seigneuries cy-dessus dites.

CH A P I T R E II.

Comment la Guerre recommença entre les Rois de France & d'Angleterre, & furent toutes tresves rompues.

CHARLES, Roi de France, deüement informé que les Anglois faisoient guerre au Royaulme d'Ecosse & au Roy d'Espagne ses alliés, &

pareillement à ses subjects de la Rochelle , de Dieppe , le tout continuellement , sans rendre ni reparer choses qu'ils faisoient contre icelles trefves , combien que par plusieurs & diverses fois , especialement à cause de la prise de Fougieres, il les eut fait sommer par ses Embassadeurs (2) , & ceulx du Duc de Bretagne , tant au Roy mesmes en son pays d'Angleterre , comme à ceulx qui de par lui avoient le gouvernement de Normandie, considérant encore que malgré les trefves , les Anglois de Mante , Vernueil & Laigny , alloient sur le chemin d'Orléans & de Paris desfrober , & copper les gorges aux bonnes gens , & marchands qui passoient leur chemin, & le semblable faisoient les Anglois de Nœuchastel , de Gournay , de Gerberoy , sur le chemin de Paris & Amiens , & avec ce alloient de nuit par le plat pays , prendre , tuer & divertir les Gentils-hommes de l'obéissance du Roy , que ceulx qui faisoient cela se faisoient appeler les *frais visaiges* , & se vestoient & desguisoient d'habits dissoluts & espouvantables , afin qu'on ne les reconnut pas ; lesquelles causes estoient refusant de reparer : le Roy delibera par Conseil de leur faire la guerre par mer & par terre , & feirent lui & le Duc de Bretagne assembler leurs gens de toutes parts , durant

lequel temps les Anglois feirent une faille sur les gens du Duc de Bretagne, lesquels les rebouterent si asprement qu'il y eut tant prins, que morts six vingt Anglois.

CHAPITRE III.

Comment la ville de Vernoeul fut prinse par un Molnier & le Chastel assiégué.

EN ce tems un Meünier de la ville de Vernoeul, qui avoit son moulin contre les murs d'icelle ville, fut battu d'un Anglois faisant le guet, pour ce qu'il dormoit; de despit il alla vers le Bailly d'Evreux, & lui promit moyennant certaines convenances faictes entre eulx de le boutter dedans la ville, & s'assemblerent messire Pierre de (3) Brézé, Seneschal de Poitou, le Bailly (4) d'Evreux Jacques de Clermont & aultres; ils chevaucherent tant que tous ensemble se trouverent le ix jour de juillet l'an 1449, au point du jour, près des murs de la ville de Vernoeul; icelui Meünier qui faisoit le guet ce jour là feit descendre les aultres qui estoient au guet plus matin qu'ils n'avoient accoustumé, & pour ce qu'il estoit dimanche; ils se hastèrent d'aller à la messe pour desjeuner. Les François à l'aide du Meünier,

dresserent les eschelles au droit du moulin , & entrèrent en la ville sans être apperçu. Ils estoient dedans six vingt Anglois , dont aucuns furent tuez & prins , les aultres se retirerent au Chastel à grande haste. Le lendemain le Meünier osta une partie de l'eau des fossés du Chastel , lequel fut assailli & deffendu moult valleurusement , mais à la fin fut prins d'assault , où il y eut moult belles armes faites , & par especial par le Seneschal , & là furent morts & prins plusieurs Anglois , les autres se retirerent en grande haste , en la tour Grise , laquelle estoit moult forte & imprenable (5) , tant qu'il y eut à manger dedans , car elle est haulte & grosse , séparée hors du Chastel , bien garnie & environnée de fossés pleins d'eau.

CHAPITRE IV.

*De la prinse de la Ville & Cité de Rouan, saulv
le Palais & le Chastel.*

CEUX de la ville de Rouan (6) doubtant que la ville ne fut prinse d'assault , & pour ce pillée & destruite , & aussi pour éviter l'effusion de sang qui pourroit advenir , envoyerent l'Official & aultres au Pont-de-l'Arche devers le Roy de France , pour avoir de lui un saulv-conduit afin

que aucuns des plus notables gens d'église, nobles, bourgeois, marchands & aultres de la Cité pussent aller devers lui, ou son Conseil, à l'effet de faire aucun bon traité & appoinement; il leurs feit délivrer le sauf-conduit, & ils vindrent, c'est à savoir pour ceulx de la Cité, l'Archevesque du lieu, avec plusieurs aultres, & pour le Duc de Sommerfet Gouverneur du Roy d'Angleterre, plusieurs Chevaliers & Escuyers au Port de-Saint-Ouen à une lieue près du Pont-de l'Arche, auquel port ils trouverent pour le Roy de France, le Comte de Dunois, le Chancelier, le Sénéchal de Poitou, Messire Guillaume Cousinot, & plusieurs aultres. L'Archevesque & ceulx de la Cité furent d'accords & contents de rendre la ville de Rouan, & la mettre en l'obéissance du Roy de France, à condition que ceulx de la ville & Cité qui voudroient demourer, demoureroient eux & leurs biens, sans rien perdre, & que qui s'en voudroit aller, s'en iroit: ainsi partirent les Anglois & François, les uns pour aller au Pont-de-l'Arche, les aultres à Rouan, mais parce qu'ils y arriverent tard & de nuit, ils ne peurent faire leur responce que le lendemain qui fut le xviii^e. jour d'Octobre, lequel jour ceulx qui avoient été vers les François, s'en allerent en la maison de la ville pour re-

later devant le peuple l'appointement & les paroles qu'ils avoient eu avec les gens du Roy de France, lesquelles paroles & appointement furent très-agréables à ceulx de la ville, & déplaissant aux Anglois; quand ils apperçurent la volonté & désir que le peuple avoit au Roy de France, ils partirent mal contens de l'Hosiel de Ville, & se meirent en armes pour se retraire au Palais, au pont sur les portaulx, & au Chastel de la ville. Quand ceulx de la ville cognurent leur contenance, ils se meirent pareillement en armes, & feirent le guet, puis envoyerent cette nuit un homme au Pont-de-l'Arche, au Roy de France, lequel y arriva au point du jour, pour qu'il vint hastivement les secourir, & qu'ils le mettroient dans la ville, le dimanche au main xix^e. jour d'Octobre; ceulx de la ville qui estoient en armes s'esmurent contre les Anglois très-aprement, si bien qu'ils gagnirent sur eulx les murs & portaulx de la ville, & les chasserent tous ensemble au Palais, pont & Chastel: or à cette heure, le Comte de Dunois, & plusieurs aultres qui près de ladite ville étoient logiez, monterent à cheval pour secourir les habitans de la ville, contre les Anglois; ensuite partit le Roy, du Pont-de-l'Arche, grandement accompagné de gens d'armes pour aller à Rouan, & fait charger son

artillerie , pour faire affaillir Sainte-Catherine que les Anglois tenoient. Le Comte de Dunois les feit rendre , voyant la ville estre contre eulx ; & on leur bailla un hérault pour les conduire vers le Roy. Comme ils passoient le Pont-Saint-Ouen , le Roy leur dit qu'ils ne prinssent rien sans payer , & ils lui respondirent qu'ils n'avoient de quoy ; lors le Roy leur feit bailler cent (7) francs ; puis les laissa aller , & le Roy se logea à Sainte-Catherine. Le Comte du Dunois & les aultres gens de guerre estoient à la porte Martainville , auquel lieu vindrent vers eulx , les gens d'église , nobles , bourgeois , marchands & habitans de la ville , qui leur apporterent les clefs , en disant qu'il plut au Seigneur de Dunois , bouter dedans la Cité , tel & si grand nombre de gens d'armes , qu'il lui plairoit : il leur respondit qu'il feroit leur volonté ; après plusieurs paroles dites entr'eulx pour le bien de la ville , y entra le premier , Messire Pierre de Brézé Sénéchal de Poitou , avec cent lances , (8) & les archiers du Comte de Dunois ; & les aultres bataillons s'en allerent ce soir loger aux villages d'alentour de la ville , & estoit belle chose de voir les compagnies des Roys de France & de Sicille , & des aultres Seigneurs Chevaliers & Escuyers ; ce jour mesme au soir rendirent les Anglois le pont ; on le bailla en

garde au sieur de Harenville, & le lendemain furent ouvertes toutes les portes de la ville & Cité; & y entra tout homme qui le voulut. Le Duc de Sommerfet qui estoit au Palais voyant la puissance du roy de France, requist qu'il parlat au Roy, dont le Roy fut content; adoncq il partit du Palais accompagné de certain nombre de ses gens, & des héraults du Roy lesquels l'accompagnerent jusques à Sainte-Catherine du mont de Rouan, ou le Roy estoit avec son Conseil, le Roy de Sicile, le Comte du Maine & aultres Seigneurs de son sang. Le Duc demanda que lui, le Seigneur de Tallebot, & aultres Anglois s'en peussent aller seurement. Le Roy de France respondit que la requeste n'estoit point raisonnable, & qu'il n'en feroit rien, car ils n'avoient voulu tenir le traité, appointment précédent; & pour ces causes devant qu'il parteit du Palais, qu'il rendroit Honfleur, Harfleur & toutes les places du pays de Caux qui estoient ès-mains du Roy d'Angleterre; sur ces paroles le Duc s'en retourna regardant dans les rues tout le peuple portant la croix blanche, dont il n'étoit pas joyeux, & il fut convoyé par les Comtes de Clermont & d'Eu.

C H A P I T R E V.

Comme le Roy de France feit mettre le siège devant le Palais de Rouan, & comment le Palais lui fut rendu.

APRES que le Duc de Sommerfet se fut retiré, le Roy commanda mettre le siège devant le Palais, lequel y fut mis du costé de vers les champs ou le Roy envoya grand nombre de gens de guerre, & furent assis les bônbardes & canons au devant de la porte du Palais, qui ouvre sur la ville, & pareillement de celle qui ouvre sur les champs. Quand le Duc de Sommerfet apperceut ces approches, il fut moult esbahy, voyant qu'il avoit peu de vivres, & beaucoup de gens; considérant aussi qu'il ne pouvoit estre nullement secouru, il requist à parlementer. Pour cette raison furent faictes trefves des deux côtés, lesquelles furent prolongiées de jour à aultre par l'espace de xij jours pour ce que les Anglois ne vouллоient consentir de laisser en hostage le sieur de Tallebot. Se parlerent par plusieurs fois le Comte de Dunois, & ceulx du grand Conseil du Roy avecq les Anglois, à la fin furent d'accords ensemble que le sieur de Sommerfet, sa femme, enfans, & tous les autres Anglois du Palais &

Chastel s'en iroient où bon leur sembleroit , en leurs pays , leurs corps & leurs biens saufs , réservés les prisonniers & grosse artillerie , qu'ils paieroient au Roy de France cinquante mil escus d'or , & paieroient en outre tout ce que ils debvoient loyalement à ceulx de la ville , Bourgeois & Marchands ; que le Gouverneur rendroit les places d'armes de Caudebec , de Montier villier , de Lislebonne , Tancarville & Honfleur , & pour seureté de ce bailleroit son scel & lettres , & demeureroit en hostage le sieur de Tallevot , jusqu'à ce qu'icelles places fussent rendues , & les cinquante mil escus payés. Que pour les deniers dûs à ceulx de la ville , demoureroient en hostage le fils du Comte Dormont d'Irlande & le fils de Thomas Gruel , Capitaine de Chierbourg , & le fils du sire de Roz ; & ainsi fut fait , puis furent livrés les hostages aux commis du Roy , & puis s'en allèrent le Duc de Sommerfet & autres Anglois à Harfleur , & delà à Caen. Le Duc commist pour faire rendre les places , Messires Thomas Hos & le sieur Foucques Etton ; ceux-cy feirent mettre les places en l'obéissance du Roy de France , hormis Honfleur , dont estoit Capitaine un nommé Courson , qui ne le voulut rendre , & pour ce demeura le sieur de Tallevot prisonnier du Roy de France.

C H A P I T R E V I.

Comment le Roy de France feit son entrée en la Cité de Rouan, & comme il y fut reçu.

AP R È S ce que dit est, en moult grande joie & lieffe feit le Roy de France sa feste de Toufaints, audit lieu de Sainte-Catherine, près de Rouan, puis parteit le lundi en suivant xj^e. jour du mois de Nòvembre, veille de Saint - Martin d'hyver, pour entrer en la ville de Rouan, accompagné du Roi de Sicille, & autres Seigneurs de son sang, (9) en moult grands & riches habillements.

C H A P I T R E V I I.

Comment après que le Roy 'eult conquis tout le pays de Normandie, il envoya ses Gens-d'armes en Guiennes, & des Gens de guerre qu'il laissa pour garder ledit pays de Normandie, puis s'en retourna en la ville de Tours.

AI N S Y comme dist est ci-dessus, fut reconquesté par le Roy de France Charles vij^e. de ce nom, & par les François le Duché de Normandie, & toutes les villes & Chasteaulx d'icelle

d'icelle mises en l'obéissance du Roy de France , en un an & six mois , qui peult sembler que ce fut grace divine ; car on a peu veu , ni sceu que si grand pays fut sitost conqueslé , lequel pays contient six grosses journées de long , & quatre journées de large , & y a dedans six Evechés , un Archevesque , & cent tant villes que forts chasteaulx , sans ceulx qui ont esté abbattus & destruits , par la fortune de guerre , laquelle y avoit duré l'espace de trente ans , durant les grandes divisions qui avoient esté en France , & se feit icelle conquesle en l'année des grands pardons de Rome (10).

Quant le Roy de France eut ainfy conquis toute la Normandie , il ordonna six cens lances & les Archiers ; c'est à sçavoir chacune lance deux Archiers , & un Censillier pour garder icelluy pays , & les autres Gens de guerre il les envoya en Guiennes ; puis il partit du pays de Normandie , & arriva au mois de Septembre en suivant en sa ville de Tours en Touraine.

C H A P I T R E V I I I .

Des graces que le Roy de France rendit à nostre Seigneur , & ordonna a chacun an en la mémoire de la victoire que Dieu lui avoit envoyé , faire processions générales par tout son Royaulme , qui se feroient le xiiij jour d'Aoust , & de l'ordonnance des Gens d'armes & de leurs habillemens.

QUANT le Roy fut retourné à Tours , il rendit grace à Dieu de sa noble conqueste & victoire , & par deliberation de son Conseil , il commanda de celebrer processions générales par tout son Royaulme , le xiiij^e. jour d'Octobre , en suivant & dela en avant par chacun an : de ce il envoya Lettres patentes aux Prelats par tout son Royaulme , requerant de ce faire ; par ce que ci-dessus est assez parlé des assemblées des gens d'armes que les Princes , & Seigneurs tenoient & avoient , & comment l'un avoit deulx cents lances , l'autre trois cens , & ainsi plus ou moins ; il est bon de faire entendre ce qu'on appelloit une lance , & quelle suite elle avoit ; il est vrai que par l'Ordonnance que le Roy avoit mis en son Royaulme , laquelle montoit d'ordinaire sans les Seigneurs , Princes Seigneurs , fiefés & arrier-fiefés qui doivent servir , il avoit dix

sept cent lances. Ceulx qui estoient de cette Ordonnance de xvij^e. lances de mois en mois ; soit que le Roy eut guerre ou non , les gens du plat pays , & des bonnes villes les payoient par une taille que icelui Roy avoit mis , laquelle on appelloit la taille des Gens d'armes , & avoit chacun homme d'armes xv francs monnoie royale , pour ses trois chevaulx , assavoir , pour lui , son Page & un Ginfarmier ou Censillier , & chacun Archier , pour lui & son cheval sept francs & demy le mois ; durant la conqueste de Normandie tous les Gens d'armes du Roy de France , & qui estoient en son service , fut-ce d'icelle Ordonnance ou non , furent tous paiés de leurs gaiges de mois en mois , & n'y avoit sy hardy qui osast prendre durant ladite guerre ou conqueste de Normandie , prisonnier , ny rençonner cheyal ni aultres bestes quelle qu'elle fut , vivre en aucun lieu sans payer , fors seulement sur iceulx Anglois , & gens tenant ce party. Ceulx-là pouvoient-ils bien prendre licitement : tous ceulx pareillement qui gouvernoient l'artillerie estoient payés de jour en jour , en laquelle y avoit le plus grand nombre de grosses bombardes , gros canons , serpentes , crapaulx deaulx , coullevrines , le tout bien garni de pouldre , manteaulx & aultres cho-

ses pour approcher & prendre villes & chateaulx, & moult grande foison de charois pour les mener, & des manouvriers pour les gouverner; estoient comis à l'artillerie Messire Jehan Bureau, & son frère qui en faisoient moult bien le debvoir, & à la vérité dire durant cette conqueste de Normandie le plus de villes & de chasteaulx eussent été prins d'affault, & par force d'armes; mais quand les places estoient approchées, & prestes à assaillir, le Roy de France Charles en avoit pitié, & vouloit qu'on les print par composition, pour obvier à l'effusion de sang humain & à la destruction du pays & des peuples.

C H A P I T R E IX.

Comment la ville de Bordeaulx fut mise, & rendue en la main du Roy de France, & de l'entrée que firent les Gens du Roy en ladite ville de Bordeaulx.

APRES (II) que les Commis a faire le traité de Bordeaulx, eurent besoigné avec ceulx dudit lieu, ils retournerent vers le Comte de Dunois, Lieutenant général du Roy de France, le Chancelier de France & aultres du Conseil, & leur monstrerent l'appointement tant d'un

cofté que d'autre mis par eſcript dont ils furent fort joieux, & fut la choſe déclarée l'eſpace de huit jours; après le Dimanche à eulx oſtroyé par ledit Lieutenant, auquel jour ne comparut aucuns ſecours, & néanmoins contre (12) les promeſſes faiſtes par ceulx de Bordeaux, eux conſians tousjours d'avoir ſecours, requirent jour de bataille, lequel jour leur fut oſtroié au xiiij^e. jour de Juin, auquel jour ils furent attendus à la bataille, juſques au ſoleil couchant, & à cette heure ceulx de Bordeaux voyant avoir faulte de ſecours, firent faire cry par un hérault, lequel cryoit ſecours de ceulx d'Angleterre pour ceulx de Bordeaux, auquel cry ne fut aucunement repondu: parquoy partirent de la icelles parties, & s'en allerent loger ſans aultres choſes faire, pour cette heure, & le lendemain, le Chancelier & le Thréſorier de France avec pluſieurs aultres retournerent par-devers ceulx de Bordeaux, leſquels appointerent que le mercredi en ſuivant, ils ſeroient tous preſts de rendre la ville, & bailler les clefs des chasteaulx, havres, ports & barrières de la ville, & faire les ſerments d'eſtre bons & loyaulx ſubjects du Roy de France. Fut ordonné le Thréſorier de France, pour les grandes diligences qu'il avoit fait à pourſeulte du Duché de Guyennes,

Maire de la Cité de Bordeaux, & pareillement fut aussi ordonné Connestable dudit lieu Joachim de Rohault; au Mercredi ensuivant, qui estoit prins pour rendre la ville furent préparés les sieurs de Bordeaux & ceulx du pays pour plus honorablement recevoir le Comte de Dunois, comme Lieutenant du Roy de France, & la Seigneurie estant avec lui : ce jour ils prindrent la possession de ladite Cité, & entre-
rent les premiers par ordonnance d'icellui Lieutenant, Messire Thybault de Valpergue, Bailly de Lyon, & Messire Jehan Bureau, Thrésorier de France, & Maire d'icelle ville, auxquels furent baillées les clefs de tous les lieux forts estants en cette ville, & à l'entrée ne furent point les Archiers, à la requeste de ceulx de Bordeaux, mais furent envoyés loger autour de Lybourne; icelle entrée de Bordeaux commença à soleil levant; là estoient les sieurs de Leparre, de Montferrant, & plusieurs autres nobles & notables sieurs du pays; tous les Gens d'Eglise estoient revestus de cappes, l'Archevesque print un missel, & feit jurer & promettre au Lieutenant & aux autres, que le Roy les maintiendrait en leurs franchises & privilèges anciens; & pareillement le Lieutenant feit jurer l'Archevesque, le sieur de Leparre, & les autres qu'ils seroient à toujours

bons & loyaulx subjects du Roy de France, ce qu'ils accorderent tous d'une voix les mains tendues en hault. Du serment fut exempté le Capital de Buch qui pour lors estoit Chevalier de la Jartière de l'Ordre du Roy d'Angleterre. Après le serment fait & la messe chantée, chacun se retira en son hostel pour dîner, mais ne demoura guère après dîner, qu'il ne fut grand rumeur en la ville, par un des Gens du Roy, lequel après le cry fait solennellement à son de trompe que nul ne prinst sur son hoste, ni ailleurs aucune chose, sans payer, ce transgressa du commandement; il qui fut prins par les Gens du Roi & comdampné à estre pendu, comme il le fut; laquelle chose plut moult à ceulx de Bordeaux & du pays; au surplus le Lieutenant du Roy feit faire un gibet tout neuf pour pendre cinq compagnons de l'ost du Lieutenant, lesquels en faveur de Guillaume de Flany avoient navré à mort Messire Pierre de Louvain Chevalier, au service du Roy, & l'avoient espié par plusieurs journées pour le tuer, & disoit-on que ce faisoient faire Messires Charles, Hector & Raoul de Flany Chevaliers & freres dudit Guillaume de Flany Capitaine de compagnie, lequel Guillaume certains temps auparavant avoit esté meurdry par son barbier qui

lui avoit coppé la gorge à la requeste de la^e femme dudit Messire Guillaume , & après qu'il lui eut coppé la gorge en une place entre Noyon & Compiègne où il se tenoit communement , icelle Dame print un couffin , & lui meit sur le visaige & l'étouffa : assez-tôt après icelluy Messire Pierre de Louvain vint au chasteau , & emmena la femme de Guillaume , laquelle tôt après il espousa. Icelui Guillaume en son temps avoit esté tousjours tenant la partie du Roy , vaillant homme de guerre , mais le plus thirant & faisant plus de thirannies & horribles crimes qu'on peut faire , comme prendre filles malgré tous ceux qui en vouloient parler , les violer , faire mourir gens sans pitié , & les rouer ; entre les aultres il avoit fait mourir le pere de sa femme , & combien qu'il fut vieulx & de lx ans , fort gros , & sa femme belle & jeusne de xx à xxiiij ans , sy avoit-il tousjours des aultres neufves filles qu'il maintenoit en adultère , & avec ce menaçoit souvent sa femme , qui paraventure fut cause de sa mort ; toutefois à cause que sa mort fut villaine & deshonneste , il en desplaisoit à ses freres , & pourchassoient ce qu'ils pouvoient par justice que sa femme fut arse (a) : mais oncques n'en peulrent avoir raison à leur volonté , ils avoient

(a) *Brulée.*

esté six freres, dont trois avoient toujours tenu la partie du Roy, & les aultres trois la partie du Duc de Bourgogne. Ceulx qui tindrent la partie du Roy, furent le dit Guillaume, Messire Charles Chevalier, & un aultre qui mourut au siege de Compiègne d'un traict estant à une fenestre; toute-fois iceulx cinq compagnons furent pendus, & ainsi fut par iceluy Lieutenant fait justice, dont ceulx de ladite ville & Cité furent fort joyeux. Car du tems qu'ils estoient es mains des Anglois, il n'y avoit que voies de faicts. En icelle ville de Bordeaux séjourna icelluy Lieutenant par l'espace de dix jours ou environ pour y mettre police & gouvernement, & tellement que les gens de guerre s'y gouvernoient gracieusement, & que pendant ce temps, nulle extorsion ne fut faite à aucuns de la ville : par la manière dessusdite, fut conquise la Duché de Guyennes excepté la ville de Bayonne, à laquelle conquête faire se porterent vaillamment tous les sieurs dessus nommés, & tous ceulx qui furent en leur armée, laquelle armée fut estimée à vingt mille combatans. Le Comte de Clermont demoura Capitaine de ladite ville de Bordeaux, & son Lieutenant Olivier de Coetivy, qui avoit la charge des Gens d'armes, son frere Prégent de Coetivy, fut en son temps Admiral de France.

C H A P I T R E X.

Comment le Siege fut mis devant la Cité de Bayonne , & des Seigneurs qui y vindrent , des saillies & assauts qui y furent faits.

A P R È S la reddition de la ville de Bordeaux les Comtes de Foix & de Dunois, le vj^e. jour du mois d'Aoust meirent le siège devant la Cité de Bayonne ; la se fait plusieurs Chevaliers, entre aultres le fils du grand Maître d'Hostel du Roy, le sieur de Teflacq frere du sieur de Nouailles, Bertrand d'Espagne, Sénéchal de Foix, Rogier d'Espagne, le sieur de Venacq & plusieurs aultres jusques au nombre de xv.

Quand ceulx de Bayonne virent les grands approchements pour tirer contre la muraille, & sy n'estoient point encores venues les grosses bombardes le xxvj^e. jour dudit mois d'Aoust, ils commencerent à parler aux Comtes de Foix & de Dunois, & gens du Conseil du Roy de France, lesquels après plusieurs choses, traiderent en la maniere qui s'ensuit. Ceulx de la ville de Bayonne promirent se rendre en la main du Roy, & de livrer Dom Jehan de Beaumont le Capitaine, frere du Connestable de Navarre de l'Ordre de Saint-Jehan de Jhe-

rusalem , lequel demoureroit prisonnier à la volonté du Roy, & tous les gens de guerre estants en icelle ville, demoureroient pareillement tous prisonniers ; ceulx de la ville, ils promirent de payer xl mil écus, & ce jour entra dedans la ville à heure de deulx heures avecq l'Archevesque d'icelle ville, pour en prendre possession, le sieur de la Bessieres, & la furent portées les bannieres du Roy au hault de la tour d'icelluy chasteau par les héraulx du Roy, chacun d'eulx criant *Monjoie*.

Le Samedy 21^e. jour dudit mois d'Aoust audit an lj entrèrent les gens du Roy en la ville de Bayonne, & premierement entra le Comte de Foix, avecq lui le Maître d'Hostel du Roy le sieur de Lautrecht frere dudit Comte, le sieur de Nouailles, le sieur de Labessieres & plusieurs aultres, & avoient avecq eulx mil archiers que gouvernoit Lefpinace ; & après vindrent deulx héraulx du Roy, & aultres portans leur cotte d'arme, & après Messire Bertrand d'Espagne, Seneschal de Foix, armé tout au blancq, qui portoit la banniere du Roy monté sur un courfier moult richement habillé, & estoit auprès de lui son Seneschal de Bierne, aussi bien monté & richement habillé, & avoit son cheval un chaufrant garny d'or & de pierres précieuses, prisé à xv mil écus, & grand nombre de

gens après lui, & sans intervalle venoient fix cens lances à pied, & de l'autre part entra le Comte de Dunois, qui avoit devant luy xij^e. archiers & deulx des héraulx du Roy, & aultres portans diverses armes, après venoit Messire Jeuvet de Saveuses monté sur un courfier, portant l'une des bannieres du Roy, & à cette entrée feit le Comte de Dunois Chevaliers ledit Jeuvet, le sieur de Montguyon, Jehan de Montmorency, le Seigneur de la Bouffey. Après ladite bannière entra le sieur de Loheacq Marechal de France, le sieur Dorval & plusieurs aultres grands Seigneurs, & derriere eulx vij^e. lances; ainsi allerent jusques à la porte de la grande église, ou estoit l'Evesque en habit pontifical, Chanoines & aultres gens d'église revestus de cappes, & les attendoient avecq les relicques, & là descendirent les sieurs à pied, & allerent faire leur devotion dedans l'église, puis s'en allerent en leurs logis, & envoya le Comte de Foix la couverture de son cheval, qui estoit de drap d'or, & prisee à iiij^e. écus d'or devant nostre Dame de Bayonne pour faire des cappes. Le lendemain les sieurs allerent oyr la messe en l'église, & après la messe prindrent le serment de ceulx de la ville, en la présence du sieur d'Allebrecht, qui y estoit venu le samedi devant, & en icelle ville furent commis

Maires Messire Jehan le Bourfier Général de France , & Messire Martin Gratien, lesquels demourerent pour gouverner la ville, & le lundî prochain les dessusdits sieurs avecq leurs gens s'en allerent ès-pays à eulx assignés pour vivre ; & tantôt après les Barons, Chevaliers, Nobles, bourgeois & gens de tous estats des pays de Bourdelois, de Baconnois & ceulx des pays des environs allerent à Tallebourg de vers le Roy de France pour confirmer les articles & appointements passés par eulx, & faire au Roy les hommaiges de leurs Seigneuries, après lesquelles choses faictes au Roy, le Roy quitta à ceux de Bayonne vingt mil escus de quarante mil qu'ils devoient payer ; fust reduite en la main du Roy de France, toute la Duché de Guyennes & de Normandie, & generalement tout le Royaulme de France, excepté la ville de Calais que les Anglois tenoient encores.

Fin du Livre premier.

MÉMOIRES

D E

JACQUES DU CLERCQ.

LIVRE SECOND.

CHAPITRE PREMIER.

Comment & pour quelle cause Philippes, Duc de Bourgogne, de Brabant, de Lothiers, de Lembourg & de Luxembourg, Comté de Flandres, requist aux quatre membres de Flandres certaine imposition sur le sel, qui fut la cause pourquoy la guerre seurdit d'yceluy Duc contre les Ganthois.

EN mil quatre cent cinquante & ung Philippes Duc de Bourgogne, de Brabant, à l'age de cinquante quatre ans ou environ, assambla les quatre membres de Flandres. Pour donner à entendre ce que c'est que les quatre membres de Flandres, vray est qu'en la Comté de Flandres il y a plusieurs grosses villes & villages, avec plusieurs villes fermées qui ne sont point sy grandes comme Bruges ou Gand, & est cette Comté divisée en quatre membres, des-

quels le premier est la ville de Gand, qui est l'une des plus fortes & grosses villes, fort peuplée, s'y comprend tout le pays de Wast qui est un fertile pays : le second membre est Bruges, avec laquelle ville se comprend celle de Nieuport sur la mer, & aultres gros villages. Le tiers membre est la ville d'Ypre, avec laquelle se comprend la ville de Bergue, Dunckerque & aultres grosses terres & villages : le quatrieme membre est la ville de Courtray, avec laquelle se comprend la ville d'Audemarde, la ville de Termonde & aultres gros villages & villes, comme la ville & Comté d'Alost, le pays de quatre metiers, & autres places : icelluy pays de Flandres est moult fort beau pays, & s'y vit, & gouverné en partie avecq le mestier de draperie, de marchandise de sel, tant en harencgs, mollues drogues & poissons de mer, qu'ils valent & dont ils pourvoient le pays d'autour d'eulx ; après que le Duc Philippes Comte de Flandres eult assemblé iceulx membres, il leur requist, que pour supporter ses affaires & les frais qu'incessamment lui convenoit faire en plusieurs manieres, ils lui vouliissent octroyer que sur chacun sac de sel qu'on vendroit en la Comté de Flandres, il put prendre à son profit advenir xxiiij gros monnoie de Flandres lors courante, lesquels xxiiij gros valloient

toute la ville, & tout le pays à eulx subiect, ne voullurent accorder au Duc leur Seigneur icelle requeste, ny que ladite imposition fut mise sur le sel, ains fut du tout, contredit, & répondirent au Duc leur dit Seigneur qu'ils avoient convenu enssamble & conclud entre eulx, que jusques à la mort du dernier homme de la ville de Gand, & du pays à eulx subiect, ils n'accorderoient ny souffriroient ladite imposition, estre mise sus; ouie laquelle responce par les aultres trois membres de Flandres, ils conclurent entre eulx qu'ils feroient remonstrier au Duc que touchant ladite imposition, ils s'y gouverneroient ainsy & pareillement que ceulx de Gand, & non aultrement, & cette responce ils firent au Duc Philippes après lesquelles responses il leur donna congié, & ne requist plus ladite imposition sur le sel; mais ceulx de Gand depuis qu'ils eurent refusé ladite imposition, s'appercurent bien, que quand ils avoient affaire au Duc, ou à son Conseil, ils n'avoient point si bon accès comme ils avoient accoustumé d'avoir; parquoy ils commencerent à murmurer contre leur Seigneur.

C H A P I T R E I I .

Comment les trefves furent publiées , & comment les Ganthois feirent pendre le varlet d'unghérault , que les Ambassadeurs du Roy avoient envoyé à Gand publier lesdites trefves () .*

TOUTES les choses dessus dites & faites le Duc feit publier les trefves par ses pays ; pareillement les ambassadeurs du Roy envoyèrent ung hérault à Gand , pour publier les trefves , lequel hérault sy tost qu'il fut descendu , ainsy que son varlet menoit ses chevaux boire , fut prins d'aulcuns Ganthois , lequel

(*) Cela donna lieu à cette guerre qui éclata entre les Gantois & Philippe le Bon. Comme le récit qu'en fait du Clercq est conforme à celui d'Olivier (a) de la Marche , nous avons cru devoir nous abstenir de répéter les mêmes détails. Nous observerons seulement qu'Olivier de la Marche assaisonne souvent sa narration de réflexions amères sur l'indocilité républicaine des Gantois : son annotateur lui fait de graves reproches à cet égard , & l'accuse de partialité. Mais rien ne prouve mieux la vérité d'Olivier de la Marche , que sa conformité avec du Clercq. Un autre témoignage vient encore à leur appui ;

(a) Voyez le Tom. VIII. de la Collection de ces Mémoires , chap. 23 , page 281 & suiv.

varlet portant devant & derriere de son Jacques l'enseigne du Duc, qui estoit une Croix de Saint-André blanche & estoit l'enseigne de tous les gens, & fut ledit varlet prestement par aucuns Gantois pendu & estranglé en despit du Duc de Bourgogne leur Seigneur, & disoit-on que ce avoient fait les parens d'un Coustellier qui avoit été pendu, lequel Coustellier devoit estre Comte de Flandre, touttefois ils c'est celui de Mathieu de Coucy, dans son Histoire de Charles VII, page 618 & suiv.

Nous avons cru cependant qu'il étoit intéressant de conserver quatre chapitres de ce deuxième Livre des Mémoires de du Clercq, parce qu'on y trouve des développemens qui manquent au recit d'Olivier de la Marche, & quelques faits qu'il a omis. La Marche, après avoir raconté dans le chap. 26 de ses Mémoires (a), les efforts que firent les Ambassadeurs de Charles VII pour négocier un traité de paix entre les Gantois & le Duc de Bourgogne, nous apprend que par leurs soins une trêve fut consentie : il ajoute que les Gantois pendirent le valet du hérault qui leur porta l'acte de cette trêve. L'annotateur d'Olivier de la Marche révoque ce fait en doute; & nous-mêmes dans notre observation (b), N°. 18, nous avons embrassé cette opinion. Mais nous ne devons pas dissimuler que le récit de du Clercq s'accorde avec celui d'Olivier de la Marche.

(a) Tome VIII. de la Collection.

(b) Voyez les observations qui suivent les Mémoires d'Olivier de la Marche.

ne feirent nul mal au hérault, ainsi s'en retourna sain & sauf (*).

.
Ainsy comme je vous ay dit fut la sentence rendue par lesdits Ambassadeurs du Roy en la ville de Lille, après laquelle sentence les deulx héraultx & truchement que les Ganthois avoient laissé à Lille s'en allerent, & rapporterent par escript aux Ganthois la sentence rendue par lesdits Ambassadeurs, laquelle sentence fut leue publiquement devant la communaulté dont il y eut grand murmure entre eulx; car les uns estoient contens d'entretenir le traictié, mais la plus grande partie n'en vouloient rien faire, & furent bien dix jours sans répondre s'ils tiendroient ledit traictié ou non, durant lequel temps aucuns compagnons de la ville de Gand s'assamblèrent & prindrent le nom *des compagnons de la verde tente*, & fut Capitaine de cette compagnie ung quy s'appelloit le Bastard du Blancquestrain, & après ce qu'ils se fussent assemblés bien armés, &

(*) Le deuxième article concerne le mépris que les Gantois affichèrent pour le traité dont les Ambassadeurs de France avoient réglé les conventions.

Ecoutez du Clercq : sa narration éclaircit sur ce point le récit d'Olivier de la Marche, page 355 de ses Mémoires.....

à bastons allerent la nuit vers Hulst, un gros village au pays de Waft, & pour abuser & surprendre ceulx quy estoient audit Hulst, lesquels s'estoient rendus au Duc de Bourgongne, ils feirent allumer près de la ville des torfins & fallots, afin que ceulx de Hulst cuidassent qu'ils vinssent par ce costé là, & quand ceulx de Hulst veirent lesdits torfins & lumieres, cuidans eulx deffendre contre les Ganthois qui venoient de ce costé là les assaillir, & comme ils s'estoient tous tirez de ce costé, ceulx de la verde tente entrerent audit Hulst par un aultre endroit, & en meirent plusieurs à l'espee; ceulx qui peurent elchaper se saulverent au mieulx qu'ils peurent; après ce, lesdits Ganthois pillerent la ville & l'ardirent toute, puis se retirerent dedans Gand; de tout ce ne sçavoient rien les Ambassadeurs, lesquels estoient encoirres à Lille, & attendoient la responce des Ganthois, pour laquelle chose ils envoyerent ung hérault à Gand, pour sçavoir s'ils tiendroient leur appointment ou non; lequel hérault sy tost qu'il fust arrivé en la ville de Gand, & descendu en une hostellerie, pria son hoste de lui dire à qui bailler les lettres qu'il apportoit de la part des Ambassadeurs, lequel hoste sytot qu'il entendit cela, eut pitié de luy, & lui respondit que mal estoit arrivé, & qu'il se gardat

bien de dire qu'il estoit venu pour cette cause ; car s'il le disoit sa vie estoit finie ; quand le hérault ouit cecy , pria humblement qu'il le garantist de mort s'il pouvoit. L'hoste luy dit qu'il se tint coy , en son hostel , & que le lendemain luy sçauroit à dire , sy on le vouldroit entendre , ou non. Quand ce vint le lendemain l'hoste lui dit que s'il estoit connu il estoit mort ; mais s'il vouloit qu'il luy aideroit à sauver sa vie. Sy lui conseilla qu'il retournast sa robbe & le fait monter à cheval , il lui bailla son varlet en luy recommandant que sy on l'interrogeoit , qu'il dit qu'il estoit un marchand de France , revenant d'Anvers. Ledit hérault crut son hoste , & dès qu'il fut venu à la porte , on lui demanda d'où il estoit , & il respondit comme son hoste lui avoit appris , lors on luy ouvrit la porte , & ceulx qui la gardoient luy demanderent le vin ; en attendant qu'on ouvrit la porte il mettoit sa main à sa bourse , à peine fut elle ouverte , que le hérault fêrit son cheval des esperons & passa oultre sans donner ou payer vin ne fauce , & n'arreta jusques a ce qu'il vint à Lille , & ainsy eschappa , & rapporta aulx Ambassadeurs comment il avoit été en grand péril.

CHAPITRE III.

Comment le Duc retourna à Courtray , & comment son peuple estoit travaillé pour avoir & lever l'argent ().*

APRÈS que le château de Poucques fut demolì, le Duc retourna à Courtray , & y séjourna xij jours , durant lesquels douze jours tous ses gens d'armes tindrent les champs , mangeant & pillant le plat pays , lequel estoit & obéissoit au Duc , & mesme les villages de plusieurs nobles qui l'accompagnoient , & disoit-on que le Duc en attendant argent , laissoit ses gens manger tout le plat pays ; parce qu'ils n'estoient point payés , & avecq ce le Duc en plusieurs bonnes villes commença à faire contraindre les nobles , marchands & bourgeois des lieux , lesquels ne le servoient point , de lui prester certaine somme de deniers chacun selon son estat ; nonobstant que pour ce ne laissoient point à estre levez par lescdites bonnes villes plusieurs maltostes & subides , desquelles choses les riches hommes , avecq le peuple commençoient à murmurer , & n'estoit point le peuple sy mal content de payer lescdits de-

(*) Le troisième chapitre de du Clercq , que nous avons cru devoir imprimer , renferme des particularités que nos Historiens ne nous ont point conservées.

niers , car il appercevoit bien que le Duc en avoit affaire , mais il se courrouçoit dece qu'on disoit qu'au prouffit du Duc , ny à sa cognoissance , ne venoit point tout l'argent qu'on exigeoit , non pas même la moitié , aulcuns recepveurs & aultres ne sçay quels officiers affamez qui estoient autour du Duc engloutissoient tout ; desquelles choses je ne certiffie rien , sinon que la renommée du peuple estoit telle , & m'en rapporte en ce quy en est.

C H A P I T R E I V .

Comment la ville de Bordeaulx & tout le pays de Bordelais furent remis en la main des Anglois.

L'AN mil quatre cent cinquante & deulx, le sieur de l'Esparre , aulcuns bourgeois & aultres habitans de la ville de Bordeaux , par le conseil des sieurs de Montferrand , de Rosand , de Lansac & de Anglades , trouverent moyen d'aller en Angleterre , & eulx arrivés audit pays , soubz coulleur qu'ils disoient que depuis qu'ils s'estoient mis en l'obéissance du Roy de France ils estoient travaillés d'aydes , subfides , tailles , gabelles & maltostes , que bonnement ils ne pouvoient plus souffrir , ils traiterent & se remirent en l'obéissance du Roy d'Angleterre.

Le Roy d'Angleterre fit assembler son Conseil , & y furent convoqués tous les Capitaines & Seigneurs du pays , là fut conclud d'envoyer le sieur de Tallebot au mois d'Octobre dans le pays de Bordelois ; après ce fait le sieur de Leparre & ses complices s'en revindrent , & le mois d'Octobre ensuivant , le sieur de Tallebot partit d'Angleterre le xvij^e. jour dudit mois accompagné de quatre à cinq mil combattans , ils prindrent deulx places petites pour loger partie de leurs gens ; Tallebot commença à faire courre ledit pays , pour le mettre en subjection , ce qui n'estoit pas difficile à faire , car il n'y avoit nulle résistance , vû que l'armée du Roy estoit retraicte , & n'y avoit demouré qu'une foible garnison. La venue de Tallebot semée par ceulx de Bordeaux , ils parlementerent les uns avec les aultres pour se remettre en la subjection des Anglois ; voullurent aucuns que les François estans en garnison dedans la ville , dont estoit Capitaine pour le Roy le sieur de Coeteivy Sénéchal de Guyennes , & le sieur du Puy-du-Fou , s'en allassent leurs corps & biens saufs ; d'autres allerent ouvrir une porte d'icelle ville , parquoy furent tous les François prins qui estoient dedans la ville , au moins la plus grande partie ; ces nouvelles venues au Roy de France , il fut moult dolent ,

& envoya pour cette cause hastivement les Marechaulx de France, Joachim Rohault & plusieurs aultres Capitaines, jusques au nombre de vj cents lances & les archiers & les coustilliers pour garder & renforcer les places allentour de Bordeaux. Comme le Comte de Clermont Lieutenant-Général esdites marches voioit estre expedient jusques à la saison d'esté ensuivant, que le Roy avoit intention d'y envoyer plus de monde : avant que les gens du Roy y fussent arrivés, de Tallebot, & les Barons de Bordelois meirent la pluspart dudit pays en l'obéissance du Roy d'Angleterre & par especial la ville & Chastel de Chastillon (a) en Perigord ; or ne pouvoit plus resister le Comte de Clermont fils aîné du Duc de Bourbon, quoiqu'il s'y gouvernat grandement & vaillamment.

(a) Ou Castillon.

Fin du Livre second.

MÉMOIRES

D E

JACQUES DU CLERCQ.

LIVRE TROISIEME.

CHAPITRE PREMIER.

Comment Charles vij^e. de ce nom , Roy de France , alla la dernière fois au Bourdelois pour reconquerir le pays , & de la prise de la ville de Chalais en Bourdelois , par les François , & du siège quy fut mis devant Chastillon.

AUDIT an mil iiii^e. liij. après que Charles vij^e. eut tout l'iver fait ses préparations pour reconquerir le pays de Guyennes & de Bourdelois , le second jour de Juin audit an , icelui Roy partit du champ de Lusignen , & alla à Saint-Jean d'Angely , & le douzieme jour dudit mois fut mis le siege devant Chalais en Bourdelois , par Messire Jacques de Chabannes , Grand Maître d'Hostel du Roy , & par le Comte de Penthievres , le sieur de Saint Se-

nere de Bouffac, & le dix-septieme jour ensuivant fut icelluy Chalais, prins d'affault par les sieurs deffusdits & aultres de leur compagnie, en nombre de quatre à cinq cents lances, & les Archiers & Guisarniers; il y avoit dedans la ville en garnison huit-vingts combattans, desquels à la prinse d'icelle ville furent tuez quatre-vingt, & les aultres se retirerent en une tour où ils furent certain espace de temps, attendans secours, lequel ne leur vint pas. Sy fallut se rendre à la volonté du Roy, tous furent decapitez, pour ce que auparavant avoient fait serment au Roy, & puis s'estoient retournés Anglois, le sieur de Anglade s'estoit parti de Bordeaux les cuidans venir secourir, mais en venant, il scut la prinse de la ville, pourquoy il s'en retourna hastivement; audit an liij le xiiij^e. jour du mois de Juillet, fut mis le siège par les François devant la ville de Castillon en Perigort, assis sur la rivière de Dordonne, occupée par les Anglois, & y fit mettre siège le sieur de Loheac, & le sieur de Jallonges (13), Marechal de France, & plusieurs aultres Chevaliers & Gens de guerre, jusques au nombre de seize à dix-huit cents hommes d'armes, & les archiers entre lesquels estoient les Gens du Comte du Maine, & les Gens du Comte de Nevers, que conduisoit

Messire Ferry de Grancy ; aussy estoient les Gens du Comte de Castres , fils du sieur de la Marche , Jean de Messignac , & Guillaume de Luzac , & les Gens du Comte de Bretaignes dont estoit chef le Comte d'Estampes , son nepveu , & pour lui les conduisoit le sieur de la Hunaudaye , & le sieur de Montauban , pour ce que ledit Comte estoit demouré vers le Roy , & là estoit la grosse & menue artillerie du Roy , dont avoit la charge Messire Jehan Bureau , & Gaspart Bureau son frere ; ils avoient en leur compagnie sept cents manouvriers , lesquels par ordonnance d'iceluy Messire Jehan Bureau & son frere , clorent hastivement ung camp de fossés , où estoit toute l'artillerie , & a donc fut mis le siège devant Castillon ; ce venu à la connoissance du sieur Tallebot , il partit incontinent de la ville de Bordeaux , accompagné de huit cents à mille Anglois de cheval , entre lesquels estoit son fils , le sieur de Lisle , le sieur Desmolins , & plusieurs aultres du Royaulme d'Angleterre , tant Chevaliers que Escuyers , & aussy du pays de Bordelois , & après venoit quatre à cinq mil Anglois de pied , & arriva iceluy Tallebot devant ledit siège (14), le mercredy xvij^e de Juillet , environ le point du jour.

C H A P I T R E I I .

De la rendition de la ville de Bordeaux assiégée , & de tout le pays de Bourdelois & de Guyennes.

LA ville de Bordeaux étant assiégée par le Roy de France, & les Anglois se voyant oppressez de toutes parts, & aiant faulte de vivres, toutes les places & forteresses du pays par force d'armes estant en l'obéissance du Roy de France, ils requièrent de avoir amiable composition, le Roy de France ouye leur requeste voulant toujours user de pitié & misericorde, comme il estoit coustumier de faire, considérant d'ailleurs que en son ost il avoit très-grande mortalité, fut content de traicter avec les Anglois par la maniere qu'il s'en fuit, & fut l'accord fait, c'est à scavoir; que la ville & Cité de Bourdeaux lui seroient rendus, & demoureroient tous les Habitans ses vrais & loyaux subjects, & feroient le serment de non jamais se rebeller contre la couronne de France, reconnoissant le Roy estre leur souverain Seigneur, & les Anglois eurent congé de eux en aller en leurs navires, au pays d'Angleterre, ou à Calais si bon leur sambloit; & pour ce

que aucuns des Seigneurs du pays & de la Cité avoient esté en Angleterre querir les Anglois, rompant leur foy & serment fait l'année précédente au Roy, lequel à grande force, peine & fraix les avoit conquis, furent bannies de Bordeaux vingt personnes, telles que plut au Roy de ceulx qui avoient esté querir iceulx Anglois, du nombre desquels fut le sieur de Duras, & le sieur de Lespere; & fut iceluy traité fait le xvij^e jour d'Octobre audit an cinquante trois. Messire Pierre de Beauveau, sieur de la Bessiere, mourut environ trois jours après la bataille de Chastillon, & aussi mourut Messire Jacques de Chabannes, grand Maistre d'Hostel du Roy, quy fut moult plaint, car il estoit vaillant Chevalier. La ville ainfty rendue au Roy, le Roy eut incontinent toutes les places de Bourdelois & de Guyenne, le pays fut délivré des Anglois. Le Roy commit pour le garder le Comte de Clermont, fils du Duc de Bourbon, & le feit son Lieutenant General, & y laissa avec luy Messire Theaudé de Valpergue. Maistre Jehan Bureau, Tresorier de France, demoura Maire de la Cité, & avec eulx delaisa plusieurs Gens d'Armes, Archiers & Arbalétriers pour la garde du pays dont il estoit besoin; ce fait en tout le Royaulme de France, n'y avoit ville ne forteresse, Ducs ne

Seigneurs qui n'obéissent au Roy, réservé les villes de Calais, Ham & Guines, lesquelles estoient au Roy d'Angleterre : & disoit-on que le Roy les fut allé conquérir, si elles n'eussent pas esté du Domaine & Comté d'Artois, laquelle Comté estoit au Duc de Bourgogne, & aussi qu'il n'y pouvoit venir sans passer par les pays d'iceluy Duc. Le Roy partit donc du pays de Bourdelois, & s'en retourna à Tours.

CHAPITRE III.

De la Sentence qui fut baillée contre Jacques Coeur, Argentier du Roy de France, lequel avoit esté fait prisonnier, & depuis eschappé de prison.

AU dessusdit an liij. par le Chancelier de France, en la présence du Roy de France, fut prononcée la Sentence de Jacques Coeur, Argentier d'iceluy Roy de France, lequel Jacques Coeur, estoit extrait de petite génération sans quelque noblesse ; en sa jeunesse, il se bouta en marchandise, & petit à petit multiplia tellement qu'il se mesloit de toutes marchandises, & devint sy puissant par tous les royaumes, qu'il expedioit, & même comme on disoit en Sarrazie, & avoit des Facteurs sans nombre par tous pays, lesquels avoient

avoient oncques veu , & pour la richesse & conduite de luy avoit fait le Roy de France , son Argentier ; iceluy Jacques Coeur , comme on disoit , avoit esté cause que le Roy de France avoit conquis la Duché de Normandie , par les grands deniers qu'il luy avoit presté & avancé , & avoit fait audit Roy maints prests : il estoit si riche qu'on disoit qu'il faisoit ferrer ses hacquenées & chevaux de fer d'argent. Il portoit en sa devise & livrée ces mots écrits à *Coeur vaillant, riens impossible* ; il avoit fait faire à Bourges en Berry , une maison la plus riche , de quoy on pouvoit parler : toute fois iceluy Roy Charles , l'an précédent cinquante-deux , sous ombre de certaines accusations de crime , que lui imposât la Demoiselle de Montagut (16) & aultres , l'avoit fait prendre , & tenir prison fermée , bien estroitement , de laquelle il eschappa par moyen qu'y feroit long à racompter ; il s'en alla à Rome , & ille&t se tenoit aussi honorablement , comme il faisoit en France ; car nonobstant que tout ce qu'il avoit en France , que on estimoit valoir ung million d'or , qui vault dix cents mil escus , le Roy avoit fait tout mettre en sa main , & n'en avoit riens , sy estoit-il encoires riche pour les grosses marchandises qu'il avoit hors du Royaulme.

C H A P I T R E I V .

Des grands subsides & aides que le Duc de Bourgogne demanda au pays d'Arthois , & ailleurs en ses pays , pour aller gueroyer les Turcs , & de plusieurs incidens.

A PRÈS que le Duc Philippes de Bourgogne eut esté reçu , festoyé & honoré en la ville d'Arras , ledit Duc assembla & manda les trois Estats de la Comté d'Arthois , ausquels trois Estats il requist , que affin de resister aux ennemis de la foy qu'ils voulsissent faire aide de six vingt mil couronnes d'or , les soixante-dix pesant huit onces , qui est le marc de Troie , de laquelle aide qu'il requist , lesdits trois Estats furent moultés bahis , car la Comté d'Arthois , en domaine , ne vaut au Comte d'Arthois que quatorze mil frans ; toutes fois , tant par crainte que par amour , on lui accorda & promit payer cinquante-six mil francs , moyennant qu'il ne leveroit point ledit argent , jusques a ce qu'il partit , & son armée avec luy , pour aller sur les Turcs , & aussi le Duc de foy-mesme le promit : après cela le Duc s'en alla en Flandres , Brabant , Haynault , & dans ses pays , où il requit aussi moult grandes & grosses aides pour

faire ledit voyage ; lesquelles en partie on lui accorda tant par crainte que par amour.

En cet an mil iijc. cinquante cinq , Mademoiselle de Villecler estoit très-bien en la grace du Roy & comme on disoit en faisoit le Roy ce qui lui plaisoit ; une jeune fille d'un Escuyer , nommé Anthoine de Rebreuves , demouroit en la Cité d'Arras , on la nommoit Blanche : cette fille avec la Dame de Jeuly estoit allée à la Cour du Roy ; or Blanche estoit bien la plus belle fille que on eut peu avoir , ne regardée ; icelle Damoiselle de Villecler sy tost qu'elle vit icelle fille , pria moult de l'avoir avec elle , mais la Dame de Jeuly luy respondit qu'elle la rameneroit ou renverroit à son pere , & que sans le congé de son pere , ne l'auroit pas , & aussi la ramena ; mais assez-tôt après par le gré & consentement de son pere , du sieur de Saucourt , oncle d'icelle Blanche , & du sieur de Jeuly , Jacques de Rebreuves , frere d'icelle Blanche , très-bel Escuyer , agié de vingt-sept ans ou environ , mena sa dite soeur Blanche , agiée de dix-huit ans , à la Cour du Roy , demourer avec icelle Damoiselle de Villecler , & fut ledit Jacques retenu Escuyer tranchant d'icelle Damoiselle , & pour vray icelle Damoiselle , tenoit grand estat , & plus grand que la Royne de France ,

& le vouloit ainſy le Roy. La Damoiſelle de Villecler eſtoit moult belle, & eſtoit mariée : elle eſtoit niepce d'une Damoiſelle qu'on appelloit la belle Agnès, laquelle avoit eſté totalement en la grace du Roy, & dit-on qu'icelle Agnès (17) mourut par poiſon, moult jeune, après laquelle icelle Damoiſelle de Villecler gouverna le Roy pareillement ou plus que ne fait avoit ſa tante. Elle avoit tousjours trois ou quatre filles ou Damoiſelles, les plus belles qu'elle pouvoit trouver, & qui ſuivoient le Roy par tout aux dépens du Roy; nonobſtant toutes ces choſes, & que le pere, frere, oncle, & le ſieur de Jeuly fuſſent avertis de tout ce que j'ai dit, ils y envoierent Blanche, laquelle au partir de l'oſtel de ſon pere, en la Cité d'Arras plouroit fort, & me fut aſſuré qu'elle diſoit qu'elle aimeroit mieux demourer avec ſon pere, & menger du pain & boire de l'eau; toute fois elle y alla; ſon pere l'y avoit envoyée par chicetée, afin qu'elle ne luy couſtât rien, ni ſon fils, nonobſtant qu'il fut très-riche homme, ayant de beaux héritaiges; & aſſez tôt après, que icelle Damoiſelle Blanche olt eſté un peu de tems avec ladite Damoiſelle de Villecler, la renommée publia qu'elle eſtoit auſſy très-bien en la compagnie du Roy, & pareillement que la Damoiſelle de Villecler.

CHAPITRE V.

Comment Loys Daulphin de Vienne aîné fils du Roy de France , vint à refuge , au Duc de Bourgongne , & eschappa des mains de ceulx qui le cachoient , & de plusieurs incidens.

EN mil iiijc. cinquante fix , le Roy Charles VII avoit envoyé secretement Messire Antoine de Chabanne , Comte de Dampmartin au pays de Viennois avec grand nombre de gens d'armes , pour prendre & amener devers luy son fils Louis Daulphin , à raison de causes que je ne scay pas au vray sinon que aucuns disoient qu'il avoit tellement taillé le pays du Dauphiné & mis au bas pour son entretien , sy que plus n'en pouvoit , & avec ce avoit totalement osté le temporel de ceulx de l'église , qu'ils n'avoient de leurs bénéfices que ce qu'il vouloit , & aucuns disoient aussy que ledit Daulphin avoit fait mourir une Damoiselle nommée la belle Agnès , laquelle estoit la plus belle femme du royaume , & totalement l'amour du Roy son pere ; après la mort de laquelle comme cy dessus ay dit , le Roy retint en sa Cour sa niepce nommée la Damoiselle de Villecler , auquel Gouvernement

le Daulphin avoit esté & estoit bien déplaisant, & pour cette cause s'estoit absenté du royaume de France plus de douze ans entiers, & s'estoit tenu au pays de Dauphiné, durant lequel temps il n'avoit eu deniers de son pere ni du royaume : ainſy luy avoit failly vivre du pays ; aultres auſſy diſoient que le Roy le vouloit retraire devers luy & luy donner estat comme il appartenoit, aultres encoires contoient que ſy le Roy son pere l'eut tenu, il l'eut mis en tel lieu que jamais on n'en eut ouy parler, deſquelles choſes je m'atens à ce qu'il en eſt. Mais toutefois le Daulphin ſçachant que le Roy son pere tendoit à le faire prendre ſecretement, fit appointer ung diſner en une foreſt pour ſe deſrober, il feignit d'y aller diſner & y faire une grande feſte : à icelle feſte le cuida prendre, le Comte de Dampmartin ; mais le Daulphin le jour qu'il devoit partir pour aller à la chaſſe, luy fixieme ou ſeptieme, deſlogea à cheval, & chevaucha vers les marches de Bourgongne ; & jaçoit ſitot que l'on ſceut ſon département il fut ſuivi du Comte de Dampmartin, de ſy près que on ne pourroit plus ; toutefois, il leur eſchappa & vint à Saint-Claude en Bourgongne ; il y fut receu honorablement par le Prince d'Orange, qu'au paravant le Daulphin avoit moult hay pour aucunes des trouſſes que

ledit Prince. & le Mareſchal de Bourgongne avoient fait ſur les gens du Roy. Toutefois luy eſtant avec le Prince, il manda le Mareſchal de Bourgongne, & le pria de mener le devers le Duc de Bourgongne, lequel Mareſchal vint bien accompagné de gens de guerre, convia & amena le Daulphin vers le Duc de Bourgongne. Il arriva environ le mois de Septembre l'an deſſus dit cinquante fix à Louvain en Brabant, & à Bruxelles où le Duc de Bourgongne eſtoit, lequel Duc quand il ſçut ſa venue alla allencontre de luy & le receut comme aiſné fils du Roy de France; il lui donna pour entretenir ſon eſtat, deux mil couronnes d'or par mois, les ſoixante dix couronnes peſant le marc de huit onces; il le pria d'élire pour ſa demeure telle place qu'il luy plairoit prendre en ſes pays. Le Daulphin choiſit une fortereſſe en Brabant nommée Genappe, laquelle eſtoit à quatre lieues de Bruxelles, & depuis cette heure fut le Mareſchal de Bourgongne totalement en la grace du Daulphin.

C H A P I T R E VI.

*Comment le Duc de Bourgogne se courrouça
à Charles, son fils, & comment depuis le
Daulphin fit leur paix, & d'autres incidens.*

L'AN dessus dit mil iiij^e. cinquante fix le dix-sept de Février, Monsieur le Daulphin, le Duc de Bourgogne & Charles son fils estans en la ville de Bruxelles meult parolle entre le sieur de Sempy aîné fils de Messire Jehan de Croy, Bailly de Haynault, & le sieur Damery fils du Chancelier de Bourgogne, lesquels estoient Chambellans d'iceluy Charles Comte de Charolois seul fils du Duc de Bourgogne; la raison fut pour ce que chacun des deux contendoit en l'absence du sieur Daussy, lequel estoit premier Chambellan du Comte de Charollois estre le premier après luy, & tant que ce bruit vint à la connoissance du Duc de Bourgogne, lequel manda son fils & ordonna que le sieur de Sempy fut le premier; le Comte respondit au Duc son pere que jamais ceulx de Croy ne le gouverneroient ainsy qu'ils le avoient gouverné, pour lesquelles parolles le Duc se courrouça sy fort contre son fils qu'il lui fit commandement de sortir de ses Etats: il tira

une dague qu'il portoit & le en eut feru s'il ne se en fut fuy ; car il en fit tout son pouvoir, & après qu'il fut party jaçoit ce qu'il fut près de la nuit ; le Duc manda ung cheval & monta dessus : nonobstant qu'il plut fort, il partit tout seul de Bruxelles, & comme homme troublé, s'en alloit ne luy en chaloit où (a) : la nuit venue il se trouva en un bois où il se perdit, & fallut qu'il couchat en la maison d'un pauvre homme, lequel pauvre homme le conduisit jusques à Genappe ; à ce pauvre homme il donna huit pieces d'or, & combien qu'on ne sçavoit ou il estoit allé, toutefois il fut incontinent suivy de ses gens, & tant qu'on le trouva : il s'en revint à Bruxelles.

Et le xxj^e. jour dudit mois de Janvier à la requeste de Monsieur le Daulphin, de l'Evesque de Liege, nepveu du Duc, de la femme d'iceluy Comte de Charollois, de l'Evesque d'Utrecht, & de la Duchesse de Bourgogne ; le Duc pardonna à son fils son maltalent ; mais pourtant que son fils avoit esté comme on disoit induit par aucuns ses serviteurs d'agir contre la volonté de son pere ; le Duc fit bannir de tous ses pays deux des principaux, le premier appellé Guillaulme Visse Maistre de sa chambre, lequel ne avoit gueres de temps estoit arrivé

(a) Sans s'embarraffer où.

pauvre valetton , & avoit premier servy Martin Cornille , Receveur-général & Garde des chevaux , & de la servit ledit Comte de Charrolois ; le second fut ung Escuyer natif du pays de Bourgongne , nommé Guyot Duify.

Environ ce temps , Monsieur le Daulphin , & le Comte de Charrolois s'en allerent à la chasse , en laquelle le Daulphin se perdit luy troisieme en un bois , & pareillement se perdit le Comte , & quant vint sur le soir , le Comte cuidant que iceluy Daulphin fut retourné s'en retourna à Bruxelles , & sitôt qu'il fust descendu alla veoir son pere , lequel lui demanda ou estoit Monsieur le Daulphin , il respondit qu'il ne savoit & qu'il cuidoit qu'il fut revenu devant luy ; lors le Duc se courrouça , & luy commanda que pressément s'en allat vers luy & ne retournat jusques à ce qu'il l'eust retrouvé , ce que le Comte fit , & y alla : le Duc fit monter gens à cheval , & avec torfes ardantes pour le querir , lesquels'étoitjà porté à huit grosses lieues de Bruxelles , & n'euiſt esté ung paysan auquel il donna une piece d'or quy le guida tant qu'ils trouverent le Comte de Charrollois & aultres quy le ramenerent à Bruxelles vers le Duc , lequel Duc fit venir vers luy celuy quy l'avoit conduit ; il luy donna ung beau présent.

En ce temps, dame Yfabeau Duchesse de Bourgogne, & fille du Roy de Portugal, fit une Religion de Grises sœurs de l'Ordre Saint-François mendiants, en Flandres en ung lieu nommé la Motte-au-Bois, ès-bois de Nieppe, & illecq s'alla tenir menant une vie de dévotion, & disoit on qu'elle estoit mal avec le Duc son mary, à cause du discord quy avoit esté entre le fils & le pere, & cuidoit le Duc que ce eust esté par elle, pourquoy il ne vouloit luy parler.

En celuy temps ung Pelletier nommé Jean Pinte, mourut le vingt-septieme jour du mois de Juin audit an cinquante-sept, & le lendemain matin ainſy que Jean Pinte fut mis en terre, sa femme qui estoit jeune femme de trente-quatre ans ou environ, fiança & épousa ce propre jour ung nommé Willeret de Nœuville, Pelletier aussy de l'aige de vingt ans ou environ, & la nuit ensueuvant coucha avec son dit second mary. Je mets ce par escrit pourtant que comme je crois on n'a veu peu de femme qui se soit pluſtôt remariée, combien que en aulcune maniere on la pourroit excuser; car en ce temps par-tout le pays du Duc de Bourgogne, ſytoſt qu'il advenoit que aucun marchand, laboureur & aucune fois bourgeois d'une bonne ville, ou Officier trespaiſſoit,

s'il estoit riche, ou s'il délaissoit femme riche, le Duc, son fils ou aultres de leurs gens vouloient marier lesdites veuves à leurs archiers, & à leurs serviteurs: il falloit que lesdites veuves si elles se vouloient marier, qu'elles prinssent ceux que lesdits sieurs leur vouloient bailler; ou donnassent de l'argent soit à ceux qui les vouloient avoir, soit à ceux qui gouvernoient les Seigneurs, & aulcune fois au Seigneur même, encoires estoient ce les plus heureuses, celles quy par force d'amis & d'argent en pouvoient estre délivrées; car le plus souvent de gré ou non, sy elles songeoient à mariage, il falloit prendre ceulx que leurs Seigneurs leurs bailloient, & pareillement quand ung homme estoit riche, avoit-il fille à marier, s'il ne la marioit bien jeune, il estoit travaillé comme ay dit cy-dessus.

CHAPITRE VII.

Comment le Comte de Saint-Paul vint devers Philippes, Duc de Bourgogne, pour cuider avoir la main levée de sa terre d'Enghien; & comment le Duc en la presence dudit Comte, luy fits proposer plusieurs crimes par lui faits, & de la reponse dudit Comte, & d'aultres choses.

COMME en l'an précédent cinquante-six, Philippes Duc de Bourgogne eut fait mettre en sa main la terre d'Enghien, appartenant au Comte de Saint-Paul, laquelle terre est hors du Royaulme de France; jaçoit pourtant que le Comte avoit plusieurs grandes terres & Seigneuries enclavées es pays du Duc qu'il tenoit du Royaulme; or le Duc n'avoit touchié que à la terre d'Enghien; le Comte desirant d'avoir main levée de sa dite terre, ou sçavoir pourquoy le Duc l'avoit mise en sa main, & en recevoit les prouffits; il envoya prier & requerir au Duc qu'il luy pleust luy bailler ung sauf-conduit, afin qu'il peult venir vers luy, & sçavoir pourquoy il avoit prins sa terre, lequel sauf-conduit le Duc ne voulut bailler ni envoyer de prime face, sy ledit Comte ne se déclaroit son ennemy, mais s'il le faisoit que

très-volontiers le luy envoyroit; à quoy fut respondu par le Comte qu'il ne se déclaroit point son ennemy, mais son hvmble subiect, & que pour doute de son ire, il n'oseroit venir devers luy sans faulx-conduit; à la par fin, le Duc luy en envoya ung, & dès que le Comte l'eut, il vint accompagné du sieur de Doffemon, du sieur de Jeuiy, du sieur de Hapelaincourt & aultres Chevaliers, jusques au nombre de vingt-quatre ou plus, avec deux Advocats de Parlement, aultres gens de Conseil, & Escuyers jusques au nombre de deux cents chevaux. Environ le 15 Septembre il arriva en la ville de Bruxelles, ou estoit le Duc: le seizieme dudit mois, il se rendit en son hostel à Bruxelles; & là devant tous ceux qui y devoient estre, fut dit & remonstré au Comte, par le Conseil du Duc, (le Duc présent), comme il estoit bien tenu à luy, puisque tous les biens qu'il avoit, venoient la pluspart ou de luy ou de ses prédécesseurs; car par les prédécesseurs dudit Duc, avoit esté envoyé querir le pere du Comte avec ses deux freres au pays de Luxembourg, lesquels on ravoit apportés petits enfans en *hottes*: depuis par le moyen dudit Duc avoient eu sous luy & ailleurs les Seigneuries que chacun sçavoit, c'est à sçavoir son pere nommé Pierre de Luxembourg, le Comté de Saint-Paul, la Sei-

gneurie d'Enghien , & aultres grandes terres ; son oncle , Messire Jean de Luxembourg , le Comté de Lignes , & plusieurs aultres grandes terres , & sy le avoit fait Capitaine de la Comté d'Artois , & son second oncle Cardinal de Rouen ; que s'il avoit mis sa terre d'Enghien en sa main , c'estoit pour certains homicides occultz & aultres crimes , que le Comte avoit fait ou fait faire , lesquelles choses on luy déduisit : dura cette déclaration bien l'espace de trois heures , on luy ajouta qu'il n'estoit point venu vers le Duc comme son subject & vassal , ain sy estoit arrivé l'espée au poing , accompagné comme ci-dessus est dit , & avec saulff-conduit ; le Comte respondit que au regard du saulff-conduit , il ne l'avoit pas prins comme ennemy du Duc , que s'il n'eut craint que luy , il le sentoit sy sage & sy prudent , que par-tout il iroit à sa volonté ; mais certaines gens en sa Cour l'enflammoient devers luy , & ne l'aimoient pas : pourquoy doutant l'ire de son Prince , il n'eut paru sans saulff-conduit ; il requist au surplus au Duc de parler à luy en particulier , pour s'excuser des crimes qu'on luy imputoit. Sa demande luy fut accordée : toutefois quelque excusation qu'il fit , tant par sa bouche que par la bouche de M. Jean de Poupecourt (a) Advo-

(a) Popincourt.

cat en Parlement, la main du Duc ne fut pas levée de sa terre d'Enghien, & partit le Comte sans rien faire ; la cause principale entre plusieurs aultres, pourquoy on présuinoit que le Duc n'estoit pas content du Comte, estoit que le Comte aiant plusieurs enfans tant fils comme filles, avoit donné en mariage au fils aîné du sieur de Croy une de ses filles, laquelle avoit esté dix ans en la main dudit sieur de Croy, parceque la fille estoit trop jeune, & le fils du Seigneur de Croy aussi : mais en iceluy temps furent assez agiés. Pourquoy le sieur de Croy avoit fait les nopces de son fils & de ladite fille à Noel l'an précédent, & les avoit fait couchier ensemble ; or les nopces s'estoient faites contre la volonté du Comte : il n'y avoit point esté, ains y avoit envoyé son fils aîné secrettement accompagné de gens de guerre pour ramener en son hostel sa fille, mais le sieur de Croy en fut adverti à tems : s'en retourna donc le fils du sieur de Croy sans rien faire. Et fut consommé ledit mariage ; après cela le sieur de Croy voulut que le Comte payât le mariage de sa fille, ce que le Comte refusa : toutefois touchant toutes ces choses ne fut rien dit par le Duc quand il déclara au Comte les causes qui l'avoient mu à prendre ses terres.

CHAPITRE

CHAPITRE VIII.

Comment Baudechon Mallet, fut décapité en la ville de Lille, pour avoir forcé une jeune femme.

AUDIT an Baudechon Mallet & son frere Maistre de la Chambre des Comptes de Philippes Duc de Bourgogne à Lille, furent prins en ladite ville pour avoir forcé une jeune femme aimée d'ung compaignon; le dit Baudechon avoit fait la force, pourquoy il fut mené au Château de Lille, & là tant pour ledit cas que pour aultres; comme d'avoir tué ung sergent en ladite ville, par le commandement de Charles Comte de Charrolois, il fut décapité; mais Baudechon ne se vouloit agenouiller & ne vouloit souffrir qu'on le décapitast: quant le bourel veit ce, (ledit Baudechon estant droit,) d'ung revers de l'espée pardevant par la gorge, il luy envoya la teste sur les épaules, ce qu'on n'avoit oncques veu faire.

Audit an aussy, environ le Carefme & après Pasques, l'an mil iiijc. cinquante-huit, grande multitude d'Alemans & des Brabançons & d'aultres pays, tant hommes que femmes & enfans en très-grand nombre par plusieurs fois

passèrent par le pays d'Artois, & les pays d'environ & alloient en pèlerinages au Mont-Saint-Micquel, & disoient que c'estoit par miracles que monsieur Saint-Micquel avoit fait en leur pays; entre aultres choses ils racomptotent que ung homme mourut soudainement en battant son enfant; pour ce que l'enfant vouloit aller au Mont-Saint-Micquel: ils disoient que monsieur Saint-Micquel le avoit fait mourir; aulcuns disoient aussy que communément cette volonté leur venoit & ne sçavoient pourquoy sinon que nullement ne pouroient avoir repos, par nuit, qu'ils n'eussent volonté de aller visiter le saint lieu du Mont-Saint-Micquel, & en y passa des milliers par plusieurs fois.

CHAPITRE IX.

*De la venue de la femme du Comte de Ne-
ver à Lille devers Philippes, Duc de Bour-
gongne, & de la feste que on luy fist, & d'aul-
tres choses.*

LEquinzieme jour d'Aoust audit an mille quatre cent lviii. Philippes Duc de Bourgongne, estant en la ville de Lille, Charles Comte de Charolois, Charles Comte de Nevers, Adolphe de Cleves, & plusieurs aultres Princes & Seigneurs monterent

à cheval, & allerent à l'encontre de la femme de Charles Comte de Nevers, laquelle estoit fille du sieur d'Albret en Auvergne, & venoit veoir le Duc : ils le rencontrerent environ à une lieue près de la ville, & l'amenoit Jean Comte d'Estampes frere du Comte de Nevers : l'honneur que le Duc fit à ladite Dame, les esbatemens, belles compagnies, & mysteres que ceulx de la ville firent à l'entrée de ladite Dame, seroit chose longue à racompter, s'y m'en tairay ; mais elle venue en ladite ville, elle vint à l'hostel dudit Comte d'Estampes, & dessendit le Duc de son cheval pour se mettre près de la haquenée, sur quoy elle estoit : puis il la mena en sa chambre, & durant toute la nuit on joua jeux de personages devant son hostel ; le lendemain, Messire Philippe de La laing, Chevalier, fit une joustte de sept courses de lances contre tous venans ; & le Samedy ce fut Adolf de Cleves ; Dimanche, Charles, fils dudit Duc Antoine, Bastard de Bourgogne, son frere ; en nombre de vingt, ils tournoierent contre vingt aultres, desquels estoient Messire Philippes Pot, Philippes de Bourbon, le Bastard de Brabant, Adolf de Cleves, & plusieurs aultres grands Seigneurs ; ainsy fut ladite Dame festiée dix jours durant, & le xj^e jour elle partit de ladite ville pour aller à Aigle-

Monflier, où eftoit la Comteffe d'Estampes , fa belle fœur ; la renvoia le Duc & ledit Adolf avec luy , luy vj^e. chacun ayant fa lance devers luy ; à un quart de lieue près ladite ville , vindrent à l'encontre defdites Dames , Charles , Comte de Charolois fils dudit Duc, eux fixiefmes ; lesquels demanderent à Adolf quy il eftoit , & ou il menoit ces Dames : celui-cy leur répondit qu'il ne leur chaulfit , & qu'ils les laiffaffent paffer leur chemin. Lors ledit Charles , Comte de Charolois , luy & fes gens , & ledit Adolf pareillement rompirent chacun leurs lances , puis faifirent leurs épées , lesquels eftoient rabattues , & tournans comme en ung tournois , ils fe battirent tant & fi bien que chacun en fut esbahy & réjouy ; enfuite , ils osterent leurs heaulmes , vindrent aux Dames , & les mirent en un bel hofitel affez près dudit pont qui appartenoit au fils de M^r. Betremy , jadis Maître de la Chambre des Comptes dudit Duc , auquel lieu le Comte de Charolois avoit fait appointer ung moult riche menger ; & après menger , chanterent & danferent ; & après , les Dames remonterent à cheval ; la print congié le Duc des Dames , & s'en retourna à Lille , & les Dames & ledit Comte de Nevers , & le Comte d'Estampes à Aigle Monflier.

Environ ce temps , le xxvj^e d'Aouft envi-

ron , Willaume de Chelers , & sept compagnons prindrent en plain champ une jeune fille , laquelle amassoit avelne avec sa mere & sa soeur , ils battirent la mere & la soeur tellement , que la mere fut en péril de mort ; ils emmenerent ladite fille , & trois jours après , vindrent à la feste audit Chelers avec la fille , laquelle disoit que c'étoit de son bon gré qu'ils l'avoient emmenée : combien que les amis de la fille s'en allassent plaindre au sieur de Griencourt , qui estoit à Arras devers le Duc , il ne s'en bougea.

A verité dire , en ce temps on faisoit sy peu de justice ; pourquoy on faisoit tant d'occisions & de larcins sans nombre , & ny avoit pas homme de peu , laboureur , marchand ny aultres quy osassent aller par les champs , sans porter ung espieu , hache ou aultre baston , à cause des mauvais garçons : il sembloit que chacun fut homme de guerre ; & quant les mauvais du pays avoient desrobé aulcuns de nuit , on disoit que c'estoit ceulx de la garnison de Calais , & tout ce , se faisoit par faulte de justice.

Fin du Livre troisieme.

M É M O I R E S

D E

JACQUES DU CLERCQ.

LIVRE QUATRIEME.

CHAPITRE PREMIER.

Comment Charles, Roi de France, envoya en Ambassade devers le Duc de Bourgogne, le Cardinal de Constance & aultres gens de son Conseil; de la proposition que le Cardinal feit, & comment le Duc luy repondit de luy mesme.

EN ce temps, le xx^e jour de Decembre 1456, en ladite ville de Bruxelles, arriva ung Ambassadeur, envoyé de par Charles, Roy de France, devers le Duc de Bourgogne : estoit chef de ladite ambassade, le Cardinal de Constance, & aultres Gens de la Court du Roy; & le lendemain xxj^e jour dudit mois, eut ladite ambassade audience publiquement; là proposa ledit Cardinal ce dont il estoit chargé devant le Duc : sa proposition dura deulx heures

ou plus; entre aultres choses, il dit qu'il y avoit deux choses, pourquoi le Roy de France n'estoit pas du Duc bien content, & lui en déplaisoit; la premiere estoit, que le Duc avoit sescduit son aîné fils, nommé Loys, Daulphin de Vianne, de venir vers luy, lequel il soustenoit en ses pays contre le gré & la volonté du Roy, quoique le Roy plusieurs fois l'eut requis de le lui renvoyer: la seconde chose estoit que le Duc avoit print trefves avec les Anglois; ce que faire ne devoit par l'accord & traité qu'ils avoient ensemble; qu'il souffroit les Anglois de Calais passer par ses pays, & aller en France, rober & prendre prisonniers les Gens de France & des pays du Roy; & que fystoit qu'ils estoient rentrés au pays du Duc, ils estoient aussi assurés que s'ils fussent en Angleterre; il dit encoires, que le Roy luy avoit commandé de bailler les choses dessusdites par escript, & par articles, lesquelles il présenta au Duc, qui de lui mesme, & sans prendre conseil, prestement respondit; qu'à l'égard de Monsieur Loys aîné, fils du Roy, lequel s'estoit restraît devers lui, il n'en estoit pas ainsy que le Roy luy mandoit, ny que le Cardinal avoit dict; car il n'avoit point sescduit & enhorté ledit Monsieur Loys de venir devers luy; mais y estoit venu à garand & saulveté

pour le doubte du Roy son pere; lequel Monsieur Loys il avoit reçu pour l'honneur du Roy, & l'avoit soustenu de ses biens au mieulx qu'il avoit peu, & non pas tant qu'il voudroit bien, & appartiendrait au dit Monsieur Loys; qu'il vouloit bien, que chacun sceut, que tant qu'il plairoit audit Monsieur Loys, se tenir en ses pays, il ne luy fauldroit pas; que tant qu'il auroit ung denier, il en auroit la moitié; qu'il ne luy deffendoit pas de retourner devers son pere le Roy; ains estoit prest toute fois qu'il plairoit audit Monsieur Loys, de le faire conduire jusques au Roy son pere par son fils, le Comte de Charolois, ou luy mesme sy besoin estoit. Que par ain sy apparoissoit clairement, que ce n'estoit point par luy que ledit Monsieur Loys ne retournoit vers son pere le Roy; comme aussy ne le contraindroit pas d'y aller s'il ne vouloit; dit encoires le Duc pour respondre au second point, que au regard des Anglois qui couroient par ses pays, & par le pays de France, ce n'estoit pas par luy, & n'en pouvoit mais, & que chacun pouvoit sçavoir comment il faisoit garder les frontieres d'entour Calais; & encoires de nouveau depuis ung an avoit bien refforcé les garnisons, & que mesmes lesdits Anglois couroient par ses pays, & y faisoient

beaucoup de maulx, & si n'en pouvoit avoir aultre chose sinon, quant on les pouvoit prendre, il les faisoit pendre ou exécuter par justice.

CHAPITRE II.

D'une femme nommée Demiselle, laquelle fut prinse en la ville de Douay, comme Vauldoise, & amenée prisonniere en la Cité d'Arras, es prisons de l'Evesque; laquelle raccusa ung appellé Jehanh Lavite, dit Abbé de peu de sens. Et comment aussy ledit Abbé fut prins, & les morgues qu'ils tindrent, quant ils furent prins, & aultres incidens.

ENVIRON le jour de tous les Saints, l'an iiij^e. cinquante neuf, fut prinse en la ville de Douay, une jeusne femme de l'age de xxx à quarante ans, nommée Demiselle, femme de folle vie, & fut prinse à la requeste de l'Inquisiteur (19) de foy, demourant à Arras, nommé frere Pierre le Brouffart, Jacobin, Maistre en théologie; laquelle Demiselle sytost qu'elle fut prinse, fut menée devant aucuns Eschevins & hommes de loy de ladite ville de Douay; elle demanda ce qu'on lui vouloit; on luy respondit qu'on luy diroit en temps &

lieu, & aultres choses ne fut respondu, sinon qu'on luy demanda par maniere de raillerie, sy elle ne connoissoit point ung Hermitte nommé Robinet de Vaulx, laquelle aussytôt qu'elle ouy ce, elle dit, & *que chechy (a) ! cuide ton que je sois vauldoise !* après qu'elle eut esté remonstrée à la loy de Douay, fut amenée prisonniere en la Cité d'Arras, es prisons de l'Evesque ; & la cause pourquoy icelle Demiselle fut prinse, estoit que l'Inquisiteur de la Foy avoit esté au Chapitre général, que les Freres Prescheurs font tous les ans, lequel s'estoit tenu à Langres en Bourgogne, durant lequel Chapitre avoit esté ards comme Vauldois, ung nommé Robinet de Vaulx, né en Artois, qui se contenoit comme ung Hermitte, & avoit déclaré que plusieurs personnes, hommes & femmes, estoient Vauldois ; & entre les aultres avoit nommé icelle Demiselle, demeurant à Douay, & Jehan Lavite, dit Abbé de peu de sens. Voila pourquoy ledit Inquisiteur, quand il fut revenu dudit Chapitre, feit prendre Demiselle : elle fut interrogée, & par plusieurs fois mise à la torture par devant les Vicaires dudit Evesque ; avecq eulx se boutta à interroger ladite Demiselle, Maistre

(a) Exclamation du patois Arthésien, qui veut dire : *qu'est-ce que cela ?*

Jacques Dubois, Docteur en Théologie, auffi Chanoine, & Doyen en l'Eglise d'Arras, de l'age de xxxiiij ou trente cinq ans, & fut iceluy Maistre Jacques quy prist le plus de peine à interroger Demiselle sur le fait de Vauderie : après avoir esté par plusieurs fois mise à la gehenne & torture, elle confessa avoir esté en vauderie où elle y avoit veu plusieurs personnes, & entre les aultres ledit Maistre Jehan Lavite, Abbé de peu de sens, qui estoit peintre, & demouroit à Arras; elle ajouta, ne sçavoir alors où il estoit. L'Inquisiteur feit tant qu'il sceut qu'il demouroit à Abbeville, en Ponthieu, en laquelle ville ledit Inquisiteur alla, & le feit prendre prisonnier, & amener le xxv^e. jour de Febvrier audit an, en la Cité d'Arras, ès prisons de l'Evesque : l'Abbé de peu de sens, aussytôt qu'il fut mis ès prisons, pour doubte qu'il ne confessat chose qui ne pust lui nuire, se couppa la langue d'ung canivet; mais quant il sentit la douleur, il ne la couppa point tout oultre, & ne se feit que bleffer, mais si fort qu'il fut long-temps sans pouvoir parler : pour ce, on ne laissa point de l'interroger par la gehenne, & aultrement, car il sçavoit bien escrire, & mettoit sa confession par escript. Iceluy Abbé de peu de sens, confessa d'avoir esté en vauderie, & y avoir veu moult de gens,

lesquels il nomma par nom & furnom , & gens de tous états , nobles , bourgeois , gens d'Eglise & aultres hommes & femmes , & entre aultres ung nommé Huguet Camery , dit Patre-nostre , Barbier , Jehan le Fevre , Sergent d'Eschevins d'Arras , Jeanne Dauvergne , Dame des noeuvres Estimes d'Arras , & trois filles de joye , l'une nommée Belotte , l'autre Vergengen , & la troisieme Blancqminette , pourquoy lesdits Huguet , Jehan le Fevre , & les femmes susdites furent prinſes , & mises ès prisons de l'Evesque , en ladite Cité d'Arras ; ces choses ainſy faites , quand les Vicaires veirent que les choses montoient de plus en plus , ils furent tous delibérés de laisser aller ces gens prins comme vauldois & vauldoises sans nulle punition ; de fait ils les eussent laissé aller environ la feste de Pasques , quand M^e. Jacques Dubois , Docteur en Théologie , & Doyen de l'Eglise Nostre Dame d'Arras , se vint opposer à leur delivrance , & se rendit partie contre eux : à lui se joignit frere Jehan , Evesque de Barut , Frere mineur , Docteur en Théologie , & Suffragant de l'Evesque d'Arras ; & après ce , ledit Doyen alla à Peronne , devant Jehan , Comte d'Estampes ; & fut le conducteur dudit Doyen pour lui faire accès auprès du Comte , & pour lui tenir compagnie , ung appelé

Jehan de Meurchin, qui estoit aveugle : sy-tost que le Doyen eut parlé au Comte, ce Seigneur vint à Arras, demanda les Vicaires, leur ordonna qu'ils feissent leur devoir desdites personnes prinſes, ou qu'aultrement il s'en prendroit à eulx-mêmes, puis s'en retourna à Peronne.

CHAPITRE III.

Comme la susdite Demifelle, l'une cinquiesme des femmes, l'Abbé de peu de sens, & Jehan le Fevre furent mis & preschiez publiquement, puis rendus à la Justice Layc, & ards leurs corps ramenez en pouldre comme Vauldois ; la maniere comme ils alloient à la vauderie, & quelles choses ils faisoient quand ils y estoient. Comme il fut dit publiquement, & comme ils se dedisoient tous à la mort.

COMME cy-dessus j'ay dict furent prins lesdites Demifelle, l'Abbé de peu de sens, & aultres : lesquels interrogiez par gehenne ou aultrement confesserent, c'est à sçavoir ladite Demifelle, ledit Abbé, Jehenne d'Auvergne, Bellotte, Vergengen & Blancqminette avoir esté en vauderie & y avoir veu moult d'hommes, de femmes, & gens de tous états riches &

pauvres; & tant que sans nombre comme on disoit, après lesquelles confessions, les Vicaires de l'Evesque envoyerent à Cambray pour avoir conseil de ce qu'ils avoient à faire à ung nommé Gilles Carlier, Docteur en Théologie, âgé de lxxij. ans au plus, Doyen de l'Eglise Notre-Dame de Cambray, & ung des Notables Clercs, quy fut en chrestieneté comme on disoit, & à Maître Grégoire Nicollay, Chanoine & Official de l'Evesque de Cambray, très-noble Clercq comme on disoit, lesquels Notables Clercs, ladite confession veue des prisonniers, renvoyerent leur opinion par escript aux Vicaires, & nonobstant que ne veis pas ladite opinion, toutefois on disoit que l'opinion desdits Clercs estoit, que s'ils vouloient rappeler pour la premiere fois ils n'en devoient pas mourir, au cas qu'ils n'eussent commis nuls meurdres, ny mal usé du Corps de Nostre-Seigneur Jesus-Christ, c'est à sçavoir, du sacrement de l'Autel; contre cette opinion lesdits Evesque de Barut, Suffragant de l'Evesque d'Arras, & Maître Jacques Dubois, Doyen de l'Eglise Nostre-Dame d'Arras, furent totalement; car leur opinion estoit que tous ceulx quy avoient esté à la vauderie, & qui l'avoient confessé debvoient mourir, & ceulx quy estoient accusez d'eulx, suppo-

sez même qu'ils ne Pavouassent point par gehenne, moyennant toutefois qu'ils aient trois ou quatre tésmoins contre eulx, & sy faisoient iceulx Doyen & Evesque moult grande diligence, afin qu'ils fussent ards : icelluy Doyen disoit & certiffioit en toutes compagnies ou il estoit, & sçay bien que je luy ouis dire que le tiers de chrestienté & plus avoient estez en ladite vaulderie, qu'il sçavoit telle chose, dont il ne pouvoit parler, & que s'il le pouvoit, on en feroit moult esbahy ; il disoit encore que tous ceulx quy estoient accusés d'estre Vauldois l'estoient, & qu'on n'en pouvoit accuser nul qui ne le fut. Suivant luy on debvoit prendre iceulx comme suspects d'estre Vauldois, & que quand ce viendrait à la mort ils rappelleroient tout ce que le diable leur faisoit faire, afin qu'ils fussent damnez. En toutes ces choses le soustenoit & confortoit l'Evesque de Barut ; il ajoustoit qu'il croyoit qu'il y avoit des Evesques, voire des Cardinaulx qui avoient esté en ladite vaulderie, & qu'il y en avoit tant que s'ils pouvoient avoir quelque Roy, ou grand Prince de leur compagnie, ils s'esleveroient contre tous ceulx qui ne seroient pas de leur compagnie ; cet Evesque avant qu'il le fut avoit esté Pénitentier du Pape à Rome, durant l'an des pardons, à sçavoir l'an

mil iiij^e. & l. pourquoy on disoit qu'il pouvoit
sçavoir moult de choses, & avoit icelluy Evef-
que une telle magination, que quand il voyoit
les gens, il disoit & jugeoit s'ils avoient esté
en vaulderie ou non ; luy & le Doyen souste-
noient que aussytost qu'un homme estoit prins
ou accusé pour vaulderie, nul ne debvoit l'aider
ny secourir, fut pere, mere, frere, sœur, ou
quelque autre prochain parent, sur paine d'estre
prins comme Vauldois ; tant ils feirent qu'on
prist encoires comme accusé dudit crime ung
nommé Jeunin du Bœury, Marchand de bois,
à marier de l'âge de 40 ans, & feirent de re-
chief rescripre par le Comte d'Estampes,
aux Vicaires de l'Evesque d'Arras, qu'ils abre-
geassent les procès des prisonniers : pourquoy
lesdits Vicaires usant du conseil de l'Evesque
de Barut, & du Doyen d'Arras, assemblerent
tous les Clercs de ladite ville d'Arras, Laïcs
& aultres : ausquels Clercs ils monstrent les
dépositions du procès ; après quoy veu les opi-
nions desdits Clercs, dites le lendemain ix^e.
jour de May, en la maison Episcopalle sur
un hault hourcq, fait pour cette cause, furent
amenez lesdits Abbé de peu de sens, Demi-
selle & les aultres ; & la furent mitrez d'une
mitre où estoit peinte la figure du diable, en
telle maniere qu'ils avoient confessés luy avoir
fait

fait hommage, & eulx à genoulx, par Maître Pierre le Brouffart, Docteur en Théologie, Jacobin & Inquisiteur de la foy chrestienne, furent preschiés publiquement, & y avoit tant de gens, que c'estoit merveille; il y en avoit de tous les villaiges d'entour d'Arras & de par douze lieues aux environs. Or déclara l'Inquisiteur que les cy-dessus nommez avoient esté en vaulderie, en la maniere qui suit.

Que quand ils vouloient aller en ladite vaulderie ils se oingnoient d'ung oingnement que le Diable leur avoit baillé; ils en frottoient une verge de bois bien petite, & des palmes en leurs mains, mettoient icelle verguette entre leurs jambes, s'envoloient où ils vouloient, & les portoit le Diable au lieu ou ils debvoient faire ladite asssemblée; en ce lieu ils trouvoient les tables mises chargiées de vins & de viandes, & ung Diable en forme de boucq, à queue de finge, & aulcune forme d'homme; là faisoient oblation & hommage audit Diable, & l'adoroient, & luy donnoient aulcuns leurs ames, ou dumoings quelque chose de leurs corps; puis baisoient le Diable en forme de boucq au derriere, avec candeilles (a) ardentes en leurs mains; & estoit ledit Abbé de peu de sens, le maître qui leurs faisoit faire hommage quand

(a) Chandelles.

ils estoient nouveaulx venus ; après cette hom-
mage ils marçoient sur la croix , & racquoient
de leur salive sus en despit de Jesus-Christ
& de la Sainte-Trinité , puis monstroient le
cul devers le ciel & le firmament en despit
de Dieu ; & après qu'ils avoient tous bus &
mangiez , ils prenoient habitation carnelle en-
semble , & mesme le Diable se mestoit en forme
d'hommes & de femmes , & prenoient habi-
tation les hommes avecq le Diable en forme
de femme , & le Diable en forme d'homme
avecq les femmes ; là ils commettoient tant
des crimes , sy puants & énormes , tant contre
Dieu , que contre nature , que ledit Inquisi-
teur dit , qu'il ne les oseroit nommer pour
doubte que les oreilles innocentes ne fussent
averties de sy villaines choses : & sy dit en-
coires ledit Inquisiteur , qu'en leur assemblée le
Diable les preschoit , & leur dessendoit d'al-
ler à l'Eglise , d'ouyr messe , prendre de
l'eau bénite , & que s'ils en prenoient , pour
monstrer qu'ils fussent chrestiens , ils disoient ,
ne déplaïse nostre maître ; qu'ils n'alloient point
à confesse , & qu'ils avoient tenu leur dite
assemblée au bois de *Mofflaines* , assez près
d'Arras , & ailleurs , & ausdites hautes fon-
taines avoient esté à pieds & en plein jour après
diner.

Toutes ces choses dites & remonstrées par l'Inquisiteur, il leur demanda s'il estoit ainſy. Touts l'ung après l'autre, respondirent que ouy, & meſme ledit Abbé, & touts le confeſſerent publiquement; après laquelle confeſſion fut leur ſentence rendue en françois & en latin: c'eſt à ſçavoir tous remis ès-mains de juſſice laïque, comme pourys & non dignes d'eſtre avec les membres de ſainte Eglife, & touts leurs héritaiges conſiſqués au Seigneur, & leurs biens meubles à l'Eveſque, ladite Demifelle fut rendue à la loy (a) de la ville de Douay, quy pour la ravoir & pour cette cauſe eſtoit là venue: ledit Abbé fut rendu aux Prevost & Echevins de la Cité; & les quatre femmes, & ledit Jehan le Febvre à la loy d'Arras, leſquelles femmes furent preſttement menées en la halle de la ville d'Arras, & leſquelles femmes & ledit Jehan le Febvre furent comdampnés par leſdits Echevins à eſtre ards, & leurs corps ramenez en pouldre; ſytoſt que leſdites femmes oyrent leur ſentence, comme femmes deſeſpérées, commencerent à crier & à dire à Maistre Gilles Flameng, Advocat quy eſtoit préſent, & quy tousjours avoit adſiſté à les interroguer, tant par torture comme autrement; tels mots: *Ha faulx, thraiſtre, deſloyal, tu nous*

(a) Aux Magiſtrats.

a déçptés (a); tu nous disois que nous confessâmes ce qu'on nous disoit, & qu'on nous laisseroit aller, & que nous n'auriesmes aultres pénitences que d'aller en pelerinage, six lieues long, ou dix ou douze; tu sçais, méchant, que tu nous a trahy; & là publiquement disoient, qu'oncques n'avoient esté à la dite vaulderie, & que ce qu'elles en avoient confessé avoit esté par force de gehenne & de torture, & par les blandissemens & promesses dudit maître Gilles, & aultres quy les avoient interroguées, & moult d'aultres choses elles disoient: mais ce ne leur valoit riens, car elles furent baillées ès-mains des bourreaux & prestement menées à la Justice de la ville d'Arras, & là leurs corps ards, & ramenez en pouldre; & en les menant mourir, & jusques à ce qu'elles rendirent l'ame, sans en rappeler, disoient publiquement qu'oncques n'avoient esté à ladite vaulderie, & que ce qu'elles en avoient confessé avoit esté par gehenne & torture, & pour ce qu'on leur faisoit entendre, que si elles ne les confessoient on les arderoit; & depuis leur sentence rendue jusques à la mort, elles feirent toutes les manieres qu'un bon chrestien doit faire en se confessant, en recommandant leurs ames à Dieu, priant au peuple, qu'on priat Dieu pour elles, &

(a) Trompées.

requerant à ceulx & celles quy les connoissoient , qu'on feist dire des messes pour elles. Elles moururent en cet état , disant qu'onques n'avoient esté en ladite vaulderie, & qu'elles ne sçavoient ce que c'estoit ; lesquelles parolles & manieres qu'elles tenoient , meurent le peuple en grande pensée & murmure : sy disoient aucuns que c'estoit à tort qu'on les faisoit mourir ; les aultres disoient , que le Diable leur avoit commandé d'ainsy dire , & qu'ils se rappellassent afin qu'ils fussent dampnés , desquelles choses je m'en attens à dieu ; toutefois ladite Demiselle fut menée à Douay , & de par les Echevins de la ville, condamnée à estre arse & fut arse ; laquelle aussy dit qu'on la faisoit mourir à tort , & dit toutes les parolles & tint toutes les manieres que les aultres avoient tenus jusques à la mort.

Ledit Abbé de peu de sens , fut aussy condamné par les Echevins de la Cité , le jour que sa sentence fut rendue , à estre ars , & fut le premier exécuté à la justice de l'Evesque ; icelluy Abbé dit aussy toutes les parolles , & tint toutes les manieres que les aultres avoient fait , & encoires plus disoit qu'on le faisoit mourir à tort , & les dernieres parolles qu'il dit estant lyé à l'estracque , pour ardoir , furent telles en latin, *Jesus autem transiens per me-*

dium illorum ibat; icelluy Abbé estoit de l'âge de lx ou lxx ans & estoit peintre : il estoit bien venu en plusieurs lieux , parce qu'il estoit réthoricien & faisoit chants & ballades : il les disoit devant les gens , & par espécial avoit fait plusieurs beaux distiers & ballades à l'honneur de la glorieuse Vierge Marie : aussi plusieurs gens l'avoient bien cher : mais à chacune fois , qu'il lisoit ou disoit aucuns distiers ou ballades , à l'honneur de Dieu , de Nostre-Dame , ou de quelque saint ou sainte ; quand il avoit tout dit en la fin , il ostoit son cappel ou capperon , & disoit *ne déplaise à mon maistre* , comme aucuns certiffioient ; pour moi , je ne sçay ce qu'il en est.

CHAPITRE IV.

Comment M^e Anthoine Sacquespée, Bourgeois & Eschevin de la ville d'Arras, Jehan Jofset, aussi Eschevin, & Henriet de Royville; & aultres furent prins comme accusés d'estre Vauldois; & comment Martin Cornille, Recepveur du Duc de Bourgongne, des aydes, & Willeaume le Febvre, Eschevin de ladite ville, & Hotin Loys, Sergeant, s'enfuirent pour doughte d'estre prins pour ce cas; & de la grande perplexité, en quoy centx de la ville estoient, & des preschemens que les Vicaires feirent preschier, & de ceulx quy furent commis à interroguer les prisonniers prins comme Vauldois.

LE xv^e jour de Juillet audit an mil iiii^e. lx. en la ville d'Arras sur le soir fut prins comme accusé d'estre Vauldois, par Messire Bauldin, sieur de Noyelles Chevalier & Gouverneur de Péronne, Maistre Anthoine Sacquespée, Bourgeois & Eschevin de la ville d'Arras, ung des plus riches bourgeois & grand rentier en héritage de ladite ville; lequel Gouverneur de Péronne après qu'il l'eut prins, le bailla au Lieutenant d'Arras, & c'estoit le soir entre huit &

neuf; le Lieutenant le mena par la porte de Saint-Micquel, & le boutta ès-prisons de l'Evesque, où les aultres estoient.

Le lendemain furent aussy prins pour ledit cas, Jehan Joffet, Eschevin d'Arras, & Henriette Royville, Sergeant de ladite ville, & furent menez comme les aultres ès-prisons de l'Evesque.

Et c'estuy propre jour partirent de la ville, de pœur d'estre prins pour ledit cas, Martin (20) Corneille, Recepveur, & Willeaume le Febvre, très-riches bourgeois & Eschevins de la ville; lesquels comme on dit, eussent esté prins & menez avecq les aultres s'ils ne s'en fussent partis, & dépayfés: combien que le Comte d'Estampes les feist querir, sy ne les peult on trouver & furent poursuivis jusques à Paris; or emporta ledit Martin, grand thrésor, comme on disoit: ce Martin tenoit moult grand estat, & encoires plus sa femme: il estoit de petit lieu, & avoit esté en ses jeunes jours *parmentier*, c'est-à-dire, couturier de robbes & pauvre compagnon.

Avant que ledit Maistre Anthoine fut prins plusieurs de ses parens & amis, car il estoit de grand lygnage en la ville, luy avoient assez de fois dit, & fait prier instamment, qu'il se volsist absenter un espace de temps de la ville; qu'il estoit accusé d'avoir esté en vaulderie:

a chacune fois il leur répondit qu'il n'en estoit coupable, & que s'il estoit à mil lieues loing, & qu'il sceut en estre accusé, il reviendrait pour s'excuser, & qu'il aimeroit mieulx mourir & perdre ce qu'il avoit vaillant, que de s'absenter pour ce cas.

Or pour vous déclarer ceulx qui furent commis à l'effet d'interroger lesdits prisonniers, avec les Vicaires de l'Eglise & de l'Evesque cy-dessus nommé, ce fut l'Inquisiteur, l'Evesque de Barut Suffragant, Maître Jacques Dubois, Doyen d'Arras, maître Jehan Boulengier, Docteur en Théologie, Philippes sieur de Saveuses, Chevalier qui estoit grand Seigneur, & moult affecté de faire justice, & ardoir tous ceulx qui estoient prins & accusez Vauldois, & estoit ledit Seigneur de Saveuses commis par le Comte d'Estampes, avec le sieur de Crievecœur, Bailly d'Amiens, Guillaume de Bery, Lieutenant dudit Bailly, & maître Jehan Forme, Secrétaire du Comte, après y estoit l'Inquisiteur de la foy, Jacobin, demeurant à Tournay; Maître Gilles Flameng, Advocat à Beauquesne, Maître Mathieu Paille aussi Advocat audit Beauquesne; & encoires & avecq iceulx, envoya le Duc de Bourgogne, l'Evesque de Selymbrie, Jacobin, Docteur en Théologie, âgé de quatre-vingt ans, ou environ, & ledit Messire

Baudin, sieur de Noyelles, Chevalier Gouverneur de Péronne ; car jusques alors pour visiter les procès de ceulx quy avoient esté condampnés & exécutés , ny avoit eu aultres que lesdits Vicaires, l'Evesque de Barut , le Doyen & les aultres Clercs de Saint-Vaast d'Arras, Carmes, Jacobins, Cordeliers, Nostre-Dame, tant Chanoines qu'aultres.

Et le xxvij^e. jour dudit mois de Juillet fut prins pour ledit cas Jacotin d'Athies, fils d'un bourgeois d'Arras, lequel se tenoit avecq ledit Martin Cornille, & estoit parent de sa femme , & il fut mené en la prison de l'Evesque.

En ce temps les ville & Cité d'Arras & pour certain tous ceulx qui y demouroient furent sy scandalysés par tout le Royaulme de France & ailleurs d'estre Vauldois, qu'à peine vouloit on loger les marchands & aultres de la ville, & mesmes les marchands en perdirent leur crédençe ; & vouloient, ceulx à quy ils debvoient, estre payés, de peur qu'ils ne fussent prins comme Vauldois, parquoy ils eussent leurs biens confisqués.

Et certes en ce tems il n'y avoit sy notable homme ès-ville & Cité d'Arras, ne sy bon Chrestien qui bonnement endura pour quelque besoigne qu'il eust, tant fut nécessaire, d'aller

hors la ville, de peur d'estre punis comme Vauldois, & il n'y avoit ni sy bon, ni sy loyal, que s'il fut allé au loing pour l'espace de xv jours ou plus, que le menu peuple n'eust dit, qu'il s'en fut allé de peur d'estre prins comme Vauldois, & eust on dit publiquement qu'il l'estoit : comme les Vicaires de l'Evesque furent advertis de la grande crainte & mauvaïse renommée, que ceulx de la ville d'Arras avoient par tout le pays, ils feirent bien preschier publiquement que nul ne murmurat contre eulx, & que nuls n'eussent nule pœur d'estre accusés sans cause; car ils n'en faisoient point prendre comme Vauldois, quy ne fussent accusez de huit ou dix témoins, lesquels avoient esté en ladite Vaulderie, & les y avoient veus; mais depuis fut sçeu qu'aucuns n'avoient esté accusez que d'ung ou de deulx ou de trois pour le plus.

C H A P I T R E V.

Comme à la requeste du fleur de Beauafort , Anthoine Sacquespée , & ceulx quy estoient prisonniers comme Vauldois , on envoya les Vicaires de l'Evesque devers le Duc de Bourgogne ; afin que ledit Duc assemblat tous les plus grands Clercqs qu'il polroit trouver , afin d'avoir conseil , & de déterminer ce qu'on feroit desdits prisonniers ; & avecq ce , on envoya querir plusieurs Clercqs aulx dépens desdits prisonniers , lesquels vindrent à Arras.

LE Seigneur de Beauafort aiant esté aussi prins , à la requeste & celle des aultres prisonniers furent envoyez querir en la ville d'Amiens , M^e Martin Malingre , Licencié ès loix , Official d'Amiens ; l'Inquisiteur de la foy de Tournay , & plusieurs notables Clercqs ; desquels ne vindrent que ledit Martin , & ledit Inquisiteur de Tournay ; les aultres s'exemptoient , les ungs' par vielleffe , les aultres autrement , dequoy aucuns disoient , qu'ils n'y vouloient point venir , qu'onques on n'avoit veu en ce pays tels cas advenus , & que la matiere estoit pressante & bien mauvaïse ; car nulle per-

sonne hors de la ville d'Arras, ne croyoit que cela fut vray; je ne sçay sy ce fut pour cette cause ou non : il n'y vint que les deulx dessusnommez; c'est pourquoy les Vicaires de l'Evesque, & les autres, à la requeste & aux dépens des prisonniers, allerent devers le Duc de Bourgogne pour avoir conseil de ce qu'ils avoient à faire en ladite matiere de Vaulderie, & des prisonniers : eulx venus à Bruxelles, quand que le Duc sçut pourquoy, desirant de tout son cœur la foy chrestienne soustenir & garder, il envoya en la ville de Louvain, où il y a université renommée, querir les plus grands Clercs quy y fussent, & leur commanda de venir à Bruxelles : après ce, il manda tous les Clercs notables & exprès du pays qui y vindrent en grand nombre, auxquels les procès dudit Seigneur de Beaufort, & aultres furent montrez. Les procès veus par lesdits Clercs; de ce qu'ils convenoient & de leurs opinions je n'ai pu rien sçavoir; car comme on disoit, ils ne furent pas bien unis ensamble : les uns disoient que la Vaulderie n'estoit point réelle, & que supposé qu'il y put avoir aucune réalité par la permission divine, aussy pouvoit-il y avoir beaucoup d'illusion, & qu'ils en faisoient pas tout ce qu'ils cuidoient faire : aucuns aussy soutenoient que c'étoit chose réelle,

& qu'ils alloient en ladite Vaulderie en corps & ename ; & que des qu'ung homme s'adonne à l'ennemy d'Enfer, Dieu permet que l'ennemy ayt sur luy cette puissance, de le porter en vaulderie & ailleurs : après que lefdits Vicaires se furent conseillez sy prendrent congié du Duc, lequel Duc envoya avec eulx pour estre présent à interroger les prisonniers, *Toison d'or*, son premier Hérault en qui il avoit parfaite fiance & crédence : il envoya donc *Toison d'or* pour estre mieulx adverti de la vérité ; parce qu'on luy avoit rapporté qu'aucuns de la ville de Paris & d'ailleurs en France, disoient qu'ils faisoient preindre en ses pays les riches hommes affin d'avoir leurs biens & leurs terres, dont très-troublé il estoit ; mais pour ce aussy ne vouloit-il pas laisser à soutenir la foy, sy le cas le requeroit : ainsy retournerent lefdits Vicaires & leur compagnie, & ledit *Toison d'or* avecque eulx, & revindrent en la ville d'Arras, le xiiij^e. jour du mois d'Aoust, en la même année.

Combien que je ne puisse sçavoir quel conseil on leur bailla à Bruxelles, toute fois eulx revenus, on ne prins plus nulle personne pour ledit cas de Vaulderie ; furent lefdits prisonniers plus doucement traitez que pardevant ils n'avoient estez, & ne firent lefdits Vicaires de

L'Evesque depuis leur revenue, jusques à la my mois de Septembre que quatre procès, c'est à sçavoir, le procès du sieur de Beauffort, de Jehan Tacquet, de Pierotin du Carioeul, & de Huguet Obry, dit Patrenoste, & fut fait le procès dudit Huguet, nonobstant qu'il n'eust oncques rien confessé, quoique ce Huguet eut une fois rompu prison, & eschappé, mais il fut reprins : lesquels procès fait après qu'ils ouyrent l'opinion des Clercsq's estant à Arras, & aultres cy-dessus nommés; de rechief ils renvoyerent les procès à Bruxelles, devers ledit Duc, pour avoir encoires l'opinion des Clercsq's.

Et porta ledit procès M^e Mathieu du Hamel, avec luy Messire Guillaume de Bery, Lieutenant du Bailly d'Amiens; ainsy s'en retourna avecque eulx Toison d'or, que le Duc y avoit envoyé : eulx venus à Bruxelles, le Duc feist visiter ledit procès.

C H A P I T R E VI.

Comment ceulx quy avoient porté les procès des prisonniers pour le fait de Vaulderie , revindrent , & comment le Seigneur de Beaufort fut preschié publicquement ; & Jehan Tacquet , Pierrotin du Carioeul , & Huguet Emery furent mitrés & preschiez aussy publicquement , & de leur condempnation.

LE xij^e. jour d'Octobre mil iiii^e. lx, revindrent en la Cité d'Arras, de devers le Duc de Bourgongne, Messire Guillaume de Bery, Lieutenant du Bailly d'Amiens, & Maistre Mathieu Duhamel, Secretaire de l'Evesque d'Arras, qui avoient porté les procès de quatre prisonniers pour le fait de Vaulderie ; revint aussy avec eulx Maistre Andrien Collin, Président de la Chambre du Conseil du Duc, laquelle Chambre se tenoit à Ypre, & eulx de retour furent de rechief interrogez les prisonniers, en la présence du Président : ce fait les Vicaires rassemblerent encoires tous les Clercs de la ville & de la Cité d'Arras, où estoient entre aultres lesdits President, l'Evesque de Selymbrie & de Barut, le Doyen d'Arras, & son frere : les opinions prises, les Vicaires de
l'Evesque,

L'Evesque, le xxij^e jour dudit mois d'Octobre rendirent la Sentence des quatre procès : car combien qu'on assemblat les Clercs, & qu'ils dissent leurs opinions; sy rendoient la Sentence les Vicaires, & ne les jugeoient point les Clercs.

Icelluy xxij^e. jour du mois d'Octobre au dessusdit an mil iij^e lx, en la maison Episcopalle de l'Evesque d'Arras, publiquement, furent mis sur ung hault hourt fait exprès, Messire Collart, dit Payen, Seigneur de Beauafort, Chevalier, Jehan Tacquet, Pierrotin du Carrieul, & Huguet Aubry; & là fut mis sur les têtes de Jehan Tacquet, Pierrotin du Carrieul, & Huguet, une mistre, en laquelle estoit peinte l'image du Diable, de telle façon qu'ils l'avoient adoré; nonobstant que ledit Huguet n'eut rien confessé, il fut mistré; & y estoit peint en telle façon qu'on avoit desposé contre luy: par l'Inquisiteur de la foy de Cambray, Jacobin, ils furent preschiez publiquement; & dit, ledit Inquisiteur, que le sieur de Beauafort, Chevalier, qui estoit présent, avoit consenty au vouloir de méchantes femmes, lesquelles avoient esté arses comme vauldoises, comme cy-dessus est dit, & par leur enhort avoit prins ung bastonchier, & oingt ledit bastonchier & ses mains d'ung oignement qu'on

luy avoit baillié ; & puis mis ledit baston entre ses jambes, qu'incontinent luy estant en la ville d'Arras, en sa maison, fut porté par l'ennemy d'Enfer, la premiere fois au bois de Moflaine à une lieue près d'Arras, en la vaulderie où il y avoit plusieurs hommes & femmes. Là qu'il avoit fait hommage au Diable d'Enfer, qui y estoit & présidoit en forme de Singe ; & qu'il baïsa au Diable la patte. Toutes ces choses dites par l'Inquisiteur, il demanda au Chevalier de Beaufort s'il n'estoit point ainſy qu'il avoit dit : iceluy Chevalier respondit hault & clair qu'oui, en requerant miséricorde ; lors dit ledit Inquisiteur publiquement au peuple, qu'on ne se donnât point de merveille, sy ledit sieur de Beaufort n'estoit mistré, & s'il ne l'avoit point esté, parce que ledit Seigneur de Beaufort avoit confessé d'avoir esté en la vaulderie, sans gehenne ou torture, ny oncques depuis s'estoit rappelé.

Après ce, adressa l'Inquisiteur ces parolles à Jehan Tacquet, & dit publiquement que ledit Tacquet avoit esté en vaulderie par dix fois ou plus : il lui demanda s'il n'estoit pas vray ; lequel Jehan Tacquet respondit oui, en requerant misericorde.

Après ce, il s'adressa à Pierrotin, dit Carioeul, & dit que ledit Pierrotin avoit esté en ladite

vaulderie tant de fois que sans nombre, & qu'il avoit fait hommage à l'ennemy d'Enfer, & luy avoit donné son ame.

Pierrotin, nonobstant trois mois devant qu'il avoit esté prisonnier, avoit confessé les choses dessus dites, respondit publiquement qu'il n'en estoit rien, & que ce qu'il en avoit confessé avoit esté par force de gehenne & de torture. Toute fois l'avoit ledit Pierrotin escript de sa propre main. Il nyoit tout, & eult dit moult des choses sy on l'eust laissé parler.

Après ce, l'Inquisiteur dit à Huguet Aubry, qu'il avoit esté accusé dudit crime de vaulderie par noeuuf tesmoins, dont trois lui avoient dit en sa présence, & que quelque torture qu'on luy sceut faire, il n'avoit oncques riens voulu confesser, que s'il le vouloit on luy feroit grace; il demanda audit Huguet s'il n'estoit pas vray: Huguet respondit qu'il ne sçavoit ce que c'estoit, & qu'oncques n'y avoit esté; iceluy Huguet, comme on disoit, avoit esté mis à la gehenne & torture. On l'y avoit mis quinze fois, & meismement deulx fois en un jour, encoires luy fit on plus; car quant on vit qu'il ne vouloit rien confesser touchant la vaulderie, on le mena en ung fort Chastel assez près d'Arras, qu'on appelle Bellemotte, & là fut interrogé, après qu'on luy eut monf-

tré le *Bourel*, pour l'exécuter à la mort, & que s'il ne vouloit prestement confesser son fait, il seroit aussy tost exécuté : disent aucuns qu'il eut les yeux bandés comme sy on le deult descapiter ; mais oncques pour tout il ne confessa d'avoir esté en ladite-vaulderie, & disoit qu'il ne sçavoit ce que c'estoit, & qu'on le faisoit mourir à tort. Quand l'Inquisiteur ouyt qu'il ne vouloit rien confesser, il luy dit publiquement qu'il avoit rompu prison, & qu'il s'estoit eschappé de nuit avec ung prestre qui estoit prisonnier pour larcin ; parquoy il s'estoit rendu coupable du fait ; mais qu'il avoit esté repris ; lors se jetta Huguet à genoulx, disant que le prestre l'eust occis s'il ne s'en fut allé avecq luy, & luy avoit prié mercy : toulte fois pour ce qu'il eschappa fut-il preschiez & mistré, car les Clercqs disoient, que puisqu'il avoit rompu prison, il debvoit estre attainct du cas : toutes les choses dites & remonstrées publicquement par l'Inquisiteur, il feit fin de son preschement.

Après ce, incontinent devant le peuple, M^e. Pierre le Brouffart, Inquisiteur de la foy en la ville & Cité d'Arras, & M^e. Mahieu Duhamel, Secretaire de l'Evesque d'Arras, c'est assavoir ledit Inquisiteur, en latin, & ledit M^e. Mahieu, en françois, rendirent les Sentences chacune l'une après l'autre.

1°. La Sentence dudit sieur de Beaufort , par laquelle il fut déclaré hérétique , apostat & ydolatre ; lequel publiquement en battit sa coulpe , en requerant miséricorde de l'Eglise , & par ladite Sentence fut condempné à estre battu publiquement de vergins , comme ce fut sur les épaules tout vestu par l'Inquisiteur ; & fut condempné à tenir prison fermée l'espace de sept ans , en tel lieu que bon sembleroit à l'Evesque.

Item fut condempné d'envoyer mettre au troncque des pardons de la ville de Malines en Brabant, lequel troncque estoit ordonné pour les aulmosnes de ceulx qui vouloient donner pecune pour aller sur les Turcs ennemys de la foy, la somme de vj^c. lib , monnoie d'Artois qui valloient vj^c. écus d'or , les lxx pesant un marc de huit onces.

Item pour les frais de l'Inquisition chrestienne la somme de vj^c. lib : monnoie dite.

Item, cent & cinquante livres, monnoie dite, à la fabrique de Nostre-Dame d'Arras.

Item , cent lib : monnoie dite , pour faire une croix de pierres à Haultes-fontaines , au lieu auquel il avoit promis faire service au Diable , afin qu'il fut mémoire de ce.

Item, cent lib : à l'église de la Trinité , es fauxbourgs d'Arras.

Item , cent lib : monnoie dite , à l'Eglise des Carmes , ès-fauxbourgs d'Arras.

Item , cent lib : aulx Jacobins , ès-fauxbourgs d'Arras , & cent lib : aulx Freres Mineurs , toute monnoie dite.

Item , aulx Filles Dieu , & aulx Hospitaux des ville & Cité d'Arras , à chacun x lib : monnoie dite.

Et la punition de prison réservée à la volonté de l'Evesque.

Après laquelle Sentence dudit sieur de Beaufort , rendirent la Sentence dudit Jehan Tacquet , Bourgeois & Eschevin d'Arras , par laquelle sentence ils déclaroient ledit Jehan Tacquet hérétique , apostat & ydolâtre , & le condempnerent par maniere de pénitence à estre publiquement battu de verges , comme le sieur de Beaufort l'avoit esté , & le battit prestement ledit Inquisiteur , comme le sieur de Beaufort. Lequel Jehan Tacquet requeroit publiquement la miséricorde de l'Eglise.

Item , fut condempné à tenir prison fermée l'espace de dix ans , tousjours réservant la longueur de la prison à la volonté de l'Evesque.

Item , à payer au dessusdit troncque de Malines , pour employer à soustenir ladite foy chrestienne , mil lib : monnoie dite.

Item , pour soustenir les frais de ladite Inquisition , deulx cents lib :

Item, cent lib : monnoie dite, en l'Eglise de Saint-Jehan en Rouville, dont il estoit paroissien.

Item, cent lib : pour faire une croix de pierres aux bois de Mossaines, en la place ou il avoit donné son ame au Diable.

Après ce, ils rendirent la Sentence de Pierrotin du Carioeul, par laquelle il fut déclaré hérétique, apostat, homicide & ydolâtre, & comme ayant esté aultrefois reprints sur la foy, & ne voyant en luy aucun signe de repentance, comme membre pourry il fut délivré à la justice Laye.

Après ce, ils rendirent la Sentence de Huguet Aubry; & combien que ledit Huguet n'eust rien confessé, toutefois selon l'opinion de plusieurs Clercs il estoit atteint du cas, pource qu'il avoit rompu prison. Quand on rendit sa Sentence, il estoit à genoux & plouroit en disant qu'il s'attendoit à la sentence des Vicaires, par laquelle il fut condempné à estre mis en chartre qu'on appelle le *bonnel*, l'espace de xx ans au pain & à l'eau.

Le bruit commun courroit que pourtant Huguet avoit esté serviteur de l'Evesque d'Arras, & depis de Martin Cornille, qu'il avoit toujours esté conseillé & aidé par les Vicaires dudit Evesque, & que iceulx Vicaires met-

toient paine , tant qu'ils pouvoient , d'annuller & estaindre le fait de vaulderie ; ne scay sy ce estoit vray , qu'à Paris , Amiens , Tournay quy sont grosses villes , on avoit prins plusieurs hommes & femmes comme Vauldois , ausquels on n'avoit rien fait , ains les avoit-on laissé aller sans aucune punition ; de tout ce , je m'attends à ce quy en est , & n'en veult personne charger.

Mais toutefois aucuns Clercs maintenoient , que par-tout estoient tant de Vauldois , & qu'il y en avoit de sy grands , en l'Eglise , à la Court des Princes & ailleurs , que c'estoit merveille.

On disoit aussy que Antechrist le faulx & desloyal estoit né , que de bref il devoit régner ; & que tous les Vauldois estoient de sa partie. Dieu par sa grace voeuille en garder tous loyaux Chrestiens , & que de nostre temps ce n'advienne.

Après lesquelles Sentences rendues , & chacun ou en partie despartis , les Eschevins de la ville d'Arras vindrent requerir comme leur Bourgeois ledit Pierrotin du Carriooul , lequel en payant les dépens par luy faits en ladite prison leur fut rendu celuy jour environ , quatre heures après dîner.

CHAPITRE VII.

Comment Charles, Comte de Charollois, fils de Philippes, Duc de Bourgogne, se vint plaindre audit Duc de Bourgogne, son pere, du Seigneur de Croy, principal Gouverneur dudit Duc.

EN ce temps, Charles Comte de Charollois, accompagné du Comte d'Estampes & aultres Seigneurs de son sang, arriva à Bruxelles, & vint devant le Duc de Bourgogne son pere: ledit Charles & tout son train estoient vestus de blancq; en cette estat, il alla saluer son pere.

Ung jour se trouva ledit Charles avecq le Duc son pere: auquel Charles pria qu'icelluy voulsist luy donner audience, pour luy dire ce qui luy gisoit sur le cœur. Le Duc y consentit: lors ledit Charles dit à Maistre Gerard Vauris, natif de Bourgogne, quy estoit son principal Consellier, de dire ce dont il l'avoit chargé: Maistre Gerard Vauris commença bientoist à parler devant le Duc; il remonstra les deffaulx, crimes & déliëts faits par le sieur de Croy, quy estoit présent; car sans la présence dudit sieur de

Croy , le Comte de Charrollois ne les eut voullu dire.

Sytost que le Duc ouyt qu'on accusoit le Seigneur de Croy de plusieurs choses quy touchoient grandement à l'honneur dudit sieur de Croy , le Duc dit audit Maistre de Vauris qu'il se gardat bien de parler contre vérité ; à ces parolles dites par le Duc, Maistre Gerard eut sy grande pœur que le cœur luy faillit , & quand le cœur luy fust revenu , il s'excusa audit Charles de plus parler ; car il s'apperçut bien que le Duc se troubloit.

Ce Vauris estoit renommé d'estre très notable Clerq , & beau parleur : & se donnerent de merveilles les adfistants de la pœur qu'il eut : le Comte de Charollois se jetta prestement à genoulx devant son pere , & reprint la parolle pour ledit Maistre de Vauris , & moult haultement & en beau langage , commença à assigner devant le Duc son pere , & devant le Seigneur de Croy & aultres , plusieurs faultes & crismes qu'il disoit que le Seigneur de Croy avoit commis & perpetré.

Le Duc Philippes couppa la parolle à son fils , & luy dit que plus il n'en vouloit ouir parler , & qu'il se gardat bien , que plus il en parlat , ny vinst devers luy pour telles choses. Il commanda audit Seigneur de Croy , qu'il

fit tant devers son fils, qu'icelluy fut content, & combien qu'après le département dudit Duc, le Seigneur de Croy feit son devoir de prier merci audit Comte de Charollois. Fors que quant luy sieur de Croy auroit fait réparation du mal qu'il avoit fait, il auroit autant regard au bienfait, que au mal fait; n'en pût ledit Seigneur de Croy avoir responce, & demoura sur ce point.

Après toutes ces choses, partist ledit Seigneur Comte de Charollois pour aller au Quesnoy devers sa femme, son pere & luy, très-content, & le convoya ledit Seigneur de Croy jusques hors des portes de Bruxelles, mais oncques ne put ledit Seigneur de Croy avoir aultre responce d'icelluy Charles; & ainſy s'en revint devers le Duc, & demoura en tel estat & gouvernement que devant.

CHAPITRE VIII.

Comment ung Huiffier du Parlement vint en la prison de l'Evesque d'Arras, & en tira hors le Seigneur de Beaufort.

AUDIT an mil iiii^e. lx le xv^e. jour de Janvier, arriva ung Huiffier de Parlement en la ville d'Arras, pour faire information du tort,

que le Seigneur de Beaufort (21) disoit qu'on luy avoit fait, aussy pour s'informer des torts que Jehan Tacquet & aultres disoient qu'on leur avoit fait par gehenne & aultrement; & aussy pour une appellation que le sieur de Beaufort disoit avoir fait des Vicaires; c'est à sçavoir qu'avant qu'il fust oncques interrogé, & condempné d'avoir esté en ladite vaulderie, il avoit appelé des Vicaires & leurs complices en Parlement, & avoit esté amené icelluy Huissier par. Philippes de Beaufort, aîné fils dudit sieur de Beaufort: lequel après information faite, & plusieurs témoins ouïs tels que ceulx qui l'avoient fait cy venir, luy voullurent bien administrer.

Le xxv^e jour de Janvier ensuivant ledit Huissier, accompagné de Philippes de Beaufort luy quatriesme de freres légitimes; à sçavoir de Pierre Raoul, & Jacques de Habacq freres & aultres jusques au nombre de trente compagnons, es-environ bien embastonnez de bastons de guerre, vindrent aux Vicaires de l'Evesque, ausquels l'Huissier de par le Roy de France requist avoir obéissance d'exploiter ce qu'il avoit charge, lesquels Vicaires de la pœur qu'ils eurent de ceulx de sa compagnie (comme dit est embastonnez) ne comparurent: lors l'Huissier entre dix & onze heures avant midy

alla à l'Hostel de l'Evesque, & demanda les clefs des prisons au Geolier, lequel les luy refusa. Lors ledit Huissier les lui print par force, puis alla en la prison ou le sieur de Beaufort estoit, & l'emmena en la ville d'Arras dans la maison nommée le Quiesurette, & donna jour aux Vicaires de l'Evesque pour comparoir en la Court de Parlement contre le Seigneur de Beaufort au xxv^e de Febvrier en suivant pour respondre en la cause d'appel dudit Seigneur, & aultres choses. Et le lendemain l'Huissier emmena ledit sieur de Beaufort à Paris.

CHAPITRE IX.

Comment le Doyen d'Arras, quy avoit esté cause de faire ardoir ceulx quy avoient esté prins comme Vauldois, tumba malade, & hors de son bon sens.

ENVIRON ce temps, M^e. Jacques Dubois, Maistre & Docteur en Théologie, & Doyen de l'Eglise Notre-Dame d'Arras, comme il alloit en la ville de Corbey, eut une maladie, & fut hors de son bon sens, on le ramena à Paris. Iceluy M^e. Jacques estoit repputé bon Clercq; & le plaignoient plusieurs; il y en avoit aussy quy disoient que c'estoit puniton de

Dieu, vu que par son admonition & advertissement, on avoit prins comme vauldois ceulx cy-dessus nommez, & les avoit-on ards.

Et combien que M^e. Jacques revint comme on disoit, en son bon sens, il n'y avoit point de seureté; il falloit qu'il se tint en une chambre, & enfin les membres luy faillirent, il s'alita par maladie : il avoit grands troulx en son corps, & grandes playes, & fut fort martirisé. Disoient aucuns qu'il avoit esté empoisonné par les vauldois ou enforcelé; & à la par fin, environ le mois de Fevrier audit an mil iiij^e. lxj. mourut ledit M^e Jacques Dubois, lequel eut tout son bon sens à la mort, & certes il fit belle fin.

L'an mil iiij^e. lxj, au mois de Juin fut la cause du Seigneur de Beaufort plaidoyée en Parlement, allencontre des Vicaires de l'Evesque d'Arras, & contre tous ceulx qui avoient interrogé les prisonniers comme vauldois : en plain Parlement il fut dit, par M^e. Jehan de Popincourt, Advocat en Parlement, Conseiller dudit Seigneur de Beaufort, plusieurs cruelles choses, en donnant de grandes charges à ceulx quy s'estoient meslez de l'inquisition de ladite vaulderie, & sy dit entre aultres choses, que des qu'ung prisonnier estoit prins pour vaulderie, on luy disoit que s'il n'avoit,

il feroit brûlé, & que s'il avouoit on le lairoit aller, sauf quelque paine, comme ung petit pelerinage. Quand ils ne vouloient rien confesser, on les mettoit à la torture, tellement qu'il falloit qu'ils confessassent tout ce qu'on vouloit. Dit encoires ledit Popincourt, que quand le sieur de Beauffort, eust esté mené ès prisons, après avoir juré qu'onques n'avoit esté en ladite vaulderie, M^r Jacques Du-bois se jetta à genoulx devant ledit sieur de Beauffort, & le pria moult humblement, qu'il confessât d'avoir esté en ladite vaulderie, qu'aultrement il ne le pouvoit empêcher d'estre ards, & tous ses biens & héritaiges confisqués : mais que s'il le vouloit confesser il feroit delivré avant iiij jours, & ne feroit ny mistré ny preschiez, & que ce qui le portoit à le prier, c'estoit pour la pitié qu'il avoit de luy & de ses enfans, lesquels demoureroient tous pauvres ; & quant le Seigneur de Beauffort l'ouit, il dit qu'il avoit juré le contraire, à quoy le Doyen respondit qu'il ne luy en *chaulsist* (a), & qu'on l'en absouderoit ; & par telles parolles & aultres qui estoient longues à racompter, ledit Seigneur de Beauffort confessa avoir esté en vaulderie. Ledit Popincourt dit encoires, que

(a) Qu'il ne s'en embarrassât,

le Seigneur de Beaufort aiant confessé ce qu'on a vu, il fallut qu'il payât au Duc iiij mille francs.

Item , au Comte d'Estampes, ij mille francs.

Item , au Bailly d'Amiens , mil francs , & au Lieutenant dudit Bailly , ij^c. francs , sans qu'il fut en riens condempné envers ledit Comte d'Estampes , Bailly ny Lieutenant ; & avoit pareillement prins ledit Bailly de Jehan Tacquet , lequel estoit prisonnier pour ledit cas , iiij^c. lib : plusieurs aultres choses plaidoya , & dit publiquement moult terribles & moult chargeables pour ceulx quy s'estoient meslez de l'Inquisition de la vaulderie : après que ledit Popincourt eut parlé , il fut ordonné par Parlement , que ledit sieur de Beaufort seroit eslargy de prison , qu'ung Huissier du Parlement iroit aulx dépens dudit Beaufort , en Cité d'Arras , ès prisons de l'Evesque , chercher Jehan Tacquet , Jean Dubois , & la femme qu'on nommoit Franche-Comté , lesquels avoient esté preschiez comme vauldois , lesquels on vint querir environ dix jours après , & furent menez à Paris ; & assez tost après qu'ils furent venus à Paris , furent tous eslargis , pour aller où bon leur sembleroit ; & revint chacun en sa maison :

Et disoient tous qu'oncques n'avoient esté en ladite vaulderie , & que ce qu'ils avoient
dit

dit avoit esté par force de gehenne , & de poeur d'estre ars : & combien que chacun s'en retourna en sa maison , sy estoient tous leurs procès pendants audit Parlement (22) , y furent long-temps après , & n'estoit point la cause déterminée s'ils avoient esté condempnez , & prins à tort ou à droit , & alloient quelques fois à Paris , pour solliciter leur procès.

CHAPITRE X.

Comment Charles , Roy de France , septiesme de ce nom , à Meung , près de Bourges en Berry , alla de vie à trespas.

L'AN de grace mil iiii^e lxj le xxij^e. jour de Juillet au Chasteau de Meung , à quatre lieues de Bourges en Berry , Charles Roy de France vij^e. de ce nom cloist son dernier jour , & mourut environ l'age de lviiij ans , & avoit regné xxxix ans.

Et prestement que ledit Roy Charles fut mort , Charles d'Anjou , Comte du Mayne , oncle de Monseigneur Loys , aîné fils dudit Roy Charles , envoya signifier la mort dudit Roy Charles à Monseigneur Loys ; lequel se tenoit à Genappe en Brabant ; & vindrent trois messagers vers ledit Monseigneur Loys quy

creverent trois chevaux : & ſçeut la mort de ſon pere le xxij^e. jour du mois de Juillet. Dès que Monſeigneur Loys ſçut que ſon pere eſtoit mort, il envoya haſtivement dire ces nouvelles à Philippes Duc de Bourgogne, lequel Duc eſtoit lors en ſa ville de Heſdin en Arthois; ils assignerent jour enſemble pour ſe trouver à Avesnes en Haynault, & aller de-là à Reims. Comme le Duc doubtoit qu'aucun empeschement ne fût fait pour ſacrer & couronner ledit Monſeigneur Loys, il eſcrivit à tous les Nobles de ſes pays, qu'ils ſe meiſſent ſus en armes, & le plus de gens qu'ils pourroient & fuſſent près Saint-Quentin en Vermandois au vij^e. d'Aouſt en ſuivant; après leſquelles lettres reçues des Nobles par tous les pays dudit Duc, ils ſe meirent ſus en armes en plus grand nombre de gens qu'onques n'avoient fait, & le plus richement qu'ils purent.

Icelluy Monſeigneur Loys conſidérant la grande armée que le Duc de Bourgogne faiſoit, laquelle eſtoit ſy grande que la pluſpart des pays par où les gens d'armes euſſent paſſés; euſſent eſté tout pillés & mangés, il ſeit prier le Duc de ſe depporter de faire ſy grande armée; à laquelle requête & priere ledit Duc obéyt, & manda à tous ceulx de ſes pays, qu'ils s'en retournaffent en leurs maiſons, ſans robber ny

faire dommage, sous paine de la hart; mais bien demanda aulx grands Seigneurs & Capitaines de ses pays que s'ils vouloient venir avecque luy à Reims & à Paris au (23) sacre du Roy Loys, avecque eulx leur estat quotidien en armes, ils fussent les bien-venus; lesquels Seigneurs & Capitaines au moins la pluspart y allerent en armes moult noblement habillés, & le plus richement qu'ils purent; sy seirent ils bien quatre mil combattants ou davantage. On disoit que sy tous ceulx qui s'estoient montrés, y fussent allez, ils eussent esté bien cent mil hommes, ne scay ce qui en est; mais je scay, que plusieurs gentilshommes & gens de guerre avoient mis grands frais à monter, eulx & leurs compagnons, à quoy faire ils perdirent assez, car sy ung cheval avoit cousté cinquante escus, ils n'en trouvoient que la moitié, aucune fois moins, de quoy ils estoient moult courroucés, tant pour leur dite perte, qu'aussy comme je crois qu'il y avoit plusieurs qui desiroient d'y aller pour piller & robber.

C H A P I T R E X I .

Comment le Roy partit de Paris , & comme il prit congîé au Duc de Bourgogne ; & comme ledit Duc le reconvoya.

LE Roy Loys qui desiroit d'aller veoir sa mere , laquelle estoit à Amboise , là où il luy avoit mandé qu'elle l'attendît , le jour de devant son partement de Paris , dit à aucuns de gens , qu'il partiroit le lendemain , & que avant il vouloit dire adieu à son oncle le Duc de Bourgogne ; pourquoy après qu'il eut disné , il partist de son hostel des Tournelles pour venir à l'hostel d'Arthois , quy estoit l'hostel du Duc ; on vint dire au Duc que le Roy venoit vers luy ; le Duc estoit assis à table & disnoit ; mais dès qu'il ouyt ce , il se leva de la table & alla allencontre du Roy à pied tout au long de la rue , & sy tost qu'il rencontra le Roy , il se mit à genoulx & le salua.

Le Roy descendit de cheval , & ramena le Duc jusques en son hostel , tous deux à pieds ; & quant ils furent entrés en l'hostel d'Arthois , (oyans tous ceux quy y estoient ,) Loys remercia le Duc des biens & de l'honneur qu'il luy avoit fait , en luy disant qu'il sçavoit que

s'il n'y eut esté, il estoit possible que par aventure il ne fut pas en vie : plusieurs aultres parolles moult honorables il dit audit Duc; puis après le congié prins, le Roy s'en retourna en son hostel aux Tournelles.

Le lendemain xxiii^e. jour de Septembre partist le Roy de Paris, & combien qu'il eust pris congié du Duc; tontefois le Duc le convoya hors de Paris bien loing, moult richement & honorablement accompagné & son fils aussy, & tous les Seigneurs quy estoient avecque luy.

CHAPITRE XII.

Comment Charles, fils du Duc de Bourgogne, alla veoir le Roy Loys; & comment il se perdit à la chasse; & du doeuil que le Roy en faisoit, & aultres choses.

APRÈS que le Roy Loys fut parti de Paris; le Duc de Bourgogne & son fils partirent aussy; & s'en alla le Duc à Bruxelles, & son dit fils le Comte de Charollois en Bourgogne & à Saint-Claude, & de la revint à Tours, où ledit Roy Loys estoit; lequel Roy Loys fitost qu'il sceut la venue du Comte de Charollois, envoya allencontre de luy, le Duc d'A-

lençon, le Comte d'Eu, le Comte de la Marche, le Comte de Perdriac, le Duc de Sommerfet, & tous les Princes de sa Court; Charles avoit avec luy, tant de Bourgongne que d'autres, trois cents cinquante chevaulx & bien des Seigneurs. Quand Charles fut entré à Tours par le commandement du Roy, il alla loger à l'hostel du Roy même, & le Roy descendit de sa chambre jusques en bas pour le venir bien veigner; il le reçut moult lyëment & lui fit grande chiere.

Durant le temps que le Comte de Charollois fut devers le Roy Loys, icelluy Roy le mena ung jour chasser, & estoit avecque luy Charles d'Anjou, Comte du Mayne: il advint que le Comte de Charollois poursuivit une beste rousse, tellement qu'il se perdit, & ne demoura que luy ve. Quand il ne sçeut où il estoit, il alla tant qu'il trouva ung villaige où il y avoit une belle hostellerie, en laquelle il s'esbergea le mieulx qu'il put, car il estoit noire nuit; Loys & le Comte du Maine revinrent. Quand le Roy fut descendu, il demanda son beau frere de Charollois; on luy respondit qu'on ne sçavoit où il estoit; lors fut le Roy troublé comme on ne le vit oncques: il envoya par-tout les villaiges d'entour d'où il venoit, pour le trouver; & ès-clochers des villaiges

faisoit allumer torfes & fallots, afin que sy ledit Comte estoit près, qu'il apperceut les feux; il fit gens aller avec torfes & fallots, par champs & par bois; mais il n'en ouit aucunes nouvelles: ledit Charles d'Anjou (24) en estoit aussi moult troublé, car il doubtoit qu'il y eût quelque encombrer & que on ne le luy mit sus. Ledit Roy Loys estoit sy affligé qu'il jura qu'il ne boiroit ni ne mangeroit jusques à ce qu'il en eût de nouvelles; il rongeoit par courroulx un baston. Et aussy comme on queroit ledit sieur de Charollois, icelluy Seigneur pensa bien qu'on le quereroit, & qu'on feroit en doute pour luy; partant il demanda à son hoste combien il y avoit jusques où le Roy estoit; lequel luy respondit, qu'il ny avoit que deulx lieues; lors il le pria de luy bailler quelque homme paisant pour conduire ung de ses gens jusques au Roy, ce que l'hoste feit. Lors escripvit ledit Seigneur de Charollois au Roy son adventure, & comme il estoit bien logié; il envoya ung Chevalier de son hostel nommé Philippes de Crieveœur; il estoit bien onze heures en la nuit ainſy que ledit Philippes vint vers le Roy, auquel il bailla les lettres dudit Comte; quand le Roy eult veu ces lettres, il fut moult joyeux; il beut & mangea; le lendemain matin, il le renvoya querir.

Devers le Roy Loys estoit, comme dessus ay dict, le Duc de Sommerfet, Anglois, lequel Duc estoit venu en France cuidant trouver le Roy Charles vivant, & comme il arriva en France ledit Roy Charles mourut; pourquoy il fut prins des gens du Roy, & le fait le Roy venir à Tours vers luy, & luy fait très-bonne chiere. Jà fut-il que le Duc de Sommerfet fut ennemy mortel d'Edouart nouvel Roy d'Angleterre, & avoit tousiours conduit la guerre de la Royne d'Angleterre, contre ledit Edouart: or le Duc de Bourgogne tenoit à ami ledit Roy Edouart comme on disoit, & ne lui avoit point nui en ses affaires; ains l'avoit favorisé. Toutefois ledit Seigneur Comte de Charollois aimoit le Duc de Sommerfet qui estoit son parent; il l'eut volontiers aidé contre ledit Edouart: pour l'amour du Seigneur de Charollois, le Roy Loys délibra ledit Duc, & luy fait donner de l'or & de l'argent pour aller où bon lui sembleroit; le Duc se meist en mer pour se rendre en Ecoffe; mais on luy conseilla qu'il n'y allât point, car il estoit espié par le Roy Edouart. Sy ne passa pas oultre, ains retourna & s'en alla à Bruges en Flandres, où il fut un grand espace. L'y laissoit estre le Duc de Bourgogne, sans lui faire empêchement, pour l'amour dudit sieur

Comte de Charollois son fils; & ainſy tenoient le pere & le fils chacun ung parti; & quand le pere eſtoit joyeux de quelque victoire que ledit Edouart avoit, le fils en eſtoit dolent & triſte.

Après que le Comte de Charollois eut eſté près d'ung mois avecque le Roy Loys, le Comte print congé du Roy, lequel l'avoit moult haultement reçu; puis s'en retourna & repaſſa par la Normandie. Dans toutes les bonnes villes du Royaulme où il paſſoit, les Nobles venoient allencontre deluy, & le Clergié à croix & proceſſions, & ainſy l'avoit commandé le Roy qu'on lui feit; comme Prince il délibyroit tous priſonniers de priſons. Il repaſſa par Blois où le Duc d'Orléans le feſtia moult haultement, & encoires euſt il fait plus; mais il ne vouloit nulle part ſejourner, parce qu'il contendoit à faire ſa feſte de Noël avecque ſa femme, qui eſtoit à Aire en Arthois.

C H A P I T R E X I I I .

D'ung mauvais fait que feit Messire Loys de la Viefville ; & comment il mourut , & aultres incidens.

EN mil iiii^e lxj mourut en la ville de Saint-Omer, Messire Loys de la Viefville, Chevalier, sieur de Sains, en l'âge de xl ans, ou environ, assez soudainement; car assez tost après qu'il fust descendu de son cheval s'alla coucher en son hostel, & y mourut sans faire aucune ordonnance : il estoit Capitaine de Gravelines, très beau Chevalier, mais très luxurieux, & par especial en ce cas avoit fait ung merveilleux fait; car deulx ou trois ans devant avoit ravi une Damoiselle en plains champs, très belle, laquelle estoit niepce de l'Abbesse de Bourbourg & noble femme, & l'une des plus belles que l'ors on voit. Il l'amena avecque sa femme : or sa femme estoit de noble lieu, belle & bonne, & en avoit-il plusieurs enfans. Quoiqu'elle fut belle, bonne & preude femme, si faisoit il feoir ladite fille, qu'il avoit ravie, à sa table, & lui au milieu d'elles deulx, & devant sa femme alloit coucher avecque ladite fille, &

bouttoit sa femme hors de sa chambre, pour qu'elle allât où bon luy sembloit. La noble Dame souffroit ce patiemment, & plus fit elle: car après que ledit Chevalier eut ravi la Damoiselle, le Duc de Bourgogne le manda luy & ladite Damoiselle en intention d'en faire justice; mais la très-noble Dame, qui du Chevalier avoit plusieurs enfans, doubtant en soi-même que si ladite fille se plaignoit de violence, & disoit la vérité de ce que luy avoit fait son mary, le Duc en feroit justice telle qu'il appartenoit, ce dont il mourroit, parquoy lui & ses enfans en seroient au temps advenir reprochiez. Par plusieurs fois, & par plusieurs jours elle se jettoit à genoux devant la fille, & lui prioit très instamment qu'elle eût pitié de son mary, & qu'elle ne se voult plaindre de violence; tant elle fit par doulces & humbles prieres, avecque mil florins d'or qu'elle lui fait avoir, que ladite fille venue devers le Duc ne se plaignt pas; & par ainſy avecque l'aide de Dieu & de ses parents, & encore mieux de la Dame sa femme, icelluy Chevalier ne fut point mis à mort, car le faict estoit trop cler; cela arriva en plain jour, & montra ladite fille telle rebellion qu'une femme doit & peut faire, & sans doute pour sy horrible cas. Plusieurs eussent bien voullu que justice

euist esté faite du Chevalier ; sa femme mourut ung jour auparavant luy, de l'ennuy & du déplaisir qu'elle avoit de la vie de son mary ; le Chevalier estoit grand parleur, & ne tenoit chose qu'il promettoit. J'escrips ce, par maniere d'exemple, pour montrer que souvent belle vie amaine belle fin.

C H A P I T R E XIV.

Comment le Duc de Bourgogne fust fort malade, & des prieres & processions qu'on en feit ; & aultres choses.

AUDIT an mil iiii^e. lxxj. en la ville de Bruxelles, en Brabant, environ la Chandeleur, prit au Duc de Bourgogne une grande maladie, & si grande que tous les Maistres en Medecine l'abandonnerent, & esperoient plus sa mort que sa vie ; ledit Duc estant ainisy malade, manda son fils Charles, Comte de Charollois, quy estoit au Quesnoy avecque sa femme, lequel y vint prestement. Son dit fils venu des qu'il veit son pere ainsi aggressé de maladie, il manda incontinent par toutes les villes fermées des pays de son pere, qu'il estoit grièvement malade ; & que les Medecins faisoient grand

doubte de sa mort; parquoy il requeroit à tous les sujets, & tous Gens d'Eglises, qu'ils voffissent faire processions generales, prieres & oraisons à Dieu. Le Comte de Charollois feit grandement son debvoir; car lui-mefme, fans se despouiller & fans dormir, veilla foudit pere quatre jours & quatre nuits, fans le laiffer, & jà fut chose vraie que son pere vouloit souvent qu'il se déportât, & lui disoit . . . « Mon fils, je » vous prie de ne pas prendre tant de paine » pour moi, vous en pourriez estre malade, ce » dont je serois courroucé, & puis qu'il plait à » Dieu que je le fois, il vaut mieulx que je le fois » seul que vous & moi ».. Le bon Prince parloit ainsi à son fils, craignant qu'il ne prît quelque maladie, car il n'avoit plus d'autre enfant légitime, toulte fois son dit fils ne le voulut oncques laiffer. Ainsi quand son pere le cuidoit reposant, il estoit tousjours au tour de luy qu'il ne voioit point. De vers ledit Duc, vint aussy la Duchesse sa femme, laquelle se tenoit aux bois de Nieppe, comme en dévotion, sans porter d'habit de Religieuses, & assez-tost après les prieres & processions faites pour ledit Duc, il revint en convalescence, & de jour en jour amenda tant qu'il fut gueri.

C H A P I T R E X V.

De la mort de Jehan Constain, premier Varlet de chambre du Duc de Bourgogne, que le Comte de Charollois feit decappter, pourtant qu'il l'avoit cuidé faire mourir par poison, & aultres choses.

EN l'an suivant, mil iij^e. lxij ung Dimanche, jour de Saint-Jacques & de Saint-Cristophe, fut prins en la ville de Bruxelles, par le sieur Dauffy, & Messire Philippes de Crievecoeur, Chevalier, Jehan Constain, par le commandement du Duc de Bourgogne, à la requeste de son fils, le Comte de Charollois, & fut prestement mené à Ryppelmonde, & la cause pourquoy Jehan Constain avoit esté au pais de Bourgogne dont il estoit, & là avoit traisté avec un pauvre Gentil-homme, nommé Jehan Osmy, pour une certaine somme d'argent, d'aller querir poisons au pays de Lombardie, pour empoisonner le Comte de Charollois. Jehan Osmy y alla, & rapporta les poisons audit Jehan Constain. Constain ne lui tint pas convenance, & sy ne luy bailla point tant deniers qu'il lui avoit promis, dont Jehan Osmy fut mal content; il se plaignit de Constain à un Gentil-homme nommé Archembault, natif de Bourgogne, qui estoit de l'Hostel dudit

Comte de Charollois, en disant que Constain estoit ung mauvais homme, & que s'il vouloit tenir secret, il luy raconteroit merveilles; ce que ledit Archembault lui promist; & lors dit, comment Constain avoit marchandé avec luy d'apporter poison, & s'y ne luy vouloit payer: ledit Archembault ce ouy, lui dit que s'il ne vouloit le dire au Comte de Charollois, lui mesme le diroit. Jehan qui doupta que son faict ne fust descouvert, s'en alla prestement au Comte de Charollois, luy cria mercy, & raconta toute l'oeuvre, & dit qu'il se faisoit partie contre Constain; afin qu'il fût plus certain de l'oeuvre, il luy bailla plusieurs lettres escriptes de la main dudit Constain, touchant le poison; le Comte lui ordonna de s'aller rendre prisonnier à Ryppelmonde, comme il feit. Le Comte sçachant ces choses, alla devers son pere, se jetta à ses jenoulx, & le pria de lui faire justice; comme il la feroit au plus pauvre homme de ses pays; le Duc lui demanda de qui: le Comte respondit que c'estoit de Jehan Constain, lequel avoit envoyé querir poisons pour l'empoisonner; il luy monstra les lettres escriptes de sa main. Le Duc qui congnut les lettres de Constain, luy dit qu'il luy en feroit raison; icelluy Jehan Constain estoit le premier varlet de chambre,

& le plus privé de ceulx qu'il eut, & si privé qu'il n'y avoit office ès pays dudit Duc, que ledit Duc donna, qui ne passassent par les mains de Constain, & qu'il n'en eust quelque chose. Constain estoit tenu riche de cent mil florins de rentes d'or, ou plus, avec dix mil florins chacun an : quand il vint à l'hostel du Duc, il estoit vestu d'une pauvre juppel de toile ; il servit son oncle Imbert, Garde des Joyaulx dudit Duc, lequel Imbert le feit varlet de chambre dudit Duc. Or, le jour que ledit Comte se plaignit, fut la nuit devant la prise dudit Constain ; & le lendemain comme le Duc s'appuyoit à une fenestre avec sa femme, la Duchesse, & avec son fils, pour conclure du fait de Constain, ledit Constain, comme il avoit accoustumé, chassoit au parc de Bruxelles, présent ledit Duc, & de rien ne se doubtoit ; après laquelle chasse ledit Constain vint devers ledit Duc, auquel celui-ci dit telles parolles, ou en substance : *il y a ung homme à Ryppelmonde, lequel te charge fort de ton honneur, je te commande que tu voies à Ryppelmonde avecque le sieur Daussy, lequel y va pour cette cause ; vas y prestement.* Constain lui respondit qu'il iroit volontiers, & qu'il ne doubtoit homme qui le chargeast, que bien ne s'en excusât, sy s'en alla monter à cheval,

cheval, & richement monté de cinq chevaux, & bien habillé de son corps, s'en alla à l'Hôtel du sieur Daussy, ancien & sage Chevalier, premier Chambellan dudit Comte, & qui l'avoit noury des qu'il fut né. Il trouva le sieur Daussy tout prest, & à cheval avecque luy xvj Archiers de corps dudit Duc, & ledit Messire Philippes de Crevecoeur; quand ledit Constain veit les Archiers, il demanda ce qu'ils faisoient là, lors respondit le sieur Daussy qu'ils y avoient à faire, & qu'ils iroient avecque luy. Lors partit ledit sieur Daussy, & Messire Phylippes, & ledit Jehan Constain, au milieu d'eulx, tous trois en rang, & passerent par la ville de Bruxelles, sans aultre chose dire à Constain. Quand furent hors de ladite ville, ledit sieur Daussy dit à Constain, qu'il falloit qu'il descendit de son cheval, lequel estoit un beau destrier, & qu'il montât sur une petite hacquenée: quand Constain veit ce, il obéit, & devint moult passe; lors le noble & sage Chevalier le feit prisonnier du Duc, puis le mena au Chastel de Ryppelmonde, & les suivit le Comte de Charollois, de près, qu'il fut aussitost audit Chastel, que ledit Constain; il prist les clefs de la tour où Constain fut mis. Après lui allerent le Bastard de Bourgogne, l'Evesque de Tournay, le sieur de Croy, & ne parloit

nul audit Constain, que les susdits sieurs, encore le Comte estant présent. On fit venir devant Constain, Jehan Osmy, lequel lui dit ce qu'il avoit fait & marchandé avec lui : il y eust entre eulx deulx de moult grosses parolles ; Jehan Osmy luy feit monstrier les lettres escriptes de sa main ; tant fut parlé audit Constain, que sans gehenne il confessa son fait ; c'est assavoir qu'il avoit esté lui mesme par deulx fois au pays de Piedmont en Lombardie, pour avoir lesdits poisons, & ne les avoit peu avoir, & pour ce avoit marchandé avec Jehan d'Osmy, & que la cause pourquoy il le faisoit, ce n'estoit pas comme il dit de prime face pour faire mourir le Comte de Charollois ; enfin il avoua que après ledit poison prins, il n'eust vescu qu'un an ; il le lui devoit donner à la my Aoust prochain, lors d'aulcuns banquetts qui se devoient faire à l'Hostel dudit Duc ; il dit que la cause qui le menoit à ce faire estoit, qu'il se doubtoit n'estre pas bien en la grace du Comte, & que si le Duc son pere fut mort, il avoit doubte qu'il ne luy eult osté le sien, ou par aventure la vie ; des aultres choses qu'il confessa, je ne le peux sçavoir, car trop fut tenu secret. Après cette confession, le Comte demanda à Jehan Osmy, si Constain luy eut tenu sa promesse, s'il l'auroit accusé, auquel il respondit que non : & on le fit

mourir; car il ne l'avoit accusé que par convoitise; ces choses faites, le Vendredy en suivant, Constain fut mené sur une haulte tour. à Ryppelmonde pour le décapiter, présent ceulx du Conseil du Duc. Mais avant Constain pria qu'il peut ung peu parler au Comte, ce qu'on luy octroya. Il parla audit Comte seul à seul, & ne sçeut-on ce qu'il lui dit, combien que ceulx qui estoient loing d'eulx veirent bien qu'à chacun propos que ledit Constain disoit, voir à peu-près à chacun mot, ledit Comte faisoit le signe de la croix; pourquoy on doubtoit qu'il n'eust accusé plus grande chose qui fut plaine de mal, de luy ou d'aulthruy; après qu'il eut parlé audit Comte, il le pria que son corps ne fut point escartelé, & qu'il fut mis en terre sainte; ce fait il fut décapité; & assez tost après luy, ledit Jehan Osmy, audit lieu.

Les biens & héritages dudit Constain furent tous confisqués, mais le Duc, assez tost après les redonna à la femme de Constain & à ses enfans, laquelle femme estoit bien en la grace du Duc. On disoit encoires que ledit Constain avoit fait mourir par poison la Dame de Ravestain femme d'Adolphe de Cleves, neveu du Duc.

Fin du Livre quatrième.

I i ij

M É M O I R E S

D E

JACQUES. DU CLERCQ.

LIVRE CINQUIEME.

CHAPITRE PREMIER.

Comment le Duc de Bourgogne de rechef rassembra les trois Estats de ses pays à Bruges, & comment son fils les feit venir en dedans le jour en Anvers en Brabant, par devers luy, dont le Duc fut mal content; item, des crimes que sondit fils dit que le sieur de Croy avoit commis, & comment enfin le Duc pardonna à sondit fils ce qu'il luy pouvoit avoir meffait.

ENVIRON ce temps le Duc de Bourgogne convoqua les trois Estats de ses pays à ce qu'ils fussent en nombre complet le ix. jour de Janvier à Bruges; ce que sçachant son fils le Comte de Charollois, lequel estoit en l'indignation de son pere, comme je dirai cy après, il escrivit par tous les pays dudit Duc aux trois Estats d'estre devers lui en la ville d'Anvers en Brabant

le iij^e. jour de Janvier ; il manda auxdits trois Estats comment il estoit desplaissant du courroulx que son pere tenoit contre luy sans cause ; car il n'avoit fait , ny ne vouloit faire chose dont il se deubt troubler vers luy , mais aucuns des Gouverneurs de son pere , & qui ne l'aimoient point ^{le}tenoient en indignation , & pour ce , desiroit de parler à eulx , avant que le jour vint ou ils devoient estre pardevers son pere , afin qu'ils peussent prier à son dit pere qu'il fut content de luy , & qu'il estoit prest de faire tout ce que bon fils doit faire. Comme plusieurs Prélats , Nobles & Députés des Villes estoient partis pour se rendre près le Comte de Charollois , le Duc son pere en fut adverty ; & très troublé de ce , il ordonna auxdits Estats qu'on ny allat point , & meismement feit faire commandement à plusieurs qui jà estoient au de-là de Gand , de retourner sur leurs pas : ceux-cy obéirent ; mais ainly que ledit Duc eut envoyé lescrites lettres , aucuns desdits trois Estats estoient jà devers ledit Comte , ce qu'ils y feirent , je ne le sçay.

Le ix^e. jour de Janvier tous les dessusdits qui avoient esté devers le Comte , arriverent à Bruges auprès du Duc.

Touts estant assemblés , le Duc vint , avecque lui ceulx qui s'enssuivent , Adolphe de

Cleves son nepveu, le Seigneur de Croy, le Bailly de Haynault, nepveu dudit sieur de Croy & aultres Seigneurs, & devant tous, l'Evesque de Tournay remercia, pour & au nom dudit Duc, lesdits trois Estats de leur bonne diligence ; il ajouta que le Duc estoit sy troublé de certaines nouvelles qu'il avoit eu de son fils le Comte de Charollois, que pour lors il n'estoit pas en point de dire ce qu'il avoit à proposer ; à ces mots le Duc prist la parolle & dit, que ce dont il estoit troublé estoit que son fils se laissoit gouverner par des gens qu'il n'aimoit pas, & qu'il ne vouloit faire sa volonté, & lors prist ung papier & le bailla à ung secrétaire pour le lire, en disant *ce que mon fils a escrit, entendez y*, » au-
» quel papier ledit Comte entr'aultres choses
» lui marquoit que la chose qui le plus luy
» desplaisoit au monde estoit de ce qu'il estoit
» troublé envers luy, parce qu'il n'avoit voulu
» venir à son commandement, qu'il le prioit
» le tenir pour excusé ; car son intention n'estoit
» pas d'y aller tant que ceulx qui estoient autour
» de luy y feroient, lesquels l'avoient cuidé faire
» mourir par poisons, & tous les jours pour-
» chassoient sa mort, s'ils pouvoient ; que c'estoit
chose vraye, & que trois choses l'en empê-
choient. La premiere, parce qu'il n'aimoit pas

le sieur de Croy, & n'avoit cause de l'aimer; car ledit de Croy avoit tant fait avecque ses alliés, que le Roy avoit obtenu les terres engagées, ce qui estoit à son préjudice.

La seconde cause estoit que ledit Comte avoit retenu de son hostel l'Archidiacre d'Avalon, après qu'il eut quitté le Comte d'Estampes son cousin, qu'il ne debvoit pas estre mal content de luy pour certaines causes qu'il lui diroit, mais qu'il luy pleut de parler à luy.

La troisieme cause estoit parce qu'il avoit envoyé querir en Hollande par les Archiers, Maistre Anthoine Michel, par le conseil duquel & aultres, ledit Comte de Charollois s'estoit comme il disoit, voullu faire sans son gré & congié Comte de Hollande, & qu'après qu'il fut prins, les Archiers dudit Comte vindrent rescourre ledit Maistre Michiel : desquelles choses ledit Comte s'excusoit, disant que oncques ne l'avoit voullu faire, ny estre Comte de Hollande, ainsy s'il sçavoit ou ledit Maistre Michiel estoit, il le renveroit devers ledit Duc son pere; ces choses ainsy dites le Duc remercia les trois Estats, & leur donna congié jusques a ce qu'il les mandat; sy partirent aucuns des trois Estats, non pas tous; car de chacune bonne ville des pays dudit Duc en demoura deulx ou trois, & conclu-

rent de demourer tous à Bruges jusques à ce que la paix & union dudit Duc & de son fils fut faite, & avecque eulx demoura ung très-notable Clercq & preud'homme comme on disoit, lequel estoit Abbé de Cîteaux en Bourgogne.

Pendant que les Députés desdits trois Estats estoient à Bruges, le Comte de Charollois partit d'Anvers & vint à Gand, auquel lieu de Gand lesdits Députés se retrouvèrent avecque l'Evesque de Tournay, le sieur de Gouy & Messire Simon de Lallaing Chevalier, & allerent tous devers le Comte, pour lui dire leur volonté, & proposa pour eulx ledit Abbé de Cîteaux en telle maniere; c'est à sçavoir, qu'après plusieurs nobles remontrances en alléguant la sainte escripture, & l'obéissance que fils doit faire à pere, ils le requeroient de condescendre en toute humilité, & estre content de faire au plaisir de Monseigneur le Duc, qu'ils le requeroient de se déporter d'aucuns siens serviteurs; & après que ledit Abbé de Cîteaux eut conclu, l'Evesque de Tournay se jeta à genoux devant lui, & fit pareillement des belles remontrances: mais le laissa ledit Comte longtemps à genoux, car il n'estoit pas bien en sa grace, & entr'autres choses dit qu'il n'estoit point venu vers luy comme serviteur de

son pere ; mais comme Evesque , & à cette cause est tenu toute paix nourrir , pour éteindre tout meschief ; à ces mots le Comte de Charollois le reprint bien court , disant que s'il n'eut oncques esté serviteur de Monseigneur son pere , il ny eut guerres gaigné ; après ce , dit ledit Comte aux députés , qu'il estoit très-joyeux de leur venue , il osta son bonnet de dessus son chief , & les remercia comme ses loyaulx amis , de la peine & travail qu'ils avoient prins , & de l'amour qu'ils lui monstroient en disant que jamais il ne l'oubliroit , & que pour le grand amour qu'ils lui tesmoignoient il ne leur vouloit plus celer son courage , ainzy leur alloit déclarer une partie des délits & malefices que le sieur de Croy & ses alliés avoient faits. Ensuite il leur dit : Messieurs & mes amis , n'entendez mie que je me deffie de vous , si je ne vous nomme tous les complices de ceulx qui ainzy ont pourchassiez ma mort , vous avez ouy tous mon cas , vous sçavez comment dernièrement je conclus ; pourquoy je vous prie que voeuilliez parler ensemble , & me bailliez conseil de ce que j'ai à faire , attendu ce que j'ai dit : car en vérité je scay que vous seroit déplaisant s'il m'advenoit de me mettre ès-mains de mes ennemis ; par eulx ne voenlx estre gouverné , mais par mes bons & loyaulx serviteurs ;

donnez moi advis, je vous supplie, car de cette place ne partiray jusques à ce que j'aye votre responce : Dieu me la donne bonne comme en vous j'ai parfaite confiance.

CHAPITRE II.

Comment les Députés rendirent responce audit Comte ; & comment par leur conseil ledit Comte s'en alla devers son pere à Bruges & furent d'accord ensemble.

LES Députés se retirerent en une chambre ou ils furent environ demie heure, puis retournerent devers le Comte, & se jetterent tous à genoulx devant lui, lequel incontinent les feit relever : lors l'Abbé de Cîteaulx pour & au nom desdits Députez porta la parolle, & dit audit Comte comment ils avoient parlé ensemble, & qu'ils estoient tous d'une opinion, c'estoit qu'ils luy requeroient très-humblement que pour parvenir à la bonne grace & amour de Monseigneur son pere, il fut content de retourner devers lui, & qu'en ce faisant il escheveroit (a) ung grand trouble, qui pourroit advenir en tous les pays de son pere, & qu'au regard de ses ennemis, Dieu l'en avoit gardé jusques à cette heure, & encoires par

(a) Il préviendrait.

les bonnes prieres de tous ceulx desdits pays ill'en garderoit, & que quand son pere le verroit il auroit sy grande joye, que ce seroit celluy qui mieulx le garderoit; qu'au regard de ses serviteurs on le supplioit qu'il les voulut pour cette fois laisser derriere sans leur donner congé, & qu'il seroit bref la paix d'iceulx vers son pere; qu'ils s'offroient en tout ce qu'il seroit leur possible. Ce ouy par ledit Comte, il les remercia & leur dit, que pour entretenir l'amour de Dieu, & de Monseigneur son pere, & d'eulx, il leur accordoit de bon coeur leur demande, en les priant de l'accompagner, & de lui faire requeste pour ses serviteurs; ce qu'ils lui accorderent; & le lundy ensuivant, le Comte de Charollois accompagné de grand nombre de Nobles gens, Chevaliers & Escuyers, avec lesdits Deputés, partit de Gand, & arriva ce jour à Bruges; vindrent au devant de luy l'Archevesque de Lyon, Adolphe de Cleves, Anthoine Bastard de Bourgogne & plusieurs aultres Seigneurs, avecque la *loy* de la ville; de laquelle ville, ce jour, le sieur de Croy scachant sa venue, estoit parti & estoit allé devers le Roy Loys à Tournay; le Comte descendit à l'hostel de son pere, puis monta en sa chambre; sitost qu'il le veit, il s'agenouilla par trois fois, & à la troisieme

fois dit , *mon très-doulx Seigneur & pere* , j'ai entendu qu'esles mal content de moi pour trois choses , lesquelles il luy déclara (comme dit est cy-dessus quant il parla aux Députés) il s'en excusa , puis dit : *toutefois sy en ce ou en aultres choses , je vous ay aulcunement troublé , ou courroucié , je vous en prie mercy* ; alors le Duc respondit : *de toutes vos excusations j'esçay bien ce qu'il en est , ne m'en parlez plus , mais puis qu'esles ici venu à mercy , soyez-moi bon fils , & je vous seray bon pere* : il le print par la main & lui pardonna : ce fait , les Depputez des bonnes villes prinrent congé du Duc , qui leur assigna jour au viije. de Mars à Bruges , pour leur déclarer son intention ; chacun s'en retourna en son lieu.

CH A P I T R E III.

*Habillements du tems , & mort du Duc
Philippes le Bon.*

EN mil iiij^e. lxxij les Dames & Demoiselles ne portoient plus nulles queus à leurs robbes , mais elles portoient bordures de gris de *leiffes* de velours & aultres choses de largeur d'ung velours de hault ; elles portoient sur leurs chiefs bourlets en maniere de bonnets ronds , & diminuant

par dessus de la haulteur de demie aulne, ou trois quartiers de long, aucunes moins, aultres plus, & déliés couvierchefs par-dessus pendans par derriere jusques en terre, avec ceinture de soye de la largeur de iiij ou v pouces, les tiffus & ferures larges & dorées, pesant v, vij & vij onces d'argent; de larges colliers d'or en leurs cols, de plusieurs façons.

En ce temps ausy les hommes se vestoient sy court, que leurs chausses alloient près jusques à la forme de leurs fesses; ils faisoient fendre les manches de leurs robbes & de leurs pourpoints, si bien qu'on voyoit leurs bras, parmy une déliée chemise qu'ils portoient, la manche de la chemise estoit large: ils avoient longs cheveulx qui leur venoient pardevant jusques aux yeux, & par derriere & jusques en bas; sur leurs testes ils portoient ung bonnet de drap d'un quartier ou quartier & demy de haulteur, & les Nobles & riches, grosses chaînes d'or au col, avec pourpoint de velours ou drap de soye, & de longues poulaines à leurs solliers de ung quartier ou quartier & demy de long, & à leurs robes gros maheutres sur leurs épaules pour les faire apparoirre plus gros & plus fournis; leurs pourpoints estoient garnis de bourre & s'ils n'estoient ainfy, ils s'habilloient tous long jusques en terre de

robes; tantost en habit long, tantost en habit court; & ny avoit sy petit compagnon de mestier qui n'eut une longue robe de drap jusques aux talons.

Le xij^e jour de Juin, en l'an mil iiijc. soixante sept, par un Vendredy au soir, en la ville de Bruges, Philippes, Duc de Bourgongne, eut une maladie, laquelle luy prist par vomir: le lundy ensuivant le xv^e. jour dudit mois, entre ix & x heures du vespre (a) il mourut. Le Dimanche avant sa mort, on alla hastivement dire au Comte de Charollois, qui estoit à Gand, comment son pere estoit grièvement malade; le Comte la nouvelle ouye, prestement monta à cheval, & alla à Bruges, & sembloit par tout où il passoit qu'il déuist faire fendre les pieds de son cheval, & n'y eut que quatre ou cinq Chevaliers qui le peurent suivre. Il arriva le lundy environ midy à Bruges; & descendit à l'Hostel de son père qui avoit jà perdu la parolle; le Comte se jettà devant son lit à genoux, plourant, & luy requérant sa bénédiction, & que si aulcune chose lui avoit meffait qu'il la luy pardonnast. Auprès du Duc estoit son confesseur, Evesque, lequel l'admonesta, & pria moult que s'il avoit encoires entendement qu'il le monstrat, & que au moins

(a) Du soir.

s'il ne pouvoit parler, qu'il feit aucun signe, à laquelle admonestation, veue & priere de son fils, il retourna ses yeux sur sondit fils. Il le regarda, & luy estendit la main, laquelle il avoit mise sur la sienne, & aultre signe ne luy peut faire.

Le Duc mort, son corps fut laissé sur son lit, toute cette nuit, ung noir bonnet sur son chef, & en sa chambre. Le lendemain jusques au soir, chacun qui vouloit le venoit veoir; il y eult moult grand peuple. Quant vint à mettre le corps en terre, n'est homme qui sceut dire la grande pitié des pleurs des Officiers & aultres: à vérité dire pouvoient & devoient plourer ceulx qui estoient sujets du Duc, car ils perdoient ce jour un prince, (25) le plus renommé qui fut sur la terre, plain de largesse, plain d'honneur, plain de hardiesse & vaillance, bref remply de moult nobles vertus, lequel avoit tous ses pays, gardé en paix à la pointe de l'espée sans espargner son corps. Tous nobles hommes qui venoient vers luy à sauveté, (ses ennemys ou non) il les recevoit, les retenoit à sa Court, & leur faisoit ce qu'il pouvoit de bien.

Fin des Mémoires de Jacques du Clercq.

OBSERVATIONS

SUR LES MÉMOIRES

D E

JACQUES DU CLERCQ.

(1) CETTE observation auroit dû naturellement être placée à la suite des *Mémoires de la Pucelle d'Orléans*, tome 7 de la Collection, page 162. Il s'agit d'une lettre de cette fille célèbre, qui n'a jamais été imprimée & dont aucun de nos Historiens ne paroît avoir eu connoissance. Nous étant parvenue trop tard, nous avons cru devoir saisir l'instant où du Clercq parle du couronnement de Charles VII, pour mettre sous les yeux du public ce monument précieux. Etablissons d'abord son authenticité : l'original est déposé dans les archives de la Chambre des Comptes de Lille ; ce fut en 1777 que M. Godefroy (a), garde de ce dépôt, permit d'en tirer une copie collationnée. Cette lettre de la Pucelle est adressée

(a) C'est le digne petit-fils du savant Denis Godefroy, à qui notre Histoire a tant d'obligations.

au Duc de Bourgogne , Philippe le-Bon , qui la reçut probablement à Lille , où en qualité de Comte de Flandres , il tenoit quelquefois sa Cour. Il étoit parti de Paris , le 16 Juillet 1429 , pour aller dans ses Etats d'Artois , afin d'en (a) amener du secours aux Anglois ; & le lendemain 17 , la lettre lui fut écrite. Ce Prince put la recevoir à son passage à Lille. Il n'est donc point extraordinaire qu'on l'ait retrouvée à la Chambre des Comptes de cette ville. Elle n'est point écrite de la main (b) de Jeanne , puisqu'il est constaté que la Pucelle ne fut jamais écrire. Le jour où elle dicta cette lettre fut le plus beau de sa vie ; en faisant sacrer Charles VII à Reims , elle achevoit ce qu'elle appelloit *sa mission*. L'original de sa lettre est en parchemin. On fait que dans ce tems-là , l'usage de se servir du parchemin pour les lettres missives subsistoit encore. Des bandes de parchemin fermoient ces lettres ; & le cachet s'appliquoit sur ces bandes. C'est là à peu-près la forme

(a) Lisez Rymer , tome IV , partie 4 , page 150.

(b) Voyez la déclaration qu'elle en fit dans son procès , lors de la rétractation qu'on exigea d'elle le 24 Mai 1431.

Il s'ensuit que l'Auteur des Mémoires de la Pucelle , p. 105 , tome 7 de la Collection , s'est exprimé inexactement , en disant qu'elle écrivit aux chefs de l'Armée Angloise qui assiégeoient Orléans.

Tome IX.

K k

de celles du Roi, qu'on nomme *lettres de cachet*. On apperçoit dans l'original les fentes à travers lesquelles passoient ces bandes, & les traces de l'empreinte du cachet de cire rouge.

Lettre de Jehanne la Pucelle au Duc de Bourgogne.



Jhesus Maria.

Haut & redoubté Prince, Duc de Bourgogne, Jehanne la Pucelle vous requiert de par le Roy du ciel, mon droicturier & souverain Seigneur, que le Roy de France & vous, faciez bonne paix, ferme, qui dure longuement, pardonnez l'un à l'autre de bon cuer entièrement, ainsi que doivent faire loyaux chretiens, & s'il vous plait aguerroyer, si allez sur le Sarrazin, Prince de Bourgogne, je vous prie, supplie, & requiers tant humblement que requierir vous puis, que ne guerroyez plus au Saint Royaulme de France, & faites retraire incontinent & briefvement vos gens qui sont en aucunes places & forteresses dudit Saint Royaulme, & de la part du gentil Roy de France il est prest de faire paix à vous sauve

son honneur, s'il ne tient en vous, & vous faiz à savoir de par le Roy du ciel, mon droicturier & souverain Seigneur, pour votre bien & pour votre honneur, & sur voz vie que vous n'y gagnerez point bataille à l'encontre des loyaux François, & que tous ceux qui guerroient audit Saint Royaulme de France, guerroient contre le Roy Jhesus, Roy du Ciel & de tout le monde, mon droicturier & souverain Seigneur, & vous prie & requiers à jointes mains que ne faictes nulle bataille ne ne guerroyer contre nous, vous, vos gens, & subgiez, & croyez surement (a) *que quelque nombre* de gens que amenez contre nous, qu'ilz n'y gagneront mie, & sera grant pitié de la grant bataille, & du sang qui y sera répandu de ceulx qui y vendront contre nous, & à trois semaines que je vous envoie, escript & envoyé bonnes lettres par ung Hérault, que fussiez au sacre du Roy, qui aujourd'huy Dimanche, dix-septieme jour de ce présent mois de Juillet, ce fait en la Cité de Reims, dont je n'ai eu point de réponse, ne n'ouy oncques puis nouvelles dudit Hérault, à Dieu vous

(a) Ces trois mots sont répétés deux fois dans l'original qui est d'environ 12 pouces de large, sur 6 pouces de haut.

commend & soit garde de vous, s'il luy plaist, & prie Dieu qu'il y mette bonne paix. Escript audit lieu de Reims, le dixseptieme jour de Juillet.

Sur le verso est écrit au Duc de Bourgogne.

Nous ajouterons quelques réflexions sur ce monument singulier dans son genre. 1°. L'adresse de la lettre est (a) simple, & ne contient que ces mots *au Duc de Bourgogne* Ce n'est pas que Jeanne refusât à ce Prince les titres qui lui étoient dus; & le commencement de sa lettre le prouve, puisqu'elle lui donne ceux de *haut & redoubté Prince*. Quant à elle, son unique dénomination est celle de Jeanne la Pucelle.

2°. Les mots *Jhesus Maria*, précédés d'une croix, qui sont au haut de cette lettre, attestent encore son authenticité, puisqu'on retrouve cette formule dans toutes celles de ses lettres (b) qu'on a imprimées.

On ne doit point être surpris de l'enthous-

(a) Jeanne, trois semaines auparavant, avoit adressé à ce Prince une autre lettre où elle le sommoit d'assister au sacre. On ne peut s'empêcher d'en regretter la perte.

(b) Voyez tome 7 de la Collection, Mémoires de la Pucelle, page 105.

fiasme qui regne dans celle-ci : cet enthousiasme fut le mobile des actions de Jeanne ; & comme on l'a remarqué dans la notice des Mémoires qui la concernent , ce caractère fut trop soutenu pour être faïce. Elle s'annonça toujours comme ayant mission de Dieu , ou pour nous servir de ses expressions , *du Roy du ciel*. Une singularité non moins remarquable dans la conduite de cette fille , ce fut de caractériser sa mission par des mots techniques du langage féodal. Je vous fais savoir , marque-t-elle au Duc de Bourgogne , de par le Roy du Ciel , mon *droitdurier & souverain Seigneur* , &c. . . Ces mots ne pouvoient être mieux employés que dans une lettre destinée à rappeler le Duc de Bourgogne , grand Vassal de la Couronne , à l'obéissance qu'il devoit à son Suzerain , & à le détacher de son alliance avec l'Anglois , Vassal lui-même de la France. D'ailleurs dans ce siècle on étendoit , on appliquoit à tout les idées qui tiennent au régime féodal. On retrouve également dans cette lettre , les traces de cet esprit militaire & religieux qui agita si long-tems l'Europe , nous voulons parler des Croisades. Le germe de ces idées étoit de nature à se développer dans une imagination aussi ardente que celle de Jeanne. *Et s'il vous plaît aguerroyer* , écrit-elle au Duc ,

allez sur les Sarrazins Ces expressions dans sa bouche surprennent moins, lorsqu'on se rappelle que plus de vingt ans après (a) ce même Duc de Bourgogne, âgé de soixante-six ans, s'engageoit à faire la guerre aux Turcs. Notre dernière observation sur cette lettre tend à rectifier deux erreurs adoptées par la plupart de nos historiens. 1°. On a prétendu que jusqu'au sacre de Charles VII, Jeanne n'avoit accordé à ce Monarque que le titre de Dauphin. Le contenu de la lettre dément cette assertion.

2°. Tous nos Historiens ont (b) varié sur la date précise de son sacre. La lettre de Jeanne prouve incontestablement, que du Tillet & MM. de Sainte-Marthe ont eu raison de placer cette date au Dimanche 17 Juillet.

(2) Les Anglois commandés par un Chevalier Aragonois, nommé Messire François de Surienne, prirent par escalade la ville & le château de Fougères; tout y fut mis au pillage : peu de tems après, Charles VII envoya des Am-

(a) Voyez les Mémoires d'Olivier de la Marche, Tome IX de la Collection, page 17.

(b) Monstrelet la rapporte au 8 Juillet, l'Historien de Saint-Denis au 6, Godefroy au 28, Mezeray, & l'Abbé Lenglet au 7, &c.

ambassadeurs au Duc de Somerset , Gouverneur de la Normandie, pour le Roi d'Angleterre. Ces Ambassadeurs étoient le Seigneur de Culant, Grand-Maitre d'hôtel, Guillaume Cousinot & Pierre Fontenille. Les Ambassadeurs du Duc de Bretagne, savoir, l'Evêque de Rennes & le Seigneur de Guémené, ne furent pas mieux accueillis que ceux du Roi de France : & la guerre fut résolue.... Tandis que les troupes Bretonnes commandées par le Connétable de Richemont entroient d'un côté en Normandie, celles de Charles VII y pénétoient en même-tems par un autre endroit ; & les hostilités s'étendirent dans toutes les parties de la France où les Anglois avoient des possessions. (Note des Editeurs.)

(3) Pierre de Brézé, Seigneur de la Varenne, & Sénéchal du Poitou, venoit néanmoins d'éprouver une sorte de disgrâce. Son crédit auprès de Charles VII, avoit indisposé contre lui le Dauphin retiré alors dans le Dauphiné. A son infligation on accusa Pierre de Brézé, de crimes & de malversations : ce Seigneur demanda à être jugé suivant les formes. Comme Charles VII lui rendoit intérieurement justice, il n'y eut point de jugement prononcé. Son éloignement de la Cour ne l'empêcha pas

de voler au service de son maître : aussi regagna-t-il par la suite ses bonnes grâces. Charles VII lui donna une preuve de la haute estime qu'il faisoit de lui, en le nommant Gouverneur de Rouen, quand il eut chassé les Anglois de cette ville.... Sire de la Varenne, *lui dit alors ce bon Prince, j'aurois ce qu'autrefois on nous ait rapporté aucunes choses de vous que l'on disoit avoir été faites de votre part à notre préjudice, & desquelles nous ayons autrefois fait faire aucunes informations par les gens de notre Parlement ; néanmoins tout vu & considéré, nous vous tenons pour bien déchargé ; & reconnoissons, que toujours vous nous avez servi loyaument ; & pour ce, vous baillons & confions les clefs de notre château & cité de Rouen... si en faites bonne garde...* Sire, (répondit le Sénéchal) *je vous ai servi & servirai toute ma vie loyaument, & tant qu'au plaisir de Dieu je ne serai trouvé en nulle faute.* Ext. de Math. de Coucy.

(4) Le Bailly d'Evreux s'appelloit Robert de Floques dit Floquet. (Note des Editeurs.)

(5) Cette tour fut rendue aux François au bout d'un mois, faute de secours. (Note des Editeurs.)

(6) Quoique Talbot eût repoussé l'armée

Françoise, les Habitans de Rouen sentoient bien qu'enfin ils succomberoient. L'armée de Charles VII commandée, par le Comte de Dunois, étoit nombreuse, aguerrie, & pourvue de tout ce qu'il falloit pour réduire les places les mieux défendues. D'ailleurs la présence de Charles VII animoit les troupes. On ne pouvoit pas attendre sitôt les secours de (a) l'Angleterre. Presque toutes les villes circonvoisines s'étoient rendues; & l'avantage qu'avoit remporté Talbot loin de décourager, n'avoit point empêché de récompenser les François qui s'étoient signalés dans cette occasion. C'est là que furent faits Chevaliers le fils du Seigneur de la Fayette, le Seigneur d'Aigreville, Maître Guillaume Cousinot, Jean de la Rivierre, Bailly de Nivernois, & son fils Robert de Harenvilliers. Dans une circonstance précédente, à la prise de Ponteau-de-mer, le Comte de Dunois avoit décoré du même grade Colard de Mouy, Jean de Happlaincourt, Pierre de Bosfu, Antoine de Rhubempré, Jacques de Henchin, Antoine de Crevecœur, Henry de Hem, Jacques de Rembures, Jacques de Craon, Louis de Contay, Antoine Dongnies, Jacques de Mastrain, Jean de Fieffes, Jean,

(a) Lisez le détail de ces Conquêtes dans l'Histoire de Charles VII, par Mathieu de Coucy, p. 582 & suiv.

de Gouy, Gilles de l'Esclatiere, Philippe de Rollepot, Jean de Bayencourt, Luppard de Solames, Guillaume de Quenneville, l'Ermite de Cauroy, & Gavain de Bertangles. (Note des Editeurs.)

(7) Mathieu de Coucy, Histoire de Charles VII, page 589, dit cent écus au lieu de cent francs qu'énonce le manuscrit de du Clercq.

(8) A ce petit nombre de troupes que le Comte de Dunois fit entrer dans Rouen, suivant du Clercq, Mathieu de Coucy a joint deux cens lances & deux compagnies d'Archers.

(9) Le cérémonial de l'entrée de Charles VII à Rouen, étant le même que celui qu'on lit dans les Histoires de Charles VII, par Mathieu de Coucy, page 591, par Jean Chartier, page 180, dans l'Histoire Chronologique de ce Roi, page 445, & enfin dans le tome premier du Cérémonial de France, page 659, nous y renvoyons.

Nous ajouterons seulement d'après Mathieu de Coucy une anecdote relative à cette entrée de Charles VII. Le fameux Talbot (a), resté

(a) C'étoit ce Talbot qui, pour exprimer l'acharnement

comme en ôtage entre les mains des François , fut un des spectateurs de cette cérémonie. Il étoit à une fenêtre avec la Comtesse de Dunois ; il portoit pour habillement une longue robe de velours , fourrée de martre , que Charles VII lui avoit donnée , avec un chaperon violet , découpé à cornette. On l'avoit présenté auparavant au Roi , qui lui dit . . . Talbot , foyez le bien-venu ; nous sommes bien joyeux de votre venue , & entendons que venez faire le serment à nous . . . Sire , repliqua-t-il , pardonnez-moi , je ne suis point encore conseillé à ce faire . . . Cette réponse n'empêcha point le Roi d'accueillir & de fêter l'intrépide Anglois. (Note des Editeurs.)

(10) En cette année 1450 , le Jubilé attira à Rome une si grande affluence de pèlerins , qu'il y en eut beaucoup d'étouffés dans les rues & dans les places publiques. Hist. de Charles VII , par Mathieu de Coucy , page 608.

(11) Après la prise de Blayes , les Habitans

des Gens-d'armes au pillage , disoit . . . Que si Dieu étoit Gendarme , il seroit pillard . . . Ces expressions peu respectueuses pour la Divinité , ressembloit parfaitement à la prière de la Hire . . . Voyez tome 7 de la Collection , page 60.

de Bordeaux offrirent au Comte de Dunois de capituler. Ils députèrent à cet effet Pierre, leur Archevêque, Bertaut, Seigneur de Montferant, Gaillart de Durefort, Jean de la Luyde, Seigneur de Brède, Bertrand d'Angien, Seigneur de Rion, & Guillaume Oderon, Seigneur de Lanfac; les Commissaires du Roi furent Poton de Saintrailles, & Jean Bureau, Trésorier de France. (Note des Editeurs.)

(12) Ces détails relatifs à l'opiniâtreté, & même à la mauvaise foi des Bordelois, ne se trouvent point dans les Historiens contemporains de du Clercq. Toute l'armée Françoisse fut rangée en bataille ce jour-là, pour attendre les Anglois qui ne parurent point. On fit ce même jour soixante Chevaliers, parmi lesquels on comptoit le sire de la Rochefoucault, le fils du Seigneur de Commercy, Messire Jean de Rochouart, le sire de Grimoulx, Pierre des Barres, Pierre de Montmorin, Ferry de Grancy, le sire de Fontenille, Jean de Bourdeilles, Jean de la Haye, Tristant l'Ermite, & autres. (Note des Editeurs.)

(13) Philippe de Culant, Seigneur de Jallagnes.

(14) La marche rapide de l'armée Fran-

çoise , & le siège de Castillon allarmèrent les Habitans de Bordeaux , au point qu'ils forcèrent Talbot à combattre les généraux de Charles VII. Talbot s'étoit vanté de passer sur le corps de tous les François avec dix mille hommes. Pour soutenir cette gasconade étonnante dans la bouche d'un Officier , qui comme lui avoit blanchi sous le harnois , il se vit contraint d'engager une action. Enflé d'avoir eu quelque succès dans une escarmouche , il livra bataille ; & sa défaite fut complète. Il y perdit la vie avec la plupart des Officiers Anglois & Gascons qui commandoient sous lui. Un de ses Hérauts l'ayant reconnu parmi les morts , se jeta sur son cadavre , & le couvrit de sa cotte d'armes , en s'écriant douloureusement *Monseigneur mon maître , ce estes-vous ? Je prie à Dieu qu'il vous pardonne vos méfaits ; j'ai été votre Officier d'armes quarante ans , ou plus , il est tems que je rende ce que m'aviez donné* La victoire de Castillon ouvrit au vainqueur les portes des autres villes de la Guyenne. (Note des Editeurs.)

(15) Tout ce qui a rapport à Jacques Cœur est vraiment , intéressant ; s'il se distingua par son amour pour sa patrie , il ne fut pas moins estimable par les qualités du cœur que par celles

de l'esprit. Charles VII lui dut le rétablissement des finances & du commerce dans son Royaume. Il étoit Négociant à Bourges ; c'est-là que ce Monarque le connut, & qu'il fut assez heureux pour savoir l'apprécier. Il lui confia la direction d'une partie de ses Finances sous le titre de son *Conseiller-Argentier*. Plusieurs Auteurs ont assimilé cette place à celle de Surintendant des Finances. Mais nous observerons d'après du Cange (a) que ses fonctions consistoient à employer pour les dépenses de la maison du Souverain une certaine somme des revenus royaux que les Trésoriers lui remettoient annuellement ; il en comptoit à la Chambre des Comptes.

Jacques Cœur ennobli dès 1440, jouissoit de l'estime publique. Si ses richesses (b) étoient immenses pour le tems, des voies licites les lui avoient procurées ; & il avoit le droit de s'en glorifier. Le grand commerce qu'il faisoit,

(a) Glossaire de du Cange, au mot *Argentarius*. Un de ses prédécesseurs en 1351, avoit 400 liv. de gages.

(b) Dans le nombre de ses propriétés, Jacques Cœur comptoit deux maisons à Paris ; l'une étoit située sur une partie du terrain qu'occupe aujourd'hui le Palais-Royal ; l'autre existe encore dans la rue de l'Homme-Armé. Voyez le Mémoire de M. Bonamy, tome 34 des Mémoires de l'Académie des Belles-Lettres, p. 389, édit. in-12.

puisqu'il expédioit tous les ans dix à douze vaisseaux dans le Levant, étoit la source où il avoit puisé. Les noms des Duinois, des Saintrailles & autres, qui illustrèrent le règne de Charles VII, sont à juste titre consignés dans notre histoire. Sans Jacques Cœur qui par son intelligence & par les avances réitérées de ses propres deniers approvisionna leurs armées, ces grands Capitaines auroient échoué; & Charles VII n'eut pas chassé les Anglois de la France; tant il est vrai que le guerrier arrive à l'immortalité précédé par le bruit de ses exploits; & qu'à peine on parle du Ministre des Finances dont l'intelligence & l'activité lui ont aplani le chemin de la gloire. Les richesses de Jacques Cœur, & son crédit auprès de Charles VII, lui suscitèrent de puissans ennemis. *Ses richesses, dit un Historien (a), furent le plus grand de ses crimes, & donnerent envie à des vautours de Cour d'en poursuivre la confiscation, & de lui faire faire son procès par des Juges intéressés & enrichis de ses dépouilles....*

On l'accusad'abord d'avoir empoisonné Agnès Sorel, maîtresse du Roi. L'accusation tomba d'elle-même. Si Agnès l'eut seulement soupçonné d'une pareille noirceur, l'eut-elle compris dans le nombre de ses exécuteurs testa-

(a) Histoire du Berry par la Thaumassière, p. 88.

mentaires ? D'ailleurs un fait qu'on lit dans le Mémoire des enfans de Jacques Cœur, prouve la fausseté de l'imputation ; cette Agnès Sorel mourut en couche ; & son enfant lui survécut fix mois. On accusa ensuite Jacques Cœur d'une conspiration contre le Roi : cette trame étoit trop mal ourdie pour réussir.

On vouloit le perdre ; on lui imputa donc des malversations , des exactions , un commerce illicite avec les Sarrazins , & des liaisons avec le Dauphin , si connu depuis sous le nom de Louis XI. On lui ôta tous les moyens d'une défense légitime : des témoins furent subornés. Charles VII circonvenu de toutes parts le crut coupable. Après vingt-deux mois de prison & de souffrances, les Juges de Jacques Cœur en présence d'une foule de peuple attirée par le spectacle , prononcèrent son arrêt ; cet infortuné fit amende honorable la torche au poing , sans ceinture & sans chaperon. Chacun de ses Juges eut part à ses dépouilles. S'il fut persécuté par les courtisans , l'attachement que lui témoignèrent plusieurs de ses commis , l'en dédommagea. Quelque courbé que l'on soit sous le poids de l'adversité , on reçoit avec plaisir les bienfaits offerts par la reconnoissance. Il est doux alors de croire que tous les hommes ne sont pas des méchants. Deux de ses Com-
mis ,

mis; Varic & Joubert, ouvrirent leurs bourses à Jacques Cœur : ils lui devoient tout ce qu'ils possédoient. Un troisième, nommé Jean de Village, l'aïda à se sauver de la maison de force où il étoit confiné. Il se refugia à Rome, & mourut peu de tems après. La nouvelle fortune qu'il fit, dit-on, dans les pays étrangers, est purement imaginaire (a). Le savant qui nous a servi de guide dans le précis que l'on vient de lire, a prouvé l'absurdité de cette anecdote répétée par plusieurs de nos Historiens & de nos Lexicographes (b). Les uns & les autres l'ont rapportée, parce qu'il est plus facile de copier, que de se livrer à un examen critique & pénible. Au surplus nous renvoyons à l'ouvrage que nous venons d'indiquer, ceux de nos Lecteurs qui voudront connoître les détails du procès dont Jacques Cœur fut la victime ; la maniere dont il se sauva, l'époque à laquelle il mourut, & l'espece de réhabilitation qu'obtint sa mémoire à la requête de ses enfans, sous

(a) Mémoire sur les dernières années de la vie de Jacques Cœur, par M. Bonamy, tome 34 des Mémoires de l'Académie des Belles-Lettres, p. 339 de l'édition de 1712.

(b) Il est vraisemblable qu'ils ont été les échos d'André Thevet, voyageur qui vivoit sous Henri III. La cosmographie de cet André Thevet renferme plus d'une fable de cette espèce.

le règne de Louis XI. Quand ceux-ci reprirent le procès de leur malheureux père, les Avocats du Parlement de Paris déclarèrent dans leur consultation *qu'il y avoit eu en ce procès, nullité, injustice manifeste & expresse*. L'iniquité du jugement devint enfin une de ces vérités générales qui forment l'opinion publique. Pour achever de faire connoître à nos Lecteurs ce Jacques Cœur contre qui l'avarice & l'envie s'acharnèrent, nous avons cru devoir placer ici l'extrait d'un ouvrage qui lui est attribué, (a) il est intitulé... *Calcul & dénombrement de la valeur & du Royaume de France*... « Jacques Cœur trou-
 » va par la recherche soigneuse qu'il fit de l'état
 » des Finances du Roi, qu'au Royaulme de
 » France y avoit dix-sept-cent mille clochiers,
 » chacune ville pour un clochier; dont il res-
 » cindoit pour pays gasté ou autrement, sept-
 » cent mille; & par ainsi demouroit ung mil-
 » lion de clochiers; & à prendre sur chacun
 » clochier, le fort portant le feuble vingt
 » livres (b) tournoys par an pour toutes aydes,

(a) Le Chevalier sans reproche, par Bouchet, p. 105.

(b) Si on veut savoir ce que valoient alors ces vingt livres tournois, on peut recourir à l'essai sur les monnoies, par M. Dupré de Saint-Maur, & à des réflexions de M. Bonamy sur l'évaluation de nos monnoies, tom. 59 des Mémoires de l'académie des Belles Lettres, pag. 478, édit. in-12.

» tailles, impositions & huitiemes, se monte
 » en somme par chacun an, vingt millions, qui
 » satisferont à ce qui s'ensuit.

» 1°. Pour la despense de l'hostel du Roy
 » par chaque jour mil livres tournoys, au-
 » tant pour la despence de la Royne, & autant
 » pour la despense des enfans du Roy s'il y
 » en a.

» Pour entretenir en estat les villes, forte-
 » resses & chasteaux par chacun an ung mil-
 » lion. Pour les gages de vingt-mille hommes
 » d'armes, tant hyver que esté, pour chacun
 » homme d'armes, l'un portant l'autre, trente
 » livres par mois, qui se monte par an six mil-
 » lions deux cens trois livres tournoys. Pour
 » les gages des Officiers ung million par an.
 » Pour donner aux Chevaliers, Escuyers &
 » autres pour leurs mérites & récompenses un
 » million par an. Pour donner aux étrangers,
 » comme Ambassadeurs & plusieurs autres
 » gens alliés un million par an. Pour les en-
 » gins de guerre trois cens mille livres par an.
 » Pour entretenir gens sur mer, deux millions
 » par chacun an; qui est en tout quinze millions
 » quatre cens vingt-six mille livres tour-
 » noys.

» Et par ainsi demouroit encores au Roy
 » à mettre en espargne, ou pour augmenter le

» nombre de ses gens de guerre, quatre mil-
 » lions cinq cens soixante quatorze mille livres
 » par an, sans son domaine.

(16) Jeanne de Vendôme, fille de Pierre de Vendôme II du nom, est appelée la Demoiselle de Mortaing par les Historiens, & non la Demoiselle de Montagut comme la nomme du Clercq. Elle avoit épousé en secondes noces François de Montberon, Seigneur de Mortagne sur Gironde, à cinq lieues au-dessous de Blayes. C'est elle qui accusa Jacques Cœur de l'empoisonnement d'Agnès Sorel. Elle fut convaincue de calomnie & condamnée à faire amende honorable à Jacques Cœur. Il lui fut en outre enjoint de se tenir éloignée de dix lieues de tous les endroits où se trouveroient le Roi & la Reine. Charles VII lui remit la peine de mort qu'elle avoit encourue. Il est bon de remarquer que dans le nombre des gens, qui devoient des sommes d'argent à Jacques Cœur, on trouve François de Montberon, & cette Jeanne de Vendôme sa femme.

Extrait du mémoire de M. Bonamy cité précédemment.

(17) On a vu la fausseté de ce prétendu empoisonnement d'Agnès, elle mourut, selon Jean Chartier, en 1449.

« Depuis (lit-on dans son histoire de Charles
 » VII page 192) icelle Agnès voyant & sachant
 » sa maladie aggraver de plus en plus, dit à
 » Monseigneur de Tancarville, à Madame la
 » Sénéchale de Poitou, & à l'un des Escuyers
 » du Roy, nommé Gouffier, & à toutes ses
 » Demoiselles que c'étoit peu de chose,
 » & orde & vile de notre fragilité » Elle
 fut remplacée par la Dame de Villequiers, sa
 cousine-germaine, qui après la mort du Roi,
 remarque le président Hénaut (a), vécut avec
 François II, Duc de Bretagne, dont elle eut qua-
 tre enfans. C'est cette Dame de (b) Villequiers
 que du Clercq appelle Mademoiselle de Ville-
 clerc.

(18) Ce chapitre de du Clercq donne d'am-
 ples éclaircissemens sur le Chap. XXXI des
 Mémoires d'Olivier de la Marche, tom. 9
 de la Collection, pag. 32. On y voit les com-

(a) Voyez son Hist. Chronol. de France, tom. 1,
 p. 384.

(b) Elle s'appelloit Antoinette de Maignelais, & elle
 étoit veuve du sieur de Villequier. Elle acquit pour
 huit mille écus d'or, la terre de *Menetou-Salon* en
 Berri, qui avoit appartenu à Jacques Cœur. Ces huit
 mille écus d'or, à la couronne, de 70 $\frac{1}{2}$ au marc, valent
 environ quatre-vingt mille livres de notre monnoie.

mencemens de la haine que le Comte de Saint-Pol conçut contre les Ducs de Bourgogne. En se brouillant avec la maison de Croy, il se mit mal avec le Duc Philippe, qui étoit fort attaché à cette famille. Nous observerons que le récit de Mathieu de Coucy, pag. 701, ne s'accorde pas sur les détails, avec celui de du Clercq. Mathieu de Coucy prétend que le sire de Croy, voulant forcer le Comte de Saint-Pol au mariage de son fils avec la fille de ce dernier, fit saisir par le Duc de Bourgogne, les héritages du Comte de Saint-Pol, qui relevoient de la Seigneurie, & que l'alliance dont on parle fut le prix de la main-levée accordée au Comte de Saint-Pol.

(19) Ce chapitre, & les suivans, dans le manuscrit des Mémoires de du Clercq, renfermant des détails sur lesquels les Historiens du tems ont légèrement glissé, nous ont paru de nature à être conservés au moins en partie. Parmi les faits que l'on va lire, les uns sont atroces, les autres inspirent le dégoût. Ils offrent au Philosophe des tableaux faits pour affliger son cœur.

(20) En 1459 (dit l'Auteur de l'abrégé de l'Histoire de Charles VII, pag. 356,) furent

pris & arrêtés en la ville d'Arras, hommes & femmes de divers estats, pour soupçon d'estre vaudois, qui fut une terrible playe, & très-inhumaine en une si bonne ville, & une chose de grande esclandre..... Un autre contemporain (a) nous apprend que sur les bruits qui couroient qu'il y avoit beaucoup de vaudois à Arras, le Duc de Bourgogne cominit le Comte d'Estampes pour veiller à ce que leur procès fût fait. Parmi ceux que l'on rechercha comme hérétiques, il nomme la plupart des infortunés dont parle du Clercq. Il déclare en propres termes, que le but de ces accusations d'hérésie, étoit de profiter de la dépouille des victimes. Il inculpe, à cet égard, plusieurs conseillers du Comte d'Estampes, & notamment *Philebert Boucillart*, & *Jean Fourme*.

(21) Or advint que Philippe de Beaufort, fils aîné dudit Seigneur, qui voyoit que sans cause on traitoit ainsi mal son dit père, & que même aucuns de ses parens & amis l'invitoient à soy composer; & de fait, icelui de Beaufort composa de payer quatre mille escus d'or, afin d'être délivré de la prison où il estoit; icelui

(a) Mathieu de Coucy, Histoire de Charles VII, page 730.

Philippe, se retira enfin devers le Roy; où en sa Chancellerie il donna à entendre le cas de son père, disant qu'il vouloit *ester* à droit en la Cour de Parlement, qui estoit la fontaine de la justice de ce Royaume, & obtint lettres royales, en vertu desquelles il étoit mandé au premier Huissier qu'on prit ledit Seigneur de Beaufort, réellement, & de fait, es prisons où il estoit, & que sous bonne & sure garde, on le menast es prisons du Roy à Paris.

Histoire de Charles VII, par Mathieu de Coucy, pag. 731.

(22) Le sieur de Beaufort (a) fut déchargé par arrêt du Parlement, des accusations intentées contre lui. Ses calomniateurs furent punis; & on vit clairement que l'envie seule de s'approprier les biens des accusés avoit ourdi cette horrible trame. Le Duc de Bourgogne ne voulut plus qu'il fut question ni de Vaudois ni de persécutions; Martin Cornille & les autres retournèrent à Arras.

(23) Du Clercq détaille fort longuement dans les chapitres qui suivent, le sacre de Louis XI à Reims, & son entrée à Paris. Nous renvoyons

(a) Voyez Mathieu de Coucy, pag. 731.

au cérémonial de France, ceux de nos Lecteurs qui sont curieux de ces sortes de descriptions : nous nous bornons à consigner ici quelques faits particuliers relatifs à ces deux solennités.

Avant le sacre, le Duc de Bourgogne donna l'accolade à Louis XI & le fit Chevalier. Le Monarque à son tour en fit cinq ou six, savoir les deux fils du Duc de Bourbon, les deux du sieur de Croy, & Maître Jean Bureau, Trésorier de France. Louis XI, fatigué du cérémonial, pria le Duc de Bourgogne de faire d'autres Chevaliers dont la liste suit.

L'ainé fils du Comte de Poitiers; le fils du Comte de Saluce; l'Aîné, fils de Willentârques; le sieur de Chastillon; Anthoine, fils de Messire Jehan de Croy, & sieur de Sempy; Jehan de Melung, fils du sieur d'Anthoine; Anthoine Dailly, sieur de Varennes; le sieur de Montcavrel; Jehan, fils du sieur de Hallewin; Jehan de Bervieuille; Artus de Longueval; Jehan, fils du sieur de Montmorency; sieur de Mennil; Louys, son frere, sieur de Foisseulx; le sieur Darfy; Philippes; sieur de Honbrin; Anthoine, fils du sieur de Lallaing, Jehan de le Samede; Charles de Poitiers; Jehan de Renty; Jehan de Puiffeleu; Jehan de Donquerre; le sieur de Brymeu; Robert Duquesnoy; le sieur de Vendoeul; Char-

les de la Vieffville; le fleur de Rincheval; Hector de Sorel; Jehan de la Vieffville; le fleur d'Argillers; le fleur de Banesten; le fleur de Lahu; le fleur de Sarcus; le fleur de Touffepeau; le fleur de Bouteville; Morlet de Renty; le fleur de Beaucamp; Honoré de Marle; Jehan Difyne; le fleur de Sailly; Adrien de Mailly; Gilles de Berlemont; Glaude de Damp-Martin; Louys de Mantereau; le fleur de la Comté; le fleur de Chasteau-Bernard; Mauroy de Saint-Legier; Michel de Crognies; le fleur de Disnelle; le fleur de le Foeuillye; le fleur de Solency; Sampson de Saint-Germain; Pierre d'Orguemont.

A l'entrée de Louis XI à Paris, le peuple montra que la faction Bourguignone n'étoit pas encore oubliée par les Bouchers de cette Capitale. Du Clercq nous fournit à cet égard deux anecdotes qui le prouvent. Un Boucher en voyant ce Prince, s'écria : *Franc & noble, Duc de Bourgogne, vous soyez le bien venu en la ville de Paris. Il y a long-tems que vous n'y fustes, combien qu'on vous y ait moult désiré.* Un autre s'exprima plus honnêtement pour le Roy, en disant au Duc Philippe : *Soyez le bien venu à Paris; nous vous debvrns bien aimer, car vous nous avez bien gardé nostre Roy.* Au surplus le Duc de Bourgogne em-

ploja dans ces circonstances deux moyens fürs pour plaire au peuple. Il afficha la plus grande popularité, & une magnificence aussi recherchée dans son cortège que dans les banquets & fêtes qu'il donna. Son fils le Comte de Charolois fit une joute devant l'hôtel du Roy aux Tournelles. Le bon Duc y vint, ayant la Duchesse d'Orléans sa nièce en croupe, & sur le col de son cheval, la fille d'un Bourgeois de Paris, d'une figure charmante, & âgée de quinze ans seulement; cette jeune personne avoit plu à la Princesse, & ne la quittoit point. Le Duc en faisant ainsi parade de sa galanterie annonçoit hautement que les querelles entre les maisons d'Orléans & de Bourgogne étoient anéanties. Et les Bourgeois de Paris devoient voir avec plaisir les égards du Prince pour leur concitoyenne.

(24) L'inquiétude du Comte du Maine venoit de la haine que la branche de Bourgogne avoit toujours eue pour celle d'Anjou : il appréhendoit que la calomnie ne profitât de la circonstance pour entacher son honneur. Quant à Louis XI, ses craintes étoient naturelles : il n'aimoit pas sans doute le Comte de Charolois. Le caractère de ce Prince, & le sien étoient trop opposés pour se convenir; mais il sentoît qu'un

accident survenu au Comte de Charolois lui seroit infailliblement imputé : la maison de Bourgogne n'ayant point d'autre héritier légitime que Charles , sa mort entraînoit les plus grandes suites ; & pour s'en former une idée, il suffit de se rappeler les prétentions de la France sur les états de Charles , que Louis XI fit valoir après la journée de Nancy. Tous les détails que contient ce chapitre des mémoires de du Clercq , donnent sur le caractère de Louis XI , & sur l'histoire de ces tems là , des points de vue nouveaux & intéressants.

(25) L'éloge de Philippe , Duc de Bourgogne , que fait du Clercq , semble susceptible de quelques modifications. L'épithète de *Bon* donnée à ce Prince lui étoit due à juste titre ; & dès-lors il méritoit les regrets de son peuple. Mais sa bonté ne dégénéra-t-elle pas souvent en faiblesse ? Les Gouverneurs qu'il revêtit de son autorité en abusèrent quelquefois. Par exemple les persécutions que le Comte d'Estampes suscita sous son nom contre les prétendus Vaudois d'Arras , ne sont-elles pas une tâche à sa mémoire ? Le Comte d'Estampes & ses satellites , pour s'enrichir des dépouilles de citoyens opulents , jouèrent un rôle atroce dans cette occasion : du Clercq nous a conservé lui-même

d'autres traits qui annoncent que , si Philippe étoit bon , il avoit la foiblesse de souffrir que les gens de sa maison fussent oppresseurs & injustes. Voyez à ce sujet le Chapitre du livre troisième de ses mémoires.

*Fin des Observations sur les Mémoires
de du Clercq.*

TABLE

DES CHAPITRES.

LIVRE PREMIER.

CHAPITRE I.

<i>Comment les Anglois prindrent Fougieres en Bretagne, & des Seigneuries, que les Anglois possessoient en France,</i>	363
--	-----

CHAPITRE II.

<i>Comment la Guerre recommença entre les Rois de France & d'Angleterre, & furent toutes tresves rompues,</i>	364
---	-----

CHAPITRE III.

<i>Comment la ville de Vernoeul fut prinse par un Molnier & le Chastel assiegé,</i>	366
---	-----

CHAPITRE IV.

<i>De la prinse de la Ville & Cité de Rouan, sauf le Palais & le Chastel,</i>	367
---	-----

CHAPITRE V.

<i>Comme le Roy de France fait mettre le siège devant le Palais de Rouan, & comment le Palais lui fut rendu,</i>	372
--	-----

CHAPITRE VI.

<i>Comment le Roy de France fait son entrée en la Cité de Rouan, & comme il y fut reçu,</i>	374
---	-----

C H A P I T R E VII.

Comment après que le Roy eult conquis tout le
pays de Normandie, il envoya ses Gens-d'armes
en Guiennes, & des Gens de guerre qu'il laissa
pour garder ledit pays de Normandie, puis s'en
retourna en la ville de Tours, pag. 374

C H A P I T R E VIII.

Des graces que le Roy de France rendit à
nostre Seigneur, & ordonna à chacun an en
la mémoire de la victoire que Dieu lui avoit
envoyée, faire processions générales par tout son
Royaulme, qui se feroient le xiiij^e. jour
d'Aoust, & de l'ordonnance des Gens d'armes
& de leurs habillemens, 376

C H A P I T R E IX.

Comment la ville de Bordeaulx fut mise, &
rendue en la main du Roy de France, &
de l'entrée que feirent les Gens du Roy en
ladite ville de Bordeaulx, 378

C H A P I T R E X.

Comment le Siege fut mis devant la Cité de
Bayonne, & des Seigneurs qui y vindrent,
des saillies & assaults qui y furent faits, 384

LIVRE SECOND.

CHAPITRE I.

Comment & pour quelle cause Philippes, Duc de Bourgogne, de Brabant, de Lothiers, de Lembourg & de Luxembourg, Comte de Flandres, requis aux quatre membres de Flandres certaine imposition sur le sel, qui fut la cause pourquoy la guerre seurdit d'yceluy Duc, contre les Gantois, 388

CHAPITRE II.

Comment les trefves furent publiées, & comment les Gantois feirent pendre le varlet d'ung hérault, que les Ambassadeurs du Roy avoient envoyé à Gand publier lesdites trefves, 394

CHAPITRE III.

Comment le Duc retourna à Courtray, & comment son peuple estoit travaillé pour avoir & lever l'argent, 399

CHAPITRE IV.

Comment la ville de Bordeaulx & tout le pays de Bordeluis furent remis en la main des Anglois, 400

LIVRE

LIVRE TROISIEME.

C H A P I T R E I.

Comment Charles vij^e. de ce nom , Roy de France , alla la derniere fois au Bourdelois pour reconquerir le pays , & de la prise de la ville de Chalais en Bourdelois , par les François , & du siège quy fut mis devant Chastillon , 403

C H A P I T R E II.

De la rendition de la ville de Bordeaux assiégee , & de tout le pays de Bourdelois & de Guyennes , 406

C H A P I T R E III.

De la Sentence qui fut baillée contre Jacques Coeur , Argentier du Roy de France , lequel avoit esté fait prisonnier , & depuis eschapé de prison , 408

C H A P I T R E IV.

Des grands subsides & aides que le Duc de Bourgogne demanda au pays d'Artois , & ailleurs en ses pays , pour aller gueroyer les Turcs , & de plusieurs incidens , 408

C H A P I T R E V.

Comment Louys Daulphin de Vienne aîné fils du Roy de France , vint à refuge au Duc de Bourgogne , & eschappa des mains de ceulx qui le cachotent , & de plusieurs incidens , 411

CHAPITRE VI.

Comment le Duc de Bourgogne se courrouça à Charles, son fils, & comment depuis le Daulphin fit leur paix, & d'autres incidens, 414

CHAPITRE VII.

Comment le Comte de Saint-Paul vint devers Philippes, Duc de Bourgogne, pour cuider avoir la main levée de sa terre d'Enghien; & comment le Duc en la présence dudit Comte, luy fit proposer plusieurs crimes par lui faits, & de la reponse dudit Comte, & d'autres choses, 419

CHAPITRE VIII.

Comment Baudechon Mallet fut décapité en la ville de Lille, pour avoir forcé une jeune femme, 423

CHAPITRE IX.

De la venue de la femme du Comte de Never à Lille devers Philippes, Duc de Bourgogne, & de la feste que on luy fist, & d'autres choses, 424

LIVRE QUATRIEME.

CHAPITRE I.

Comment Charles, Roi de France, envoya en Ambassade devers le Duc de Bourgogne, le Cardinal de Constance & aultres gens de son Conseil; de la proposition que le Cardinal feit, & comment le Duc luy repondit de luy mesme, 428

C H A P I T R E I I.

D'une femme nommée Demiselle, laquelle fut prinse en la ville de Douay, comme Vauldoise, & amenée prisonniere en la Cité d'Arras, es prisons de l'Evesque; laquelle accusa ung appellé Jehanh Lavite, dit Abbé de peu de sens. Et comment aussy ledit Abbé fut prins, & les morgues qu'ils tindrent, quant ils furent prins, & aultres incidens, 431

C H A P I T R E I I I.

Comme la susdite Demiselle, l'une cinquiesme des femmes, l'Abbé de peu de sens, & Jehan le Fevbre furent mis & preschiez publiquement, puis rendus à la Justice Layc, & ards leurs corps ramenez en pouldre comme Vauldois; la maniere comme ils alloient à la vanderie, & quelles choses ils faisoient quand ils'y estoient. Comme il fut dit publiquement, & comme ils se dedisoient tous à la mort, 435

C H A P I T R E I V.

Comment M^e Anthoine Sacquespée, Bourgeois & Eschevin de la ville d'Arras, Jehan Josset, aussy Eschevin, & Henriet de Royville, & aultres furent prins comme accusés d'estre Vauldois; & comment Martin Cornille, Recepveur du Duc de Bourgongne, des aydes,

M m ij

& Willeaume le Febvre, Eschevin de ladite ville, & Hotin Loys, Sergeant, s'enfuirent pour doughte d'estre prins pour ce cas; & de la grande perplexité, en quoy ceulx de la ville estoient, & des preschemens que les Vicaires feirent preschier, & de ceulx quy furent commis à interroguer les prisonniers prins comme Vauldois,

445.

C H A P I T R E V.

Comme à la requeste du sieur de Beaufort, Anthoine Sacquespée, & ceulx quy estoient prisonniers comme Vauldois, on envoya les Vicaires de l'Evesque devers le Duc de Bourgogne; afin que ledit Duc assemblat tous les plus grands Clercs qu'il polroit trouver, afin d'avoir conseil, & de déterminer ce qu'on feroit desdits prisonniers; & avecq ce, on envoya querir plusieurs Clercs aulx dépens desdits prisonniers, lesquels vindrent à Arras,

450

C H A P I T R E VI.

Comment ceulx quy avoient porté les procès des prisonniers pour le fait de Vaulderie, revindrent, & comment le Seigneur de Beaufort fut preschié publicquement; & Jehan Tacquet, Pierrotin du Carioeul, & Huguet Emery furent mitrés & preschiez aussy publicquement, & de leur condempnation,

454

C H A P I T R E VII.

*Comment Charles , Comte de Charollois , fils
de Philippes , Duc de Bourgogne , se vint
plaindre audit Duc de Bourgogne , son pere ,
du Seigneur de Croy , principal Gouverneur
audit Duc ,* 463.

C H A P I T R E VIII.

*Comment ung Huissier du Parlement vint en la
prison de l'Evesque d'Arras , & en tira hors
le Seigneur de Beaufort ,* 465.

C H A P I T R E IX.

*Comment le Doyen d'Arras , quy avoit esté
cause de faire ardoir ceulx quy avoient esté
prins comme Vauldois , tomba malade , &
hors de son bon sens ,* 467.

C H A P I T R E X.

*Comment Charles , Roy de France , septiesme de
ce nom , à Meung , près de Bourges en Berry ,
alla de vie à trespas ,* 471.

C H A P I T R E XI.

*Comment le Roy partit de Paris , & comme il
prit congé au Duc de Bourgogne ; & comme
ledit Duc le reconvoya ,* 474.

CHAPITRE XII.

Comment Charles, fils du Duc de Bourgogne, alla veoir le Roy Loys; & comment il se perdit à la chasse; & du doeuil que le Roy en faisoit, & aultres choses, 475

CHAPITRE XIII.

D'ung mauvais fait que feit Messire Loys de la Vieffville; & comment il mourut, & aultres incidens, 480

CHAPITRE XIV.

Comment le Duc de Bourgogne fust fort malade, & des prieres & processions qu'on en feit; & aultres choses, 482

CHAPITRE XV.

De la mort de Jehan Constain, premier Varlet de chambre du Duc de Bourgogne, que le Comte de Charollois feit decapiter, pour tant qu'il l'avoit cuidé faire mourir par poison, & aultres choses, 484

LIVRE CINQUIEME.

CHAPITRE I.

Comment le Duc de Bourgogne de-rechef rassembla les trois Estats de ses pays à Bruges, & comment son fils les feit venir en dedans le jour en Anvers en Brabant, pardevers luy,

T A B L E.

541

*dont le Duc fut mal content ; item , des
crismes que sondit fils dit que le sieur de
Croy avoit commis , & comment enfin le Duc
pardonna à sondit fils ce qu'il luy pouvoit
avoir meffait ,*

490

C H A P I T R E II.

*Comment les Députés rendirent responce audit
Comte ; & comment par leur conseil ledit Comte
s'en alla devers son pere à Bruges , & furent
d'accord ensemble ,*

496

C H A P I T R E III.

*Habillements du tems , & mort du Duc Phi-
lippe le Bon ,*

498

Fin de la Table des Chapitres , & du
neuvième Volume.

*Fautes essentielles à corriger dans les Mémoires
d'Olivier de la Marche.*

TOME VIII.

***P**AGE viij, ligne 9, au lieu de l'inexatitudo, lisez
de l'inexactitude.*


Page 413, ligne 9, au lieu de Capucin, lisez Cordelier.

*Page 416, ligne 20, au lieu des anecdotes, lisez de ces
anecdotes.*

TOME IX.

*Page 328, ligne 20, au lieu de comme ce, lisez comme
tout ce.*

*Page 340, ligne 17, au lieu de est une preuve atroce,
lisez est une preuve.*





579022

Downloaded from Google

